

موسوعة الحكايات الخرافية الفلسطينية

د. شريف كناعنة أ. نبيل علقم

الجزء الثاني

حول العلاقة بين الضراير
والعلاقة بين الحماة والكثة



319 642

C.1, V.2



009 000141 131

PZ
10.74
.K36
2020
Pt.2

موسوعة الحكايات الخرافية الفلسطينية

الجزء الثاني

حول العلاقة بين الضراير

والعلاقة بين الحماية والكنة



مؤسسة تامر للتعليم المجتمعي
Tamer Institute for Community Education

Publisher:

Tamer Institute for Community Education

P.O Box: 1973, Ramallah- Palestine

Tel: 02 2986121/2

Fax: 02 2988161

E-mail: tamer@palnet.com

Website: www.tamerinst.org

الناشر:

مؤسسة تامر للتعليم المجتمعي

ص.ب 1973، رام الله - فلسطين

هاتف: 02 2986121/2

فاكس: 02 2988161

البريد الإلكتروني: tamer@palnet.com

الموقع الإلكتروني: www.tamerinst.org

© جميع حقوق الطبع محفوظة للناشر باللغة العربية
لا يجوز إعادة طباعة الكتاب أو ترجمة أو نقل أي أجزاء منه بأي شكل من الأشكال إلا بإذن
خطي مسبق من الناشر
الطبعة الأولى بالعربية 2021
First Arabic Edition 2021
لوحات داخلية: نتالي نجار


صدر هذا الكتاب بدعم من البيت الدنماركي - فلسطين



DHIP
det danske hus i palestina

ISBN: 9789950270497





موسوعة الحكايات الخرافية الفلسطينية

الجزء الثاني
العلاقة بين الضراير والعلاقة بين الحماة والكنة

أ. نبيل علقم

د. شريف كناعنة

P2
10.74
K36
2020
Pt:2

الفهرس

7	مقدمة
15	القسم الأول (الضراير)
17	ديك الذهب
21	أم الخراخش وأم الدنادل
27	بنت سلطان الصين
35	البنات الغزالات
39	المهسهه
43	الفرصه
47	الطير اللى بغني
51	التعله
55	الميكخله
61	الشاطر حسن
71	الملك وبنت الحنيش
73	الصيد والغزاليه
75	الطير الطاير
77	ليلي وسعاد
81	الحصان الاشهب
85	الباخره
91	البنات والحمام
93	البقره الصفرا
97	البنات ومزة ابوها
103	الغالية والباليه
107	نص نصيص
111	الساق والمعلق
115	السبع بنات
117	عين فتحيه
119	مرارة الجمل الازرق
121	اقريعون
125	قله
131	صقصفان سكر
133	ابن المهجوره
137	ديتروته
139	بنت الغول



143	الطير يُحْضِرُ.....
147	البنْت اللّٰمِي وَدَرْت اِخْوَتَهَا السَّبْعَةُ
151	كُلُّمِ بُلْتَم
157	المَعْرُوزَةُ والمَهْجُورَةُ
159	طَلَبٌ بِاعْرَبِ طَلَب
163	مُحَمَّدٌ وَالْحِصَان
171	بِلَادُ الطَّرْنِجِ وَاللِّيمُون
177	القِسْمُ الثَّانِي (الْحِمَاةُ وَالْكِنَةُ)
179	الْحَطَّابُ وَالغَوْلَةُ
187	الْحُورِيَّةُ وَحَمَاتِمَا
193	بِنْتُ الْحَمَامَات
197	اَوْلَادُ السُّلْطَان
201	مَقْطَعَةُ الدِّيَات
207	بِنْتُ الْحُور
211	الْحِمَايَةُ وَالْكِنَةُ
215	اللّٰمِي مَقْطَعَاتُ اَيْدِيهَا
219	الغَوْلَةُ وَمَقْطَعَةُ الدِّيَات
223	حَسَنٌ وَحَسِينٌ وَالغَوْلَةُ
225	الْكِنَةُ
227	ابْنُ السُّلْطَانِ وَبِنْتُ الْوَزِير
229	الْحِمَاه
231	الْأُمُّ وَالْكُنَانِين
237	رَزْدُ ابْنِ وَرْد
239	اللّٰمِي تُجَوِّزُ امَّهُ
243	فِرْطُ الرِّبَّانِ الذَّهَب
245	كَيْدُ الثُّسَا
249	ثُوبُ الرِّيش
253	الْحِمَاهُ وَالسَّحَاد
257	الْكَلْبُ الْأَسْوَد
261	الصَّبِيَّةُ وَزَهْرَةُ التَّرْجَس
263	شِعْلُهُ
267	حَدِيدُونَ وَالغَوْلَةُ
269	اللّٰمِي جَوَّزَ اِخْتَهُ بِطَرِيَا



مقدمة

يطلق اصطلاح «قصص شعبية» على أنواع كثيرة من القصص التي يتناقلها الناس شفويًا التي لا يُعرف لها مؤلف، وليست ملكاً لأي فرد أو جماعة في المجتمع. من أنواع القصص الشعبي ما يعرف بقصص الحَيَّوان، والأسطورة والخرافة، وقصة المثل والحكمة، والقصة ذات المغزى، وقصص الجان، وقصص صبية العين، والنادرة، والطفرة، والنكتة، وغير ذلك كثيراً.

يضم الكتاب الذي بين أيدينا نوعاً واحداً من القصص الشعبي وهو الحكاية الشعبية، والمعروفة أكاديمياً في حقل الفلكلور أو التراث الشعبي بـ (الحكاية الخرافية) وهي التي كانت تحكيها الامتهات أو الجدّات في مجتمعاتنا في الأمسيات خصوصاً في فصل الشتاء وهي كثيرة ومتنوعة.

تميز الحكاية الخرافية بمواصفات تختلف عن باقي أنواع القصص الشعبي منها:

1. لها وقت وإطار محدد.
 2. الحضور من الأطفال والنساء ولا يحضرها الرجال.
 3. متفق من قبل الجميع أمّا خيالية ولم تحدث فعلاً.
 4. لها صيغ لغوية تفصل بين عالم الحقيقة وعالم الخيال في بدايتها ونهايتها. ففي البداية نسمع تعابير مثل «وحدوا الله»، «كان يا ما كان»، و «نحكي ولّا نام»، هذه التعابير تعلن الانتقال من عالم الحقيقة الى عالم الخيال، وفي نهاية القصة يقال عادةً «وعاشوا بنبات ونبات وخلّفوا صبيان وبنات»، أو «هاي حكاييتي حكيتها وعلى فلان رميتها»، وهذه تعلن العودة من عالم الخيال الى عالم الحقيقة.
 5. بما أن أحداث الحكاية تحدث في عالم الخيال فهي لا تلتزم بمتطلبات الواقع كما نعرفه.
 6. الأحداث المركزية في الحكاية الخرافية تتكرر عادة ثلاث مرات، فمثلاً في حكاية جبينه تطلب الفتيات الإذن لجبينه من ثلاثة أشخاص، وفي حكاية نص انبصص يقوم البطل بثلاث مغامرات: يحضر أشياء تخص الغولة مثل دجاجاتها في أولها ثم فرشتها في الثانية ثم يحضر الغولة نفسها في الثالثة.
 7. بطل الحكاية يكون عادةً صغير السن، ومظلوماً، وكثيراً ما يكون صغير الحجم ومشوهاً، وعلى الرغم من ذلك فإنه في النهاية ينتصر على ظالميه، كما يحصل لبطل رواية نص انبصص.
 8. الحكاية الخرافية تحكى للتسلية في أثناء السهرة وليست للأطفال وقت النوم كما هو الحال مع قصص الأطفال المكتوبة.
 9. الحكاية الخرافية تحكيها عادةً النساء وليس الرجال، إذ أن للرجال قصصهم الخاصة بهم والتي تحكى عادة في الديوان، وتكون حكايات واقعية تحدث في عالم الحقيقة وتكثر فيها المغامرات وقصص العشق والحب والحرب.
 10. للحكاية الخرافية عادةً مستويان، ويمكن فهمهما بطريقتين، إحداهما للأطفال والأخرى للكبار، أو بالأحرى للكبيرات.
- يعتقد بعض الدارسين في حقل الفلكلور أن معظم الحكايات الخرافية المنتشرة في العالم اليوم جاءت أصلاً

من الصين أو من الهند ووصلت إلى أوروبا وأفريقيا عبر منطقة الهلال الخصيب ولم تصل إلى السكان الأصليين في بلدان أفريقيا جنوب الصحراء الكبرى إلا في العصور الحديثة، كذلك فإنها لم تكن موجودة عند السكان الأصليين في قارات العالم الجديد الأمريكيتين وأستراليا، إلا بعد دخول الأوروبيين إليها نتيجة للأصول المشتركة للحكايات الخرافية المنتشرة في جميع بلدان العالم، فإننا ما زلنا نجد فيها عناصر مشتركة على المستوى العالمي مما يجعلها تظهر مألوفة بالنسبة إلى الجميع، ولكن يظهر فيها أيضاً فروقاً واختلافات حسب اختلاف الثقافات التي توطنت فيها، ونستطيع أن نلاحظ بعض الاختلافات على جميع المستويات حتى على مستوى الرؤى المختلفين من نفس الثقافة أو نفس القرية وحتى من نفس العائلة الممتدة.

من العناصر المشتركة في الحكايات الخرافية، في جميع نواحي العالم، تركيبها البنوية، إذ نجد دائماً أن الدوافع وراء أحداث الحكاية الخرافية أينما وجدت تكون دائماً اختلال التوازن بين الخير والشر مما يحدث صراعاً بين قوى الخير وقوى الشر، ويكون البطل هو المسؤول عن استعادة التوازن، أي إنهاء الصراع بين قوى الخير وقوى الشر، الوسيلة التي بوساطتها يستعيد البطل التوازن بين الخير والشر هي الرحلة أو السفر بمساعدة أو من دون مساعدة قوى خارقة.

لذلك فإن كل حكاية خرافية حقيقية تتكون من الخطوات الآتية:

1. تكون هناك عائلة في حالة توازن أو حالة طبيعية.

2. قوة شريرة تحدث خللاً في ذلك التوازن.

3. البطل يخرج في رحلة.

4. البطل ينهي الصراع ويعيد التوازن.

كل خطوة من هذه الخطوات يمكن تقسيمها إلى وحدات أصغر. حسب «فلاديمير بروب» أحد أشهر الباحثين الفلكلوريين البنائيين، قد يصل عددها إلى اثنتين وثلاثين وحدة وظيفية. والوحدة الوظيفية هي فعل من أفعال شخوص الحكاية. وقد تقل قليلاً أو كثيراً عن هذا العدد. وأبرز هذه الوحدات هي الوحدات الوظيفية التمهيدية، وهي السبع وظائف الأولى في تحليله، ومنها: تغيب أحد أفراد الأسرة عن البيت مثل: خروج أمير للصيد، أو خروج تاجر للتجارة، أو موت الأب أو الأم، أو حتى عدم قدرة الأم على الإنجاب. ومنها تحذير البطل ليتجنب فعل شيء ما، مثل تحذير الأم لابنها من فعل شيء ما، أو عدم فتح غرفة مغلقة، وارتكاب البطل للمحذور، وظهور شخصية شريرة لإفساد سلام الأسرة. أما الحركة الحقيقية في الحكاية فتنشأ بالوحدة الوظيفية الثامنة، إذ تُسبب الشخصية الشريرة لأحد أفراد الأسرة مثل سلب البطل الأداة السحرية أو البصر أو تركه في البئر. أو حينما يشعر أحد أفراد الأسرة بأن شيئاً ما ينقصه في حياته، أو يرغب في الحصول عليه، كتفاح الحمل (تفاح الصبأ) أو المال، أو الشيء السحري، ثم تبدأ مغامرة البطل وصراعه مع القوى الشريرة.

محتويات هذه الخطوات وعددها في الحكاية تختلف من مكان إلى مكان، ومن زمان إلى زمان، حسب الثقافة ونمط البناء الاجتماعي الذي تحكى فيه الحكاية، وكلما زاد عدد الوحدات الوظيفية في الحكاية

كلما حافظت الحكاية الخرافية على مبنائها الخرافي ، وكلما نقص عدد هذه الوحدات كلما مالت الحكاية إلى الواقعية، وإلى التعبير عن الثقافة المحلية، وذلك لسببين: أولهما فقدان أو إسقاط بعض الوحدات الوظيفية الأصلية في الحكاية، وثانيهما تعديل على ما يسمى عناصر الوصل، فكل حكاية تشمل عناصر تصل الوظائف بعضها ببعض وتسمى «عناصر الوصل»، وهي مهمة في السرد وأبرزها عنصر الإخبار، ويمكن أن يكون بالقول مثل قول الأطفال: «الدار دار أبونا وأجوا الغُرب يطحونا، أو بالفعل كأن يترصب الزوج أو الابن بالحمامة وينزع الدبابيس من رأسها، فتعود الحمامة إلى صورتها البشرية.

إن موضوع القصص الشعبي إجمالاً، ومنه الحكاية الخرافية يدور حول كل من الشخص، العائلة، المجتمع، البيئة والكون. وجميعها إسقاطات للمشاكل التي تواجهها العائلة عادة في حياتها اليومية. وبما أن هذه الحكايات تروى عادةً من قبل النساء وليس الرجال، فهي إسقاطات للهموم والمشاكل والرغبات والطموحات للنساء في المجتمع الذي تحكى فيه. الحكايات الموجودة في هذه السلسلة من الكتب أتت جميعها من المجتمع الفلسطيني. حتى نفهم هذه الحكايات علينا ان نعرف على طبيعة العائلة التي عاشت فيها النساء اللواتي روين الحكايات، إذ أن المرأة الفلسطينية كانت تقضي حياتها كلها ضمن عائلة عربية شرق أوسطية ممتدة. لذلك فإن بنية العائلة العربية الممتدة ووضع المرأة فيها هو ما يعطي الحكاية الخرافية الفلسطينية «نكهتها العربية». تتكون مثل هذه العائلة عادةً من ثلاثة أو أربعة أجيال: الأب وزوجته أو زوجاته وبناتها وأبنائهم غير المتزوجين، وأبنائهم وأحفادهم المتزوجين مع زوجاتهم وأطفالهم، يعيشون في بيت واحد ويتشاركون في مطبخ واحد، ويحكم الأب العائلة ويدير جميع شؤونها. ومن صفات مثل هذه العائلة، بالإضافة الى كونها ممتدة، أنه يسمح فيها الزواج الداخلي، ويسمح تعدد الزوجات، ويكون السكن دائماً مع أهل الزوج، ويكون الولاء والانتماء من خلال خط الذكور. هذه الحكايات إنما هي إسقاطات لمشاكل وهموم ومخاوف ورغبات وطموحات النساء الفلسطينيات وهن يحاولن التوافق مع باقي أفراد مثل هذه العائلة ومع الحياة داخلها.

الحكايات الخرافية تدور حول الشخص والعائلة. نجد أمثالها تقريبا تدور حول صراعات وتوافقات في إطار مثل هذه العائلة وأنه يمكن تلخيصها وتبويبها تحت عدد قليل ومحدد من الصراعات داخل العائلة الممتدة. ودفعنا ذلك إلى تصنيف هذه السلسلة من الكتب حسب هذه الصراعات والعلاقات ونترك للقارئ إمكانية تحليل الحكايات وتذوقها على ضوء التبويب الآتي:

1. صراع و/أو توافق بين الزوج والزوجة.
 2. صراع و/أو توافق بين الضرائر.
 3. صراع و/أو توافق بين الحماة وبناتها من جهة وبين الكثة أو الكنائين من الجهة الأخرى.
 4. صراع و/أو توافق بين الأبوين والأبناء ذكوراً وإناثاً.
 5. صراع و/أو توافق بين الإخوة والأخوات.
 6. صراع و/أو توافق بين الشخص والعائلة من جهة، وبين باقي المجتمع من الجهة الأخرى.
- هذه الصراعات هي جزء من طبيعة تكوين العائلة الممتدة، وهذا يفسر لماذا انتشرت الحكاية الخرافية

كثيراً عندما كانت العائلة الممتدة هي السائدة في المجتمع، كما يفسر، بالإضافة إلى عناصر أخرى مثل انتشار تكنولوجيا الاتصالات والمعلومات، لماذا بدأت بالتراجع والاختفاء مع تحول العائلة الممتدة إلى عائلة نوية صغيرة.

يضم هذا الكتاب مجموعتين من القصص، تتعلق المجموعة الأولى بالصراع والتوافق بين الضرائر، وتتعلق المجموعة الثانية بالصراع والتوافق بين الحماة وابنتها من جهة والكنة من جهة أخرى.

في القسم الأول وهو قصص «الضرائر»، تدور أغلب هذه القصص حول الصراع بين ضرة أو أكثر مع ضرة أخرى. وتكشف هذه القصص بما فيها من صراعات مختلفة الشكل والتفاصيل المعنى العميق للمثل الشعبي الفلسطيني: «الضرة مزة ولو كانت ذان جزة». ويمكن أن نتبين هذا الصراع في الحالات التالية:

1. يبدأ الصراع بين الضرائر أولاً، ثم ينتقل إلى أبناء وبنات الضرة أم الأولاد ثم الصراع بين أبناء وبنات الضرتين، وكذلك بين زوجة الأب أو الحالة وبين الأيتام من أبناء و/أو بنات ضرتهما الميتة. والقصص من هذا النوع أكثر من نصف القصص في هذا القسم حول الضرائر. وهذا الصراع له شكلان رئيسان، الأول: تقوم فيه زوجة الأب بالتخلص أو بمحاولات التخلص من الأيتام سواء أكانوا ذكوراً أو إناثاً، ولا تحتم القصص في هذا الشكل بوجود أو عدم وجود أبناء أو بنات لها. والشكل الثاني تقوم زوجة الأب التي لها أولاد أو بنات أيضاً بالتخلص أو بمحاولات التخلص من أبناء الزوج و/أو بناته. وتبدو أغلب القصص في هذا الشكل حينما تنجب زوجة الأب ابنة ويكون لزوجها ابنة من ضرتهما الميتة.
2. أبرز أسباب الصراع ومواضيعه بين الضرائر في هذه المجموعة القصصية، يبدو حول الحمل والإنجاب والأبناء والبنات، فالضرة أو «الضرائر» المحرومات من الإنجاب لا يطقن ضرة «حامل» أو لها أولاد من الذكور أو الإناث. وقد تسرق الضرة التي لا تنجب أبناء ضرتهما عن طريق الذابية أو تعمل على التخلص منهم بشكل من الأشكال كاستبدالهم بحجر أو كلب. ويشارك أبناء الضرائر في الصراع حينما يكبرون. ويبدأ الصراع ويستمر حينما تبدأ الضرة أو الضرائر بالتخلص من الضرة المتميزة عنهن بالحمل أو الإنجاب.

3. لا يمنع وجود أبناء للضرتين الصراع بين الضرائر وبين أبنائهن، وخصوصاً حينما يكون لواحدة منهما ولدان وللأخرى ولد واحد، إذ هناك عدد من القصص حول الولد الذي ينتصر في المهمات التي يقوم بها، بينما يفشل أخواه في هذه المهمات. وغالباً ما تكون هذه القصص من أجل تولي مركز الأب بعد وفاته أو حتى في أثناء وجوده، والاستيلاء على «الورثة» أو العرش الذي يترعب أو كان يترعب عليه الأب!
4. هناك قصص حول مواضيع أخرى تتعلق بالضرائر، كالضرة (الجنية) التي تقتل ضرتهما (الإنسية) ثم تفر القاتلة وتغتفي، ويدفع الزوج عن وجود زوجتين في حياته. وكذلك الضرة (الفولة) التي تلعب بعقل رجل متزوج فيزوجها، وحينما يكتشف حقيقتها يتخلص منها ويعود لزوجته الأولى.

تدور قصص المجموعة الثانية حول الصراع بين الحماة وابنتها مع الكنة. ومن وجهة نظر الأقوال الدارجة يمثلها قول الحماة: «اللي بتحب الكنة ما بتدخل الجنة»، بينما يمثل وجهة نظر الكنة القول: «الحماة حمة وبنات الحماه عقربه ميسه». هذه المجموعة من القصص توضح هذين القولين بصور مبالغ فيها من

الصراع المرير والشديد. وأقلّ هذه القصص تتحدث عن الكنة الطيبة أو الحماة الطيبة أو التي تحاول أن ترضي الأخرى. ولدنيا في هذه المجموعة الأشكال التالية من القصص:

1. الحماة تتدخل فيما تفعله كنتها حتى مع أولادها - حتى لو أنهم أحفاد الحماة - وذلك على الرغم من التحذيرات من العارفين والوسطاء في اختيار العروس لتكون كنتها. وتحاول الحماة أن تحرم الكنة حتى من الطعام، بل تحاول التخلص منها ومن أبنائها إن وجدوا لتحل محلها كزوجة لابنها. وحتى الحماة الصبورة ينفذ صبرها ثم تحاول أن تقنع ابنها أن زوجته "غولة" تاكل أبنائها، وبالتالي قد تخدم أركان بيت ابنها. من جهة الكنة فإنها تتخلص من وجود الحماة في البيت، وحينما يعود الأمر بالفائدة على حماها، نتيجة لسلوكها الطيب مع الناس والبيئة الطبيعية، فإن الزوجة تطلب من زوجها أن يأخذ أمها إلى نفس المكان الذي ترك أمه فيه، فيمتثل الزوج لرغبة زوجته، لكن أمها ذات السلوك المختلف عادت فاشلة ومتضررة.

2. وتكره الكنة بنت حماها حتى أنها تقتل أولادها وتدعي أن أخت زوجها قتلتهم لتحرض زوجها - وهو أبوهم - على أخته، فيعاقبها.

3. وقد تقبل الكنة للتخلص من ظلم حماها الظالمة، بوجود ضرة تستطيع ردّ الظلم عنها، وتقوم هذه الكنة الجديدة بعقاب حماها، وتساعد الكنة المستضعفة ضرتها أي الكنة الجديدة في التخلص من حماها.

4. هناك نموذج آخر للكنة، وهو نموذج الزوجة التي لم تكن الأم (الحماة)، أو لم يكن الأب (الحما)، راضياً عن زواج الابن منها، فتقوم هذه الكنة بإثبات صحة اختيار الزوج لها.

5. لا يقتصر صراع الكنة مع الحماة وحدها، بل يشمل "بنت الحماة" أي أخت الزوج عمه الأولاد. فهي من وجهة نظر الكنة "الغولة" التي ستدمر الأسرة (تأكل أعضاءها)، ولذا تعمل الكنة جهدها لإبعاد العمّة عن الأسرة. وتحاول العمّة بحكم قرابتها للزوج التدخل في شؤون الأسرة كزواج أبناء وبنات أخيها، والادعاء بخيانة زوجة أخيها له.

6. وفي هذه المجموعة قصة واحدة تمثل التوافق بين الكنة وابنة حماها التي يمنعها أخوها من الخروج من البيت. وفي غيابها سمحت لها الزوجة بالخروج، فعادت وهي حامل لأنها سُمّت "زهرة المرجس" وأنجبت طفلة جميلة، تسترت عليها الزوجة، وساعدتها في إخفاء الحقيقة عن زوجها أخ الصبية، حتى اكتشفها الأخ مينة وترضع ابنتها التي نطقت لحالها ببراءة أمها.

وتتعدد صفات الزوج في هذه القصص، فقد يكون الزوج هو المسيطر على الزوجة، ولا يسمع لها، ومثله ربما يدفع حياته ثمناً لمخالفته زوجته في علاقته مع الأخت، ومنهم من يستجيب لزوجته ويصدق ادعاءاتها حول أمه أو أخته فيبعد أمه أو أخته، ولكنه يندم حينما يكتشف خطيئته في التخلص من أمه أو من أخته. ومنهم من يصدق ادعاءات أمه ضد زوجته مثل موتها أو هربها في أثناء غيابها في رحلته للحج وتأخذ الأم دور الزوجة وتحمل منه.

وتنتهي القصص بالعقاب الملائم للحدث، فالأم تصفح عن أبنائها الذين أبعدها عن البيت، كما

أن الأخت تصفح عن أخيها الذي قطع يديها، وتقلع له الشوكة التي يعرج منها. وأما الزوجة التي لا يستحقها الزوج أو الأسره فالعقاب هو انفصالها عن العائلة حيث تختفي أو تلبس ثوب الريش وتطير به، وبالطبع لا تعود للأسرة على الأغلب. ويشكل الطلاق أحد أشكال العقاب للكنة التي تسببت بإيقاع الضرر بالحماة أو ابنتها أو زوجها. وعقاب الأم العجوز التي تطلب الجنس فهو الفضيحة ثم الموت، وكذلك الزوجة العاشقة الخائنة يطاف بها وبعشيقها في المدينة عريانين. أما الحرق أو الخنق فهو العقاب الذي تقرر القصة أن الأم التي تزوج من ابنها هو ما تستحقه.

وكما فعلنا في الجزء الأول، فقد اخترنا في هذا الجزء أيضاً الاحتفاظ بلهجات رواة الحكايات مهما اختلفت باختلاف المناطق الجغرافية وأنماط الحياة فيها، وهي لهجات معروفة لدى الفلسطينيين. ومظاهر اختلاف اللهجة متعددة منها ما هو صوتي كمدّ الحروف، أو قلبها من حرف لآخر، أو طريقة لفظها بالتفخيم أو التريق، أو إضافة حروف للكلمة أو اختصارها، وكذلك شيوع استعمال هذه الكلمة أو المصطلح أو غيره. وقد فسرنا ما اعتقدنا أنه بحاجة إلى التفسير في الهوامش عند أول مرة ترد فيها الكلمة في نصوص الحكايات، وتغاضينا عما نعتقد أنه مألوف أو مفهوم لمعظم الفلسطينيين بغض النظر عن مكان إقامتهم.

وكما اخترنا أن نحافظ على النص باللهجة الدارجة، اخترنا أيضاً المحافظة على النصّ دون تغيير أو تعديل، وذلك عند ورود بعض الكلمات المستعملة عن الجنس أو أجزاء الجسم أو إفرازاته، وهكذا حافظنا على النصّ كما رواه الرواة دون أي تغيير.

فيما يتعلق بكيفية كتابة النصّ باللهجة الدارجة، ومع عدم وجود قواعد محددة لتدوين اللهجات الفلسطينية الدارجة كي نستعملها في كيفية كتابة هذا الحرف أو ذلك، أو تبيينه أو حذفه، حاولنا قدر الإمكان أن ندونها بنفس لهجات الرواة دون التدخل في التغيير، إلا في بعض الحروف، فعلى سبيل المثال أعدنا صوت ال (تش) الذي يلفظ في مناطق ريفية واسعة بديلاً عن حرف الكاف، إلى صورته الأصلية وهي بصوت (ك)، معتقدين أننا نتيح للقارئ قراءة النص ولفظه كما يلفظه في لهجته الدارجة، سواء بصوت ال (تش) أو بصوت ال (ك). وكذلك أهملنا وضع الحركات على الحروف من شدة أو تخفيف أو إخفاء أو كسرة أو فتحة أو جرّة حينما نعرف أن هناك اختلافاً في اللفظ بين منطقة وأخرى، بينما ثبتنا هذه الحركات حينما نلغظ في كافة اللهجات الدارجة بنفس الصورة، وعلى سبيل المثال كلمة (اتهم) قد تقرأ: (أْتهم) و(أْتهم) و(أْتهم) فتركناها للقارئ يقرأها باللهجته الدارجة، مع تبيين الشدة: (أْتهم)، دون وضع حركات الفتح والضم والكسر حتى نتيح للقارئ قراءتها كما في لهجته الدارجة.

في الترتيب أيضاً، كان علينا أن نلتزم بمتطلبات النصّ المحكي باللهجة الدارجة، ولا يتوافق الترتيب باللهجة الدارجة مع الترتيب بالفصحى دوماً، إذ أن منطق الترتيب في اللهجة الدارجة المحكية غير منطق في الفصحى، ولذا اجتهدنا في استعماله بما يتناسب مع اللهجة المحكية الدارجة، سواء في استعمال الفاصلة، والنقطة، وعلامة التعجب، والسؤال، وبداية الفقرة، واستعمال الحوار أو عدمه.

وتتعدد أسماء الحكايات لدى الرواة، فلدينا أكثر من خمسة عشر نصّاً لحكاية "نص انصيص"، وكذلك

لحكاية "جيبنة" ولغيرهما من الحكايات، وقد ظهر بعضها بأسماء مختلفة غير الاسم التقليدي للحكاية. هذا من جهة، ومن جهة أخرى هناك قصص تتشابه في أسمائها وتختلف في أغلب التفاصيل أو ما يسمى الوظائف التي تشكل بنية الحكاية. وقد تتشابه الوظائف أو الموتيفات وعناصر الوصل وسواها في عدد من الحكايات إلى درجة كبيرة، سواء للصيغ المتشابهة لنفس الحكاية أو مع حكايات أخرى مختلفة سواء في اسم الحكاية أو في تفاصيلها. وقد اخترنا أن ندون أحياناً عدداً من الحكايات التي تتشابه فيها بعض الوظائف أو الموتيفات سواء أحملت نفس الاسم أو أسماء مختلفة. وقمنا بذلك حينما اختلفت التفاصيل إلى درجة اعتبارناها حكاية مختلفة عن مثيلاتها من الصيغ الأخرى، وتحمل ميزات قابلة للتأمل وللبحث والدراسة والاستمتاع بالجدید فيها. ولذا سلاحظ القارئ تشابهاً في التفاصيل البنيوية وفي رسالة هذه الحكاية التي تختلف عن غيرها لدرجة واضحة. أما الصيغ المتشابهة كثيراً بحيث اعتبرناها نفس الحكاية فلم ندون سوى صيغة واحدة منها. وأهملنا سائر الصيغ المتشابهة في بنيتها أو رسالتها.

أخيراً، فإن قصص هذه المجموعة والمجموعات القادمة هي قصص قد جمعناها بأنفسنا، وقصص من طلبة جامعة بير زيت، وقصص تم جمعها بإشرافنا من خلال مشروع تبنته اليونسكو ونقّده وزارة الثقافة، وقصص من بعض الكتب المنشورة في موضوع الحكايات، من بينها كتاب بعنوان قصص شعبية من بيرزيت نشر عام 1918 في ألمانيا بالحروف الألمانية وبلهجة اهالي بير زيت والمنطقة حولها، وقد نقله باللهجة الدارجة في بير زيت ومنطقتها المرحوم موسى علوش ابن بلدة بيرزيت. وسلاحظ القارئ هذه اللهجة التي كانت مستعملة قبل ما يزيد عن مائة عام. هذا، وقد راجعنا آلاف الحكايات واخترنا من بينها الحكايات الخرافية لهذا الكتاب، ولباقي هذه السلسلة من القصص على أمل أن نحتّم نحن أو غيرنا بأنواع أخرى من قصصنا الشعبي لنحفظه من الضياع كالنادرة والطفرة وقصص الحيوان والأسطورة المعاصرة وقصص الجان وسواها، لما فيه من فائدة كبيرة على مستويات عدة، سواء في المحافظة على هويتنا الوطنية والقومية، أو من أجل التربية والتثقيف لأهمية الحكاية الخرافية في هذا المجال.

د. شريف كناعنة


أ. نبيل علقم



القسم الأول

الضّراير





ديك¹ الذهب

باقي ما باقي في ثلاث بنات امهن² ميته، وأبوهن تُجوز³ وحده ثانيه. مرت ابوهن كانت مش مليحه معاهن، ظلت تتقاتل هي وياهن، وتقول لجوزها انه إطلعهن من الدار، بظَلْن يغَلْبَنِي. يوم طحاهن، تقاتل هو وياهن، ظريحن وطحاهن. البنات رحن عاشن في مغاره، مغاره صغيره! يعني صارن شوبدهن يعملن، صارن يلْمَيْن قَشْ وينسجن صواني، وصارن يعملن صواني ويعين. أول يوم تطلع الكبيره تبيع الصواني، واليوم الثاني تطلع الوسطى واللي بعدها الصغيره. في يوم من الايام اجا الدور على الصغيره. طلعت تبيع الصواني. لاقاها فارس راکب ع⁴ الحصان، ولا⁵ بقولها خذي هالديك⁶ واعطيبي الصواني. هي

1. ديك: في مناطق فلسطينية واسعة في الأرياف يلفظ حرف الكاف كصوت ال (تش) فيقال (ديتش)، كما يتفاوت استعمال هذا الصوت بين المناطق المختلفة، إذ أن بعض المناطق تستعمل هذا اللفظ أكثر من غيرها في تحويل الكاف إلى (تش)...

2. امهن: تلفظ الألف همزة مضمومة أو منصوبة أو مكسورة عند قراءتها، وذلك حسب ما هو دارج في اللهجات المحلية الفلسطينية، إذ أن هناك فروقاً في طريقة لفظ الكلمة الواحدة حسب أبعاد متعددة: جغرافية، وتاريخية - ثقافية بين اهالي المدن والقرى والبدو، ولذا تلفظ: أمه، وأمّه وإبته بتنوع اللهجات المحليّة.

3. أتجوز: الأصل تزوج، قلبت الحروف وهي ظاهرة لغوية مألوفة في تحول الفصحى الى اللهجة الدارجة، وذلك لسهولة النطق. وتلفظ أتجوز بتسكين التاء، لكن لأن الكلمة في اللغة العربية تبدأ دوماً بصوت أو حرف متحرك إما بأحد أحرف العلة أو الحركة المماثلة لها من فتحة أو ضمة أو كسرة، ولذا تلفظ كلمة مثل أتجوز بين التحريك بالألف المهموزة، أو بدونها مع تسكين التاء وهي سبب حيرة متوطني النصوص إذ أن بعضهم يضع الألف اول الكلمة وبعضهم يتركها على اعتبار ان الحرف ساكن. هكذا يمكن كتابتها أتجوز، أو تُجوز. وتلفظ الصورتان بنفس الطريقة، وكثيرة جداً للكلمات من هذا النوع سواء أكانت أفعالاً أو أسماء.

4. من صفات اللهجة الدارجة اختزال الكلمة أو حتى الجملة، ومن أشكال هذا الاختزال الاكتفاء بحرف العين (غ) ليد مسدّ حرف الجر (على)، وتجد ذلك في عدد من حروف الجر مثل (ت) اختزال (حتى)، و (ف) اختزال (في).

5. ولا: لها أكثر من معنى في الدارجة، فهي تعني هنا وإذا به يقول، كما أنها أداة تخيير وحدي تعني (أو) مثل (بديك عنب ولا تقاتل المناطور؟) ولها معنى التأكيد مثل (ولا كيف!):

6. هالديك: الهاء بديلاً لاسم الإشارة هذا، وتستعمل الهاء في اول الكلمة مع المفرد والجمع (إذ لا مثنى للأسماء في اللهجة الدارجة) وتستعمل للمذكر والمؤنث، مثل: هالمناس، هالبنات، هالولد...

طمعت أعطته الصواني وأخذت الديك، وروّحت ع الدار. هسّا⁷ خواتها يقلن لها: ليش⁸ جيتي الديك وما جيتيش،⁹ اكل ولا مصاري؟ تقاتلن وطحينها، وطلعت يعني من الدار في الليل! هسّا راحت قدمت في طابون صغير في آخر البلد، صارت تعيط البنت لأنه خواتها ظرنها، وطحينها. صارت تعيط! الديك يقول: (كوكوكوكوووو) يعني بدّه¹⁰ بخرا أو بدّه اشي!

تقول له: عندك، يقطع أهلك!

ظّله على هالموال وهي تعيط مش متبته شو بيساوي، فخواتها طلن بنص الليل يدورن عليها. لقين هيك طابون ظاوي¹¹، طالع منه ظو، امبيرن. عبرن عليه، ولّا لقين اختهن والديك عندها. وحواليها ذهب! وأختهن مش متبته، لما اجين، تُصالحن، وعرفن أنه الديك بطلع ذهب، واخذتْها هي وياه العالدار، ورحن يجيين صاع من دار ابوهن، حتى يكيلوا فيه الذهبات، ولّا هي مرت ابوهن بدها تعرف شويدهن يكتيلن بالصاع، لإيش¹² عاوزاته، لَرّت في اخر اشي في قاع الصاع تنفة عجينه عشان يلزق اللي بدهن يكتيله. أبوهن أعطاهن اياه. رحن يكتيلن الذهبات، لَمَن رجّعنه، مرت أبوهن لقيت فيه ملزق بقطعة ذهب في قاعه. هي استغربت! مرة ابوهن بدها تعرف! ايش؟ تحرّت، وعرفت ولقيت انه عندهن ديك بييط ذهب، فهسّا بدها توخذ هالديك، وتصير غنيّه، مش بنات جوزها؟ ظلّت ورا جوزها روح جيبلي الديك هاذا الديك منيح! ولّا هو راح جابلها اياه! هسّا حطت الاواعي الجداد تاعوتْها وفرشته عشان الديك بييط عليه ذهب! هسّا البنت الصغيره، قبل ما تعطيه الديك وصّته انه ما تعطيهاش وما تبيطش ذهب، ولّا هي مرّت أبوها، بتعرفش انه الديك مؤصّي! وحتّته وصارت تقول له: ياالله عندك بييط! على الاواعي! صار يوسخلها عليهن، لما شافت هيك انفهرت وأخذته وذبخته وطبخته وأكلته،

7. هسّا: هذه الساعة، الآن. ونلاحظ تعدد الالفاظ المتعلقة بهذا المعنى مثل: إسع، إسّه أو إسّا وسّع. ومثلها هالوقت: الآن وكذلك هالحين. التي تعني الآن.

8. ليش: لماذا، والكلمة منحوتة من «لأي شيء» بمعنى ما السبب؟

9. ما جيتيش: حرف الشين في نهاية الكلمة يستعمل كاداة نفي، وذا كان الفعل بصيغة الماضي تسبق الفعل ما كما في المصطلح المذكور، أما في حالة فعل الأمر فيمكن الاستغناء عن كلمة (ما) السابقة للفعل مثل: ما تجيبيش أو تجيبيش، ويمكن أيضاً استعمال كلمة (لا) قبل فعل الأمر، وتختزل أداة النفي لا إلى ل مثل (ل تجيبيش) وتدمج مع الفعل فتلفظ (لتجيبش)..

10. بدّه: هي اختزال كلمة بوذه. وتلفظ بفتح حرف الدال أو ضمّه باختلاف اللهجات المحلية. ويضاف الضمير المتصل المناسب بعد الدال، وحينها يلي هذه الكلمة الفعل المضارع، فتكون الكلمة هذه بديلا عن يريد أو يرغب أو ينوي سوف أو سين المستقبل، وتُصرف مع كافة الضمانر المتصلة: بدي، بدنا، بدك، بدكم، بدكن، بدها، بدهم، بدهن، ويلياها الفعل مثل: بده يروح، بدها تروح، بدنا تروحو، بدكم تروحو.... وهكذا مع بقية الضمانر والافعال المضارعة.. وتأتي أيضاً مع الضمانر المتصلة بمعنى بدي: أريد، بديش: لا أريد، بدكم؟ هل تريدون وهكذا مع بقية الضمانر.

11. ظاوي: في بعض لهجات الريف خصوصاً يُقلب: حرف الضاد إلى حرف الظاء. مثل ضاوي و ضو فيلفظان ظاوي و ظو!

12. لإيش: منحوتة من: «لأي شيء؟»

وكتب عظاماته! ولأ هي البنت لما عرفت، صارت تعيط وزعلت عليه! وراحت عند عظاماته، ولمتهن، وحطتهن في زرف¹³، ولأ هو الديك رجع مره ثانية.

هستا يوم من الايام الصغيره طبشت كانون النار وهي تلعب، طبشته! صارن يقاتلن عليها خواتها: وليش هيك عملتي؟ ولأ هي صارت تقول: لا خالص ان شالله رح اجيبلكن إشي تولعن فيه!

راحت في الليل عدار غوليّه بعيده هيك، ظاويه، ولأ لقيت الغوليّه تطبخ بلحمه! وهي نايمه! وابنها نام جنبها! وطايحه في طنجره كبيره لحمه مع شوربه. راحت جلوه طالت اللحما، وطبتهن بشريطه، وعقدتن وجابت ابن الغوليّه، وذبحته، وقطعته، وحطته في الطنجره، وحطته في الطبخه! وحطت مطرحه حجر! واخذت شويعه نار وروحته معاها. راحت عند خواتها، وأعطتهن اللحم والنار واشتغلن بالنار، ولعن النار. نرجع مرجوعنا للغوليّه، هي قامت الغوليّه توكل، اجت تطول، طالت الشوربات من الطنجره لقيت راس، لقيت أول شي إيد، وقالت ابصر شوهاذا! وطالت إجر! ولأ آخر شي طالت راس ابنها! راحت شافت ابنها في المهدي، لقيت فيه حجر! شويدها تساوي؟ صارت تصرخ وتعلي صوتها! بعدين قالت خالص، بعمل حالي شخاده وبروح عالدور، واعرف أنو هاللي قتل ابني وقطعه! والله راحت تفر وتفر، راحت على هاي المغاره، على مغاره الصغيره وخواتها. خواتها باقيات رايات يحطين، والصغيره قاعده في الدار، يعني بتشتغل فيها. الا هي اجت عليها الغوليّه، قاتلها: شخديني ننفه زيت، ننفه خبزه. ما ردتش عليها، ولأ هي قاتلها: بتعري أنوه¹⁴! اخذ ابني! هيك هيك صار! قالت لها: أنا! واخرمت وتحتت في الدار! ولحقته الغوليّه بدھا تقتلھا. دورت الغوليّه، دورت، ما لقيتشد حد! ولأ هي تحتبها بشقه الباب. وقالتلها: طقي وموتي يا شحتوته¹⁵، انا بشقه الباب! فهي الغوليّه تنزل وتعبر وتنور عليها مره ثانيه وما تلاقيها! ترد تعبر وتنزل وتقول لها نفس الشئ! الا هي قد ما انقهرت ماتت! طقت من القهر وماتت! فراحت جلوه، أخذت الغوليّه عبين ما اجين خواتها! خبتها ونادين على أبوهن. دفنها بعيده عن البلد! يعني هستا مرت أبوهن راحت حكمت لاهل الغوليّه انه حلوه هي اللي قتلت الغوليّه! هستا بدهم ينتقموا منها! كيف بدهم يوخدوا بناهم منها؟ اجوا بدهم يجوزوها للغول! تحول حاله على شكل انسان انه بده يتجوزها! هي مش راضيّه، ولأ خواتها! ولأ أبوها غصبها عليه غصبيه! يعني اعطوه ذهب ومصاري! اجا هستا لما تجوزوا وراحت عالدار. ابوها آخر شي تكرسح من القهر، صار مريض كثير، انشل! وراحت هي تجوزت يا حرام! راحت عالدار، وخلصتهم جميع الغول، وهم نايمين، جابت معاها تنكه كاز، ورشتها عليهم، وولعت فيهم النار، وتخلصت من جميع الغول اللي عندهم!

هسا روحت عند خواتها بالذهب والمصاري ورحن اخرمن من الدار، ورحن عبدل ثانيه، عرن على دار،

13. زرف: الأصل ظرف، ويقلب حرف الظاء أحياناً إلى حرف الزاي، مثل نوع الأغاني المشهورة باسم زريف الطول وأصلها ظرف الطول. والزرّف هنا كيس من الورق!


14. أنوه: أي شخص؟ من هو؟ وللمؤنث تستعمل كلمة «أنيه؟ أي من هي. وتستعمل كلمة مين باللهجة الدارجة لنفس المعنى أيضاً، وفي بعض المناطق تستعمل كلمة «منو؟ أي (من هو)»..

15. شحتوته: كلمة للتحقير، والشحتوته عصفورة صغيرة.

وطَّقَيْنَ على وحده وباقيه المزة منيحه¹⁶! عَيْشْتَهَن عندها، وجوزها بَشْتَعْل في مستشفى، شغلت البنتين الكبار في المستشفى ممرطات، والصغيره قَعْدَت عندها في الدار. هَسَا لما اشتغلن وصار مركزهن منيح راحن على بلدهن عند أبوهن! لقين أبوهن يا حرام كثير تعبان! فهَنَّه داوينه وخلينه يَطْلُق مرته اللي مش منيحه.
وعاشوا في سبات ونبات¹⁷

16. منيحه: مليحة، قلبت اللام الى نون، لتقارب المخارج الصوتية للحرفين. وتستعمل الكلمتان في مناطق مختلفة وحتى عن أشخاص مختلفين.

17. سبات ونبات: سبات الأصل نبات، لكن اهل بعض المدن يقلبون الناء إلى سين.



أمّ الحراخش وأمّ الدنادل

أول ما نبدأ بالصلاة على النبي عليه الصلاة والسلام.

ما باقيلك في قدم الزمان الا هالزله ميته مرته، عنده منها هالبننت، نُجوز. دارت هذيك تتكحل منها في العمى، ما تقدرش تشوف هالبننت. تظل نُكاور¹⁸ فيها. تشتغل كل هاض ومافش فايده. يوم من الايام، ولأهمه بقولوا فيه تلا طانه الفوقا¹⁹ غوله! قالت أحسن إشي بدي أوديتها أتحججلها نُحججه بلكي أكلتها وتريجت منها! قالت لها روجي جيبى لنا المنخل! بدها توديتها خديها الغوله توكلها، قالت بدناش اياها، بنتريج منها. قامت نفرت فيها:

- هي وُلُك²⁰ يا فلانه!

- قالتلها: نعم يا خالتي!

- قالت لها: روجي جيبى المنخل، من المطرح الفلاني. تقولي من طانه الفوقا هذيك عارفه انه طر²¹، بس ما استجرتش تقول لها بروحش. راحت.

الدنيا بقت ثلج. قال لها الثلج: امشي شوويه شوويه. لا تؤسخينيش! صارت تمشي على روس صبايعها، اجت دارت تنط على روس الحجار، وعلى مطارح اللي متوسخهوش! قال لها الثلج: ربتك تصيري بيضا مثلي! ردت اجت على هالنفاح، شواثلولي هيك قايل! قال لها: شوويه شوويه امرقي، لا تقطمش مني! صارت تجي حبي هيك، وتمرق، تُزارق من هان ومن هان، ما قطمتش منه ولا صابنه! قال لها النفاح: بالله يجعل اخدادك حمر وحلوات مثل حبي!

بعدين مرقت عن هالغزاله بتولد، قالت لها: اجبريني الله يجبرك! اجت ولدتها. قالت الغزاله: يا ريت عينيك مثل عيني. ويجعل عنقك مثل عنقي!

مرقت عن هالشجره، شجره كينيا حاثيه حالها من الثلج، قالت لها: كتي هالثلج عني؟ دارت تكنتت في

18. انكاور أو نُكاور: تناوشوا، تعاركوأ.

19. تلا طانه الفوقه: تلا: جهة موقع محلي في بلدة الراوية.

20. وُلُك: اختزال للكلمتي ويل لك!

21. طر: طرد، حذف النون واستعويض عنها بتشديد الراء.

الثلج عنها. قالت لها: يا ريت طولك مثل طولي وكشمك مثل كسمي!
مرقت، اجت على هالفرس قاعدة بتوكد. قائلها الفرس: تعالي ساعديني بطولك خير، ساعدتها. قائلها
الفرس: ريت شعرك طول ذبتي.

مرقت عن هالسمسم الواقف بطوله في الأرض. قال لها: امشي شوته شوته لا تكسريني.

مرقت ما ظرّحوش. قال لها: يا الله يجعل اسنانك مثل حبي!
ماوصلتلك هناك، ولأ هي شو! آيه من آيات الله! كلّ اللي دعولها اياه كله تحقق لها. صار شعرها
يدقّ لكعبها وصارت بيضا مثل الثلج وهالعينين الوساع مثل الغزلان والطول طول النخلة²² وما احلاها
والاسنان صغار مثل حبّ السمسم.
أجت على الغولة.

- قائلها: السلام عليك.

- قائلها: عليك السلام ورحمة الله!

- قائلها: انا جاي بدّي من عندك المنخل!

- قالت لها هذيك: طيب، روحي ختقيلي هالجابات. عندها سقيفه²³ مليانه جاج. راحت فحت
عليهن، وزاحت من هالعلف، واعلفتهن، ومثلن هالحوض، غسلته، وعبلنن اياه ميه! وكست
تحتن، وراحت عليها.

- قائلها: ختقتين؟

- قائلها: اه.

- قائلها: روحي اكسريلي الطابون. راحت على الطابون، جابت هالصابه وهالقفه ورمدته، وزبته،
وكستلها اياه.

- قالت لها: خلصتي؟

- قالت لها: اه.

- قالت لها: فيه هالفدان في قاع هالبيت، اخني لي اياه. اربطي هالجبل في رقبتهن واخنيهن!
هذيك بدها تشوف شو بتساوي! راحت، ردت أخذت هالصابه وهالقفه²⁴، حيشاكم²⁵، ودارت

22. نخلة، سقيفة، قفّة وأمثالها من الكلمات التي تنتهي بالياء المربوطة في الفصحى، تُلفظ كهاء ساكنة، إذ أن اللهجة الدارجة لا تحرك الحرف الأخير في الكلمة، ولذا فتلفظ هذه الكلمات: نخلة، سقيفة، قفّة بتسكين آخر الكلمة.

23. سقيفه: غرفة ضيقة مبنية بالحجارة سواء باستعمال الشيد (الجبر) أو الاسمنت أو دون ذلك، وربما كانت من الطين أيضاً، وقد تكون مسقوفة بالخشب دون الطين أو تحتّه...

24. الصابة: المجرفة أو الطورية، والقفّة: أداة مجوفة من المطاط الصلب أو من القصب أو سفح الشجر، وتستعمل الصابة لملء القفّة من الزبل أو الحبوب أو ما شابهها.

25. حيشاكم: الأصل حاشاكم، ولقبّت الألف الى ياء لينة أو الى فتحة بدلا من الالف، وتعني بأبعد الله مقامكم عن المذكور الرديء أو القذر كالزبل والحمار والأشياء القذرة.

تسفي في هاللطع وثكب²⁶، تسفي وثكب، تكتست تحتن، وسقتن، وملت الهن هالقواطع ميه
وعلف، وطلعت.

قالت لها: روعي على هالدار، دمريلي اياها، ماخليش اشى! راحت على هالجزة، يقين يغسلن الجرار في بيت زعتر
فارسي، ولا في اشى ثاني، مشان ريحتها تصير مليحة غشنها فخار! قلعت بيت هالز عتر الفارسي، وغسلتها اياها،
وعتيها، وشطفقتها هالمصطبه، وان كان عندها حبات جلايه جلتن، ورثبتلها هالدار! رجعت عليها.

- قالت لها خلصت!

- قالت لها ما ظلش اشى!

- قالت لها: لع²⁷!

راحت الغولة، يوم انما شقت على اللي قالت لها اياه، وساوت العكس، بعدها تحطها في حبات عنيتها!
قالت شوفي انا شوقلتلها وهي شوباقيه تساوي عكسه!

- قالت لها الغولة: روعي غ هالبير يوم يطلعن الحمامات السمر نخي! ويوم يطلعن الحمامات البيض
زغردي.

طاحت في هالبير، يوم اجين الحمامات السمر تحبت، يوم اجين الحمامات البيض طلعت تزغرد.
درن يقولن: يا بير يا بزير حمتلها ذهب ودانير.

- قالت: شوبدي فيهن ماهي راح تقطمهن مرت ابويا.

- قالن لها: كل ما ينقطم²⁸ وحده ينبت بدالها اربعين.

أخذت هالغربال وروحت ولا هي هالطول وهالزين وهالحلاة وهالذهب والدانير. هذيك مرت ابوها،
يوم شافتها، ما ظلش فيها عقل! منين جيتي هاض²⁹? منين لقتي هاض؟ لقتولت جاراتها وحبيباتها،
وما خلّت ولا بقّت هي وبناتها! وقالتلهن: قطن! شو يقطن! كل اللي يقطنه يطلع بدال كل وحده
اربعين! ولا هي بتقول لبنتها: روعي ودي المنخل من عند ما جابته اختك، راحت.

قال لها الثلج: شويته شويته لا توسخيني! صارت اللي بدهاش تحبط عليه، تحبط عليه وتوسخه! قال لها:
روعي بالله يسود وجهك!

راحت مرقت على الفرس، قالت لها: تعالي ساعديني؟ قالت لها: مش ظايل الا املطس³⁰ وأوسخ حالي!

26. تسفي في هاللطع وثكب: تجرف بالمجرفة (الصابية) روث البقر وتنقله بعيداً عن المكان.

27. لع: أصلها لا، وفي اللهجة الدارجة تقلب الألف أحياناً الى همزة لتصير لأ، وأحياناً تقلب الهمزة هذه الى عين فتلفظ
لع، وكذلك نجد هذا القلب في استعمال الهمزة المضمومة، مثل: سألته سؤالاً، فتلفظ: سعلته سُعال

28. ينقطم: يُقَطَّم أي يقسم قسمين، وهي إحدى طرق بناء المجهول في الدارجة بإضافة ياء مكسورة ونون ساكنة في
أول الفعل الماضي مثل ينقطم، ينكسر، يلتن، ينضرب .

29. هاض: الأصل هذا، وتتعدد صيغ اللفظ من التريق والتفخيم وقلب الحروف، هاضا، هاض، هادا، هاضا، هاض، هاض،
هادا. وينطبق ذلك على أسماء الإشارة الأخرى مثل: هاضاك، هاداك، هادك، هظولاك ... الخ.

30. املطس: الطخّ يداي في أشياء قنرة

- قالت لها: يا الله يجعل عراقيبك³¹ مثل عراقبي! عراقيب الفرس يقن مثل السيف!
مرقت عن السمسم صارت اللي بدهاش تبجي عليه تطوله وتقطمه! قال لها: يا الله يجعل اسنانك مثل
شروشوي! شروش السمسم، هيك يقين هيك! هذاك دعوه³²، وهذاك دعوه! ما وصلت الغولة اللي
راحت عليها، الا الغولة أصلح منها!
- قالت لها: السلام عليك.
- قالت لها: عليك السلام ورحمة الله.
- قالت لها: جاييلك المنخل. هذيك بالها مثل اختها!
- قالت لها: روحي خنقيلي هالجابات! عبرت على هالسقيفة، وصارت هاي الايد تخنق، وهاي
الايد تخنق، في اديها اللتين تا خنقتهن!
- روحي اكسريلي الطابون! راحت في هالدبشه، على مرتين ثلاث دمرته!
- البقرات! حطت هالجبل في رقبتهن ظلت تلوي فيه تامنها خنقتهن!
- على هالدار! الجزه كسرتحا! ان كان فيه عندها كاسه، ان كان فيه عندها عسلته، ان كان فيه اشوي
عندها، كلهن دمرتلتها اياهن تدمير! ما خلتلتها اشوي! هذيك راحت طلت عليهن! قالت: آه، انا
بفكرها مثل اختها، تعالي، والله لاداويك دوا! أخذتھا على البير، وقالت لها: طيحي في هالبير،
يوم يطلعن الحمامات البيض تخي! ويوم يطلعن الحمامات الشمر زغردى. هاذيك يوم طلعتن
الحمامات السمر قعدت تزغرد. قلن لها: يا بير يا بربر، اطلعها مخرخشه في اذنان حمير³³، كل ما
انقضت ذنبه، ينبت بدالها أربعين! جازتها، عاقبتها، واطلعتها، ولا هي شو؟! مع انباها، والسواد
اللي عليها، وعراقبيها، والسخام اللي يحنتها³⁴! كله كوم وهذالك اذنان الحمير كوم. قالت لها: هسا
رؤحي رؤحي عند امك! روحت! هذيك يوم شافتها المنجت، ما ظلش فيها عقل! يا الله يتمك!
يا الله يحزتك! يا الله يقبرك اخوتك! شوهاذا؟ قالت لها: هاي هي اللي ساوت قيه هيك! صارت

31 عراقيب: اسفل سالي الذابة الخلفيتين.

32 دعوه: دعاء عليها

33 ذناب حمير: لدينا نصوص تستبدل المفردة المتعلقة بالجنس وإفرازات الجسد، بكلمة بديلة تسد مسدّها، كما أن لدينا نصوصاً أخرى تسمى المفردات بأسمائها. وقد اخترنا أن نستعمل الطريقة الأولى سواء أكان النص بين ايدينا من النوع الأول أو الثاني وذلك لأسباب كثيرة، اهمها أن الحكاية تروى شفويّاً مما يتيح للراوي التعامل مع صنف الرواة من حيث الجنس والعمر ودرجة القرابة، فيستبدل الراوي المفردة بمفردة أخرى، أو يذكرها باسمها حسب هوية المستمعين. ومن المؤكد أن القارئ المتمرس يدرك الكلمة المستبدلة في النص! كما في استبدال كلمة (اذناب حمير) بدلاً من الكلمة الأخرى التي ترد في بعض القصص المشابهة.

34 السخام اللي يحنتها: السخام هو الطبقة السوداء التي تتكون على الأدوات المعدنية والفخارية نتيجة الاستعمال على النار، وكذلك هو نجح أو نجاح الطابون. وكانت النساء تتسخن أي تدهن وجهها وبديها بهذه المادة السوداء حين وفاة عزيز، أو حصول كارثة ما لدى المرأة أو العائلة، ويحنتها: تتحنى به. والسخام للتعبير عن التعاسة بينما الحناء هو التعبير عن الفرح.

تجمع في هالجات، وفي قواويرها³⁵ وحبايها واللي بتحبهن. وتقول لمن: قَطْمَن يا حبيباتي قَطْمَن! شويقَطْمَن! اللي يَقَطْمَنه ينبت بداله حزمه. هذيك الخلوه سمعوا في سيطها الناس، اجوا هالناس من بَرَه، خطبوها! قالت: كيف هذيك بدها تُجَوِّز وهذيك تَظَلَّ عندي؟ يم³⁶ راحت نَحار الفارده، قالوا بدهم بُكْرِيَّات يوخذوا العروس! لَبَسْتها مواعين العروس فوق اللي عليها وَعَمَّعْتْها، وهذيك خَبْتْها على هالراويه³⁷! قالت لها: مش تتحركي وَلَا تحكي! قالت لها: لع³⁸ خَبْتْها! جين الفَرَّادات. درن يَغْتَن ويرقصن، بالله يَمَكُن! هالعروس مغمغمه! طيب يا خالتي

- بدنا نفرج على العروس؟

- قائلهن: لع يا خالتي، احنا سِبْرْنَا³⁹ ما نكششفن عالروس الا في دار جوزها! جوزها بكشف عليها! احنا هيك السَبْر عَنَّا.

فيه هالبسه، كن طلعت وقائلهن: ميميو! ام الخراخش ع المِيتَيْن وام الدنادل عالخمل⁴⁰! تلحقها في هالعصا... تَظَلَّ تَطَّرُ فيها.. وراها تَطَّرْها... ما تلحق المره ترجع الا هذيك صارت في الدار! كن قائلهن: ميميو... ام الخراخش عالمِيتَيْن وام الدنادل عالخمل! هذيك تقتل هالبسه وتلحقها العَبْرَه! رحن طلين عالمِيتَيْن ولا هي شوبتضوي مثل مكبرات الكهريا. اجين يم جينها، طَيِّحْنها! وقلن: اه هي باقيه هاي العروس؟! لا بدنا نَحْمَمْها لأنا مَرَّطْه جاهزه! يم اخذوا عروستهم ودشروا لها بنتها. وأمها من القهر طَقَّت وماتت! وطار الطير... الله يصبحكوا بالخير

35. قواويرها: الأطفال والأولاد

36. يَمَ: فوراً، دون تردد.


37. الرَّاويه: يتكون البيت الرِّيغي الفلسطيني التقليدي من طابقين، يخصص السفلي منها للحيوانات والطيور والخزين، ويسمى قاع البيت. ويصل الطابق العلوي بعدد من الادراج حيث يصل «المصطبة»، وهي مكان المعيشة والنوم والطيخ وسائر النشاطات الحياتية، وعلى امتداد حافة المصطبة المقابلة لباب البيت، تبني «الخوابي» الطينية التي تخزن فيها الحبوب والعطين وسائر المنتجات القابلة للتخزين،

38. في اللهجة الدارجة تَظَلَّ تَطَّرُ تَقَلَّب الألف أحياناً إلى ألف مهموزة أو عيناً، مثل كلمة النفي «لا» الفصحى تتحول في اللهجة الدارجة إلى «لأ» وأحياناً إلى عين فتصير «لوع» وقد تلفظ مع فتح الحرف الأخير: «لوع» أو «لأ»، وقد يضاف حرف الهاء فتلفظ: «لوعه»، أو لأه، وقد يشدد الحرف الثاني سواء أكان ألفاً أو عيناً.

39. سِبْرْنَا: عادتنا.

40. ام الخراخش: صاحبة المصاغ الذهبي والفضي.





بنت سلطان الصين

من هان لمان يا سامعين الكلام نحزف ولآ ننام؟ بقى في هالسلطان مريض كثير، ويوم صاروا يبجوا عليه هالدكاتره قالوا له: انت ما بتطيب إلا بتفاح الصبا من واد الصبا. صاروا اللي حولين السلطان يسألوا في الناس ويقولوا: مين بقدر يروح يجيب للسلطان تفاح الصبا من واد الصبا؟. صاروا الناس يقولوا، ما هو اله ثلاث اولاد، يقولوا: ما يروح واحد منهم يجيب!

نادى السلطان اولاده الثلاث، واحد ابن البايه، واثنين اولاد النافقه، وقال لهم: روحوا جيبوا لي تفاح الصبا من واد الصبا. راحوا اولاده الثلاث يجيبوا له، ولقوا هالطريق بتصير ثلاث طرق: طريق الغريق وطريق الحريق وطريق الشريق اللي تودّي ما تجيب. قال اخوهم ابن البايه، نقوا يا اخوتي أي طريق بدكم؟ هذولاك اولاد النافقه واحد قال انا بوخذ طريق الغريق والثاني قال انا بوخذ طريق الحريق. قال: لعاد انا بوخذ الطريق اللي بتودّي وما تجيب. وقالوا: بدنا نحط خواتمنا تحت هالبلاطه عشان اللي يرجع ندري انه رجع. شلحوا هالخواتم وحطوهم تحت هالبلاطه ع مفرق الطرق وراحوا.

الاول، ابن النافقه، وهوماشي ما شاف ولآ هالجبال شعلوبة نار، قال: الله لا يجعله يشفى، وانا بدّي اروح اطيح في النار تجيبه دوا!! حمل حاله ورجع.

الثاني اللي في طريق الغريق شاف قدامه بحور ومية وموج، اجا قال: وانا بدّي اروح اغرق تجيبه دوا!! الله لا يجعله يشفى. وحمل حاله ورجع. التقوا الثنتين عند البلاطه. قال الثاني للاول: انت رجعت! قال له: اه رجعت، هذا كل الجبال ملهله نار وانا شوجابرني أنحرق! اجا الثاني قال: وانا شفت كل الدنيا بحر وخفت اغرق تجيبه دوا ورجعت. اجوا ركبو حصونهم⁴¹ ورجعوا الثنين. الا هالوحده بنت سلطان واقفه عالطريق ومعها حراس وما بتخلي الواحد يمرق بلا ما يحزفها خزيقه اولها كذب وآخرها كذب، واذا ما خرفهاش بتوخذ كل شي معهم. يوم وصلوها،

- قالت لهم: ما بتمرقوا بلا ما تحزفوني خزيقيه اولها كذب وآخرها كذب. قعدوا يحزفوها خزيقيه لا اولها كذب ولا آخرها كذب وصاروا يتأتوا،
- قالت لهم: هاتوا حصونكم فش تمرقوا.

41. حصونهم: جمع حصان، ويمكن أن يكون الجمع حُصنّتهم، وليس هناك مثى في اللهجة الدارجة.

- قالوا: وين بدنا نروح بلا خيل وبلا دوا لابونا، خلص خيلنا نقعد عند بنت السلطان نكس تحت الخيل.

هذاك ابن البايه وهو ماشي لقي تحت هالشجره بركة مية، ظايل معاه نتفة الحنيزات مفرقات وناشفات. قال: بدني أسقط هالرغيف في المية بلكي طيري وعرفت اوكله، سقط هالرغيف بعدين قعد يحسس عليه ما لقيه. رد سقط ثاني رغيف وحسس عليه ما لقيه، وسقط الرغيف الثالث وحسس عليه ما لقيه. ما ظلش معاه خبز. اجا قال: يا هاللي بتوكل في خيزاتي، ان كنتك - بسم الله الرحمن الرحيم - قرد⁴² اطلع، وان كنتك بني ادم اطلع. ولا هوتا طلع هالمارد رجليه في الارض وراسه في السما. قال له: لولا اني اكلت من زادك ولا كان نفخت عليك مثل هالصخره وطيرتك في السما عجة. اللي يبجي هالطريق بنفخه وبطيره في السما عجة.

- قال له: انت بدك تفاح الصبا من واد الصبا؟

- قال له هذاك: آه.

- قال له المارد: خذلك هالمقص وامشي هاي الطريق ورح تلقى هالواحد شواريه في الارض وحواجبه في الارض واطافر ايديه ورجليه في الارض ومبوزر، بتقص له شعراته وحواجبه ورموشه واطافره وهو رايع يدلك.

أخذ هالمقص وراح، وهو ماشي لقيه، اجا فصله شعراته واطافره وهذاك المارد اجا وقف، وقال له:

- الله يفضي بالك مثل ما فضيت باللي. بدك تفاح الصبا من واد الصبا!

- قال له: آه.

- قال له: اركب. وركبه ع اكنافه وطار فيه. بعدين قال له:

- هيني قطعتك مشي خمس سنين، شايف هذاك القصر؟! بتروح عليه وبتلاقي فيه سبع حمامات محطوط الهن كل وحدة ورزة وصحن رز وشربة ميه. بتوكل من كل وحده سفينه ولا فخذة ومعلقتين ولا ثلاث رز وتشرّب من شربتها نتفه، وبتتخي، ورايحات يجين يدورن ويقولن الك اطلع، ما تطلعش الا ليقولن عليك الله وامان الله واللي بخونك بخونه الله.

راح عالقصر وعمل مثل ما قال له المارد، اجين الحمامات وقعدت هذي تقول انا حدا ماكل من ورتي، وهذي تقول حدا ماكل من صحتي، وهذي تقول وانا مشروب من شرتي. وقعدن يدورن على اللي اكل من اكلهن وشرب من ممتهن. وصرن يقولن: اطلع مش رايجين نقتلك، اطلع مش رايجين تحاوشك ولا نصيبك. شافته الحمامه الصغيره وما بدهاش تقول عنه لانها حبتّه. قالت: انتن اعطينه امان الله وهو بطلع عليكم. اجين قالن: عليك الله وامان الله والحانين بخونه الله. طلع عليهن. قالن له:

- بدك تفاح الصبا من واد الصبا؟

- قال: آه.

42. ان كنتك: ان كنت، بسم الله الرحمن الرحيم، تقال بدلا عن ذكر مفردة الجن خشية منه ولطرده من بين الحضور ان كان موجودا،

هذيك الكبيره قالت له: بوصلك في يوم، الثانيه اللي أصغر منها في شوي قائلته: بوصلك في أقل من يوم بِشَوِيَّه، هذيك قالت: في ست ساعات، وهذيك قالت في خمس ساعات. قالت له الصغيره: غمّض وفتح ولا ابي موصولك.

غمّض وفتح ولا هي موصولته. قالت له: هذا البستان عليه أربعين حارس، اذا بتلقاهم نايمين وعينهم حمر طيح قطع واطلع، وان لقيتهم عينهم بيض ما تطيح لحدّ ما يناموا، وترى راح تشوف الذهب والجواهر مكوّمات اصحى تصيبهن، لانه إن صبتهن رايمين يرقطوك.

وصل، ولا هم عينهم حمر ونايمين وبشخوروا. طاح ملّى هالخريطة اللي معاه وزمّ حاله بده يطلع ولا هوشايف الجواهر. قال: الله يضيّعهم كل هالاشي عندهم بدي اصييلي حبة جواهر اوخذ معي. ما مدّ ايده ولا هم الاربعين ماسكينه. قالوا له:

- بدك تفاح الصبا من واد الصبا؟

- قال لهم: آه.

- قالوا: روح جيبنا سيف الغول بنعطيك.

رجع لعند الحمامة فاضي

قالت له:

- آه! ماني قتلتك ما تصيبش من ذهبهم وجواهرهم ليش تصيب؟!!

- قال لها: ماني شئت نفسي ع جوهره.

- قالت له: طيب قالوا لك بدهم سيف الغول تجيبيلهم؟!!

- قال لها: آه.

- قالت له: الغول أعمى وبطحن في سكر والسيف معلق فوق راسه. يتروح بتمشي بمداوة وبتطول

السيف ويتوخذه. واصحى تصيب حبة سكر من قدامه! ترى اذا صبتهن بمسكك. قال: طيب، بموتها الله.

طال السيف ويوم انه صار في عتبة المغاره، قال والله لارجع اشوف هالسكر اللي بطحن فيه شوهر!

رجع ما قال هيذ في ايده يطول السكر ولا هو الغول لاقفه.

قال له:

- انت بدك تفاح الصبا من واد الصبا؟

- قال: آه.

- قال له: ما بتوخذ سيفي بلا ما تروح تجيبلي بنت سلطان الصين. لانه قايلين اله اذا أكلت بنت

سلطان الصين بتفتح. رجع عند الحمامة، قالت له:

- مش قتلتك ما تصيب السكر اللي بطحن فيه!

- قال لها: هذا اللي اجالك.

صنعت الحمامة مركب شقة ذهب وشقة جواهر، وراحوا ع الصين. وقالت له: لما توصل الناس كلها

رايحه تطلع تنفرج عالمركب، وانا رايحه انصبلك جبل. ولما الناس يصيروا يتخرفوا عن المركب وخالته بوصل الخبر لبنت سلطان الصين، وبصيروا يقولوا ممنوع الواحد يطلع من داره وممنوع حدا يفتح الشبّايبك لانها بنت السلطان بعدها تطلع تنفرج عالمركب. ويوم توصل المركب مش تقعد تنفرج عليها وتنسى حالك؟! انا راح اشدّ الجبل ويوم اشدّ لك اياه بتسوق المركب وبنت السلطان فيه. قال لها: طيب.

يوم وصل المركب قعدوا اهل البلد يتفرجوا وبعدين سكروا الشبّايبك والابواب وطلعت بنت سلطان الصين تنفرج. هناك صفن فيها⁴³ وقعد يتفرج عليها ونسي حاله. الحمامة دارت تشوّح⁴⁴ في هالجبل، وتشدّ فيه، وعالفاضي. هناك قاعد بتفرج. اجت طرقتة الجبل في وجهه، قام وعي ع حاله وفطن انه بده يسوق المركب. قام ساق المركب وشرد. واحد باقي فاتح الشبّاك ويتفرج وصار يصيح يا ناس المركب اخذ بنت سلطان الصين!! بس الناس ما حضروا حالم يلحقوه ولا هو صار مخنفي في البحر. قالت الحمامة: والله هذه حيانه عليها نعطيها للغول يوكلها. راحت جابت المذرة وحطت عليها هالصحن وليستها هالقلدة، الشكّة⁴⁵، وخرخشتها وهندزتها وليستها ورشّت عليها هالعطر - ع ذمة الراوي والقطين البراوي من وقتها صاروا الناس يسوّوا الزرافات للزفة⁴⁶ - وقالته خذ هذه وبتعطيها للغول ولا تسلّمه العروس الا لتستلم السيف. قال له: هي يا غول، هيني⁴⁷ جيتلك بنت سلطان الصين وصار يخرخش فيها. صار هناك يصيح ويقول: هالاحبيبي اعطيني اياها. قال له: ما بعطيك اياها الا لتعطيني السيف، استلم بستلم. قال له: خذ السيف. اجا اعطاه اياها. هجم عليها الغول، وقال: همم تاويكها ولا هي المذرة ملزقة في حلقه. قال: آه ضحكت علي! فقع ولا هو ما في عينه بله، مات.

قالت له الحمامة: ارعم عاد سكر هالقيمت اذا انك مشتته! بعدين قالت له: بدني اساويلك سيف، خساره هذا السيف تروح تعطيهم اياه!

راحت ساوتله هالسيف الخشب وهندزته ودهنته واعطته اياه. قالت له: بتقول لهم قطعوا لي في الاول تفاح جديد وملّوا لي خريطتي، وبعدين يتهاوشوا كل واحد منهم بقول هذا السيف الي، بتقول لهم: بدني اصلح بينكم وارمي السيف من راس الجبل ع طول ايدي واللي بيوصله بالأول هو اله. يوم قطعوا له التفاح الجديد تماوشوا عالسيف أنوهيوخذه. راح رمى لهم هالسيف ع طول ايده، راحوا

43. صفن فيها: أخذ يتاملها

44. تشوّح فيه: تُحرّكه

45. القنلة وتسمى الشكّة في مناطق اخرى وهي قطعة قماش منسوج من الحرير تصطف عليها ويشكل قوسي قطع الذهب التي تملكها المرأة وتزين بها جبهتها في مناسبات الفرح عند العائلة.

46. ع ذمة الراوي والقطين البراوي من وقتها صاروا الناس يسوّوا الزرافات للزفة. اي ان الكلام ليس من عند الراوي ولا يتحمل مسؤولية صدقه أو عدمه. اما يساووا زرافات أي يستعملوا الزرافة في الافراح وخصوصاً في اثناء زفة العريس، والزرافة المقصودة هي ان تُلبس وتزين أداة التنزيه (المذراه) بش تلتخذ شكل امرأة جميلة تشبه الزرافة في جمالها، وتحملها امرأة من اهل الفرح طوال مراسم زفاف العريس. والقطين البراوي: الرطل الراوي يزيد عن الرطل العادي بمقدار نصفه، ويوزن به القطين في البيع والشراء.

47. هيني: ها أنا

يركضوا وهو ركب ع ظهر الحمامة وشرد. يوم وصلوا السيف لقوه خشب، قالوا: آاه هذا ضحك علينا المسلماني.

قال انا بددي اودعكن.

قالت له الحمامة: انا جاية معاك.

وقالت له بنت سلطان الصين: وانا اللي رححت جبتني من الصين، بددي اجي معك. قال لها: طيب تعالن معي.

حطتهم الحمامة ع ظهرها وطاروا، يوم وصلوا عند البلاطة لقي خواتم اخوته مش غاد وخاتمه هو اللي ظليل. لبس خاتمه وراح. يوم انهم راحوا لقيوا الحراس وبنيت السلطان ع الطريق. قال لهم: شوبدكم؟

قالوا له: هذي بنت السلطان ما بتخليك ترمق بلا ما تخزفها خزيفية اولها كذب وآخرها كذب.

قال: طيب بددي اخزفها خزيفية اولها كذب وآخرها كذب. قال: بقيت ماشي ولا هالرمانة ع ظهر شجرة هالرمان، قطعتها ويوم قطعتها انفلقت. يوم انفلقت ولا هو ظهر هالرمانة سهل قد كثر اسطونه⁴⁸ ع ظهر هالرمانة. قلت منيح، رححت شريت هالمدّ سمس وصرحت احرت وازرع في سمس، وخلصت السهل حرثت وزرعته سمس. قام اجا هالواحد وقال: ول مخين ع السهل وزارعه سمس! ليش ما زرعته قمع أغلّ وأحسن؟ قال: طيب لعاد انا بلقّط السمس ويزرعه قمع. درت القطّ في السمس، ولقطته كله بس ظلت هالسمسة، لقيتها في ثم النملة، قعدت انا اتنع والنملة تتنع، انا اتنع والنملة تتنع. قام زيت هالسيرج فاض ع كل السهل.

قالت له بنت السلطان: خلص وقّف بكفّيك كذب، أكذب من هيك ما مرّ عليّ.

يوم افلتوه الحراس لقي اخوته بكنسوا تحت الخيل. قال للحراس: خذولي هذول الثنين وحمومهم ولبسوهن بدلات. اخذوهن وحمومهم ولبسوهن. هذيك بنت السلطان الثاني قالت له: بددي اجي معك. أخذها وحمل هالمال والذهب وصار معاه ثلاث بنات. وهم في الطريق أعطته الحمامة هالاسواره. قال: شوبديّ فيها؟! قالت له: رايحة تلزمك. وصلوا هالبير وبدهم يطيحوا يشربوا. قالوا: انوه بدّه يطيح بمليننا مي؟! قالوا له: انت اخفت واحد، طيح انت.

طاح، ملّى لهم وشربوا، وقالوا له: خليك هان، ما اطلعوه من البير. بييجي سبعة ثمان ايام وهو عالقّه وعالذّه، وصارت حالته حاله، بده يموت. ولا هم جاين هالقفالة، طيحوا واحد تبعي ميه المم من البير. ولا هو يقول: هاي فيه واحد رمّه⁴⁹ في البير! اطلعوه من البير واخذوه معهم. وداروا يطعموا فيه غسل وسمن تيرد عافيته، لحد ما طاب. يوم وعي ع حاله، قالوا له: وين بدك؟ قال: البلاد طلبت أهلها، ويخلف عليكم ويكثر خيركم. قالوا له: طيب شوبدك نعطيك؟ قال: اعطوني ليرتين ولا ثلاث. أعطوه وراح ع

48. قدّ: بقدر مساحة، و(قدّ) تستعمل لتقدير الحجم والوزن والطول والعدد لتقريبها الى ذهن المستمع كثر اسطونه: موقع في قرية الراوية، وكثر اصلها كفر وكثيرة هي اسماء الرى والمواقع التي تبدأ ب كُفر مثل كفر مالك، كفر الديك، كفر تلك، كفر عقب وغيرها.

49. رمّه: جثّة

بلده. لقي هالراعي، قال له: شوفي عندك أخبار؟ قال: اولاد السلطان، مرض ابوهم وقالوا ما بطيب الا بتفاح الصبا من واد الصبا. وراحوا جابوا له التفاح وجابوا معاهم ثلاث بنات مزيونات مثل التصويره. وبدهم يتجوزوا وهذولاك بمصنات مش قابات يتجوزنم بلا ما يجيبوا هن اسواره أخت للاسواره اللي في ايد وحدة منهن. وجابوا هالصباغ ويعطوا كل صايغ شهر يدق نفس الاسواره، واللي بعرفش يدق مثلها يقطعوا راسه. وصاروا مقطعين روس سبعة ثمان صباغ.

قال له: تعطيني هالسخل؟! انا بدني الكرشه والمصارين وانت خذ اللحامات. قال له: خذ لك هالثلاث ليرات بداله.

ذبح هالسخل وأخذ الكرشه ونظفها وغسلها وجاب المصارين وغسلهن ونظفهن وحط الكرشه ع راسه والمصارين لفهن عالكرشه وراح. وسأل الراعي: انوالصايغ اللي هالقيت دوره بدق؟ دلّه عليه. راح عليه وسأله: شوفي عندكم أخبار؟! قال الصايغ: حلّ عني يا زله ودشرفي في حالي، انا لازم أدقّ مثل هاي الاسواره اللي الصايغ الفلاني ما عرفش يدق مثلها ولا فلان عرف يدق مثلها!! حلّ عني بدهم يقطعوا راسي ان ما دقيت مثلها من هان لشهر. قال له: هات تشوف هذه الاسواره اللي بتقول عنها، يوم شانها ولا هوبقول: بسيطه، أنا في ليله بدق مثلها. قال له: معقول؟! قال له: انت ما عليك اشئ ان ما دقيت مثلها خليفهم يقطعوا راسي أنا. قال له: انت بس جبيلي رطل جوز ورطل لوز واللك الا الليلة ادقها. هاذك قال: طيب.

راح جابله رطل جوز ورطل لوز. دار يدقّ في هالليل في لوز وجوز ويوكل، ما هي الاسواره في جيبته. هاذك الصايغ يروح يتنصت في الليل عالباب يسمعه يدقّ يقول: آه هيويدق فيها ويتطمّن. الصبح قال له:

- تعال جاي شوف إذا بتعرف انيه الاسواره اللي اعطيتني اياها من هذول الثنتين.
- قال له: والله ماني عارف انيه منهن!! هذول مثل بعض.

أخذهن الصايغ للسلطان وأعطاه الاساور، انبسط السلطان. هذولاك اللي بدهم يغصبوهن يتجوزن حاطات فنجان سمّ في ايديهن ويقولن اذا بتغصبونا بنشرب السم. راح السلطان عليهن مبسوط وفرحان. صرن يقولن: بدنا نشوف أنه اللي دقّ الاسواره. راحوا جابوا الصايغ وقالوا له، هذا اللي دقها. قالن له:

- انت اللي دقيتها؟
- قال: لأ، هذا واحد عندي خدام اقرع هو اللي دقها.
- قالن له: روح جبيلنا الاقرع اللي عندك. يوم شفنه فرحن اله، غيرن اله ولبسنه هالطقم وقالن له: هالقيت روح عابوك.

هذولاك اخوته متهندين وبدهم يدخلوا⁵⁰، يوم انه اجا أنصفروا⁵¹. هذيك امه حزينه عمت ع فراقه. قالوا له: هذي امك عمت ع فراقك. مسح في ايده ع وجهها، سبحانك يا ربي، فتحت. وراحت امه

50. يدخلوا: يتزوجوا، دخل عليها: تزوجها أو تزوج عليها، بده يدخل: سوف يتزوج.

51. أنصفروا: تفاجأوا فاصفرت وجوههم.


والبنات الثلاث ع ابوه. يوم وصل ابوه قاموا اخوته بدهم يشردوا. قال لهم: اقعدها بدي اخرف ابوي. قال لابوه: حطينا خواتمنا تحت البلاطة، وواحد راح فيهم طريق الغريق وواحد راح طريق الحريق، يوم الاول ظل ع طريق الغريق قال: الله لا يجعله يشفى ورجع والثاني يوم ظل في طريق الحريق قال: الله لا يجعله يشفى ورجع. واخذوا خواتمهم ووصلوا عند اللي بدهم يخرفوها خريفية اولها كذب واخرها كذب وما عرفوش يخرفوا وقعدها خدامين في اسطبل عندها. صحيح ولا لأ؟ قالوا: صحيح. بعدين انا رحت تجييلك تفاح الصبا من واد الصبا، قالوا لي: بدك تجيب سيف الغول، رحت جبت السيف من عند الغول، طللت حبة سكر زقطني وقال لي: بدك تجييلي بنت سلطان الصين. رحت جبت بنت سلطان الصين، وبعدين قلنا حيانه عليها يوكلها. سوينا عروس واخذنا اياها وجبنا السيف، سوينا سيف خشب وقلت لهم قطعوا لي تفاح جديد، وبعد ما قطعوا لي ريمته وراحوا يركضوا عليه وشردنا. وبعدين روحنا ولقينا اللي بدها يخرفها خريفية اولها كذب وآخرها كذب وخرفتها. وبعدين واحنا مروحين اولادك طيحيوني في البير وقعدت سبعة ثمان تيام⁵² وانا في البير لا اكل ولا شرب، لحد ما بقيت بدي اموت. لولا انه الققاله اجوا اطعموني واطعموني عسل وسمن. وهذا اللي اجاك، انا اللي جبت التفاح وانا اللي جبت البنات وهم اللي بقوا بدهم يموتوني.

صاروا الناس يقولوا: اللي يحب السلطان يجيب حطب وشقفة نار. داروا هالناس يجيوا في حطب ونار تخلوها طول الدار. وديهم اولاده التين وامهم في النار. بعدين قال لابوه: انت ضاري عالسنون الثنتين، انت خذ بنت سلطان الصين واللي بدها يتخرف⁵³ خريفية اولها كذب واخرها كذب. وانا بديش ثنتين، انا بدي وحده، اخذ الحمامه. وتجووزوا وقاموا هالافراح والليالي الملاح. وطار الطير وتصطبحو بالخير.

52. سبعة ثمان تيام: تقديرأ سبعة أو ثمانية أيام، حذف الألف ودمجت التاء بدلا منها ب تيام فتلفظ سبعة ثمان تيام.

53. يتخرف: فعل مبني للمجهول، ويبنى للمذكر بحرف الياء بدل التاء للمؤنث، فيقال يتخرف، الكلام ينقال، القصة تتحكى.





البنات الغزالات

من هان لهان يا سامعين الكلام صلوا على بدر التمام، ما بطيب الحديث الا بذكر النبي عليه الصلاة والسلام. فيه هالثلاث بنات ابوهن وامهن ماتوا وعيثن يتامى، صرن يسوين في هالغزالات ويروحن يبيعهن، وحدة منهن بتقعد تطبخ وثنين يروحن يبيعن الغزلات. قعدت الكبيره فيهن تطبخ وسوت هالصوص وحطته على هالسدر، وقعدت تستنى في خواتها يروحن. اجا هالبس وخطف هالصوص وشرد، اجت لحفته ولا هوعابر عند دار هالناس، اجت قالت لهم: هذا البس خطف صوصنا وخواتي بدهن يتغدين. اجوا قالوا لها: اقعدي بتغدي عنا وبتجوزي شو رايبك؟ قالت: آه، الجوز ستره. اجوا اعطوها كسوتها وتجوزت، بعدين قالوا لها: جوزك مش هان اقعدي في هاللوزة لييجي جوزك عليك، واذا ما اجاش بتقوللنا. خطوها في هالغرفة، وسكرت ع حالها في هالغرفة لثاني يوم وجوزها ما اجاش عليها. الصبح قالوا لها: جوزك ما اجاش عندك؟ قالت: لا ما شفتش حدا. قالوا لها: بالله مثل ما شفتي خزفي، شوبدنا فيك، يمّ خلص روحي. اجت اخذت كسوتها ورجعت ع خواتها.

بعدين ثاني يوم، الاخت الثانيه طبخت هالصوص وقعدت تستنى في خواتها ولا هوجاي البس وخاطفه، اجت لحفته ولا هوعابر ع نفس الدار. قالت لهم: البس خطف الصوص غدا خواتي، قالوا لها: اقعدي بنغديك وبنجوزك، قالت: بتجوز، الجوز ستره. قالوا لها: اقعدي في هاللوزة واذا ييجي عليك بتقوللنا. قعدت وما اجاش عليها. ثاني يوم قالت لهم: ما حدا اجا علي. قالوا لها: بالله خذي كسوتك ومع السلامة. رجعت عند خواتها.

ثاني يوم قعدت الصغيره في الدار تطبخ لخواتها وحطت الصوص في السدر ولا جاي البس وخاطفه. راحت تصبلهم وتقول: البس خطف الصوص غداي وغدا خواتي. قالوا لها: تعالي تغدي وخذي غدا لخواتك وبنجوزك. قالت: آه الجوز ستره. قالوا لها: اقعدي في هاللوزة وتقولي لنا اذا جوزك ييجي عليك. ما اجاش عليها حدا. الصبح قالوا لها: اجا عليك جوزك؟ قالت: آه اجا، ومليح ومنا عند بعضنا، وانداري شو، ودارت تكذب. داروا يوسوا فيها. قعدت يومين ثلاث وما اجاش عليها، بعدين طلع. يوم انه اجا عليها ما حكى معها ولا كلمه، بعدين حمل حاله وطاح عاللوزة التحتا. تظل عاد الجنيه ناصته عليهم وهم يتخرفوا، اجت سمعت مرته من الجان بتقول له انما حبلتي، وبعدين باقيه مرته الجنيه

هاذي مانعته يحكي مع حدا من اهله ولا مع مرته ولا مع حدا. سمعتها بتقول له: انا حبلتي وبتوحم ع تفاح. اجت يوم سمعتها راحت قالت لحماثا: يا عمتي انا حبلتي وبتوحم ع تفاح. اجت صارت تبوس فيها وجابوا لها سحاحير⁵⁴ هالتفاح. يوم انه طلع من عندها، قالت لجوزها: هيوالتفاح! اذا بدك توخذ خذ. اجا اخذ لمرته الجنيه تفاح وطاح عندها. بعدين سمعتها بتقول لجوزها: انا بتوحم ع رمان، اجت راحت ع حماثا وقالت لها: يا عمتي انا بتوحم ع رمان. قالت حماثا: يا حبيبي انت بتتوحي ع رمان! هالقيت بنجيلك سحاحير رمان. قالت لجوزها: هيوالرمان اذا بدك توخذ، اجا اخذ لمرته الجنيه وطاح عندها. عاد هذيك الإنسية دارت تحط في شرايط ع بطنها عشان تبين انها حبلتي. بعدين شوما تسمع هذيك بتتوحم تروح تقول لحماثا، انا بتوحم ع برقوق... انا بتوحم ع عنب، اللي بتطلبه يجيبوا لها. دارت تقاسي مرته الجنيه، اجت لبست هذيك لبس درويش وطاحت عليها وقالت انا بولدك. جابت ولد، اجت سرقة وحطته في عبها وبقت مطيحه بسه معاها، قالت: يبسي خلقت بسه! قالت هذيك الجنيه: هممش.

طلعت فوق ع لوضتها ودارت تصيح وتقاسي، وقامت الشرايط عن بطنها وصارت تنادي ع حماثا: يا عمتي يا عمتي انا ولدت وجبت ولد. داروا يبوسوا فيها. قالت: بس يا عمتي فش قيا حليب، قالت حماثا: بممش يا عمتي فيه القزازات⁵⁵ وفيه المرضعات بمصصوه. بعدين ردت الجنيه حبلت، ماهي ولا مصصت ولا اشي، حبلت بسرعة. سمعتها هذيك وهي تقول انها بتتوحم، ع تفاح وع برقوق، صارت تروح ع حماثا، وتقولها انها حبلتي وبتتوحم ع برقوق وع تفاح وهذيك تدور تبوس فيها وتجميلها اللي بداها اياه. دارت تقاسي هذيك، اجت طاحت عليها واخذت معها جرو صغير وقالت لها: انا بدتي اولدك. يوم ولدت اجت مغمست⁵⁶ هالجرو في هالدم وقالت لها: انت جبتي جرو. قالت الجنيه: بممش جرو....جرو!

طلعت فوق ع غرفتها ودارت تصيح وبعدين نادت ع حماثا وقالت لها: انا جبت ولد، بس ما فش قيا حليب. قالت حماثا: بممش يا عمتي بنمصصه عالقزازات.

ردت الجنيه حبلت في الثالث، دارت تتوحم. اللي تطلبه التحنا تطلبه الفوقا ويجيبوا لها. دارت تقاسي الجنيه، اجت طاحت عليها والمره اخذت معها مدقة اللي بدقوا فيها الزرع. يوم ولدت ولا هي جايه بنت، اجت قالت لها: انت جبتي مدقه، قالت الجنيه: انا خلص بدتي اشرب مانع، احيان بس واحيان جرو، وهالقيت مدقه! خلص بديش اخلف. وهذيك قالت لحماثا: يا عمتي انا بدتي اصير اشرب مانع، قالت حماثا: لا يا عمتي جبتي اخرى، قالت: يا عمتي بممش ليكبروا الاولاد وبرد اجيب هالقيت بدتي اشرب مانع. دارت تشرب مانع وكبروا الاولاد.

قالت الجنيه لجوزها: بدتي توخذني ع شط البحر نصب لنا خيمة هناك ونقعد اسبوعين بدتي افصي

54. سحاحير: جمع سحارة، وهي صندوق خشبي تعبأ فيه الفواكه.

55. القزازات: مفردا قزازة، وهي قنينة تستعمل لارضاع الاطفال الرضع.

56. مغمست: معست بيديها، فلنطختا.

عن خلقي. قال لها جوزها: أمرك.

وهاذيك قالت لحماتها: عمتي بدي خيمه بدننا نروح انا وجوزي ع شط البحر نقضي عن خلقنا شوي. قالت حماتها: يا ميت اهلا وسهلا يا حبيبتي، اه روحي وانسطي. وشدوا لها هالخيمة واعطوها اياها. وجابوا لها الاكل من كل شي، وراحت هي والاولاد ونصبت خيمتها جنب خيمة هذيك.

يوم الجنه شافت الاولاد قالت: آآه هذول اولادي، الانسية ضحكت علي، وانا جنه وما قدير تلهاش! قالت لجوزها: الله يسهل عليك، روح عند الانسيه، وتكون علي حارم، وما دريش وين دارت. راح على الانسية ودار يبوس فيها ويقول لها: يا حبيبتي الحمد لله اللي طلعتيني من هالشدة. روحوا هي واياه والاولاد، ويوم لقوا ع اهله صاروا هذولاك يفتوا ويطلبوا ويترروا لانه رجعلهم ابنهم. قالت لهم:

- هذا ابنكم وانا بنت مثل ما جابتنني امي، وهيني جيت لكم ابنكم وبخاطركم.

- قالوا لها: وين بخاطركم! انت اللي رجعتيلنا ابنا وجيتيلنا الاولاد واخنتهم وبدك تروحي! اجوا كتبوا عليها في سنة الله ورسوله وتجووزوا وقعدت عندهم.

وطار الطير وتمسوا بالخير.





الهسهسه 57

من هان هان يا سامعين الكلام، صلوا على بدر التمام، ما بطيب الحديث إلا بذكر النبي عليه الصلاة والسلام. فيه هالسلطان إله نسوان ثلاث والثلاث حبالى وهوقاعد ولآ هالهسهسه عبرت في منخاره ودخلت في راسه، ودار يروح عالذكاته ليطولوا له هالهسهسه ما يعرفوش، وهي طول الليل والنهار وهي في راسه توّرّ. نشف ريقه وهويروح من حكيم ع حكيم وما حدا قادر يطولها. مّزه وهوقاعد ولآ هي بتخرّف فيه ويتقول له:

- اذا بطلع من راسك بتوخذي⁵⁸؟

- قال لها: بوخذك.

- قالت له: بقلّع عينين نسوانك الثلاث،

- قال لها: قلّعيهن، من كتر ما هو ضايق خلقه وراسه يوّرّ. اجت طلعت من راسه ولآ هي هالبننت ومجرزة.

اجت قلّعت عينين نسوانه الثلاث، وحطتهن في بير فش فيه ميه. اللي يشفق عليهن يرملهن فتّة خبز ويجيبلهن ميه. ولدت اول وحدة، قسمت ابنها واعطت ضرّحها هذيك ورك، وضرّحها الثانيه ورك، وتالي الولد اكلته. في وحدة منهن ما اكلتش وركها. ردّت ولدت الثانيه، اجت الثانيه قسمت ابنها واعطت هذيك ورك وهذيك ورك واكلت تاليه. هذيك خلّت الورك وما اكلته. يوم ولدت ما اكلتش ابنها ما طاقتش معدتها. يقولن الها، لساتك ما ولدتي؟ تقول: لساتني. كل يوم يسألنها وتقول لمن انما لساتها ما ولدت. عيط الولد، ولآ هن بقولن: آه، ولدتي وما قلتي، بدنا اوراكننا! قالت لمن: خذن انتي هي وركك وانتي هي وركك، وانا ابني بديش اوكله.

بعدين كبر هالولد ولآ هوفيه سرداب بين دار اهله وبين البير، دار يمشي فيه ولآ هالطباخ بطبخ، سألّه الطباخ:

57. الهسهسه: البعوضة، وتسمى القارصة أيضاً.

58. بتوخذي: تعني هل تتزوجني، وفي بعض اللهجات تستعمل كلمة يوخذ بمعنى يتزوج بمختلف تصاريف الفعل كتصاريف الفعل يتزوج، دخل، يدخل، دخلت، دخلوا، يدخلوا.... الخ.

- من وين اجبت؟
- قال: من البير.
- قال له الولد: بدي أكل لأمياتي، اجا الطباخ سقى⁵⁹ له هالسدر ورززه وحّمه⁶⁰ واعطاه اياه. اجا يوم جابلهن اياه درن بيوسن فيه، ويقولن له: يا حبيبي يا حبيبي يا ربتك تظل، احنا بقينا بدنا نقتلك يا حبيبي يا حبيبي. بعدين صار الولد كل يوم الظهر يروح عالطباخ وهذاك يعطيه سدر طبيخ يرززه ويلحّمه ويعطيه اياه. بعدين الولد مره راح يجيب الاكل خلى الطباخ لدار ظهره ودار زرف الملح في الطبيخ، ماهو عارف انما مرت ابوه بدها توكل منه. يوم انه الطباخ سقاهن، قالوا له:
- الله لا يجبرك هذا صرصور ملح.
- قال الطباخ: انا يا سيدي ملحتهن ملح عادي.
- قال له: ذوقهن! يوم ذاقهن ما قدرش يوكل منهن اشي. ثاني يوم اجا الولد سوى نفس الاشي، خلى الطباخ لدار ظهره ودب زرف الملح في الطبيخ. ردّوا قالوا له:-
- الله لا يجبرك انت مملح الطبخة ثلاث خطرات، هذا صرصور ملح!
- قال لهم: انداري⁶¹، انا ملحت عادي يا سيدي.
- قالوا لبعض: بدنا نطره نشوف شواللي بصير في المطبخ. يوم نظروه شافوه سقى هالسدر واعطاه للولد ودار ظهره، اجا الولد لاص⁶² ودار زرف الملح في الطبخة. قالوا:
- آه زقطانك.
- سألوه: ليش يا قُط المطبخ يوم يسقيلك السدر بتدير ظرف الملح في الطبخه؟
- قال لهم: انا بعرفش انما مملّحه ببقى بدي املّحها. اجوا وقفوه خدام المهم، روح يا قُط المطبخ، تعال يا قُط المطبخ، سوى هيذ يا قُط المطبخ، واعمل هيذ يا قُط المطبخ، وهو يودّي اكل لامياته كل يوم. بعدين الولد كبر وصار زله. يوم صار زله اجت غارت منه مرت ابوه. قالت له: بتروح عالطرح الفلاني وخذ هي العنوان وتجيّب لي دواي من عند اهلي. ودّته ع اهله اربعين غول، وفي عندهم وحده. طلع هالدرج، ولّا هن اربعين سراج وعصفورتين ووحده. سألها: شوهدول⁶³؟ قالت له: هذول ارواح اخوتي، إلي اربعين اخو وارواحهم في السُرّجه، اذا بتظفي السُرّجه بموتوا. سألها: وشو هذه العصفوره اللي بتزعزعق؟ قالت له: هذه روح الهسهسه اذا بتخنقها بتموت الهسهسه.

59. سقى: السقي عادة باستعمال الماء، لكن أيضا يستعمل الفعل سقى ومشتقاته لوضع شراب اللحوم على فتات الخبز، وايضاً سكب الطعام من الطنجرة أو الدست الى الصينية أو الصحون..

60. السدر: الوعاء المعدني الذي يوضع فيه الثريد، رززه ولحّمه: اي بعد أن وضع الخبز ووضع فوقه المرق أو شراب الطبيخ قام بتغطيته بالرز وفوقه اللحم كالمُنسف.

61. انداري أو أنا داري: لست ادري أو اعراف،

62. لاص: توارى عن

63. سراج: أداة بدائية للإضاءة، وجمعها سُرّجة. هذول: هذه الأشياء أو هؤلاء.

صار يتفرج ع مطرحهم ولأ هو هالذهب والمال وكل اشئ. دارت البنت تحزف فيه وتلاهي فيه لحد ما يصلوا الغيلان، بعدين سأها: شوهدول؟ قالت له: هذول عينين نسوان السلطان، وسألها: وشوهذا اللي في القطرميز⁶⁴؟ قالت له: هذا اللي بلزق العينين، اذا يدنه الواحد بلزق عينيه وبرجع العادة. خاف الولد ونقر قلبه، اجا مسك عصفوره من العصفورتين وخنقها ولأ البنت ميّة، وبعدين نفخ ع كل السرجة وطفاهن وأخذ عينين امياته واخذ قطرميز الدوا عشان يلزق لهن عينيهن. يوم انه طاح عن الدرج ولأ هم الاربعين غول مدحدلين وميّن عالدرج. قال: مليح اللي طفيت السرجه ولأ كان قتلوني. راح على امياته. وقال لاول وحده: بما يا حبيبي بدي أفليك⁶⁵! قالت له: يا ريتك سالم بما. قعد بغلي فيها، ففّح عينها ودهنّها وحط عينها اجت شافت. قالت له: يا حبيبي يا ريتك سالم حطّ لي الثانيه، لزلقها الثانيه ولأ هي بتشوف. صارت تقول لرفقاها: حبيبي ابني لزلقي عيني وهيبي فتحت. قالن له: واحنا يا حبيبي؟ اجا لزق لهن عينيهن وصرن يشوفن الثلاث. قال لهن: تعالن تحممن والبسن ومشطن وتعالن معاي على المسهسه. عاد هوشادد في ايده العصفوره اللي روح المسهسه معلقه فيها وراحوا عليها. قالت المسهسه:


- يا قشلي يا قَطّ المطبخ شوسويت؟
- قال لها: اللي شايفته! قتلت اخوتك الاربعين واختك، ويغصّ ع جوزة العصفوره وتدور ترغغ.
- قالت له: يا أقشيلي إقلت العصفوره وشوما بدك بعطيك.
- قال لها: غابت عنك... انا لوشوما تعطيني ما بفلت العصفوره، انا مال اخوتك چيته وانت جنتني أبويا وانت توزي في راسه! ولقعتي عينين امياتي! وبذك اياي أفلتك؟ صارت تترجج فيه:
- يا حبيبي يا روحي بعطيك عيني،
- قال لها: لوتعطيني كل الدنيا ما بفلن عنك! وكل شوي يعصّ ع جوزتها وتدور ترغغ. وبعدين عصّ عليها وطق جوزتها اجت ماتت. دار ابوه ييوس فيه: يا حبيبي يا ابا اللي انفكيت منها.
- رموها للكلاب وما دفونهاش! ونسوانه ظلين عنده، وجوز ابنه وانبسطوا!
- وطار الطير وتمسوا بالخير.

64. القطرميز: المرطبان من الزجاج.

65. أفلي: افتش شعر رأسك لقتل الحشرات الضارة كالقمل وسواه.

Faint, illegible text covering the majority of the page, likely bleed-through from the reverse side of the document.





القُرْصَة

كان يا ما كان في قديم الزمان في هلمره بتحب البنات كثير كثير كثير، بس مشكلتها كل ما تحبل وتلد، تجيب ولد. جابت الأول والثاني والثالث لحد ما جابت السابع..

وصلت كل ما تجيب واحد تقول اكيد البنت وراه، ويوم حملت بيطنها التامن ولما وصلت شهرها راحوا اولادها السبعة على الصيد، وكانوا بستنوا بالبنت بفارغ الصبر، وقالوا لأهمم: بما اذا اجا ولد علقني الباروده! واذا اجت بنت علقني المكحله! واحنا بس نيجي بنعرف شو جيتي من دون ما نسالك ونزعجك.

قالتهم امهم: حاضر بما ان شالله.

والله وهم راحوا على الصيد والام ولدت، وشوجابت؟ جابتهم بنت.. وانبسطلت الام وفرحت وقالت للدايه: علقني المكحله، علقها.

ومن عجقتها للدايه راحت علقت الباروده بدل المكحله. وبآخر النهار لما اجوا الاولاد شافوا الباروده، وعرفوا انه ولد، وزعلوا وانقهروا، وقالوا: الدار اللي فش فيها بنت شو بدخلنا عليها؟ وراحوا يسكنوا في مكان ثاني.

وصلت الام تستنهم، والبنت كبرت لها شوي، وكانت دائما تسأل امها: وين اخوتي؟ وين اخوتي؟ وأمها تقول لها: بما راحوا على القنص ان شالله ما بيطولوا...

ومرت الايام، ويوم راحت البنت تخبز، بعدما خلصت خبز، عملت هالقُرصه من تالي العجنه ولما خبزته وقع منها وضل يتدحرج ويتدحرج، وهي لاحقته، لحد ما وقف قدام دار صغيره، وربحتها طالعها، ومبين عليها الفوضى والوسخ، فهي دخلتها وبدت ترتبها وتنظفها. وفرشت النخوت، ونضفت⁶⁶ الطاولة وبدت تعملهم غدا، وهي بنص شغلها سمعت قرعه بزا الباب، فجرت على السريع واتحبت ورا الطاولة، ولما دخلوا اصحاب الدار على دارهم، فكروا حالهم مخربشين من نظافتها، وصاروا يقولوا: مين هادا اللي عامللنا هيك؟ مين هالتضيف والمعدل؟... بعدين قالوا: عليك الله وأمان الله والحاين يخزيه

66. نضفت: الأصل نظفت، لكن أهل المدن غالباً ما يقلبون الظاء إلى ضاد، بينما أهل الريف يقلبون الضاد إلى ظاء، مثل قولهم اجانا ظيف بدلاً من اجانا ضيف!

الله! اطلع وعليك الامان..

فهي طلعت من محل ما كانت متخيه، ولما شافوها قعدوا يستفسروا منها عن قصتها. وعرفوا قصتها وهي تحكيهم وتحكيهم.. إلا واحد يقول: شكلها هاي اختنا!

وشوي شوي من كلامها عرفوا انها أختهم وانسطوا فيها، وانسطت فيهم، وسكنت معهم. وصاروا هم كل يوم يروحوا على الشغل، وهي ترتب لهم هالأكلات وترتب الدار ومن هالقصص.

وبيوم من الايام كانت بتاكل في ذره، ولما أكلت آخر لقمة اجتها البسه اللي كانوا إخوانها مرتبينها. وقالت لها: طعميني منها والا بفرفر على النار وبطفيتها! قالت لها البنت: انا أكلت آخر لقمة وبدي النار على شان أطبخ لاختي، حرام بيحوا كثير كثير تعبانين وجيعانين حرامك! بس البسه ما سمعتش، وراحت فرفرت على النار وظفتها، فصارت البنت تعيط وهي زعلانه على اخوتها كيف مش راح تغديهم، وراحت تمشي وتلور على شعله نار، ومن بعيد شافت نار، ضلت تمثيلها لحد ما وصلتها. انبسطت! بس لقيت غول قاعد بيتدفا عليها. فقالتله:

- السلام عليكم يا ابونا الغول.

- قال لها: لولا سلامك سبق كلامك خلّيت سكان تحت الارض يسمع قرط عظامك، شوبدك؟

- قالتله: بدي شوية نار.

- قال لها: بسيطه خدي. أخذت هالنار وانبسطت وروحت... بس الغول ما فلّتهاش، ضلّه ماشي وراها وعرف وين ساكنه، وتاني يوم اجاها ومد راسه من الشباك، ولما شافها لحالها، قال لها:

- مديلي إصبعك أمصه! وهي طبعاً خافت ومدتله إصبعها... وهي صار الغول يعمل كل يوم... والبنت كل ماناها بتضعف! فسألوها اخوتها:

- شومالك؟ في إشي مزعلك؟ ولّا شوقصتك، كل يوم بتخسي النص؟

- قالتلهم: القصة هيك هيك،

- قالوا: اه يبقى هيك! خلص ذبارة هالغول هادا⁶⁷ علينا.

- وتاني يوم كالعادة نزلوا الاخوه، بس ضل الكبير فيهم ونحى ورا الباب، ولما اجا الغول قال لها:

- مدي اصبعك!

- قالتله: بديش، واذا انت زي ما بتقول قوي، اكسر هالباب. والله الغول انجرّ لما سمع هالكلام،

وهاج، واجا هجم على الباب وكسره. وطبعاً الأخ الكبير كان مستنيه، وقتله، واجوا الاخوه، ورموه في بير بعيده. بعديها مين فقد الغول؟ اخته الغوله، وعملت حالها عجوز. وراحت عند البنت،

وصارت تحكي معها وتاخذ وتعطي. وجابوا سيرة الغول، فراحت البنت قالت للعجوز قصتها مع الغول وكيف اخوتها قتلوه، فشهمت العجوز شهقه كبيره لما عرفت. وبعدين رجعت طبيعته! فسألتها

البنت شوماها قالت لها:

67. في حرف الذال بميل اهل المنن إلى تحويله إلى دال، فيقولون هادا بدلاً من هذا، وهدون، وأما أهل الريف فيخمنون لفظ الذال ليفظونها ظاء، فيقولون هاظلاً بدلاً من هذا..

- ولا اشي... هوانتي كم اخ لك الله يحفظهم؟


- قالت لها: سبعة.

- قالت الغولة: الله يخليك اياهم. وتاني يوم اجت هالعجوز وهي جايه معها سبع كنادر. والله البنيت انبسطت واخذتهم واشترتهم لاختوتها. ولما اجوا فرجتهم اياهم وانبسطوا. ولبسوهم، إلا هم على السريع يبقليوا تيران⁶⁸، وزعلت البنيت كثير كثير. ومشت فيهم، ومشت. وخذت ما وصلت لقصر السلطان! فأخذوها الحراس للسلطان ليفهم قصتها! ومن كتر جمالها وحلاوتها اعجب فيها السلطان وحبها وطلب يتجوزها، وهي وافقت بس بشرط يديروا بالهم على هدول التيران اللي بتحبهم كثير. ووافق السلطان.

ومرت الايام والسلطان كل يوم عن يوم بيزيد حبه لمرته. وخلفت له هالولد اللي ما شاء الله عنه... ومين طبعها اللي غار؟ نسوان السلطان القدامى.... صاروا بدهم ينتقموا منها، فزئوها في البير هي وابنها، وبمادا الوقت راح السلطان عند التيران يشوفهم، الا هويلاقي التور الصغير فيهم بيعيط وينادي على اخته، فقلق السلطان على مرته، وراح دور عليها، ولقيها في البير هي وابنها وانقذهم، وبنفس اليوم الا بتيجي الغولة عامله حالها ماشطه، ومشطت البنيت، ولما مشطتها حطتلها مشط براسها فانقلبت حمامه، وكان شايفهم ابنها، فراح جاب حبوب قمح وقعد يطعمي الحمامه، فأجا ابوه السلطان، وقال له: من وينلك الحمامه؟ فقال له: هادي امي! فصار الاب يضحك! ومسلك الحمامه، ولقي براسها مشط صغير معلق، فقامه، إلا هي بتقلب مرته، فاستغرب الأب، وسألها عن القصة، وقالته قصتها عن الغولة، وكيف حولت اخوتها لتيران، فعصّب الملك! وبعث حراسه يجيبوا هاي العجوز، الغولة... ولما جابوها هدّدها اما بترجع الاخوه: زي ما كانوا أو يبحرقها. فهي ما رضيتش، وقالته: اذا حرقني عمرهم ما بيرجعوا زي ما كانوا، وهم يبحكوا بالكلام هادا الآ اللي بينظف التيران جاي، وخايف، وبيقول للسلطان يا سيدي كنت انظف التور وما كبيت عليه مّي، غير تحوّل لشاب! والله ما عملت اشي انا، فراح السلطان على مكان التيران، بدّه يتأكد، وكبّ مّي على بقيتهم، ورجعوا لأصلهم، والغولة هديك حرقها السلطان قدام كل سكان المملكه ليتعلموا منها. وهو عاش أحلى عيشه مع مرته وابنه واولاد حماه... وتوته وتوته خلصت الحدوته.

68. تيران: الأصل تيران، لكن اهل المدن يقبلون الناء إلى تاء أحياناً فيقولون: تور بدلا من تور وكذلك تلاجة، التعلب.





الطير اللي بغني

في واحد ملك، هذا الملك تجوز أول وحده وما خلفت، هجرها، وتجوز الثانية وما خلفت، هجرها، وتجوز الثالثة وحملت، جابت ولد، أجت الدايه للجاريه وقالت لها بتحطي جرو محل الولد وتوخذي الولد، قالت لها ماشي، لأنهن كانن ييرطلن الدايه، حملت ثاني مره، جابن حجر، وحطوه محل الولد، حملت كمان مره، وجابت بنت، جابوا قط، وحطوه مكانها، أخذ الحجر والقط ورامهن وأخذ الكلب وحط في رقبته طوق ذهب، وحطه في غرفة فيها تحت وإله دار، ووين ما يروح يظل معاه، هذول الاولاد اللي أخذتهم الدايه حطتهم عند ناس عاجزين وروهم. هذول الاولاد كبروا وراحوا إستأجروا دار وأخذوا أختهم عندهم. الضراير دورن على الدايه، وقلن لها:

- الاولاد كبروا صاروا شباب،
 - قالن: بكره بتعرفوا على أبوهم وبذبحنا،
 - قالوا لها: ضيعيهم!
 - قالت: كيف؟
 - قالوا لها: روحي على أختهم، وقوليلها قول يضيعهم. راحت عليها ويوم خشت إلا الدار قصر!
 - قالت لها:
 - والله يا بنيتي هذا القصر ما بدّه إلا عين الشمس تنحط فيه.
 - قالت: كيف بدنا نجيبها؟
 - قالت لها: إخوتكي يجيبوها.
- هذا البنت صارت تصيح، ولما تصيح البنت بتصير الدنيا تمطر، وإخوتها معاهم خاتم، لما يصير أسود بعرفوا إنه في إشي مش طبيعي صار لأختهم. أجوا إخوتها وسألوها:
- شو فيه؟، قالت: بدكو تجيبوا عين الشمس!
 - قالوا لها: كيف بدنا نجيبها؟
 - قالتهم: إسألوا ويتندلوا.

هاذي عين الشمس بنت، جنيّه ساكنه في غابه كل إشي فيها مسحور، الطير والشمر وعليها حراس

سبعين. مشى أول واحد، ولاقاه شايب في الطريق، قال له: بتخش على الغابه، بس لا تحكي مع العصافير، ولا توكل من ثمرها، بخلوك حجر، أوعى تحكي كلمه! وتتوخذ معاك ذبيحه، وبتقطعها أربع قطع، وإنت داخل راح يكون فيه سَبْعين، أعطيهم كل واحد قطعة لحمه، وبتتناولها! وإنت طالع، أعطي كل واحد قطعة لحمه عشان يلهوا في الأكل.

هذا الولد أول ما خش الجنيينة، شاف التفاح بمهفف النفس! أكل تفاحة، فيه طير بقول له:

- من وين جاي يا سَبْ، رد عليه السَّبْ وقال له:

- جاي من هان.

- قال له الطير: وقف حجر زي الناس، ظلوا يستنوا إخوته، بس ما أجا. راح الولد الثاني يدور على

أخوه، ولاقاه في الطريق نفس الاختيار إلي لاقى أخوه، وقال له نفس الوصايا إلي قالها لأخوه،

وقال له أنه أخوك ما ردّ على الوصايا مشان هيك، راح أخوك ...

هذا الولد خشّ، الطير يحكي معاه والشجر يحكي معاه، بس ما ردّ على حدا، وحمل ذبيحه أربع

قطعات، وأعطى السباع، وجاب عين الشمس! وصارت كل الناس تبيجي تتفرج على عين الشمس!

سمعت الداية بالموضوع، وقالت بكره بسمع الملك بالموضوع وبيجي يتفرج ويعرف القصة. راحت الداية

على البنت وقالت لها: هذه عين الشمس ما بتتفع لحالها بدها الطير اللي بغني ويرد عليه جناحه. هادي

البنت صارت تصيح! قال لها أخوها:

- ظلمت أنا بدكي تضيّعي؟!،

- قالت له: هذه القصة هيك هيك ..

- قال لها: حطيلي زاد وزوادة،

وأخذ الزوادة ومشى، مشى على جهة الطير إلي بغني وجناحه برد عليه، ولما وصل الواد، لقي غول شعره

طويل وأظافره طوال، قال له السَّبْ: سلام عليكم، قال له الغول:

والله لولا سلامك سبق كلامك لأكلتك وقظقت عظامك، لحمايك ما أجين لقمه ودمّاتك ما أجين

جرعه.

قصص أظافره وشعره وشواربه، قال له:

- والله أنا بدّي الطير إلي بغني وجناحه برد عليه،

- قال له: والله يا بنّي إلي مودّيك مودّيك على الموت،

- قال له: روح على الجبل الثاني بتلاقي أخوي أكبر مني وأضخم مني. راح السَّبْ على الجبل الثاني

وشاف أخواله، إلا هوزيّه، رد عليه السلام وقال له زي ما قال لأخوه، قصصه ونظفه، قال له:

بتروح على أخي هيهيا في مغاره على الجبل الثاني، بتروح بتلاقيها بتمدح في مديح النبي وبتطحن

سكر، وبتبقى رابطه بزازه على صدرها، إمهط من بزها اليمين وقل لها: أنا أخو لإسماعيل، وإمهط

من بزها اليسار وقل لها: أنا أخو لنصار، وكان لقيتها بتقدح نار وبتطحن في ملح، أوعى تحش

- بلاش توكلك. ولما أوجه وباصى⁶⁹ عليها إلا هي بتقدح قدح، تبتأ عنها، ولما هِدْتُ دخل عليها، لهط⁷⁰ من بزها اليمين وقال لها أنا أخو لإسماعيل، ومهط⁷¹ من بزها اليسار وقال لها:
- أنا أخو لنصار.
- قالت له: ولولاك مهطت مني وصرت ابني لأكلتك، مين بوديك على هالبلاد إلا بدو يهلكك!
- قال لها: بدى الطير إلبى بغني وجناحه برد عليه،
- قالت له: شايف السهله هذيك، فيها شجره، دايمًا يكون عليها، هاذا الطير بطير وبهدى على هالشجره في الليل، بصير الطير يقول: مين يسليني في خلوتي، مع مين بدى أحكي، بس أوعى ترد عليه، هذولا الناس إلبى بكونوا لابدين⁷² جاوبوا الطير، برد الطير على السريع: إقلب حجر، إنت يا شبّ إياك تجاوبه، وبعد ما بنام الطير بحط راسه، تحت جناحه وبنام، في هذه اللحظة أغفطه⁷³ وجيبه. عمل الشّبّ زي ما حكتله الغوله، الطير بعرف إنه الناس بدها توخذه، ولما زقطوا الشّبّ، قالوا الطير بالله زقطني، أنا من حظك. قال الشّبّ للطير:
- هذولا الناس اللي صاروا حجار بدك ترجعهم كلهم أودم،
- قال له: طيب،
- قال له: هات عرام تراب وإقرأ عليه سوره ورشها، وكل حجر بيتيجي عليه تراب يرجع إنسان، صار يقرا ويرش تصارت الناس تعبّ عبّ من كثرهم، أثاريتها كايته حابسه أمة الله. قال له:
- أنا بدى أخوي،
- قال له: بتميلني على المنطقه إلبى هو فيها وبترش تراب، وكل الناس إلبى غاد بتقوم وهو معاهم. رجع على الغوله وقال لها: أنا أخذته! قالت له: روح مع السلامه. صار الناس بدل ما يجوا ميه ميه صاروا يجوا ميتين ميتين عشان يتفرجوا. راحوا على الملك وقالوا له عن القصر إلبى ساكن فيه الأولاد وأختهم، قالوا لازم إحنا نروح ونتسلى، قاد هالكلب وراحوا، قعدوا وقال: غني يا طير. قال الطير:
- ما بوكل حجر ولا بشرب جزر مين حسّانه مرت الملك
- بتجيب قط وكلب وحجر؟!
- قال لها الولد الشّبّ اللي جابه: ها شوبتجيب،
- قال بتجيبك إنت وأخوك وأختك
- قال أنا وأخوي وأختي أولاد الملك؟

69. أوجه: أقبل. باصى: نظر بتمعن


70. لهط: أكل بشراهة، واستعملت هنا للرضاعة.

71. مهط: مصّ بقوة

72. لابدين: اسكتون متوارون عن الأنظار، ولابدين هنا متوارون عن الانظار لان الطير حولهم إلى حجارة، فتواروا عن الانظار بشخصياتهم الحقيقية..

73. أغفطه: غافله وأقبض عليه بسرعة.

- قال الطير: نعم.
قاموا على الكلب وشلحوه عقد الذهب، واخذوه منه، وقالوا: جيبوا الداية، وجابوا خالاته والداية
وحرقوهم.
وطار الطير وتتمستوا بالخير



التَّعْلَهُ

في هالملك ماخذ اربع نسون، والاربعة بجبلنش، رد أخذ الخامسة، جابت ولد وبننت، عند ما جابت ولد وبننت، قلن للداية اللي بتجيبهم بدك تروحي وتحطي بداهم جراوة كلاب، بعيد عنك، قالت لهم طيب، راحت ولدت لقت هالاولاد، حطتهم على هالصينية، بقين على صواني يحطين الاولاد، حطتهم عليهم ردت رجعت، بدى اشوفهم بدى اشوفهم هالجراوه، قامت لقت هالاولاد وحطت محلهم هالجراوه، هالجراوة ينبحن بعيد عنك، إلا هن قالن لها: بدك تطيعيهم! وين بدى أطيعهم؟ قُلتوا لي أسوي هيك هيك سويت، قولن انما جابت جراوة بدل الاولاد، راحت حطتهم بالمالصندوق، كأنه في بحر قريب، راحت كبتهم، الصندوق باللي فيه. في هالصياد عايش لحاله في هالبحر، ضرب هالسببكه، طلع هالصندوق، قال: جابها الله واجت في هالصندوق. ما فتح الصندوق إلا هوفيه ولد وبننت، قال: يا رب أرزقتني إياهم... إرزقتني إشي يا رب! يا رب إلي أعمّر وأطعمهم. وهويقول هيك لقي حبة رمان على هالشجرة، فتحها وصار يلقمهم بثمارها، عاشوا، وقال يا ربي ترزقتني غزاله، دابه، إلي تيجي ترطع هالاولاد. الله من فوق يقبل، إجنه هالغزاله، كل يوم تيجي الصبح والظهر والمغرب تيجي تقيل لهم وترطعهم. يوم هالصياد ما شاف إلا هالواحد راكب غ هالفرس، وواحد لاحقه بدّه يقتله ويوخذ الفرس منه. قال للصياد:

- دخيلك، طنيب عليك، هذا بدّه يقتلني ويوخذ الفرس!
- قال له: تقتلشّ خذ هاي حقّ الفرس. أخذ حقّ الفرس، وراح! هذا اللي كان يتضايق قال له:
- هاذي الفرس صارت حقك، خلتها لك.
- قال شوبدي فيها، ما بتلزمينش.
- قال له طيب خذ هالثلاث شعرات، كل ما تضايقت يتدعق شعره، ويتفكّ ضيقتك. أثارني الفرس كايه من الجنّ.

طيب، كبروا هالاولاد. أبوهم مريض، يعب كثير، ونادى الولد، وأعطاه الشعرات، وقال له: يابا بعد ما أموت، تظللّسّ هون. وتوفى أبوهم، وسوا له هالقبر وقبروه. وبعد ما توفى اللي رباهم، الولد بدّه يروح يدور اله ولأخته على بلد يقعدوا فيها، إجا تقولي عطرط بلد، وأخذ الشّعره، وحرّفها، قام إجا

هالحصان، أجا ركب عليه هو واخته، وأخذ اللِّحاف والفرشه إلي عنده، وأجا على هالبلد، ع طرف هالبيدر وقعد. لمن قعد على البيدر، أجا، شاف فيه جامع بالبلد، اتوظا، وراح صلى في الجامع، ظلت اخته قاعده وهو يصلي في الجامع، صار يهلل ويستغفر، اهل البلد حبّوه، قالوا له:

- انت وين قاعد،

- قال لهم: أنا قاعد في البيدر،

- قالوا له: فيه عند فلان هالغرفة، حطّ اغراطك فيها واحنا بنحطّ اجارها، وقعد فيها.

بنات الحرام بخلّوش حدا بحاله، البلد كلها حبّت هالصبي على صوته، طيب، صرن يجين عليها يتزكزن⁷⁴، بي! بي! جاي يقعدك هون وهيك؟ ما يقعدكش في دار منيحه؟ مش غرفه، لازم يجييك هيك وهيك! البنّت صار الحكي يخش عقلها. قالتله:

- يا خوي انت بتروح تتسلّي عند الرجال في الجامع، وانا تخليني قاعد لحالي، - قال لها: تخالطي بالجارا، إنزلي عندهن. صارت تروح. وحده قالت لها خليه يجييك الثعله، طيب الثعله من وين يجييه؟ قال لها: سوّلي زاد وزوّاده، سوتله زاد وزوّاده، وراح على هالبلاد، مرق على هالبلاد، الكلاب - بعيد عنك⁷⁵ - عوو... عوو، مرق عنهم. عن الدوله الثانيه، الدوله الثالثه، الله دلّه، مرق عند هالغوليه، دالعه ابرازها هيك وهيك، وتطحن بزاد، قال لها:

- السلام عليك،

- قالتله: لولا سلامك سبق كلامك لخلي الجبال السّود تسمع طحن عظامك! طيب، طاح عند الغوليه رظع من بزها اليمين وبزها الشمال،

- قالتله: رظعت من بزّي اليمين صرت مثل إبني عبد الكرم، رظعت من بزّي اليسار صرت مثل إبني عبد الجبار!

- قالتله: شو امجيبك على هالبلاد،

- قال لها: بدّي اروح أجيّب ورقة من عند الثعله لأختي.

- قالتله: الله لا يجزيها خير إلي دلّت اختك عليها، فيه عليها أربعين مارد على هاي الثعله.

- قال لها: بُسّرتها الله.

- قالتله: وانت رايح فيه غنم، بيقن هناك، إذجلك عنزه وإذبحها من النص، وانت عابر ارمي نصها للكلاب إلي في قصرها، وانت طالع ارمي نصها الثاني. زَمّ حاله وراح، وعمل مثل ما قالتله. قطع ثلاث اربع خمس قطع، وحطهن بجبابه، وهو طالع رمى لهم الشقه الثانيه، التهين الكلاب في الأكل، والغيلان ما صحوا، ظلوا نائمين، قطع اكم ورقه من هالشجرة، ومشى. ركب على هالحصان، رد راح على امه إلي رظعته وقالتله: مع السلامه.

لما رَوّح أخذ هالورقات، وأعطاهن لأخته، وصرن يغنين ويلعنن ويخرفنها لأخته، قالتله:

74. يَنْزُكْرِكُن: يتملّح في الكلام، يتملّح ويضحك.


75. بعيد عنك: جملة معترضة تقولها الزّاوية للمستمعين احتراماً لمقامهم عنده.

- شايف كيف يا خوي ابي صرت اتسلي،
- قال لها: ياختي تسليتي، بس كان ما رجعتش عليكى، ولا جبتلك الثعله ولا انا جيت،
- قالتله بسترها الله!

قالن النسوان لإلها: ليش يجيبلك ورق؟ لازم يجيبلك الثعله براسها. طيب، رد راح وعمل زيّ ما عمل أول مرّه، راح جابلها راس الثعله، لقيها نايمه، وخاتم في إصبعها وهي نايمه، زي الخاتم، حرّكه، فقال له: خاتم اللبيك بين إيديك! قال له: الثعله في تحتها وقصرها وخلّأها كلّه اللي بين إيديك، يروح عدار فلانه، يعني عند أخته. صحبوا الناس الصبحيات، إلا هالدينيا مقلوبه، من وين أجت؟ بقا في النهار فشّ إشي، والناس تروح تنفرج على هالثعله، ترقص وتغني. هو زَمّ حاله وراح! العالم حبّته أكثر. وراح من البلد إللي هوفيها أجا على البلد إللي فيها أبوه السلطان، قُلب السلطان مال لهالولد، راح قال له: غداك اليوم عندي. قال له: بتفتح عليّ ابواب كل واحد بده يصير يعزمني، تسمحلي؟ قال له: بَسْمَخْلُكُش. أنو إللي اتوغّوش⁷⁶? نسوانه الضراير، हाظ بعيد عنك بداره بالقصر من هون كلب ومن هون كلب، إللي قالوا اولاده! وهو عابر طقّ هاذا ودحل راسه، وطقّ هاذا ودحل راسه! له له هذول اولاده للسلطان، قلن نسوانه! قال لهن: سلطان ابن سلطان بخلف كلاب؟ هاذي خرايف النسوان! السلطان بخلفش كلاب. طيب راح إتغدا وروّح! وقال له: انت بكريات، انت وعساكرك غداكم عندي. قال له: شومقدرتك؟ قال له: الله بعين، الاجاويد كثار، راح جاب إشي قدّ ما جاب السلطان بأربع مرات! وعزّمه! السلطان حبّه كثير، قال له: خليك، بدّي أتخرف انا وياك. قال له: بصير السلطان يخلف ويجيب كلاب يا ملك الزمان؟ قالوا: الخراف على الظيوف ولا المحلين؟ الثعله قالت لهم، الخراف على الخليه مش الظيوف. قالوا لها طيب! قعدت تُخرف، قالت لهم: ملك الزمان تجوّز اربعه، وخرّقتهم القصه، والنسوان سوّين هيك وهيك، وجبن جراوه، وقُمن وحطّين، وإن صدقت الوالده على ولدها، هاي ابنك وهاي بنتك وانت ابوهم! قال: يا من يحب السلطان وابن السلطان يجيب حزمة حطب وشقفة نار! صاروا الناس يجيبوا الحطب ويكوموا، جاب الدايه ونسوانه اللي قلن لها، ودار النار فيهن وفيها.

وطار الطير والله بمسيكم بالخير .

76. اتوغوش: داخله الشك



المكحلة

باقي هلمره لها سبع أولاد. هالولاد احتجوا بدهم بنت: أنت كل سنة بتجيبيلنا صبي! بدنا بنت! طلوعوا من عندها وهي بتقاسي بدها تولد.

قالوا لها هاي آخر مره منشوفك⁷⁷ إذا جيتي صبي! آخر مره منشوفك! وإذا جيتي بنت منرجع عليك.

قالتلهم شو بدريكم عني إن جيت صبي ولا جيت بنت؟

قالوا لها إذا جيت بنت بتعلقني لنا المكحلة باب البيت. وإذا لقينا المكحلة باب البيت منعبر. وإذا لقينا المنخل منرجع!

عبرت عليها جارحما، وقالتلها: دخيلك يا جارتنا أولادي بدهم بنت، وقالوا لي إذا لقينا معلقه المكحلة منعبر! دخيله عليك إنك تعلقني المكحلة مشان أولادي ايشوفها ويعبروا.

هذيك حسد فيها مشان أولادها ما يعبروش حطت المنخل. قالت لها: حطيتلي يا جارتنا المكحلة؟ قالت لها: آه.

أجوا الولاد المغرب، لقيوا المنخل! قالوا، وهي أمي جايت صبي! ارجعوا. عاودوا يوم شافت أولادها ما أجوا طلعت، ولقيت معلقه المنخل. ظلت هي وهالبنت.

كبرت البننت، راحت الأيام واجت الأيام، صارت البننت تلعب في الحارة مع البنات، يقلنلها البنات: موتك يا وديعه يا تموته إختوك السبيعه! تيجي البننت وتستفسر من امها وتقول لها: ما ترديش عليهن.

كبرت البننت وصارت صبية عمرها سبعتشر سنه. ظلين يعايرن فيها البنات. يوم ما قدرت تتحمل، فتحت البير، وقالت لأمها لا بتقولي الحقيقه لا بدب حالي في البير! خزفتها وقالتلها: وأنا أقاسي فيك،

بقي إلك سبع اخوه، بروحووا على الصيد. قالوا لي إذا جيت صبي ما منرجع، وإذا جيت بنت منرجع، فانا توكتفت⁷⁸ على جارتنا وقلت لها: علقيلي المكحلة قبل ما أنسى عشان يشوفوها المغرب! قامت جارتنا

علقت المنخل. قاموا هجوا إختوك يوم شافوا المنخل وهجوا وراحو! هاي هي السبيعه.

77. منشوفك: بنشوفك، عادة يستعمل حرفي الباء والنون على الفعل الماضي ليتحول إلى المضارع مثل شاف بنشوف، راح بنروح، حكى بنحكي. لكن هناك ظاهرة أقل انتشارا وهي استبدال باء المضارعة ونونها (بن) بحرف الميم ونونها لتصبح (مين): منشوفك، منروح، منحكي.

78. توكتفت على جارتنا: رجوتها

قالت البنت بدّي أروح أدور عليهم.

قالت لها: وين بدك تَدَوّرِي عليهم؟ هذول من زمان هَجُوا! ما حدا بدري عنهم.
صمّمت البنت أنّها بدّها تزوح. وقالتلها: بدّي أُوخذ زَوّاده وأروح أدور على أخوتي! خبزتلها كعك وخيز، وحطّتلها إياهن في هالديماية⁷⁹، وراحت تَدَوّر عليهم! الله أعلم قعدت يومين أو جمعه توصلت هالجبل. لقيت مغاره فيها شوك وسكن. قلعت هالمنكسة وكنتست هالمغاره، وتحتت. بعد المغرب اجوا، انبجوا⁸⁰ يوم شافوا المغاره مكّسه ونظيفه، قالوا جاي علينا حدا، تشاوروا مع بعضهم، حدا اجا عليهم. انو حدا اجا عليهم؟ حكّت! هي قبل ما طلعت من عند أمها أخذت أسامي اخوتها كلهم. قالتلهم: أعطوني الأمان! قالوا اللي في المغاره: عليك الله وأمان الله! اطلع، طلعت، ولّا هي بنت. قالوا لها: ياالله اخرج بيت أبوك! أنت بنت شوجابك؟ هين احنا ازلام ومنخاف! هان جابت من زوادتها واطعمتهم. قالوا لها: شو جابك هان؟ قالتلهم: أنا وراي قصة. قالت لهم أنا إبي سبع اخوه، وأمّي قالت هيك هيك وخرفتهم القصة، يوم لقيوا القصة عليهم، قالوا لها: ما قالتلك شواسم إخوتك؟ سمّت لهم اخوتها واسم أمها واسم أبوها. عرفوها وعبطوها وصاروا ييوسوا فيها. ما احنا قلنا لأمي تعلق لنا المكحله، ولقينا المنخل! قالت لهم: هاي جارتنا حسد في أمّي، مشان ما ترجعوش، حطت المنخل! قالت لهم ياالله نروح عند أمنا. قالوا لها: على مهل أخرى شوي منروح. لقيت حبة عدس وقرطتها. لحقتها هالبسته، تقول لها اطعميني؟ قالت لها: ياالله يقربك اهلك، معيش غيرها! قالت لها البسه: اطعميني ولّا بشخ على النؤيره⁸¹! قالت لها: روحي شخي إراحت البسه شخت على النار، طفتها. هذيك من الخوف قالت إذا اجوا اخوتي وما لقوش النار بذجوني! طلعت على ظهر هالجبل، وصارت تدور، أرت هالنار في هالجبل، حطت خلقتها في اسناتها، وراحت على الدّخنه مشان تجيب نار. لقيت هالغول لحيته على ركبته، طرحت عليها السلام، قال لها:

- لولا سلامك غلب كلامك لخلي أختي تسمع قرط عظامك!
- قال لها شويديك انت؟ صار يشرق⁸² فيها: شواسمك؟ وين ساكنه؟
- قالتلها اللي سبع اخوه، وعاشين في المغاره في الجبل الفلاني. شويديك؟ قالتله أنا بدّي تنفة نار.
- قال لها هاتي خرقتك، فتحت خرقتها عباها سكن، وحطّ لها بصّة نار، وخزق لها اياها. فراحت من باب مغارته لباب مغاره اخوتها والسكن يسكب⁸³ مشان يعرف مغارتها. راح عليها في الليل. قال لها:
- حمديه يا حمديه... مدّي صُبعك مدّي! مدّت صبعها، ومصّ دماها! وكل يوم على هالصوره، والبنت

79. الديماية: من أشكال اللباس التقليدي للرجل. وهي ما يغطي الجسد عدا الرأس، وتسمى أيضاً القمباز أو القنباز..

80. انبجوا: دُهبوا

81. النؤيره: تصغير النار

82. يشرق: يتحائل لمعرفة معلومات عنها

83. يسكب: يسقط من الثقب تدريجياً..

ترجع لورا. صاروا اخوتها يفكروها إنما مريضه. قالوا لها:

- بتخافي؟ قالت:

- لع!

- قالوا لها: ولأ ليش ما فيش فيك ننفة دم؟!

قالوا بدنا نسهر عليها. صاروا يسهروا الأول وثاني واحد قالوا ينعن أبوكم ما أكذبكم لأنهم يناموا وما يشوفوا اشي. اجا أخوهم الصغير، وحط نتشه تحت راسه، كل ما اجا ينام، تطرزه شوكة، ويصحى.

اجا الغول، قال لها:

- حميده يا حميده، مدي صبعك مدي! طلعت، يم أخوها قوصه، ولأ هو قذالجمل اقال لها:

- يالله يتيمك، ليه ما رضيتيش تحزني؟

- قالت له: أنا خايف عليكم، وخزفتهم القصة!

جين خواته يقصين عنه! لقينه مرعي باب المغاره! عبرن عليها بحجة انهن بدويات! عبرن عليها، قلنلها:

- شو يا حبيبي شو جابك هان؟

- قالت لها: أنا هان أنا وأخوتي السبعة.

- سألنها: انو إلیی قتل الغول؟

- قالت: اخوتي!

- قلن لها: إذا جنبناهم هالقنادر، برضوا يلبسوهن؟

- قالتلهن: أنا بقول لهم، بسأهم.

- قالوا: احنا من حد ما قعدنا عمرنا ما شفنا حدا! إذا اجين مره ثانيه، قوليلهن يجين معاهن القنادر.

اجين، قالت لهن:

- جين لي القنادر.

- قلنلها: بس خليلهم يلبسوهن مع بعضهم، ويقوموا مع بعض.

- قالت لهم أختهم.

- قالوا هاي بسيطة!

يوم لبسوهن، وقاموا صاروا سبع عجول! يوم شافتهم صارت تعيط! الصبحيات - تصبحن بخير⁸⁴-

جمعت بواريدهم في ديمايه، وسافتهم قدامها. راحت تحت قصر هالسلطان، قعدت، وحطتهم حواليتها

يتفاوا⁸⁵. هي مزبونه. ضيفوها أصحاب القصر، وضياقتها خلصت. قالت لهم: خلوني عندكم، أنا

ماليش أهل! قال لها السلطان: تتجوزيني؟ قالتله: أنا بدني الاقي أحسن منك! صارت هي الحره في الدار

وتطعم اخوتها وتسقيهم.

قامت الغوله دريت. اجت ضافتها على سبة انما فتاحه! وقالتلها ما احلوك، وغزتها ايره في راسها، إلا

84. تصبحن بخير-: من الفاظ مجاملة الراوية للمستمعين.

85. يتفاوا: يجلسون في ظلها!

هي صارت حمامه، وفرت! طارت! راحت الغولة تحممت، ولبست من اواعيها، وتحمرت، وصارت بدل مرته. قال لها جوزها: إنت فلانة؟ قالتله: مالك يا زله؟ كذب حاله وصدقها.

يوم هالغصبيته بطبخوا للضيوف. اجت الحمامة وقالت:

يا طباخين الملوخية

يا طباخين الملوخية

سيدكم عندكم؟

ولآ عند العبدة الحبشية

انحرق يا رز. انحرق الرز. اجا الأمير يهدلم. قالوا له هالحمامه اجت وقالت انحرق يا رز، انحرق! أول يوم، وثاني يوم، بعدين قال لهم:

- بدي أنعن⁸⁶ أبوكم! شوهاي الحمامة اللي بتتحججوا فيها؟

- قالوا له: يا سيدنا، هات هالكوسي، واقعد عندنا وشوف بعينك.

يوم اجت الحمامة وقالت اللي قالته وانحرق الرز قدامه، قال والله لوماني⁸⁷ شفت في عيني ما صدقت!

بعدها زقتها، وحبها وحطها في حضنه، فقدها لقيها مخنوقه! راح بحشلها في جنب هالدرج عند الدار

ودفنها! ما طلع النهار إلا هالشجرة طالعه تسبح للي خالقها! هذيك الخنزيره عرفت، صارت تلمح

عشان يقلع الشجرة! صار جوق⁸⁸ يروح وجوقي يجي، كلهم يجوا يتفرجوا عليها. قالت له: خلي حد

يجي ينشرها! صار النجار ينشر فيها، أول ما جر المنشار عليها قالت:

يا نجار شوته شوته على خصر البنيه لا يتلوى

يصير النجار يحزحز فيها تنفه تنفه، قعد ثلاث أربع تيام، صارت مرته تصيح وتقول له: هات واحد

بداله! قال له جوزها: شو جاريلك يا نجار؟ قال له: يا أمير، يا سلطان، اقعد عندي وشوف شوبصير!

صار يحز وهي تقول:

يا نجار يا نجار شوته شوته على خصر البنيه لا يتلوى!

قال له: شوته شوته حزحزها. يوم انقلعت الشجرة، طلعت مرته الاولى سبحان إلهي خالقها، واللي

خالقها احسن منها. قال لها:

- بالله اخرج بيتك! إنت فلانة؟

- قالتله: انت صرت ناسيني؟ قال لها:

- مرقي في الدار!

- قالتله هاي هي السبب في كل البلى اللي صارلنا.

- قالتله: هاي إلهي طزعتني بدبوس وحلتي حمامه، وأنا إلهي بقيت أحرق الرز وأنا حمامه! وقالتله

86. أنعن: ألعن، قلب اللام إلى نون

87. لوماني: لولا أني

88. جوق: جماعة

- هذول العجول إلی فی البایکه⁸⁹ هی إلی سوتهم عجول، وهاي مش مرتك هاي غوله! روح قرزها وشوف! راح عليها، قال لها:
- يافلانه، سخني لي مي بدّي انعم!
 - قالت له: سخّين!
 - قال لها على مهلهن! وشدها في شعرها صارت تصيح. قال لها بتقولي الصحيح، ولا بغطّ راسك في هالميات!
 - قالت له اخوتها قتلوا أخوي وسويتهم عجول.
 - قال لها: رجّعهم مثل ما بقوا! أخذت هالكماشه، وطقت على اجرهم ورجعوا هالشباب الحلوين، ودشّرتهم بغنوا وبرقصوا...
- وهاي خريفتي وطار الطير وتمسوا بالخير!





الشاطر حسن

بسم الله الرحمن الرحيم، اول ما نبدا بالصلاة على النبي. ما باقيلك في قديم الزمان إلا هالأمير اله نسوان ننتين، وحده الها ولدين، والاولى الها ولد اسمه الشاطر حسن. يوم من الايام وهمه قاعدين اجا هالشحاد لقيه قاعد في هالشمسه برّه. قعد عنده. هناك صار يتخرف هو وياه.

- قال له: الك اولاد انت يا حج؟ لمن للأمير.
- قال: إلي الحمد لله.
- قال له: منيح انت وياهم؟ عاجز الختبار شوي.
- الامير قال له: أحسن من هيك ما فيه.
- قال له: مش باين عليهم!
- قال له: شو اللي بتقول فيه؟
- قال له: هاذا صحيح اللي بقول فيه.
- قال له: ما بجكش!
- قال له: كيف بجونيش؟
- قال له: لو اتحم بجوك مثل ما انت بتقول ما بجكش في حاله اللي انت فيها.
- قال له: طيب، أنا مثلاً مريض، أو إني كبرت شو بدهم يساواو لي؟
- آه، بروحوا بجيبوا لك تفاح الصبا! هذا فيه تفاح الصبا، بجيبوا لك اياه، بتوكل منه بتعاود شب ابن ثلاثين سنه!
- قال له: قول وغير!
- قال له: هاظ اللي بقول لك عنه! أعطاه اللي فيه النصيب وراح.
- هذاك الزله، الأمير زعل! مالك يابا؟ شو مزعلك يابا؟ ولكن⁹⁰، قالوا لنسوانه، مين اللي زعلت ابوي؟ ولا وحده أبدا! مالك يابني؟ قال لهم: انتو بتقولوا لي منحتك، منحتك، وانتو لا بتحبوني ولا! ألا من برّه لبرّه! قالوا: ولّ يابا احناكل هالوقفه، وبدنا رضاك علينا، وبدنا نخدمك في عينينا، انت بتفكر في هالاشي هاد؟ إنا منحتكش! قال لهم لو انتو بتحبوني عن محبه صحيحه كان بتجيبوا لي تفاح الصبا، أنا بوكله

90. ولكن: مختزلة من «ويك لكن».

من هان، وبرجع شباب مثلكم! قالوا له: يا بَيِّ اِذَا كَانَ هَذَا فِيهِ مَوْجُودٌ مِنْهُ، احْنَا مِنْ الصَّبِيحِ مَنْرُوحٍ مَندُورْلكِ عَلَيْهِ وَمَنْجِيه. قال: فيه، بس اتو بدكَمْش تَدُورُوا. قالوا: خلص، ما دام فيه منه، اعتبرنا من بكره، بعد بكره، ماشيين وما منرجع الا واحنا جايين لك اياه. والله قعدوا يومين ثلاثه، شدُوا على هالْبِغَالِ وودعوا وقالوا لنسواهم: درن بالكن على ابوي! ومشوا، والله أول يوم، ثاني يوم، أجوا على مفرق هالطرق، ثلاث طرق، وفيه هالصيفار⁹¹، فيه حجر، شلحوا طواقيمهم الثلاث، رفعوا هالحجر وحطوهن تحته. قالوا احنا بدنا نفترق، كل واحد بده يمشي في طريق، واللي أول ما يبجي، وبلقى الطواقي بده يرجع يدُور على إخوته، حتى لو انهم على حدّ الحدود، ما يرّوحش الا تايجيبهم، مُليح؟ مُليح! الا هي ثلث طرق: فيه طريق قضامه، وطريق زبيب وطريق تُكْزِي وما تجيب! قالوا له اخوته هذولاك احنا بدنا طريق القضامه، وهضاك قال له بَدِّي طريق الزبيب. وقال لهم، وانا بَدِّي اروح في طريق تُكْزِي وما تجيب! ماشي انا باجيه. الشاطر حسن هاذ من الام الثانيه! ودّعوا بعضهم، وكل واحد سار في طريقه. هذولاك طريقهم مشوا يومين، ثلاث، اسبوع! التقوا في طريق وحده، التقوا مع بعضهم. يوم التقوا مع بعضهم، لقيوا هالشيخ قاعد لا شغله ولا عمله، بقَبْنِ في الدنيا. وقفوا عنده، داروا يضحكوا عليه، يتمسخروا! قالوا: انت مهستر؟ انت مهوَي؟ انت شو بتقبّن في الدنبا! قال لهم: غوروا، غَواره اللي تُغُورْكم! غاروا في الأرض السابعة التحتا. يوم نهم غاروا، هذاك ظل ماشي في طريقه بدريش عنهم، انقطع من الزاد ومن الميه ومن كل شي! وهوليل نهار يمشي، يطيح عن هالْبِغَالِ مَرَات، وينامله شويه في هالليل، ويرد يمشي. والله يوم من الايام مات من القلّه والعطش، ولا هالقصر قدامه، اجا على هالقصر. رن على هالجرس، طَلّت هالْبِنْت من هالشباك، قالتله: شوبدك؟ قال لها: انا ميّت من الجوع والقلّه والعطش، مش قادر انفي!⁹² قالتله انت اعد تريح وهستيع الاكل بيجيك. انجفع في هالفاليات⁹³، اجت هذيك اللي كتبله فيه النصيب، حطته اياه في هالسله، وربطتهن في هالجبل، ودلته اياه من هالشباك. أكل، وشرب، واستحمد ربه وهزّ لها الجبل، وقال لها:

- اطلعين.

- قالتله أكلت؟

- قال لها: الحمد لله.

- قالتله: اقصد، انا على رصد⁹⁴، هسّا بيجيلي.... حابسني هان. بلاش انت تروح في طريقه يقتلك.

- قال لها: شوهو الرصد؟

91. الصيفار: قطعة واسعة من الصخر.

92. أنفى: أتكلم. يناغي الطفل: يتحدث اليه بصوت الغين متصل ومكرر غغغغغغغغغغ ..

93. انجفع في هالفاليات: استلقى كيفما اتفق في الظل.

94. الرصد: مخلوق ضخم متوحش، كالغول أو الأفعى أو اي حيوان متخيل، وغالباً ما يحرس منابع المياه، ويمنعها عن الناس إلا بصيبية أو عروس بين فترة وأخرى. وهو هنا غول قاطع للطريق.

- قالتله: غول قاطع كل الطرق اللي هان، ولا واحد بييجي عليه وبخليه بروح! انت شب، حيانه⁹⁵ عليك، روح لاهلك الله يستر امرك.
- قال لها: يعني هو بطول تا ييجي هان؟
- قالتله: يعني بدّه ساعتين.
- قال لها: انت الله يستر أمرك، روحي غلقي شباكك، ونامي، أنا ما عليّا! معاه قطعة هالسيف، وقعد في هالفايات، بمصّي فيه. يوم شافه موجه، اتخبّا، يمّ دار يدقّ عليها على هالقصر تفتّحلّه. يمّ، وهذاك في هالسيف يعطيه اياه، ولأهو شارطه بين اكتافه، ولا هو قدّ الجمل على خطرتين، وقامت هذيك اتلجّ الزغريره⁹⁶! يوم طلّت عليه، فتحتله، واطلعته عندها، كتب بين عينها انت من حظ أخوي «فلان» ونصيبه! وبات عندها هذيك الليله في هالغرفة، وحطتله هالزاد وهالزواد⁹⁷، وقال لها وين رايح.
- قالت له هاض الاشبي بعيد وبغلبك!
- قال لها بعين الله! انا مشان ابوي بدي احاول، صعب ولأ مش صعب بدي اروحه! مشى. قال لها: وانامعاود بميل عليك، اصحي تفتحي لحدّا! ودّعته، وطلع. والله هظاك مشى يومين ثلاث، الله بعلم فيه، ردّ اجا على هالقصر، ردّ دقّ عليه، هرّ لها هالجرس، قالتله:
- مالك؟
- قال لها: انا ميّت من العطش ومن الجوع!
- قالت له: ولا يهّمك،
- حطتله هاللي فيه النصيب من عندها، وهالميّة ودنّله اياهن في هالحبل، في هالسبتة⁹⁸، وطاحتله اياهن. أكل وشرب، واستحمد ربه، وهرّ لها الحبل. قال لها: - خذي اطلعي اغراضك. اطلعتهن،
- قالتله: هالقصر عليه رصد، أنا حابستني في هالقصر، وهسّيع من اجت ولقبتك، بتنفخ عليك نفخه ولأهي امطيرتك.
- قال لها: شو الرصد اللي عليك؟
- قالتله: حيّة! قالتله يوم بتفتح ثمها بتحط الجمل فيه، بتلقمه من كبرها! آفه! روح انت، طيب!
- قال لها: إني والها الله!
- يمّ هذاك ظل مجعوف، ولا هي شو جايه! خياله! مثل قدّ الباص! تحبّا في فاي هالقصر، خلاها تمّتها

95. احيانه: خسارة

96. تلجّ أو تلجّ الزغريره: تزغرد فرحاً

97. هالزاد وهالزواد: الأكل لفترة قصيرة، والزواد ما يكفيه لفترة طويلة. وتكرر هذه المقولة عند كل رحلة يقوم بها البطل اذ عليه ان يتزود بالطعام وبالماء. ويمكن إضافة حرف الهاء في آخر إحدى الكلمتين، فتصير زاده وزواده، أو زاد وزواده.

98. السبّية: مؤنث سبّت أي صندوق، والتأنيث للتصغير، وتقال أيضاً للسبّة المصنوعة من القصب.

حطت راسها على الارض، وبمّ، على نص راسها واعطاها في هالسيف، ولآ هو شاقف راسها. قامت
لُحْرِيَه طَلَّت عليها وهالدم يشخر منها، ولجت هالزغريته! يا الله سلم دياتك! يا الله خليك لامك!
وفتحته، وطلع عندها. كتب بين عينها انها من حظ اخوي ونصيبه الثاني! بات عندها هذيك الليله،
وقال لها:

- أنا رايح أدور تفاح الصبا لبوي!
- قالتله: هاذ بعيد تفاح الصبا بجزفوا عنه.
- قال لها: بعيد ولا قريب، انا بدّي أروح أدور عليه لوفي حدّ الحدود، بدّي اجيبه لأبوي! طيب،
سحبت حالها هي ظلت في قصرها، وهو قصد باب الله، رد مثل خواتها مشى يومين ثلاث الا هو
جاي على هالقصر الثالث، لُحْرِي قالتله:
- شوبدك؟
- قال لها: انا بدّي أشرب وميت من الجوع والعطش، نزلته هالأكل وهالشرب في هالستّه، وأكل
وشرب، واستحمد ربه، وهزّ لها هالحبل، وقال لها:
- إطلعي اغراضك.
- قالتله: تيسر انت، الله ييسر أمرك. أنا الرصد اللي عليّ هاذ مارد، ولا واحد بيحي في وجهه، وبخليّه
طيب. روح انت، احيانه عليك، اقصد!
- قال لها: انت اقعدي، وغلقني بابك عليك، وأنا إني وإله الله!
- قعد، دار مخصّي في تنقه هالسيف، وهو قاعد ومتريح بمخصّي فيه. وين! ولآ هاللي جاي الرصد! يمّ خلاه
تمّنه قعد في باب هالقصر في هالساحه، يم قافاه من ورا، قام يقطع راسه، فلق راسه، قتله، يوم انه قتله
طلّت هاذيك ولجت الزغريته، طلع عندها قالتله:
- احيانه عليك!
- قال لها انت من حظي ونصبي!
- خزفها عن هذولاك: لقيت خواتك ثنتين كل وحده عليها رصد، وقتلتهم، وكتبت بين عينهن من حظ
اخوي الثنين، وانت هسّيع إني، انت من حظي ونصبي اذا عاودت والله عاودني عليك! قالت له:
- ووين بدك تتيسر؟ تمامك وصلت لحدّ هان!
- قال لها: لع أنا جاي في غرض ولازم اوخذه معاي!
- شوالغرض اللي رايحله؟
- قلّها أنا رايح أدور لأبوي على تفاح الصبا!
- قالت له: يا الله يخرب بيتك وبيت ابوك! هاذ تفاح الصبا بعيد! وشوبده يجيبه؟
- قال لها: بعين الله! قال لها: انت خليك في دارك، امسكّره عليك! ان الله عاودني، باجي عليك
بوخذك!
- قالتله: طيب، مشى.

- قالته قبل ما طلع، قالت: بتمشي مسافة هالقَدّ من هالقَدّ، وبتيجي على هالزُجَم، بتقيم هالحجر وتلقى درج قدامك وبتطيح على هالدَّرَج، على قاع الدرج بتلقى كباش اثنين متقاتلات، واحد اسمر اسمر مثل هالسَّالَه، وواحد ابيض، فيوم انك بتيجي عليهن وهنّه متقاتلات ودابكات في بعضهن، انت بتحاول انك تنطّ تيجي على قرون الكبش الأبيض، إن جيت على الكبش الأبيض، الله نجاك... وان جيت على الكبش الاسمر، ولا عمره حدا بشوفك، بضيعك! والله معاك! روح!

- قال لها: بخاطرك.

والله ظل ماشي للمطرح اللي قالتله عنّه، فعلا أجا على هالحجارات، قام هالحجر منهن، ولّا هالدَّرَج بطيح! قام هالحجر وطاح على هالدَّرَج، نازل نازل، فعلا أجا لقي الكباش المتقاتلات، هاذ بزقر⁹⁹ هاذ، وهاذ بزقر هاذ، هاذ لَبَد الشاطر حسن، يَمّ حاول ونطّ... الله جابه على قرون الابيض، ولّا هو امنزله على دنيا غير دنيا. دنيا هاي اللي رحلها. اللي فيها تفاح الصِّبا، ولّا هوشو امكّوم على هالعرايات، اشي بشرح القلب! يَمّ أول يوم، ثاني يوم حوحش¹⁰⁰ هناك عبيّ هالخُرْج، وحطّه على كتفه، ورد على الكبش اللي طيحه، وحطّ له هالخُرْج¹⁰¹، وطلعوا هو وياه، يَمّ الكبش طيحه، وهو زَمّ¹⁰² هالخُرْج على كتفه، وطلع عن هالدَّرَج، طلع، حطّه على هالبغل يوم طلع على ظهر الدنيا وسحب حاله، وظل ماشي على القصر، القصر اللي أجا عليه أول ما أجا، على خطيبته، يوم انه أجا عليها، بات عندها هذيك الليله، واطعمها من التفاح اللي جابه، وخرفها شو صار معاه، خرفها وقال لها:

- الصبحيات ضبضي ضبضي مواعينك، وكان معك ذهبات، معك مصريات، معك اشي زميهن، ويالله بدنا انرّوح.

- طالت خاتمها وأعطته اياه! قامت على أغراضها، ضبضت كان عندها هدم امنح، معها ذهبات، معها مصاري، زمتهن، عقّدها اياهن، حطّت زاد وزّواده يقديهم تاوصلوا أختها، وسحبوا حالهم، وركبها وراه، وطلعوا. ظلوا يمشوا تايمينهم أجوا على الثانيه، دقّوا عليها وفتحتمهم، وطلعوا هو وياها عندها، هو وخطيبته، وتعرفن على بعضهن، عرفهن، وعشّتهن واطعمها من التفاح اللي جابه لأبوه، وقال لها لخُريه:

- يالله ضبضي مواعينك وخلينا نطلع،

- وركبها على هالبغل وحطّ لها مواعينها في هالخُرْج، وركب مرته وراه، وقالوا يا الله. مشوا، ظلوا ماشيين تَمْنِهم أجوا على البنّت الثالثه، لخُريه أجو عليها، وتعثّشوا عندها، وضبضت مواعينها، وحطّ لها اياهن في هالخُرْج، وهالبغل عندها، ركبها على ظهر هالخُرْج، وقالوا يا الله! ظلوا ماشيين تَمْنِهم

99. بزقر: ينطح

100. حوحش: تجول

101. الخرج كيس من الخيش مفتوح من منتصفه. يوضع على ظهر الدابة ليتدلى كل نصف على يمين أو يسار الدابة، ولأنه مفتوح من السهل وضع الاشياء في جانبي الخرج

102. زَمّ: حَمَل

- أجوا على مفرق الطرق! هذول فَعَد الطواقي، لقيهن كماهن! قال: اه هذول اخوتي هاذا همّه مش مروحين! نصبلهن الخيمه، درنُ يصحن:
- الله اكبر عليك، انت جبتنا من قصورنا امسكّر علينا، وُحطْنَا هان على جنب شارع، لا عندنا زله، ولا عندنا حدا!
- قال لمن: ولّا أنا برّوح أروّح فيكن، وبدشّر اخوتي وراي! ابصرشوصار فيهم! أنا قطعت وعد على حالي ابي اذا رَوّحت قبلهم، أدوّر عليهم، برّوحش بلاهم! انتن خليكن امزّر¹⁰³ عليكن في الخيمه، تطلعنش.
- خَلّاهن في هالخيمه، وهوسحب حاله وراح، أجا على الشيخ هاذا اللي بقَبَن في الدنيا، مليح معاه، هو باقي مِطْعَمَه حسنه. قال له:
- السلام عليكم،
- قال له: وعليكم السلام ورحمة الله.
- قال له: فشّ شباب مرقوا من عندك؟
- قال له: زمان عاد لهم؟ حدّ¹⁰⁴ له اليوم اللي مرقوا فيه.
- قال له: همّه هذولا بدك تقول لي عنهم؟
- قال له: هذول صاروا يتمسخروا عليّ، وغَوّرهم في السابعه التحتا،
- قال له: له، يا شيخ، هذول اخوتي.
- قال له: حيانه انهم اخوتك هذول! انت زله محترم، لكن مشانك بدّي أطيحك عندهم تدوّر عليهم.
- طيحه عندهم. دار يدوّر، يلطم، ولّا لقي حالتهم يرثى لها، في اسطبلات هالخيل بقحفوا تحت هالخيل، ربحه الواحد بتقتل جحش، المواعين اللي عليهم مصدّيات، حالتهم يرثى لها. قال لهم:
- ياالله خزب بيت اللي خَلّفكم! شو صايرلكم؟
- قالوا له: من ما رحنا، ودشّرنا، التقت الطريق اللي مشيناها مع بعض، وشوفك شوصار فينا، أخذهم على هالحمام، وحمهم وعطّرم وجابلهم هالبدلات، وهالقمصان، وهالكنادر، ولبّسهم، وهالريحه اللي عليهم، من ريحه الوسخ، عطّرم واطلعهم. يوم انهم وصلوا الخيمه، قال لهم سلموا على البنات هذول، سلموا. قال لهم هاي خطيبتك، وهاي خطيبتك، وهاي خطيبتي! اطعمهم من التفاح اللي جابه، قال لهم: هاي التفاح جبته كبوي، وهاي العرايس جبتلکم اياهن. اول ما القى الوحده اقول هاي الك والثانيه اله، وآخر وحده إلي! صاروا: الله يخلينا اياك يا أخوي، الله يرضنا عليك يا أخوي! أما قلوبهم زي الكندر. ركبوا، كل واحد ركّب خطيبته وراه، ومشوا طريق بعيدة. عطشوا هذولاك البنات، بعرفنهمش قلنله:

103. امزّر عليك: مزّر، مغلق بإحكام.

104. حدّ: حدّد



- يا شاطر حسن احنا عطشنا.
 - قال لمن إن شاء الله قريب الميه منلقاها...
 - كن ما مشوا شوئيه كن قلن:
 - يا شاطر حسن أحنا متنا من العطش!
 - قال لمن: أنا خابر بير هان،
- بقين بمرقن القوافل، بقوا زمان يتاجروا على البغال والجمال، وهذول البيار اللي في الطريق يطيحوا يحطوا عليهم، ويطيحوا يشربوا، ويسقوا الخيل. أنا خابر بير قدامنا، همتا منيجي عليه، أجوا على البير، هذاك بفكر انه مساوي خير مع اخوته، طيحوا هالبنات يترجمن، وقال لهم: بالله يا اخوي، هاي الحبل، أنو منكم اللي بدّه يطيح يسقيننا ويسقي هالخيل؟ ولا هذاك بقول: أنا بطحش! وهذاك أنا بطحش! بالله اخرب بيت أبوكم! كل هاللي ساويتلكم اياه وهاذ بطحش وهاذ بطحش! قال له:
- يجعلهن لا ذقنه! اللي جابهن يطيح يسقيهن!
 - قال: وأنا لعينيهن، شدوا لي هالحبل.
- شدوا له هالحبل وطاح اسقى هالبنات، وشربوا، تسموا¹⁰⁵ وسقوا هالخيل، تم وهو بده يطلع، ماهمه هيك اتفقوا مع بعضهم، قالوا كيف بدنا نروح على أبونا، وهو يقول: أنا جبت العرايس وجبت التفاح! ولقيناه بحرف ابوي، شو بساوي فينا ابوي؟ نبقى عند ابوي مثل الكلاب قدامه، أحسن إشي نتخلص منه! هاذ منخليه يطيح هو في البير، ومنقطع الحبل فيه!
- تم أجوا وصاروا ناشلينه نثلتين¹⁰⁶ من البير، تم وهاذ يقول في هالحبل قطمه! درن يصحن! قال لمن: ولا وحده تطري كلمه، اللي بتفتح ثما بتلحقه! انسين انكن عمركن شفتنه، ولا بتعرفنه، ولا بتسمعن عنه! درن يعيطان! قالوا لمن: ولا بدكن تجبله سيره! اتغن لا اربتنه ولا شفتنه ولا اسمه على لساناتكن، يا اقسيلها¹⁰⁷ يا سواد ليلها اللي بتجبله سيره، ولا بتخرف عنه هناك يوم نروح! هذول غرب، مغلوب على أمرهن، لا لمن حدا ولا ندا! روجن معاهم يوم اثم وصلوا راحت البشاير للأمير اثم هاي أولاد الأمير أجوا جابيين العرايس وجابيين تفاح الصبا لأبوهم! وكل هالناس اطخطخ وتحتي، ويقولوا فلان يا اقسيله، عدوات يا اقسيلهن يا اقسيل فلانه أمه! هذاك مش جاي. والناس ما تقول غير يا اقسيله، وأبصر وين راح؟ أبصر شو صارله؟ أبصر إناكل؟ أبصرشو ساووا فيه اخوته؟ هذول أولاد الجدیده اللي جابوا الغنایم وجابوا العرايس، وجابوا وجابوا وأطعموا هالتفاح لأبوهم. قالوا له:
- يا بابا هاي عروس اللك، وهاي احنا لكل واحد عروس.

105. تسموا: الكلمة لا تعني المعنى الحرفي، بل هي تعبير عن عدم الرضا من الراوية عن سلوك الأخوين عندما يأكلان، وكأنها دعاء عليهما..

106. ناشلينة: النشلة هي المسافة التي يسحب فيها الشخص ما هو من البئر، ونشله نثلتين أي سحبه بمقدار وحتنيتين من عدة وحدات هي عمق البئر، ونشله بصورة عامة: أنقذه من أزمة أو حالة صعبة.

107. يا اقسيلها يا سواد ليلها: فسلها، خينها، يا سوء ما سيجري لها، وتستعمل لوصف حالة مزرية لشخص ما.

- قال لهم: الله يرضى عليكم. ما شفتوش أخوكم؟
- قالوا: ينعن أبو تعريض أمه¹⁰⁸! هاذ مذود! أبصر وين داير! ولا اريناه، ولا درينا عنه. بعد ما خلصوا تخاني، قالوا:
- دنا نساوي الأفراح والليالي الملاح.
- قالت هذيك خطيبته: ما بتجوزش، اللي بدها توخذ الختبار، الا بعد اربعين يوم!
- يا بنت الحلال، شوبدك فيهن الاربعين يوم؟ هاي صارلكن شهر مثلا جبايات، خلص!
- قالت: لع! أنا ما بتجوزش إلا بعد أربعين يوم.
- طيب، شوبدك؟
- قالت: أنا خاتمي ضايع، وبدي خاتمي، يدقوا لها في هالخواتم ويجيبوا لها في هالصياغ، يجيبوا لها في هالذهب، وهي تقول أبداً مش مثل خاتمي!
- قالت لحالها: بلكي الله جابله قافله ميّلت على البير، ويطلعوه! والله هذاك، الله جابله هالقافله على هالبير طاح هالزله تميّه يسقي اللي معه، ولّا هاللي في البير بنين من الصقوعه والقله¹⁰⁹. قال لهم: والله يا جماعه فيه واحد في هالبير مرمي، كنه إله أكثر من أسبوع من الصقوعه والقله مش قادر ينغي! قالوا: اطلعوا! طيحو له هالعديل مثل الحيزل¹¹⁰، وحطه فيه، واطلعوه. صاروا يسيخوا له في هالسمن، ويحطوا في ثمه، وأوقدوا له هالنار ودقوه، وبات معاهم ليلتين ثلاث، باتوا مشانه، وهم يدقوا فيه حتى صار منيح. قالوا له:
- يا الله بدك تروح معانا.
- قال لهم: الله يكثر خيركم ويخلف عليكم وأنا متشكر لكم، بس أنا، البلاد طلبت أهلها، وأمّي مالهاش غير انا. وبدي أروح أدور على أمي، بتظل أمي تعيط على بعدي، وأنا بشكركم وبستكثر خيركم، والله يخلف عليكم اللي عملتوا هالمعروف معاي!
- ودّعوه، وسحبوا حالهم ومشوا، وهو مشى. في طريقه أجا على البلد، ميّل على هالدار هيك عند هالختياره، قاتله:
- شوبدك متخفي!
- قال لها: إلي جمعه ما ذقت إشي! مش شايفتيني، والله وأنا ماشي كل ساع بقيع من القله، بدي نتفة أكل، مهما كان عندك هاتيلي رغيف ونتفة اشي اغمسه فيه، اتقوت فيه.
- قاتله: انت جاي عليا تركض توكل! ما تروح عند الأمير، هناك النهاي والأفراح قائمينهن، والليالي

108. ينعن ابو تعريض أمه: مسبة لشرف ضرة أمهم. ينعن: يلعن، قلبت اللام الى نون وهي ظاهرة موجودة في بعض المناطق. تعارضين: سلوك مشين يتعلق بالجنس.

109. بنين من الصقوعه والقله: يننّ بسبب البرد والجوع الشديد

110. العجل والحذل: قطعة من قماش الخيش المتين ليجلس عليها ويسهل ربطها بالحبل الذي سيخرجونه بواسطته من قاع البئر الى سطح الارض.

الملاح كلها.

- ليش شوفيه عندهم الأمير؟
- قالت له: ولأ مش أولادته راحوا جابوا له تفاح الصبا، وجابوا العرايس وجابوا كل واحد عروسه، ووحده لأبوهم.
- قال لها: وهذاك اخوهم؟
- قالت: بيبي¹¹¹ عليه أخوهم! هيها أمه جواحه نواحه، يا حسرتها أبصر وين داير؟ يا حسرتة هذاك! هذول أولاد الجديدة اللي جابوا، وهاذا هي العروس مضربه، ومش راضيه تتجوز، بتاني فيهم¹¹².
- بتقول لهم إلا بعد أربعين يوم!
- قال لها: هي بتقول هيك؟
- قالتله: آه، بعاقبوا فيها وبساووا عليها، وهي بتقول بتجوزش إلا بعد أربعين يوم! جابتله نفقة هاللبن تيغمسه فته!
- قال لها: خذيلك هالعشر نيرات، وخبيهن.
- وشلح الخاتم، وخطه في اللبنات. قال لها: بتزقي¹¹³، بتعملي كل الطرق، بتخليهن يعبرنك عليها. قولي انك رفيقتها... أنا خالتها... واعبري عليها.
- والله هذيك، لاقوها الحرس:
- وين بدك؟ وين رايحه؟ شو بدك؟ ممنوع هاي حدا يعبر عليها،
- قالت لهم: هاي من ما جيت وهي رفيقتي وأجي عليها. خلوني افوت عليها أسلم عليها، أشوفها.
- قالتلهم هي من مجوه: خلياها تفوت! فانت، قالت لها:
- هاي زبدية اللبن وشوفي شواللي فيها!
- كبت نفقة اللبن، ولأ خاتمه فيها، قالت لها:
- أنو اللي اعطاك اياه هاذا الخاتم؟
- قالت لها: اللي أعطاني اياه، هاذا هو قاعد عندي.
- قالت لها: متأكد؟ قالت لها:
- هاذا هو الخاتم قدامك. أجا عليا، وخزفته هيك هيك!
- قالت لها: طيب، ما دام انه وصل، خليه هو يدبر حاله!
- راح عليهم، قال له:
- يا أمير أنا جايبك في شكوى، إذا سمحت خليني أحرفك اياها!
- داروا يتمهزوا عليه! قالوا له:


111. بيبي عليه: وا اسفاه عليه!

112. بتاني فيهم: تدفع بهم الى التاني

113. بتزقي: تدخلني بابة وسيلة دون إثارة أية شبهة.

- يا زله حرام، اللي من الكبار عنده، واحد غريب وقاصدك يشكيلك أمره، إسمعه! قعد صار يخرّف فيه، ظل وهو يخرّف، شو هذولاك يوم يهدّوا عليه، بدهم يعوّروه، كين تفرّ فيهم أبوهم، والكبار اللي عنده. أفعدوا، ولا واحد يحكي معه، إلا تنيخلص خريقتته. كل الخزاريف خريقتتهم! قالوا: يا الله يخرّب بيتهم، هذول قليلين حيا، بستحقوا الموت! هذول بستحقوا.... هذول هيك.... وهو يخرّف فيهم بّم قام اللي حطّهن متخفي فيهن، وقال له:
- يا بيبي، الخريفه اللي خرفتك اياها، عني أنا! أنا الشاطر حسن، وأنا اللي جبت البنات، وجبت تفاح الصّبا، وجبتهم، لقيتهم في بيوت الخوارج، قحافين شِسْم¹¹⁴ بقحقوا! وخليت البنات في الخيمه لحاهن، ورحت جبتهم وحمّمتهم ولّبستهم وجبتهم واعطيتهم عرايسهم، ودبوني في البير، وما رضيوش يطلعوني!
- قال لهم: انتو بدال كل هالمنح اللي ساواه معاكم، بتستحقوش الحياه! قال لهم: خذوهم واطلعوهم، ويا سيّاف، اقطع روسهم! قتلوهم، وقال له: هاي العروس اللي بدهم يعطوني اياها، هاي بقت الي، وهاي مش راضيه تنجوز! قالت: بلكي حدا مرق على الشاطر حسن، واطلعه من البير، وتجوّزوا وقاموا لهم هالافراح، ودشّرتهم مخلّفين صبيان وبنات.
- وطار الطير والله يمسيكم بالخير.

114. قحافين شِسْم: يعملون في تفرغ المراحيض من محتوياتها



الملك وبنت الحنيش

في هالمملك مرته ما بتجيب أولاد، طلعت على الخلا¹¹⁵ وشافت حنيش¹¹⁶، وقالت يارب أحمل وأجيب حتى لو حنيش. الله أخذ بيدها وحملت وجابت حنيش، حطّوه في نخت وغرفه، وجهّزوا له كل شي. كبر الحنيش، صار أبوه الملك بده بجوّزه، يجيبوا له بنات بس يموتن أول ما يشوفنه، أجا الدور على واحد عنده مره ميته إلها بنت ومره ثانيه طيبه إلها بنتين، قال الملك بده البنات، قالت إم البنات لجوزها:

- أعطيه البنت ألّي تيممت،

- قال لها: هاذي يتيمه حرام عليكى.

- هذا أمر ملك بدك تنفذه.

ومع هيك أخذ البنت البتيمه، هذه البنت حملت حالها وراحت على القبر وقالت: - يمّا، أبوي بده يجوزني للحنيش وهذا بقتلني. طلعلها شبح إمها وقالت لها: - بتشتري علبة عطر، ويوم بتخشّي عليه كل ما يرفع راسه بجّي عليه.

حملت البنت معها علبة العطر، ويوم خشت، كل ما يرفع راسه تبخّ في عينه، إلا هو يقول لها:

- غلّبتيني،

- قالت له: حنيش وبتحكي؟! شوانت؟

خلع ثوبه، إلا هوشعره شقّة ذهب وشقّة فضة، يعني إشي بجبل. قال لها:

- أنا بدّي بنت بتفهم وانت بتفهمي.

عاد إللي قال لها شبح إمها. صارت تقول له:

- خلينا نقول لأهلك عن حقيقتك، بس هو يرفض.

كان يرجع يلبس ثوبه وينزل تحت التخت. جابت منه ولددين. خلّته يخلع الحوايج وقعدته على الباب، وقالت لأهله:

- إبنكو زله تعالوا شوفوه وإفرحوا فيه، ولما شافوه، قال لها:

115. الخلا: البرّ خارج المانطق الماهولة.

116. الحنيش: الحية السوداء، وهي صنف من الافاعي مرعبة الشكل وتسمى بالعريبيد في بعض المناطق.

- كَشَفْتِي.

- قالت له: بكرة بدك تصير ملك.

وكاين نفخه من الجان. وهذه البنت قد ما كانت مُنغَنَّة وحلوه، راحت على الدار، بدها تشوف أهلها وخواتها، ولما شافنها إنبهرن. قالن لازم نظَّبعها، قالوا لها: بدنا نوخذك ائزهاك. أخذها ومشوا يوم طول النهار، ومع كثر التعب نامت وما قدرت تقوم، بعد ما نامت أخذن كل الذهب إللي كان عليها وأخذن حذاها، قَشَطْنها كل شي.

قامت في الليل وما درت من وين أجت ولا من وين راحت، صارت تطرقها غربا وشمال وقبله وترجع وما بتعرف وين رايحه. بعدها صارت تمشي على الوجه، مع العلم ما في معاها حدا ولا شي، صار الدم ينزل من رجليها، ومشت طول الليل، وفي الليل شافت ضَوْ بعيد، مشت لحد ما وصلته، لفته قصر وفيه شب، قالت له القصة، الشَّب كان أبوه ملك ومخْلِيه عشان يدرس، قال لها:

- تريدي تظلي أختي والا ائجوزك؟

- قالت له: ائجوزني، ئجوزها، دخل عليها، وصاروا بلقوا ويدوروا.

جابت من الأمير هاذا ولدين. نمار، طلعت على ظهر الحيط، إلا أبوها وجوزها مارقين ولما شافوها خشوا على القصر، قالوا والله إنا حاجة، قالوا:

- ظاع منا بقره،

- قال الأمير: ما في عنا بقره،

- قال أبوها: لأ، ظاعت منا بنت، وبدنا نقابلها،


- قالوا: يعني مرت إبتا؟

- قالوا: آه،

- قالوا: هاذي معاها ولدين، نادوا البنت وقالت القصة،

- قال لها الملك: اختاري الأول والا الثاني، واختارت جوزها الثاني.

وأكلنا من قراكم، وحي لحانا ولحاكم...



الصياد والغزاة

مرّه من المرات كان هالشباب الصياد كل يوم يروح يصيد ويرجع لبيته، وفي يوم من الأيام طلع الصياد زيّ عادته، وكان قاعد فوق شجره ويطلع على اشي يصيده، شاف غزاة بتمشي تحت الشجره وصار يراقب فيها، والا الغزاة بتشلح ثوبها وبتصير بنت حلوه، وخبّت ثوبها تحت حجر كبير، وبعدها اختفت بين الشجر في الغابة.

وبعدها نزل الصياد عن الشجره وأخذ ثوبها من تحت الحجر وروح لبيته. وفي اليوم الثاني رجع الصياد وقعد على نفس الشجره وصار يستنى حتى إجت البنت الحلوة وصارت تدور على ثوبها بس ما لفته وصارت تلطم على وجهها، بعدها نظّ الصياد عن الشجره، ولما صار عند البنت قال لها:

- إيش بتعطيني اذا أنا أعطيتك ثوبك؟

فصارت تترجى إله إته يعطيها الثوب وبعدين قالت له:

- إذا بتعطيني إياه بتجوزك، بس بظل هذا سرّ بيني وبينك.


ووعدها بإنه ما يقول لحدا عن سرّها، ولما روح الصياد مع البنت على بيته، وكان هذا الصياد متجوز من مره ثانيه، سأته مرته الأولى عن هذي البنت اللي معاها، فقال لها: إنّا مرته وان الملك أجبره إنه يتزوجها، فحضرت مرته الأولى مايدة الأكل وصاروا ياكلوا الثلاثة، وعاشوا مع بعضهم الثلاثة. بس مرته الأولى كانت تلاحظ إنّا المره الثانيه، بتوخذ أكلها وبتروح توكل لحالها، وإنّا بتبلع الأكل وما بتلوكه، فدخل في راسها الشك وصارت تلحّ على جوزها حتى يقول لها عن سر هلمره، وظلّت تلحّ عليه حتى قال لها عن السر، وثاني يوم طلع الصياد للصيد وصارن المره الأولى والثانيه يطبخن، وبدل ما تحطّ المره الثانيه الملح عالطبخ حطت سكر، فقامت الأولى ونحرتها وقالت لها:

- لوقتيش راح تظلي حيوانه؟ لازم تصيري تنصيري زيّ البشر، وتبطلّي تنصيري زيّ الحيوانات. فعرفت الثانيه إنه انكشف سرّها، وشعرت بالإهانه! ومن كثر ما زعلت هجمت على المره الأولى وقتلتها! وبعدها لبست جلد الغزاة وفلّت من البيت! ولما رجع الصياد عالبيت لاقى مرته الأولى مقتوله، ومرته الثانيه مش موجوده، ودور على جلدها وما لقيه! وعرف إنّا فلّت من البيت. ولما عرفوا أهل البلد بالقصه قاطعوا الصياد وظلّ على هذه الحاله حتى مات.



[The main body of the page contains several paragraphs of text that are extremely faint and illegible. The text appears to be arranged in a standard left-to-right, top-to-bottom format, typical of a printed document. The ink is very light, making the words and sentences impossible to discern.]





الطَّيْرُ الطَّائِرُ

قال مرّه فيه هالزبله مَشجُوز، وعنده ولدين حلوين، في يوم ماتت الأم! حزن كثير، بعدين قال في عقله شو بدني أسوي؟ أحسن إشي أَشجُوز، بتيجي بنت حلال وبتساعدني في تربيتهم.

وَشجُوز بنت الحلال، بس طلعت بنت حرام. قالت لجوزها:

- اسمع هذول الولدين خذهم وابعدهم من هان وإلا مابظل قاعدلك هون ولا ساعة.
- يا بنت الحلال! يا بنت الأوام! حرام عليك وين بدني أروح فيهم؟ وهي تقول له: ماليش خصّ، دبّر حالك، بعد أكم من يوم، قال للولدين:

- ياالله يا أولاد نروح عند عمّكم.

- قالوا له: هو إلنا عمه ياأبا؟

- قال لهم: آه،

ومشى هو ويأهم، ظل يمشي حتى أبعد عن البلد، وهناك قعد معهم شوي وهم من التعب ناموا، وهو حمل حاله وتركهم وشرد، ولما صحبوا الولدين دَوروا على أبوهم، بس ما لقيوه، خافوا وصاروا يعطوا لحالمهم، وعطشانين وجوعانين وخايفين يا حرام. بعد شوي طلع المم شيخ جليل لابس عمّه على راسه ولحيته بيضا،

- السلام عليكم،

- وعليكم السلام،

- شو بتسوا يا أولاد؟

- قالوا له: أبونا حطّنا هان يا سيدنا الشيخ وراح!

- قال لهم: عطشانين يا أولاد؟

- وميتين من القله!

قال في العصا في الأرض طلعت مائدة مليانة أكل، أكلوا وشربوا وحمدوا ربهم. قال الشيخ:

- عارفين وين بدكم تروحوا يا سيدي؟

- ردّوا عليه وقالوا له: لا يا سيدي،


- قال لهم: إسمعوا مليح، إتنا يا عبد الكريم بتضلّ ماشي للشرق حتى تصل بلد، تلقيش حدا فيها،

ما فيش حد في الدور، كل الناس موجودين في ساحة البلد علشان يختاروا ملك، روح انت لما تصل هناك وقف هناك واستنى. وانت يا عبد الرحيم نفس الاشى، ظلك ماشي لجهة الغرب، برظه بتلاقي زى أخوك ناس متجمعين علشان يختاروا ملك لإنه الملك اللي مات مالوش لا أولاد ولا بنات. وقّف هناك مع الناس.

ودّع الولدين بعضهم وعيطوا اشوي، وظلّ كل واحد ماشي زى ما قال الشيخ. وصل عبد الكريم البلد الفلاتية، طيروا طير، وقالوا اللي بوقّف الطير عليه هو اللي بيصير الملك. والله لفّ الطير، وطار حول الناس ولفّ وطار وبعد شوي قَرَب الطير من عبد الكريم وحتّ عليه، تفاجأوا الناس وانبهروا! وقالوا: غريب يا طير، غريب يا طير، لأن عبد الكريم مش من بلدهم، طار الطير وصار يلف ويطير فوق الناس وبعد شوي وقّف مره ثانيه عليه ونحروه، وقالوا: غريب يا طير غريب يا طير! ونفس الإشي رجع مره ثانيه طار ورجع ووقف عند عبد الكريم، فقال الناس يا عمي خلص هذا الولد شكله ملك ابن ملك. وأخذوه، وعملوه ملك على المشرق. وزيّ ما صار مع عبد الكريم صار مع عبد الرحيم. وصار عبد الرحيم ملك على المغرب. وبعد فتره من الزمان إلتقوا الأخوه الاثنين، وفرحوا مع بعض. المهم إنه أبوه ومرت أبوه وولادهم اللي جابوهم صاروا فقرا مش لاقين اشى ياكلوا. خطبة¹¹⁷ الولدين، صاروا يشحدوا. وفي يوم من الأيام شاف الملك عبد الكريم واحد ووحده بشحدوا، وأواعيهم مقطّمة. بعد ما قترنوا، شافهم من البلكون عرفهم! الآ هم أبوه ومرت أبوه، شفق عليهم، بس ما قدر يناديهم ويعرفهم بحاله، لإن الناس إذا عرفت بالحقيقة بتغير رأيها في الملك. شو سؤا، وذالهم أكل ومصاري مع الخدم، وخلاهم يشتغلوا في أرض الملك، وهو قصده إنه يساعدهم. يقولوا إنه الملك عبد الكريم نادى على أخوه وجاب أبوه لحاله، بدون مرت أبوه، وقال له:

- مالكش اولاد يا حج؟ صار أبو يعيط، ويقول:
- كان لي ولدين يا عمي، ما بعرف وين راحوا! الله يجازيها مرتي خلّتي أطردهم، وأنا من هبلي رديت عليها. الله يعلم وين راحوا. قالوا له:
- إحنا اولادك صرنا واحد ملك على الشرق والثاني ملك على الغرب، وإذا الناس عرفوا الحقيقة راح يطرّدونا، ما تجيب سيره لحدنا، ولا حتى مرتك، فاهم يا بابا أوعى تحكي لا تخرب كل الشغلة. فاهم؟
- قال لهم: خلص بابا، سامحوني سامحوني على اللي عملته فيكم. وهيك عاشوا مع بعضهم، وما حدا عرف الحقيقة.

117. خطبة: خطينة فعل الأب وزوجته بالولدين دفعا ثمندا فقرا حتى التسؤل!



ليلي وسعاد

باقي ما باقي إلا هالختيار عنده هالبننت اسمها ليلي. المهم امها متوفيه! ولا هو يقول بده يتجوز، قرر يتجوز، دور على بنت الحلال ولقيها، خلّفت بنت سمّتها سعاد. شو ما كان بتشتغل. روعي يا ليلي، إشتري من السوق، وسّتها قاعدة في منطقة بعيدة يا حرام بوّديها في الليل والنهار وما يسألش، وبتروح توّدي أغراض لسّتها، يوم إلا هو وذاها بوقت متأخر بعد المغرب، زمّت يا حرام هالسّله، مرت أبوها ما يتخطّلهاش أشياء منيحة، بتحطّ لها بعيد عن السامعين وسخ، وبعر، وتراب في السّله، وبتقول لها: روعي ودي لسّتك، بإرادة ربنا تقلب السلة أشياء منيحة وحسنات، يوم وهي رايجة بالليل مرقت ولا لقها هالشيوخ الجليل:

- شومعاك يا ليلي؟
 - ولا بتقول له: راح أودي أغراض لسّتي
 - ولا بقول لها: شوهني؟
 - ولا بتقول له: تفاح
 - ولا بمحكي: انشا الله يا ليلي يصيروا خدودك مناح مثل حبة التفاح.
 بإرادة الله صار معها تفاح وصارت حلوه وخلو وخدودها مثل التفاح. بعد ما مشت مسافة ثانيه لقها هالشيوخ ثاني:

- شومعاك يا ليلي؟
 - ولا بتقول له: معاي موز
 ولا قال لها: انشا الله حواجبك يصيروا مثل قرون الموز!
 وشوصاروا حواجبها مثل قرون الموز، ظلّت ماشيه لقيها أخرى شيخ، قال لها:
 شومعاك يا ليلي؟
 ولا هي بتقول له: معاي رزق
 ولا قال لها: انشا الله يا ليلي بصير خصرك مثل ظمّة الرزق¹¹⁸.

118. ضمة الرزق: المقصود هنا ضمة من الفصح المحصود بسنبله، فتكون الضمة منتفخة من الأعلى الذي يتكون من السبل، وكذلك الجزء السفلي من الضمة، حيث سيقان السبل، أم الوسط المربوط في عدة قشّات من القمح، فيصير

ظلت تاوصلت دار ستها، ولأ ستها بتقول لها: شوجبت معك يا ليلي؟ شافت كلياته من جميع الأصناف والأنواع، اه الدنيا ليل ما إستجرتش ترجع لخالها ولا هي بتقول لها:

- نيميني عندك يا ستي،
- قالت لها: بتعرفي جوزي ختيار وبطلّقي، ولا في مطرح ولا في مكان،
- قالت لها: عندي بير عّيم، بتنزلي فيه، بس إذا مرقن عليك حمامات بيظ زغردي وغني! وان مرقن عليك حمامات سمر بتخخي وتعيطي،
- قالت لها: طيب.

نزلت في هالبير وسكّرت عليها، مرقن عليها الحمامات البيظ يرفرفن صارت تزغرد وتغني للحمامات! ولما مرّن الحمامات السمر إنجبت وصارت تعيط، الصبح طلعت ستها فتحتلها البير وصارت تحكي: يا بير يا برامبير جيبي الذهب والدنانير! شوطلعت لابسه هالفستان كله ذهب ودنانير! هسّا روّحت ولقّت حالها بالعباية عشان ما حدا يشوفها! ظلت مهزومه عالدار. بعدين شافتها مره أبوها:

- شوهاي يا ليلي من وين هاي
- قالت لها: من ستي
- ردّت زمت بنتها سعاد وبذكّ تروحي نفس الشئ وتجيّب مثلها، زمت حالها وحطتلها فواكه وحكايا، ما هي بنتها، بدها تدلّلها! ولاقاها شيخ قال لها:
- شو يا سعاد معاك؟

ولأ بتقول له: زبل

قال لها: انشا الله بتصيري مثله،

رد لاقاها الشيخ الثاني:

- شومعاك يا سعاد؟

ولا هي قالت له: تراب

قال لها: انشا الله تُربه تُظنّك!¹¹⁹

وطيلة الطريق شوما معاها يقلب وسخ، وصلت عند ستها:

- بي يا سعاد الله يهديك شوياللي جايتيه؟

- الله يسخّمك روجي ما بدني اياكي

- قالت لها: بدني تيميني مطرح ما نيمتي ليلي في البير،

- بس للحمامات البيظ بدك تزغرد وتغليلهن، والحمامات السمر بدك تتخخي وتعيطي.

- قالت لها: مش مشكلة بس سقطيني في البير

نزلتها في هالبير، إلّا هن طلعن الحمامات البيظ، ولأ هي من لخمته صارت تعيط! وبس طلعن

ضيّقاً..

119. تربه تظنك: دعاء عليها بالموتن ويدفنها التراب!

الحمامات السمر صارت تغني طبعاً، سوّخن بالشقلوب، إجت ستها الصبح بتقول لها: شوسويتي يا سعاد؟ وصارت تحكي: يا بئر الريمير إطلعني بالحديد والسناسيل والجنازير، طلعت من البئر، شو الجنازير والحديد فشّ ذهب، صارت تعيط! ولأ ستها بتقولها: رّوحي عند إمك!

هسّا مين اللي سمع؟ ابن الملك سمع إنه أبو ليلي عنده بنت اسمها ليلي، وليلى بنت حلوه كثير، ومُدّندشه بالذهب والدناديش! أجوا يخطبوها! وروهم ليلي! يوم العرس ما رظيوش يجوزوها، بدهم يجوزوا بنتها! إم سعاد لفلقتها بالعباية، وصمدتها عاللوج، وغطلتها وجهها، وما بيّنت العروس المصمودة! وصاروا يغنوا بفكروا ليلي المصمودة! اجت هالبسة، صارت تمّوي: ماو... وماو... إم الذهب والدنانير في المّيتن! وإم الحديد والجنازير في المحمل! في النهار، هالبسه تقعد جنب إم العريس وتقول: ماو... ماو... وإم الذهب والدنانير في المّيتن، يعني اعجبينها في المّيتن وإم الحديد والجنازير في المحمل، سمعتها مره الملك، قالت بدي أروح وألحق أشوف وين المّيتن! راحت على المّيتن ولاقت ليلي مسجونة في المّيتن، ومتمخيه! ولأ صارت تحكي بدناش اللي عالحمّل، بدنا ليلي اللي خطبناها! هسّا أخذوها عالحمّل، وطّيحوا سعاد. انو بدها تصفّ في العرابي، مرت أبوها! المسافة بعيدة ويطلعوا من مناطق مناطق، إلا هي عطشت يا حرام ليلي، العروس، ولا بتقول لها:

- إسقيني يا خالتي تنفة مي

- بسقيكيش، بسقيكي بس خليني أطول عينك

- يا بني ادم يا مستوره

- قالت: أبدا!

قدّ ما عطشت أسقتها، وطالت عينها! عالطريق جاعت وما قدرت تتحمل ولا بتقول لها:

- بدي أوكل

- قالت لها: ما بطعمكي إلا لما تعطيني عينك الثانية

صارت تكابر تتوصل الدار... والمسافات بعيدة ما وصلتش يا حرام، من كثر ما جاعت قبلت، أطعمتها وطالت عينها الثانية! بس وصلت دار الملك إمّصّبه، ما قاموا العصبه! إلا هي بلا عينين! الملك صار يقول جايبيني وحده عميا؟! بديش ياها، إرموها وإسقوها وخلّوها في قلب هالباستان! يا حرام طول النهار تعيط يا حرام! وهي قاعدة تعيط مرّقن عليها الحمامات البيّظ، هي مش قاشعتن، قالن لها: إحنا الحمامات اللي في البئر اللي غنيتيلهن، شومالك؟ خزفتن القصّه... القصّه هيك هيك. صار يقلن إصبريلنا وقت من الزمن وبنرجعلك، رحن، أبعدن وسافرن، ولأ هن جايبات معهن ورقات ليمون. قلنلها بتمضغين بتمضغين، وبتنقطهن على عينيك، ويأذن الله بصير إلّك عينين! المهم قامت المسكينه مضغتهن ونقطتهن على عينها، اللي فتّجن هالعينين الزرق، وبتجنن، ولا بسه، وراحت عند ابن الملك، إنجل في هالعينين الزرق، وبتجنن ولا بسه! ولأ بحكيلها:

- شوالقصّه؟

- قالنله: مرت أبوي هيك سوّت قيا وطالت عينيا!

- قال لها: خلص

ودى ينادي: الليالي المناخ والأفراح بدار الملك! واللي بحب ابن الملك، يجيب معاه نتشه ونتفة فتشه¹²⁰
وكوب كاز! واهل البلد إللي جاب معاه نتشه! واللي جاب معاه كاز! وجابوا مرت أبوها، وولعوا النارات
فيها! وتوته توته..... وخلصت الحدوتة.....!

120. نتشة: نبات شوكي سريع الاشتعال ويمنح طاقة حرارية جيدة، فُتِشِه: ولعة، كجمرة نار أو حجر صواني
وقطعة حديدية تُسمى الزناد أو الزنادة، ولدى عمل احتكاك سريع بين الحجر والمعدن يتولد الشرار الذي يشعل النار.



الحصان الأشهب

الراويّة: وحدوا الله

الحضور: لا إله إلا الله.

كان في هالولد ماتت أمه. وظل عايش مع أبوه اللي تجوز مره ثانيه. وكان هالولد أمير وأبوه الملك. وكان عند الولد حصان أشهب، ما في مته بكل البلد. وكانت مرت أبوه كل يوم تطبخ للولد وللمك طبخات حيا الله: مره عدس ومره قلاية بندوره.. وتطعمي الأكلات الزاكية لصاحبها! وكان هالولد يوكل من هالأكلات ومش عاجبه، شو؟ ابن ملك! راح يشكي ويكي لحصانه الأشهب وقال له: من يوم ما أبوي تجوز هالمزه وما أكلت أكلة طيبة، قام قال له الحصان: إنت كل يوم قبل ما تطلع على القصر تعال عندي في الأول، قال له: ماشي. أول يوم قبل ما طلع على القصر راح ع اسطلب الخيل، وقال للحصان: شو صار اليوم في غيابي؟ قال له: مرت أبوك مصاحبه، وكل يوم تطعم الأكل الزاكي لصاحبها، وتخليلك أي شي على شان توكله، واليوم مسويته لصاحبها حمام مشوي، ومخبتيه بالطابون، راح طلع على مرت أبوه وقال لها:

- يا مرت أبوي شو طابختلنا اليوم؟

- قالت: اليوم طبخت عدس،

- قال لها: بس وأنا مارق من عند الطابون شيمت ريحة حمام مشوي،

- قالت له: نسيت أقول لك إني طابخ حمام مع العدس.

راح الأمير وأكل الحمامات. ثاني يوم، مرق عند الحصان الأشهب وقال له الحصان: اليوم مرت أبوك طابخه ديك رومي ومخبتيه على السدة، طلع على القصر،

- آه يامرت أبوي شو طابخة اليوم؟

- قالت: فشني في الدار إلا بندوره، وعملتك قلاية بندوره،

- قال لها: بس أنا شامم ريحة ديك محمر طالعة من السدة، وقام طلع على السدة وأكل الديك.

- ثالث يوم مرق على الحصان وقال له: اليوم طابخة لحمه مشوية، ومخبتيها ورا شوال الطحين. طلع

على القصر،

- ها يا مرت أبوي شو طابخه اليوم؟

- قال لها: خلص
وَدَى ينادي: اللبالي المناح والأفراح بدار الملك! واللي بحب ابن الملك، يجيب معاه نتشه وبتشه وفتشه¹²⁰
وكوب كاز! واهل البلد إللي جاب معاه نتشه! واللي جاب معاه كاز! وجابوا مرت أبوها، وولّعوا النارات
فيها! وتوته توته..... وخلصت الحدوتة.....!

120. نتشه: نبات شوكي سريع الاشتعال ويمنح طاقة حرارية جيدة، فنشبهه: ولعة، كجمرة نار أو حجر صواني وقطعة حديدية تُسمى الزناد أو الزنادة، ولدى عمل احتكاك سريع بين الحجر والمعدن يتولد الشرار الذي يشعل النار.



الحصان الأشهب

الراويّة: وحدوا الله

الحضور: لا إله إلا الله.

كان في هالولد ماتت أمه. وظل عايش مع أبوه اللي نُجُوز مره ثانيه. وكان هالولد أمير وأبوه الملك. وكان عند الولد حصان أشهب، ما في مته بكل البلد. وكانت مرت أبوه كل يوم تطبخ للولد وللملك طبخات حيا الله: مره عدس ومره قلاية بندوره.. وتطعمي الأكلات الزاكية لصاحبها وكان هالولد يوكل من هالأكلات ومش عاجبه، شو؟ ابن ملك! راح يشكي ويبيكي لحصانه الأشهب وقال له: من يوم ما أبوي نُجُوز هالمزّه وما أكلت أكلة طيبة، قام قال له الحصان: إنت كل يوم قبل ما تطلع على القصر تعال عندي في الأول، قال له: ماشي. أول يوم قبل ما طلع على القصر راح ع اسطلب الخيل، وقال للحصان: شو صار اليوم في غيابي؟ قال له: مرت أبوك مصاحبه، وكل يوم تطعم الأكل الزاكي لصاحبها، وتخليلك أي شي على شان توكله، واليوم مسويّه لصاحبها حمام مشوي، ومخبته بالطابون، راح طلع على مرت أبوه وقال لها:

- يا مرت أبوي شو طابختلنا اليوم؟

- قالت: اليوم طبخت عدس،

- قال لها: بس وأنا مارق من عند الطابون شيمت ريحة حمام مشوي،

- قالت له: نسيت أقول لك إني طابخ حمام مع العدس.

راح الأمير وأكل الحمامات. ثاني يوم، مرق عند الحصان الأشهب وقال له الحصان: اليوم مرت أبوك طابخه ديك رومي ومخبته على السدة، طلع على القصر،

- آه يامرت أبوي شو طابخة اليوم؟

- قالت: فشّي في الدار إلا بندوره، وعملتك قلاية بندوره،

- قال لها: بس أنا شامم ريحة ديك محمّر طالعة من السدة، وقام طلع على السدة وأكل الديك.

- ثالث يوم مرق على الحصان وقال له: اليوم طابخة لحمه مشوية، ومخبته ورا شوال الطحين. طلع

على القصر،

- ها يا مرت أبوي شو طابخه اليوم؟

- قالت له: اليوم طابخ خبيزة،
 - قال لها بس أنا شامم ريحة شحم ولحم طالعه من ورا شوال هالطحين، راح أكلهن ولخوس¹²¹ إيديه.
 هاي المره إنجنت، وراحت قالت لصاحبها هيك هيك القصة، قال لها: شو في وين بيروح قبل ما يطلع
 على القصر، وما كانتش خبايه، وثاني يوم راقت وين بروح تنها شافته دخل على الحصان الاشهب.
 راحت قالت لصاحبها وين شافته بدخل، قال لها: معناته هو عارف عنك وعني وعن كلشي! ما فشني
 غير نقتله قبل ما يقول لأبوه الملك ويخرب بيتنا. أول يوم قامت حطّله السمّ جوا الحمامات وشوحن
 وحرّخن، أجا ابن الملك على الحصان الاشهب، قال له الحصان: هيك هيك القصة، راح على مرت
 أبوه قالت له:

- شو عاملتك شوية حمام بشهين،
 - قال لها: اي والله قرفت الحمام والدم، بدي أوكّل لي حبة بندوره عالماشي، ثاني يوم حطّ السم
 في الجاج، وقال لها الولد: أنا اليوم بدي أوكّل هالوصلات الشلبيات هذول، راحت قالت لصاحبها
 إنه برضاش الأكل اللي فيه السم، قال لها: طيب حطّيه سيف على الدرجة الثالثة، لما ينطّ عليها
 بفتح بطنه وموت، هاذا ابن الملك بحب التنظطة، ولما كان ينزل الدرج كان ينطّ كل ثلاث درجات
 مع بعض، سوّت زيّ ما قاللها صاحبها، بس الحصان كاين قابل لصاحبه عن الخطّه، فراح نط كل
 أربع درجات مع بعض وسيلّم. راحت قالت لصاحبها:
 - هيك هيك سوا،

- قال لها: معناته بنقتل الحصان الاشهب، بعدين بنقتل الأمير، بتعملي حالك مريضة، وبعمل حالي
 دكتور، ويقول إنّه دواكي في كبد حصان أشهب.
 أجت الحرمة وعملت حالها مريضه، وغلت ميه فيها كركم وتحممت فيها، وقحمشت رغيّف خبز في
 الطابون، حمّصته حتى قحمش، وحطّته تحتها، فصارت كل ما تحركت يقرقع رغيّف الخبز اللي تحتها كإنه
 عظامها مكسره، ومش قادره تتحرك، أجا جوزها الملك ومشت عليه الشغلة، كان صاحبها في هالوقت
 ينادي في الشارع أنا طبيب مداوي من كل الأمراض بداوي، نادى الملك عليه وقال له: مرّي هيك
 هيك، لما شافها صاحبها اللي عامل حاله دكتور، صار يقول لجوزها هاي دواها كبد حصان أشهب،
 بتوكله بتطيب، قال لمرته:

- من وين بدنا نجيب حصان أشهب،
 - قالت له: عند إبنك في واحد ولا نسيت،
 - قال لها الملك: بس هاذا غالي على إبنك كثير برضاش يخلينا نذبجه. أجا صاحبنا الأمير ودخل على
 الحصان لقيه بيكي، قال له:
 - شومالك؟
 - قال له: هيك هيك، وبدهم يذبحوني، وأبوك مصدّق مرته،

121. ولخوس ايديه: مصّ بلسانه ما علق على يديه من بقايا الطعام

- قال له الأمير: ما تحكل همّ.

طلع عند أبوه قال له:

- شو في بابا؟

- قال له أبوه: الدكتور وصف لمرتي كبد حصان أشهب، وما في بكل هالبلد حصان أشهب غير حصانك، وهاي مرت أبوك مثل إمك، بدنا نذبح الحصان نطعمها كبده،

- قال له: طيب بابا بس إسمحلي أودّعه وأفزق عن روحه ذهب وفضة. راح أبوه أعطاه شوالين واحد ذهب والثاني فضة، وطلع الأمير على ظهر الحصان عشان يودّعه وصار يمشي، وفيه الحراس محوّطينه من كل شقه. فصار الأمير يرمي ذهب على اليمين وفضه على الشمال على الحراس، وصار الشاطر بشطارته يلقطوا بالذهب والفضة، ولما شافهم ملتھين هرب على ظهر الحصان وصار يمشي، يمشي، لوصول لواد مليون غنم لراعي قاعد برعاهن، قال له: أعطيني أصغر خروف عندك، قام أعطاه واحد صغير، وأعطاه الأمير أكم مجيديه للراعي، وذبح الأمير هالخروف وأعطى الراعي اللحومات، وأخذ كرشته ونظفها وقلبها وحطها على راسه، وصار زي الاقرع، ومرّع أواعيه وراح على بلاد ثانيه، شاف هالقصر لحاله بعيد عن باقي الدور، على راس هالتله، وسأل عنه قالوا له: ملك هذي البلاد عنده ثلث بنات وخايف عليهن من الغزاة، وحطهن بحالقصر، وبدّه يجوزهن فيه ويفظّن فيه طول العمر. راح صاحبنا على القصر وسأله حارس القصر:

- شوبدك؟

- قال له: أنا على باب الله وبدّي أشتغل أي إشي،

- قال له: طيب بس إطلع إسأل صاحبات القصر، نزل وقال له:

- بدهن بُستنجي، بتعرف تشتغل في الأرض؟

- قال له: بعرف، فسلّمه الشغل.


هالّا صاحبنا راح يودّع حصانه الأشهب، قال له حصانه: هاي ثلاث شعرات من شعراتي إذا إحتجتني بسّ إحرق وحدة بكون زي البرق عندك، قال له: ماشي. وصار يشغل في بستان قصر بنات الملك، وفي يوم غزا الغزاة القصر، فراح صاحبنا وحرق أول شعره، راح الحصان أجا زي البرق، وأعطاه سيف، فصار إن يظرب يمّين يظير أربعين راس، وإن يظرب شمال يظير أربعين راس، وخلّصهم من الغزاة، ووقعت بنت الملك الصغيره بمحبّته، والملك خاف على بناته، وقال: خلص بدّي أعمل حفله وأجوزّ فيها بناتي، كل وحده اللي هي بتختاره، يوم الحفله، من كبرها صار صاحبنا يساعده فيها ويخدم على المعازيم، أجت أول بنت من بنات الملك، ورمت بالمنديل على ابن الوزير إختارته جوز إلها، أجت الوسطى ورقصت ورمت منديلها على ابن السفير، أجت الصغيره نفّت أول لقة، ما عجبها حدا، قالوا لها: لقي كمان لقة، ولقت أخرى لقة، ما عجبهاش حدا! مع دخلة صاحبنا رمت عليه المنديل، أبوها أخذ منه المنديل، وقال لها: مش ضايل عليّ غير هالاقرع، وطلع الاقرع برّه، عاودت ورقصت وطلعت برّه، ورمت عليه المنديل، عاود أبوها أخذ المنديل منه وأعطاه لبنته. وحطّوه في سجن وسكّر عليه، راحت على باب السجن، وربطت منديلها على إيد الباب، أبوها قال لها: تشجّوزي هالْبستنجي الاقرع؟! لا إنت بنتي ولا

بعرفك، أخذها تجوزها، وعيشها بمخشأبيه سنين! في يوم أبوها مرض مرضة كبيرة، وقالوا له: دواك لحم غزال ينصاد من جبل العجايب، صارن بناته الشاطره بدها جوزها يجيب لحم الغزال لأبوها، عشان يصير يجبها ويجه أكثر. قام جوز الكبيره ابن الوزير ركب فرسه، وأخذ معه الحرس يدور على غزال في الجبل، وجوز الوسطى ابن السفير حمل حاله وطلع، صارت الصغيره تقول لجوزها: دورك الحين، الحقهم. قام جاب حماره عزجا وركب عليها بالشقلوب، وصارت كل البلد تقول: الاقرع الاهبل بحسب حاله بشطارة ابن الوزير والسفير، وصاروا يضحكوا على شكله وهو راكب بالشقلوب على حماره عرجا، تنو¹²² اطلع بزات البلد، ولّع ثاني شعره، أجا حصانه زي البرق، قال له: خذني على جبل العجايب، بدنا نلث غزلان، وأخذنه على الجبل، جاب الغزلان، وقعد على باب القصر، بعد ما رجع ابن الوزير جوز الكبيره قال له: صدت؟ قال له: والله يا أقرع ولا إشي، ما لقيتش، قال له: أنا صدت ثلاث غزلان، قال له: بيعني واحد، واطلب قد ما بذك، قال له بس بدي أختم ع قفاك، قال له: إختم. أجا ابن السفير جوز الوسطى، قال له: ها شو صدت؟ قال له: مالقيت، قال له الأقرع: عندي غزال زيادة بذك ببيعك، قال له: اطلب واتمني، قال له: بس بدي أختم ع قفاك، قال له: إختم. راح ابن الوزير للملك وقال له: صدتلك غزال من جبال العجايب، وطبخوا له إياه، وقالوا له: هَيّو، كَلْ مِنّه، وانشا الله بالشفا، ما ذاق الشورية الآ زت الصحن لغاد، يّع! شوهاذا؟! مره مابدي أوكل هيك دوا، إجيننا الغزال ابن السفير، ذاقه إلا هوبقّلعلط! وكمان الشورية مُرّه! زته لغاد، أجت الصغيره، مرت الاقرع بمالحوايج إللي تمرّعة: يابا ذوق غزال جوزي، قال لها: إذا ابن السفير والوزير غزلاهم مرّات! بده الأقرع جوزك غزاله يكون أطيب؟ قالت له: أجبر بخاطري وذوق لو حتى لقمة، وصاروا اللي حواليه في الغرفة يقولوا له: ذوق! أجبر بخاطرها. قام ذاق الشورية، وصار يقول: إيه هاي زاكية! ذاق اللحمه إلا هي زي الزبده بتشهي، وأكل الغزال وطاب! بعدين ودّا ورا الأقرع وقال له: تعال، ليش غزالك يا اقرع زاكي، وغزلان ابن الوزير والسفير مرّات، وهن من نفس الجبل؟ قال له: لإنه أنا اللي صدت الغزلان، وهم اللي جابوا لك إياهم، إشتروهن مني وكذبوا عليك، وقالوا إنهم صادوهن عشان هيك صارن مرّات وظلّ غزالي طعمه زاكي! ودليلي اني ختمت على قفاهم، قال له: إنت يا اقرع بطلع بإيدك، راح قام الكرشة عن راسه، وقال له: أنا مش أقرع ولا بستنجي، أنا ابن الملك الفلاني، وصار معي أنا وابوي هيك هيك، وإنت ما قدرت معروفني لما قتلت الغزاة، وحيمت بناتك، ولما بنتك اختارتني جوز إها، ما قبلتني وحرمتنا من العيشه المنيحة. قال له الملك: أنا كنت غلطان! ودّي ورا أبوك عشان أصلحك معاه، راح حرق آخر شعره معاه وطلب من الحصان الاشهب يجيب أبوه ويوم ما أجا حكى له كل القصه، فلما عرف أبوه حقيقة مرته، صار ينادي اللي يحب الله ورسوله يجيب مشعل نار وشوية حطب، ماظل حدا في المملكة إلا وجاب مشعل نار وشوية حطب، والملك جاب مرته وصاحبها، ودجّم بالنار الحامية، وضّموا المملكتين لبعض وصار الأمير صاحبنا عليهن ملك.

وطار الطير وتمسوا بالخير...

122. تته: منحوتة من كلمتي حتى أنه





الباخرة

ما باقيلك في قديم الزمان إلا هالسلطان إله نسوان ننتين، الأولى إلهة واحد، والثانية إلهة اثنتين، أبوهم نزله كبير، تدرّهم إلههم مشان يطلبوا المملكة من أبوهم، يقول لهم: روح جيب إقلال¹²³ وإلعب فيهن، يوم يروح ويقول لأمه، تنجّ، تقول له: شواللي قال لك إياه يقول لها: والله بما هاذ المي قال لي إياه، كون ودّت الثاني قالت له: روح إنت قول لأبوك يعطيك المملكة. راح ونفر فيه أبوه السلطان وقال له: روح جيب قلال وإلعب فيهن! قالت أم الولد: روح إنت قول لأبوك يعطيك المملكة. راح ونفر فيه أبوه السلطان وقال له: روح جيب قلال وإلعب فيهن! قالوا له الوزرا الحاضرين لأبوه: ليش هيك نفرت فيه، قول له كلمه تطيب خاطره، قال له طيّب، تعال تعال، قال له: روح جيبنا قزازة ممي من العين الغلاتيه، قالت له أمه: شو صار معك، قال لها: طرّني أول إشي وبعدها قال لي روح جيب قزازة ممي من العين الغلاتيه، قالت له أمه: هانت باقيه فتاحه، وشاطره، جابت شعره، ولّعته، ولّا هو جاي هالحصان قال لها ابنها: شو أساوي؟ قالت له: إنت ما تساويش إشي، الحصان هو اللي بساويلك، وين ما يندك بوخذك.

راح وهمّه ماشيين في الطريق راكب على هالحصان، مرق عن هالريشه، ولا هي بتضوي قال له:

- اقيف تامّي أطولها.

- قال له: شوبدك فيها إذا طلته بتندم، وإذا دشرتها بتندم!

- قال له: بحيث إني إذا طلته بندم وإذا دشرتها بندم، إذن بدني أطولها؟

طلّ له إياها وأخذوها، وركب الحصان وراحوا، أجوا على هالمدينة وحطّ الريشه في عيه، لما أجوا على المدينة بعد المغرب، صاروا يندوها في منع التجول! ممنوع حدا يطلع أويضوي بأمر الملك! راح يدور وين بدهم يناموا! قالوا: ياعمي فش إلكم محل تناموا فيه إلا الحان، وهو مكان برطوا فيه الدواب عين ما يقضوا حاجاتهم في المدينة. راح سأل عن صاحب الحان وقال له: فوت، فات الحصان «بسم الله الرحمن

123. اقلال: وتلفظ إجلال أو جلول وتلفظ الجيم كالجيم في اللهجة المصرية، وتسمى أيضاً البنائير والزرازق والزرازق، وكلها أسماء جمع، ومفردها على الترتيب: جُلّ، بَنور، رَزَزَق. وهي من ألعاب الاطفال خصوصاً في فصلي الخريف والشتاء والمعنى ان الابن ما زال صغيراً يلعب ألعاب الاطفال! .

الرحيم» فقد ما لقيه! نام الزله في الخان. هناك في الليل حمّس على عبّه، قام الريشه وحطّها على جنب. قامت صوّت، وهونام.

في الليل جنود الملك بفرّوا، لقيوا الخان مضوي، الصبحيات تصبحوا بخير¹²⁴، راحوا لصاحب الخان وجابوه، وقعدوا يحققوا معه. قالوا له:

- بدك تدفع المخالفة، إحنا ندهنا إنه ممنوع حدا يضوي وإنت خالفت بدك تدفع المخالفة.
قال لهم: يا عمي أنا ما خالفتش.

- قالوا له: إمبلا، اللي بقوا يفرّوا لقيوا الخان مضوي

- قال لهم: يا عمي أنا ما خالفتش، هاذ اللي بات في الخان واحد غريب

- قالوا له: ورّينا إياه،

جابوه وحققوا معه، قال لهم:

- أنا معيش غير هالريشه

يوم جابوا الريشه ولا هي بتضوي، أخذوه هووريشته عند الوزير يحققوا معاه.

- ليش تضوي؟

- قال له: أنا لقيتها، وما دريتش عنها.

- قالوا: خلص إطرده

الوزير حكى للسلطان تخليه يروح يجيب صاحبة الريشه، هاي حمامه حلوه. ردّوا راحوا وجابوه!

- قال له: مش حكيتلك اللي صار معي، وطريقتي!

- قال له: بدك تجييلي صاحبة الريشه

- قال له: يا عمي أنا لقيتها مرميه. إمنين بدّي أجيلك صاحبتها؟!

- قال له: بدك تجييبها! معاك مهله يومين.

أدعق للحصان أجا، قال له: شو صار معك؟ خرفه، قالوا لي بدك تجييلي صاحبة الريشه

- قال له: ما تخافش إنت، ولا تهتم!

- قال له: بدّي قفص من ذهب وفيه جنزير طويل، ومن كيس الوزير¹²⁵ مش من كيس السلطان.

أمر الوزير أن يصنعوا له قفص مثل ما بده هذاك. أخذ يوم، يومين، تجهّزوا له القفص. وبعدها دعق

للحصان، وأخذ القفص وركب الحصان وراحوا على الشجرة اللي بتهدّي عليها الحمامة صاحبة الريشه،

وعلقوه وخلّوا جنزير مدّي زي شُرجه¹²⁶، طلع علّقه، وقال له: إتخبي ورا الشجرة! قال له: شايف أظنهن

اجين! يوم إنحأ أجت، زرقت في وسطه، حبّيت القفص قال له: بس تزرق في القفص بتشد الجنزير، بم

124. جملة معترضة من جمل مجاملة الراوي للمستمعين.

125. من كيس الوزير: أي يدفع ثمنه الوزير من خاص ماله.

126. شُرجه: طريقة لربط الحبل بحيث إذا سحب طرفه تتشكل من الحبل دائرة تقبض على ما يكون بداخلها، فيمسك أو يموت خنقا!

هذاك ظل مفكر الها، بس زرقت يمّ شدّ الجزير، وسكّر عليها، وطلع طال القفص، ودعق للحصان، أجا، أخذه وراح. قال له: خذ اعطيه للسلطان! قال له: خذ اللي طلبته، هيّه! بعدين قال له الوزير للسلطان:

- لأ، خليه يجييك صاحبة الحمامة! هاي صاحبة الحمامة آيه من آيات الله!
- قال له السلطان: منين بدّه يجيبها.

- قال له: مثل ما جاب الحمامة يجيب صاحبتهها.

الوزير قال له، لكّي جاب الحمامة:

- إرجع، أنا لهسنا ما عفتيتش عنك! روح جييلي صاحبتهها، ولا بقطع راسك! دعق للحصان، أجاله،
قال له:

- قالوا لي هيك هيك وطلبوا مني صاحبة الحمامة.

- قال له: ولا يهّمك، بس ارجع وقل لهم:

- بدني باخره مليانه قماش من جميع الألوان الموجوده، ومن كيس الوزير مش من كيس السلطان. دار
الوزير يصيح. قال له السلطان:

- إُدفع، همّه طالبين منك ع حسابك.

ودترّ حاله، وحملّ حاله، وحملّ هالباخره، وقال له:

- هاي الباخره جاهزه، قام هذاك، دعق للحصان، وقال له:

- الباخره جاهزه والبضاعه فيها،

- قال له: إسحب!

طلعوا على البلد اللي هي فيها. صاروا هالناس يقولوا فيه باخره فيها بضاعه من كل الألوان! صاروا يتفرّجوا على البضاعه! إِببلاش! دشعوا هالناس يتفرجوا وينقّوا. هذيك صاحبة الحمامة، فيه عندها صاحبتها، قالت لها:

- شورايك نروح نتفرج، وثقّلينا إشي حلوا؟

- قالت لها: يالله.

رحن وفتن على الباخره، الباخره كبيره، هذولاك بستنوا فيهن، قال له: بس تفوت هذيك على الغرف،
خليّ القبطان يرجع! قال للقبطان: بس يفتن هذول إنت إرجع عاود فيها، ودوها للسلطان اللي طالبها.

عرفت صاحبة الحمامة إنحّا مخطوفة، قالت له:

- إسمع مني عاودني ولا بتندم على اللي بتساويه!

- قال لها: شو بدني أندم؟ إسحب. يمّ...

- قالت له: والله إلا تندم! يمّ سلّحت خاتمها ورمته في البحر!


- قال لها: شويعني، الله يجعلك تظلي راميتيه.

- قالت له: والله إلا ترجع تجيبه!

- هذاك قال: خاتم في بحر صحيح بدني أرجع أجيبه!
- ما ردّش عليها. ظلّوا ساحبين، يوم وصلوا عند السلطان، طيحوها وأخذوها عند السلطان، شووحده!
- بتقول للقمر قوم وأنا بقعد محلك من حلاتها!
- قال له: اللي بدك باه هيني جبتها وسلمتك إياها. إعتقني لله.
- قالت للسلطان: بقلش فيك إلا تتجيبلي خاتمي إللي وقع في البحر، ولّا بتجوزكش. قالت له:
- مستحيل أقبل فيك إلا تتجيبلي خاتمي!
- قال لها: بسيطه، بنجيب الصايغ وبعمل لك مثل خاتمك
- قالت له: لو تتجيبلي كل الذهب اللي في مملكتك ما بقبله
- قال لها: خاتم وقع في البحر كيف بده يجي؟!!
- قالت له: اللي جابني بيجب الخاتم!
- قال لها: كيف بده يجيبه؟
- قالت له: هو مجبور يجيبه
- ودّي له السلطان قال له: بدك تروح تجيبلي خاتمها مطرح ما رمته. دقق للحصان، قال له:
- هستا ما خلّصتس ما انت! جبتله إياها،
- قال له: شلحت خاتمها في البحر وبدها إياه وما بدها بداله،
- قال له: ولا يهملك بس إرجع عليهم وقول لهم: بدني باخره مليانه طيبخ عدس ومن كيس الوزير
- مش من كيس السلطان! رجع قال للملك. قال له: ولا يهملك! صاح الوزير:
- الله أكبر إنت خزمت بيتي! إنت رملت مرقي في هالطلبات! منين بدني أجيبلك؟
- قال له: بدك تجيبها وإجرك فوق رقتك! تبّه على المدينه، وقال لكل سكان المدينه: اللي عنده
- شواتل عدس يطبخهن ويجيبهن في الباخره، وحطوا عشره خمسطعشر عامل وزموا هالمغارف،
- وراحوا لمطرح ما رمت الخاتم! وقال لهم: كبّوا مطرح ما رمت الخاتم... وشو... هجم هالسمك...
- كله يوكل! يمّ إجت هالسمكة إللي كانت بالعه الخاتم وقالت له: خذ إنت عملت منيح مع
- هالسمك وهاي الخاتم اللي جاييله. هذاك كبّ الطيبخ للسمك، وقال للقبطان إرجع. رجع جاب
- الخاتم، قلبته، قالت:
- والله هاذ خاتمي!
- قال له: إعفيني من مهماتك، واعفيني لوجه الله،
- قال له: روح!
- قالت له: وين يروح؟
- قال لها: أعتقناه قال لها: جابلك الخاتم، شوبدك؟
- قالت له: بدني أخرى طلب!
- قال لها: شوبدك الطلب الثاني؟

- قالت له: تحرقه.
- قال لها: خافي الله!
- قالت له: بدك تجيبه، وتحرقه!
- قال لها: حرام كل المنيح اللي ساواه نكافؤه... تحرقه؟!
- هاذا شرطي مشان أئجوزك.
- ودي يجيبه، قال له: آه أنشالله خير؟
- قال له: والله ماهوخير!
- قال له: شوظلك طلبات؟
- قال له: الست أمرت إني أحرقك!
- قال له: هاي مكافاتي اللي بدك تعطيني إياها نذ هالتعب اللي تعبتك إياه؟
- قال له: أنا والله ماهو في يدي! أنا بدي أكافك، بس الست اللي جبتها هاذ طلبها، إني أحرقك!
- راح يصكّ ويلطّ ويقول كل هالتعب وبدها تحرقني. ادعق للحصان، أجا الحصان، قال له:
- شوبدها منك اخرى؟
- قال له: بدها تحرقني
- قال له: ولا يهملك
- قال له: قول للملك يمهلك لبيكره... قام أمهله. قال له:
- خذلك يومين إتفسح فيهن!
- قال له: أطلب من الملك بدلة فولاذ للحصان.
- قال له: جاهزة وذا، فضل له البدله، وقال له:
- هاي حاضره. لبسه إياها، وراحوا على هالخلا، أجوا على هالمطرح، ودعق لحصان ثاني، أشرس منه، وجين وتقاتلن! قال له: وإحنا متقاتلين بتصير تطلع منّا رغوه... بتدهن فيها حالك! قال له: هسا خليه يحرقك! قال له: بصيرلي إشي؟ قال له: ولا بصيرلك إشي! راح هذاك خايف! كؤموا له كوم هالحطب، وقعدوه عليهن، ودارت هالنار وشبت! يوم همدت النار.... ولا هو قام ما فش في إشي إنجنت الناس! هذيك يوم درت إنجنت! قال لها:
- أحرقناه.
- قالت والله إلا تروح وتتحرق مثله!
- يا بنت الحلال
- قالت له: أبدا، راحله يطنب عليه مش راضيه تتجوزي الا أنحرق مثلك!
- قال له: برميلين زفته، ودتهنهن على حالك! قال له إنت هيك ساويت - قال له: اه! راح هذاك أمرهم جابوا براميل هالزفته، ودتهنوه فيهن، وداروا هالنار ولا هي هالزفته شعلت النار، وانحرق السلطان! يوم انه إنحرق قامت أخذت اللي جابها، وقالت له: إنت بتصلح بداله، وركبها وأخذ

المَيَات لأبوه اللي وصّى عليهن، وسلم عليهم وقال له: يا بَيَّ هيني جبتلك المَيَه اللي وصيتني عليها،
وجبت العروس، وأبوه حَبّه، وقال له: المملكه ما بتصلح إلا إلك...



البننت والحمام

كان فيه مره وجوزها، كانت البننت بدها أججوز أبوها لمن ماتت إمها، إيش قال أبوها:

- يا ابا المرّة بتتعبكي
- قالت: مِعِيش بس أججوز!
- قال: يا ابا المره بتتعبكي... المره بتقتلكي
- قالت: لا يا ابا بس أججوز

أججوز أبوها! صارت البننت زي العمى في عين مرّة أبوها، ما تشوفهاش. راح جاب اقراص عمجوه، تلت اقراص، قال: ليكي قرصه، وللبنت قرصه، واله قرصه، ما همّه تلت تفار. هالحين تناولت القرصه وجابت بيض الحمام وحطّته بمالقُرصه، وتطعمه للبننت. هالحين كبر الحمام في بطن البننت، ذكر واتناه، ما هو فقس الحمام في بطن البننت! ايش قالت: يا فلان بنتك مصاحبه، حتى روح حطها على ركبتيك حتلاقي الطنّا¹²⁷ بتحرك! ماهو الحمام برفرف في قلبها. هادي يا ما بالدنيا مظالم، قال: تعالي يا ابا تعالي فلّيني في قمل براسي، حطّ إيداه على قلبها إلا الحمام برفرف بقلب البننت، قال: هاي والله صدق، طب كيف بدني أسوي، ما هو بالأول كانت البننت اللي بتزني ليقتلوها، بدجوها. ما سكت، وين راحت وين أخذ البننت، وقال لمرته: إعمليلها الزاد والزواده وخليني آخذها، وراح حطها على جنب هالبركه، وهي معاه نيمها وخلّأها بطانيته، ومشى وهجّ، وفي الليل يحكي مع حاله: يا ابا عدنه أكلتك الغوله، أكلتك الواويات، ما هو في الخلا رماها. فيه في جنب البركه سيره¹²⁸، ولما صحيت قالت آه أبويا راح وتركني، شافت السدره وطلعت على ظهرها، ونامت عليها بالليل! أجت هالحيل يشربن من البركه، شافت ما بدهن يقربن يشربن من البركه، يشفن صورة البننت يهرن يجفلن، ياربي إيش هادا، اطلّعوا فوق لقوا البننت، قالوا لها: أنو إنتي، إنس ولا جنّ؟ قالت: لا أنا إنس، طيب إنزلي تعالي. ابن الوزير قال أنا بدني أؤخدها. أخذها، وحطها بمالقصر وقال لها: يا الله خليك عنا، قال: ايش تريديني؟ تريديني أخ ولا زوج؟ قالت: الجوز ستره، أخذته، انشالله الحمام من كتر ما كبر طلع من رجلها! هادي الحمامه طلعت

127. الطنّا: الخلفة، الأولاد، الذرّية، ويقال الطنّا والصنّا. وهنا تعني الطفل قبل الولاده.

128. سيره: شجرة بيدر

من رجلها، والتأنيه من اصبعها التآنيه، ذكر وانثى وبين راح؟ ع مرت ابوها، صار بيعتر بالحب والشعير وصارت تقول له: هش هش هشك البين،¹²⁹ إنت ليش بتبعتر¹³⁰ في الشعير؟ قال لها: لا بمش ولا بنش،¹³¹ مش حرام عليكى تجبلي البنت ببيض الحمام؟ ايش قاعد جوزها، سألها: ايش بقول الحمام؟ قالت: مش قايل لي. عاد لاحظ ايش الحمام قال، قال لها: إنتي حرّه، والله لأتبع هالحمام وأشوف وبين بروح، وراح، ركب هالناقه، وورا الحمام، وبين ما الحمام بمشي يروح ويتبعه، وراه. ان شالله¹³² هدّت، هدّي الحمام ع القصر، قال أبوها: أنا اليوم بدّي اناّم عندكم! هدا أبوها عاد هو بدريش إنه أبوها! أطعموه وأسقوه ليلتها. بعد العشا، في التعليله¹³³، قال جوزها:

- مين اللي بدّه يعلّل: الضيف ولا المحلي،
 - بنته قالت: أنا اللي بدّي أعيلّكم. قالت لهم: قالت لهم صار... صار... ونهايتها حطّلت بيض الحمام في القرصه، وكملت الخريفه.
 - صار يقول: هاي عاد إنتي والله بنتي! وصار يجبّب فيها، وايش صار وايش عملت فيكي؟ قالت كل اللي صار. راح مسك هالمره من يوم ما رّوح، وقال لها:
 - أنا بديش إياكي إنت خلتيني أسوي بينتي كيدّه وكدهانا بديش إياكي. طلقها. وقالت له أنا يابا هادي اللي غسّتنا، مليح إنه طلقّتها، وانا بمجّوزك إللي بدك إياها، ما هي في دار مليحه، دار وزير، مين ما بدّ، يأمره! وطلقها ومجّوز غيرها وعاشوا في هنا وسرورا!
- وهاي الخريفه خلصت!


129. هَشْ هَشْ هَشْكَ البين: كلمات تترد بها الطيور، وهي دعوة على الحمام ليَهْشَه البين وهو الموت.

130. بِنْبَعْتَر: أي تبعتر، وتقلب الناء الى تاء في بعض اللهجات المحلية.

131. لا بهش ولا بنش: لا يصلح لأي عمل حتى وقف الحيوانات وطرده الحشرات.

132. انشالله: بمعنى بمشيئة الله.

133. التعليله: السهرة



البقره الصفرا

كانت هالمرة وجوزها، وكانت إله بنت، إمها ميتة، وهي عند مرت أبوها، عايشة عند مرت أبوها. وهاي المره مخلفه معاها اولاد وبننت، بتجيب لولادها وبننتها أكل شكل، وهي بتطعمها أكل شكل، كل يوم بتطعم بنتها أشكال وألوان، بتغذيها، وهديكا كل يوم بتخبزها رغيفين نخاله، وبتحطّلها هالبصله وحبه هالملاح، وبتقوللها يا الله روجي إرعي البقره الصفرا، هادي البقره من خلفه إمها هادي، بتروح ياويلي بتعمللها مرت أبوها هالرغيفين النخاله، ووالله ماهي عارفه تاكلهم، وبتعيّط وبتجوح وبتنوح، بتقول لها البقره الصفرا: مالك؟ ليش بتصيحني؟ بتقول لها:

- يا بقرتي يا بقرتي يا خليفة ميمتي، بتطعم بنتها الخبز الزاكي والزتون والجبنه، وأنا بتطعمني الخبز النخاله.

- بتقول لها عاد البقره: هاتيهم إرميهم!

بترميهم وبتاكلهم البقره وايش بترميلها بدالم! المطبق بمالوز ومالحرقه، وبتصير يا ويلي تاكل ومبسوطه، كل يوم على الله نفس الإشي ببصير، بتقول لها:

- يا بقرتي يا بقرتي يا خليفة ميمتي، تطعم بنتها الخبز الزاكي والمعدول وأنا بتطعمني الخبز النخاله،

- بتقول لها عاد البقره: هاتيهم إرميهم.

وبتاكلهم البقره وايش بترميلها بدالم المطبق، الزلابية،... اللي بدها إياه، حاجات زاكيه خالص! صارت تصبّحك بلون وتمسّلك بلون، وإلا تقولي قمر، وهديكا بنتها اللي بترعاها واللي بتأذيها خبز القمح، شحاته سمره وزبي العوده، وحالتها على الله. وهديك تقولي صارت ملكه مع الأكل إلهي بترميه البقره إله، ايش بتقول لجاتها:

- يا أختي يا خراب دياري شوفي بنتي المعزوزة، الأكل والشرب، وهاديكي أختها إلهي بأذيها رغيفين نخاله وبصله وحبه ملح. وشوفي خدودها حمرة حمرة بتصبّح بلون وبتمسّس بلون، بنت الحرام، عليها الله.

- قالت لها جارتها: ولك يا هبله، عدّو اجا جوزك، أفرشي ونصّفي وكنّسي وافرشيلك هالفرشه، وحمصيلك أكمن رغيف في الفرن، خليه يقرمشوا قمرمش، وحتّهم فوق الفرشه، وفوق الفرشه

بطانيه وسيعه، لما ييجي جوزك من الشغل نامي عليهم، وقولي آاااااخ أنا مش قادره، يمّا يا ظهري!
 وقولي زي كده، بصير الخبز من تحتك يعمل طقطقطقطقط، بتيجي على الناحيه الثانيه بصير
 يقرمش الخبز من تحتكي ويقول طقطقطقطقطقط، وبعدين بتقولي روح نادي لي فلانه، أنا عدني
 مُتت، دخيل الله.

قامت سمعتك هالكلام من المره الشّبّاك، وراحت حمصتلك خمس ولا سبع ترغفه، وختلتهم مقرمشات
 خالص، وفرشت فوقهم وحطت البطانيه، ولما عرفت معاد جوزها بدو ييجي، وانتي نامي فوقها. وهي
 يمّا، ياضلوعي إللي راحوا مني! يمّا يا إيديا إللي راحوا مني! وتقولي تميل على الجهة هادي يصير الخبز
 يطقطقطقطقطقط وع الجهة الثانيه طقطقطقطقطقط،

- مالك يا بنت ايش إللي جراك؟ يقول لها جوزها

- قالت: روح ناديلي فلانه الفلانيه، مُتت! إني خلص، العوض على الله!

راح يجري، تعالي يافلانه، الحقي مرني كل جسمها بطقطقط، راحت قالت آه، انا عارف مرتك شودواها
 بس أشوفها، وجسمها بطقطقط! راحت معه وشافتها وقالت لها:

- سيسي يا بنتي والله دواكي إنت كبدة البقره الصفرا!

- نطّ جوزها قال: هيبه هادي سهله، كل البقر فداها، وهاي عندنا البقره الصفرا، بكره بذبحها،
 ويجيب كبدة البقره تاكلها! كلّه ولا عيالي! الحين البنت سمعت وصارت تجوح وتنوح من قلب
 مجروح! وصارت تقول: يابقرتي يا بقرتي... يا خليفه ميمتي... بدهم يذبحوكي... ياللي مطعمياني
 ومشبعاني! وصارت تعيط والبقره تعيط وتحنّ مش راضين الحين إلا يدبجوها. والحين قالت لها:

- إنتي إندبجي وما تندبجيش... إنسلخي وما تنسلخيش... تقطعي... وما تتقطعي... إستوي وما
 تستوي! في تمهم كلهم حنضل مُرّ ما يطيقوه، وأنا زي السكر.

- قالت لها البقره: خدي كرشتي وخدي رجليّا ومصاريّني وراسي وإدفيهم بكوم الزبل، وعقب شهر
 بالزبط، بتروحيلهم بتلافيمهم ذهب! الكرشه فستان ذهب! والمصارين ذهب! وراسي غويشه ذهب!
 النهايه قالت البنت:

- بدكم تدبجوها بدني الراس والمصارين والرجلين والكرشه،

- قالوا لها: خديهم.

ومن حد ما يدبجوا فيها ومش راضيه تندبج! قالت لها البنت: إندبجي، إندبجت. ييجوا بدهم يسلخوها
 مش راضيه تنسلخ! قالت البنت: إنسلخي، سلخوها. وصاروا نفس الإشي، إنقطعي! ونشفت رياقهم،
 وأجوا يودوا لها الكبده، ما رضيتش تستوي! وصارت تُفرّع الناس، قالت كل هدا مش راضيه تستوي
 علشانك بتجوح وتبنتوحي. قالت البنت: إستوي وكوني علقم بتمّها. وكانت عازمه الحاجران والقرايب
 وعاملين هالشراك، تيجي تقطع باللحمه، مش راضيه تقطع! وصاروا يصرخوا الجارات:

- يا وليّه بدنا نغدا ونزوّح، خلصينا،

- قالت إستوي وبس بتمهم زي العلقم لا تُمرّي ولا تسري! وأجوا يفتّوا وياكلوا، وآه هي إيش؟ مرّه

زي العلقم! لا عرفوا يفتوا ولا ياكلوا، وهديك الوجعانه، الله لا يشفيها هي بدها كبده؟ بس بدها تنتقم من البنث مشاتها أحلى من بنتها. وصارت ياولي تجوح وتنوح من قلب مجروح! وعيشتها زي الرّفت تتحكّم فيها كل يوم: اعلمي، واغسلي، وسوّي. وبعدين راحت لحالها على كوم الزبل وفتحتة، إلا هي لقت ايش ما شاء الله: الكرشه فسستان دهب! الرأس تاج دهب! المصارين أساور دهب! الرجلين كندره دهب! لقتهم دهب بدهب. قالت لها: ديري بالك خليهما هانا ما توديهما عند مرت أبوكي! ما هي أجتها بالحلم البقره، وصارت تحدّثها ولما يصير عندك فرح إشي مشوار ما هي بتأخذهاش عالفرح لُتسن حدّ يشوفها، وثنّفق قبل بنتها¹³⁴، ماهي بنتها مش نافقه، وإنني بتروحي عالفرح وبتعرفكيش وبترقصي وبتروحي!

كان في فرح عند جيرانهم وبدهم يروحوا، راحت جابت رطلين هالقمح وقالت لها: بدّي إياكي تطحنينهم! ودابّه الصحن دبوب منه¹³⁵! ولّبتسلك بنتها وأخذتها عالفرح، صارت تعيط.

- يا ويلى، كلّمتها البقره

- قالت لها: إنت مش عارفة تسوي حالك؟

- قالت لها: إطحنى القمح بالله، وهاتي شوية ملح وميّه، وروحي إليسى إليسى إللى قتللك عنه، وروحي على الفرّح، بلاقيكي مين؟ ابن الملك. ووالله وتروح وتحمّم وتلبسلك هالفستان وهالتاج وهالعدة بالجرايين وبالكندره الذهب، وهي عاد زي القمر تقولي بنت ملك وراحت! ومن حدّ ما راحت صاروا يقولوا: وسّعوا وسّعوا لبنت الملك، وانبهرت كل النسوان بجماها ولبسها إليى عليها، قالت هالحييني أنا بدّي أروح قبل ماتروح مرت أبوي. وسجبت حالها وروحت، وإجري وإجري هالبركه، سابتها ما طالتهاش، وراحت حفرت هالجوره ودفنت كل العده والذهب فيها، وروحت ولبست الخلقّه تاغتتها، وقعدت جنب¹³⁶ الطاحونه، وحقّطت على عينها ميّه وملح وعملت حالها بتعيط، وهم طالعين يقولوا بماّ ما أحلى هالفرح وأجت بنت الملك، وايش زي القمر! ولاسالك هالذهب عالفستان، والتاج والكندره حتى اساورها من هان لهان إيديها مشكشكه دهب، قالت:

- طحتني؟ اخر طحنة بجياتك، الله يقصف عمرك

- قالت: اه طحنته.

ولّا ابن الملك راكب على الفرس وماشي، واجا يسقي الفرس تبعته، إلا الكندره ترهج من الذهب، والفرس يكشّ، وهو إيش إلّا هو قرب كده، إلا هو إيش رفعها بعصاته، إلا هي هالكندره، قال: يااa

راح لإمه قال لها:

134. تُنفّق قبل بنتها: تتزوج قبلها بسبب جمالها،


135. دابّه الصحن دبوب: عبّاه تماماً، وهي كناية عن كمية كبيرة لتشغل بها ابنة زوجها وتنهكها!

136. جنب: جنب، قلبت النون الى ميم، وهي ظاهرة موجودة لتشابه الصوتين من أصوات مخارج الحروف.

- بما قيمى فراش الفرح والمنا وحطى فراش الحزن والغم،
- قالت: ليش يمّا؟ مالك يمّا؟ جيزة وبتنجوز ومال يعطيك!
- قال لها: بدى تدوريلي على صاحبة الفرده، هادي بدى إياها بدى أُنجوز!
- قالت: يمّا من وين بدى أَلقيها؟
- قال: بتلاقيها إلبى بتجيلك زي فردتها بالربط بتكون هيا.
- قامت راحت على هالدار والناس فقرا وحالتهم على الله، ومن وين بدها تكون عندهم كندره ذهب؟
- وقالت والله لأحود¹³⁷ واشوف، وقالت هادي الدار لا، وهادي لا، ويقدره الله هوّدت على الدار الفقيره، وما كانتش موجوده مرت الأبو. ولقت البنت، لقتها هيا وعجبتها وقالت لها:
- يا أختي مش عندكم فردة الكندره هادي؟
- قالت لها: أه أنا صاحبة الفرده، بس ما تقوليش قدام مرت ابويا، هي منتقمه منّي. هاي الفرده الثانيه.
- قالت لها: طيب هاي الفرده عشان أفرجها لابني، لأنه بقول ما بدى أُنجوز إلا صاحبة الفرده هاي.
- وروحت على الدار بتضحك، قال لها:
- إيش فيه يمّا؟
- قالت: والله يمّا لقيتها والبنت حلوه، تقول قمر! بس البنت مرت ابوها متحكمه فيها واختها!
- ووالله يروح ويوخذ الفرس ويجي هادي الشقه ذهب وهادي مال مهرها، وجاي هووأبوه:
- السلام عليكم،
- وعليكم السلام،
- قال لها: أنا جاي ضيف،
- قال هيه ملك جاي عندي وأنا حالي بتعّر وداري بتعّر¹³⁸!
- قال ياعمي إحنا بنطلب القرب منك،
- قال ياعمي اللي بدكم إياه خذوه، بنتي ومرتي جاربه بمطبخكم، معقول إنتو جاين تناسبوني؟
- قالوا له: إحنا جاين تناسبك، قالوا له: إحنا بدنا البنت هادي، والقصة هيك هيك هيك والبقره والذهب والفرح والكندره وقالت له القصة كلها. والله مبروكه عليك وجاربه بمطرحك واللي بدك إياه. قالوا له: لا ياعمي هاي لبنتك تخرج ذهب، وخرج مال، وإحنا بدنا نجوزها لابني وناخذها. وأخذوها على القصر، وقاموا الافراح والليالي الملاح والسعد، بعد ما شافت الهم والغم الله أسعدها وأعطاهها وربنا مع القلوب المنكسره.

137. لأحود: سأبحث، سأخرج للبحث.

138. حالي بتعّر وداري بتعّر: وضعهما مخجل لبساطة حالة المرأة والبيت!



البننت ومرة ابوها

فيه هالزله مترمل عهالبننت عنده ومتيمه من إمها. وجارحم عندها برظه عندها بنت ومترمله عليها. فصارت لخرية تروح تطبخلهم، إن طبخت طبخه توديلهم صحن، وتظل تحمها وتمسطلها، ترتبط لها في شعرها، وتقول لها: بيه هالشعر ما احلاه ساحل بجمن عليك، وإن يا صلاة النبي عنك. يعني في هاللسان الحلو. إلهي البننت في يوم من الايام، بتقول له:

- ياا شو رأيك تَجوَز جارتنا، وخليني أصير بننتها، أختي وأنا أختها، وندير بالنا عبعضنا،
 - قال لها: ياا شوفيها إذا بتوافق، إذا بتوافق بَجوَزها، فأحككت معاها قالت لها: آه، إذا أبوك بوافق بَجوَزها، فَتَجوَزوا لموا بعضهن في دار وحده. صارت تدير بالها على بننتها، بنت جوزها أحلى من بننتها، فصارت تغار منها كل ما تشوفها على حلاوتها وعلى زينتها، تغار منها وتقول هاذي مطوله هاذي! ان ظلت بتنفق قبل بنتي، والعريس إللي بده يجي بيحر عليها ويحشرش على بنتي، بدي أخلص منها، فصارت بدها تجيب كيف بدها تتخلص منها! فيوم عاد بنادي التاجر ببيع وبنادي: معايا بيظ بجبل بنت البيت، معايا بيظ بجبل بنت البيت. قالت فش أحسن من هيدا، أجيبها أشتريلها وأطعمها، وأحمها حمه عاطله! راحت جابتلها هالبيطات، وسلقتهن، وصارت بننتها تهبل بدها توكل منهن. قالت لها:

- أنصتي هذول لاختك، عيب تقعدي توكلي في حصة أختك، أكلتي؟

- قالت لها بما ماكلتش.

ضربتها وأبعدتها، طعمتها إياهن، لبننت جوزها. صارت شهر ورا شهر بطنها يكبر من حالها لبها¹³⁹ هيدا. عاد هذاك أبوها مش منتبه عليها.

- قالت له: إنت مش شايف بنتك بتطلع الصبح وترجع نالي النهار، مش شايف بنتك شوحالتها، قالت له.

- قال لها: شوماها بنتي ما شا الله عنها

- قالت له: بي مش شايف بطنها مثل الوحده الجبلي، أظن إنما جبلي، فيها إشي، جابتلك العاطل!

139. من حالها لبها: تعبير دارج يراد به وحدها دون اهتمام أحد.

- ناقصنا إحننا يصيروا يحكوا علينا الناس ويحطّوا بحقنا!
- قال لها: طب شو بدّي أسوي فيها، إن قتلتها بدهم يحكوا علينا الناس، ويدروا فينا.
- قالت له: أنا بتخلّص منها مندون ما حدا يدري
- قال لها: شو بدك تسوي؟
- قالت له: بدّي أوقعها في البير اللي ورا دارنا!
- قال لها: سويّ إليّ بدك إيسويّه، المهم اني مانفّضحش، ما حدا يجيب في سيرتي!
- قالت له: إن سألوني الناس عنها بنقول إنا إحننا جوزناها برّه البلد وطلعت!
- يوم بتقول لها: يا عمّي وقع الصحن، واطلعت.
- يوم بتقول لها:
- يا عمّي وقع السطل شورايك أطيحك في البير تطوليلي السطل؟
- قالت لها: يا عمّي بخاف أقع¹⁴⁰
- قالت لها: يا عمّي ما انا رابطك في الحبل، إنت خايفه وأنا شادك؟ إتحافيش!
- فربطتها في الحبل وصارت لما وصلت وصارت في نص البير وقطعت الحبل فيها، وسقطت البنت في البير، بخرت، عادت ما طاحتش في المي، إجت على حفة صخره في البير، وفيه سرداب، طاحت فيه، مشت فيه، مشت مشت مشت في المر، تحت الأرض، وهي تمشي لحدّ ما سمعت صوت قرقعه في جوّ البير، إتحبت على جنب إشويه هيذ، طلّت، بخرت إلا هو هالغول - بعيد عنك -¹⁴¹ بوكل في الحمار. باقي الحمار وبوكل فيه، خافت، قالت هالوقت إن بينت عليه، هاذا غول بوكلني، طب شو بدّي أسوي أنا، بتعري الغول هوايته قدّ ما بوكل حمير وهيذ¹⁴² بظلّ يطرط، قام ظرط! لما عبرت قامت بينت هيّه، إلا هي بتقول له:
- يا با!
- قال لها: منين إنت إطلعت؟
- قالت له: أنا بنتك!
- قال لها: منين كيف بنتي أنا لا أنجوزت ولا خلفت
- قالت له: أنا بنتك، طلعت من فصك
- قال لها: بي شو طلعت من فصّي؟
- قالت له: بيه عنجدّ أنا بنتك
- قال لها: إنت بنتي يا حبيبي! يا بنتي بنت فصّي!
- قالت له: أه أنا بنت فصك

140. أقع: اسقط في البئر..

141. بعيد عنك- تعبير مجاملة من الراوي الى المستمع ليبعد عنه شر الغول وذكره والحمار أيضاً.

142. هيذ: هكذا.

- فقال لها: طيب عمّتك إنت بنت فصّي أنا بدّي أربيكّي وأدير بالي عليكّي، وكبيره جيتي إنت كبيره؟ أنت هيدّه؟
- قالت له: آه يابا قدّ الفصّ، فصّك كبير، وطلعت كبيره!
- قال لها، عاد عنده سبع ابواب قال لها: يابا بجرّي هذول ست بواب، خشّي إطلعي هذول الست ابواب، إعملّي اللي بدك اياه، طولي إليّ بدك ياه! إعملّي البسي ذهب البسي حرير البسي اللي بدك ياه من هذول الست ابواب، هذول إفتحهن وإطلعي، أما الباب هاظ تفتحش،
- ليش يابا؟
- قال لها: بس تفتحش، ما تعرفيش ليش، بس تفتحش، قعدت بيجي سنه معاه وهيت هالست ابواب تفتح تسكر باب فيه لكل غرفه، باب فيه ذهب، باب في أواعي حرير تفصّل وتلبس، قالت طيب والباب هاذا ليش أبوي بدوش إيابي أفتحّه؟ ليش بدوش إيابي الغول أفتح هاذا الباب، فخلص في عقلها، زاد عندها اهتمام إنّا تفتح الباب، بدّها تشوف شوفيه وراه! فتحت هالبااب، إلّا هو إقبالها قصر برّا الباب! برّا الباب عالم ثاني غير عن العالم إلّا هي في جزّ البير! عاد هوته يطلع يجيب فريسته وييجي، والغنام، هو يروح يسطي على البلد يسرق ذهب، يسرق أموال، يسرق أغراض، ويجيب عهالقصر، البير القصر اللي هو فيه، وعاد صارت البنّت هويروح وهي تفتح هالشبّاك، وتصير تتطلّل عهالناس والعالم اللي برّا، يوم عاد إلّا هوته ابن الملك قاعد برّا، برّا وحيد أبوه، هاذا قاعد برّا، لمحها من الشّبّاك، قال: يا الله فيه جمال زي هالجمال هاظ؟! على جمال هالبنّت عيني ماشافت، وصمّم قال أنا بدّي البنّت هاي!
- يا يابا يا حبيبي إنت عارف شو فيه ورا الباب هاذا؟
- قال له: شو في ورا هاذا الباب
- قال له: ورا هاذا الباب بنعرف إنه في غول، وإحنا كسرنا الباب هاذا، وكل سنه بنعطّي هاذا الغول نص الخزينه اللي عنا عشان ما يخشّش علينا، وما يطلعش من الباب هاذا! إنت هالوقت هاذا بدك تفتح الباب وتقول لي إنه عنده بنت؟
- قال له: معاه، عنده بنت! وبدي أجمّزها
- قال له: ولا يمكن نفتح الباب، ولا يمكن نفتح الباب بينّا وبين الغول هاذا! إحنا ما صدّقنا وهو يكفّ بلاه عنّا!
- عاد ابن الملك صدّ عن الأكل وبطلّ يوكل قال:
- يا بتجوّزني إياها يا مموت حالي
- يا يابا يا حبيبي!
- قال له: أهدأ يا بتجوّزوني إياها يا مموت
- قال له: طب شو اللي بدك إياه
- قال له: أنا بدّي إياها

- قال له: وأنا بقظيش على مملكتي عشانك!
- فيطل يوكل، صار يوم عن يوم يظعف، إسبوع عن إسبوع يظعف، صار يظلّ في الفراش، هاذا فقد عقله، هاذا بده يقظي على عقله، مشان هاي البنت، فراح ودّا الحراس على الباب طبلوا عالباب، ردّ عليهن الغول من الشّبّاك، شرطه معهم إنه ما يطلعش من الباب. قال له:
- فيه عندك بنت.
- قال له: أه ماني خلّفت جبت بنت، بنت فصّي
- قال له: طب ورينا إياها
- قال له: ليش إتنوشو بدم فيها؟
- قال له: شافها ابن الأمير وبدّه إياها، والمملك مش مصدّق إنك عندك بنت!
- نادى عليها قال لها:
- يا يا إنت بخرت من الشّبّاك؟
- قالت له: يا يا سامحني صار عندي فضول إني أبخر من الشّبّاك، وبخرت، صرت كل يوم أقف عالشّبّاك وأبخر على العالم اللي أنا محروم منه!
- يوم شافوها الحراس صدّقوا إنه عنده بنت بغاية الجمال زي ما بيوصفها الأمير لابوه المملك. راحوا عليه وقالوا له:
- مزبوط إنه عنده بنت، وبقول إنها بنت فصّه طلعت من فصّه.
- قال له: طب شو بدنا نعمل؟
- قال له: بدنا نضطرّ نجيبه إياها!
- راحوا عالغول، دفعوا له نص خزينه السنويه اللي عليهن، وقال له:
- بدنا بنتك لابن المملك
- قال له: إستقّي تسألها. نادى عليها قال لها:
- يا يا شو رايبك ابن المملك بده إياكي
- قالت له: يا يا أنا حابب أطلع من هين حياي مش حياه، إني أظلني مخزونه معاك هين،
- قال لها: وأنا يا يا بذك تخليتي؟
- قالت له: بئسكش
- قال لها: يا يا خذي اللي بذك إياه وحملي اللي بذك إياه من عندي وإطلمي مع الحراس.
- حملت اللي بدها إياه، وطلعت مع الحراس، جوزوها للأمير وعاشت معاه. فهذاك من القهر، عشان تعود عليها وظل يعني إنها خلص بنت فصّه، بفكر بنته، ظل يعيط عليها! بطل يسرح، بطل يروح وييجي، بطل يجيب أكل، ظل يوخذ نص الخزينه من المملك، فصار مرط، يعب ومرط، فودّي صار يطل عالباب، يخلع في الباب إنه بده يطلع! فودّي المملك الحراس يشوفوا ليش الغول بطل يخط عالباب اللي بينهن وبينه قال لهم:

- أنا بدي أشوف بنتي قبل ما أموت! أنا بدي أموت بدي أشوف بنتي! راح الحراس للملك قالوله:
إنه هاذ بده يشوف بنته قبل ما يموت. أخذوا البنت، الحراس، وودّوها عليه، قال لها:
- يايا إنت رحمت ونسيتيني،
- قالت له: يايا ما نسيتكش! بس أنا عايشه مبسوطه ومترجمه
- قال لها: يايا أنا بنازع بدي أموت.
- قالت له: شو بدي أسؤلك؟ شو بعمل لك شو؟
- قال لها: بتقدر يش تعمليلي إشي. بس أنا بوصيك شغله وحده، أي إشي كل ما أملك في القصر
في الحجره هاذي إللك، تصرّفي فيه زي مابذك.
- قالت له: أنا الحمد لله أنا مش بحاجه.
- قال لها: إن شالله تظلك مش بحاجه، بس إن احتجتيه بتيجي بتوخديه! زمت حالها وطلعت بعد
اسبوعين أجاها خبر إنه مات، راحوا حرقوه، وحرقوه من الحجره اللي هوفيهها، وهي عاشت مع
جوزها بأمان، وخلفت منه أولاد وبنات. في يوم، عاد بعد ما دارت هالسنين، ودار هالدّهر عليها،
فقرت الدوله اللي هتّ عايشين فيها وجوزها، إلتحقت، فصار بدّه يودي أخبار كبيره إنحن يدعموه!
فهني فطنت للورثه اللي خلّى لها إياها الغول في الحجره اللي هوفيهها. قالت له: - توذيش ولا عحدا
- قال لها: ليش منين بدنا إندتر؟ أنا لازم أدبر شعبي، والملك إذا ما دبرش شعبه بقمومه عن المملكه
- قالت له: المغرب في الليل بس تعتم الدنيا أنا بوخذك على المحل اللي تقف ع أجريك وتطول اللي
بذك إياه منه، وتدبر شعبك. فيومها راحت عاد، عتمت الدنيا، زمت حالها وراحت على الحجره
اللي فيها الذهب الليرات، وفتحت الحجره، وطالت منه. حمل اللي فيه النصيب، فظّوها، أخذن
كل الذهب في جواتها اللي في جوا البير. وسحبوا حالمهم ورجعوا هي وياه في الليل من دون ما حدا
يدري، ووقفت المملكه على اجريها ورجع حالتهن الماديه مثل ما كانت.
- يوم عاد أنه اللي دابر، هي قاعده. قام إلا هو أبوها قاعد بشحد، يوم ما شافته عرفته، يوم عاد طلّت
عليه، وقالت أبويا! عيطت، يوم عاد إنتبه عليها جوزها، قال لها:
- وين أبوكي؟ أبوكي مات!
- قالت له: أبوي، وتعيط، ويبخر ما فش حدا حواليهها غير شحد، شحد قدامه. - قال لها: وين
أبوكي؟ بعرف أبوكي الغول ومات!
- قالت له: لأ، أنا مش أبوي الغول. أنا قصتي صار كيت كيت معي! ويوم ما خشيت على الغول
خفت نفرت منه، وخفت، فكيف بدي أحمي حالي من الغول، فقلّت له أنا بنت فصّه! ولأ أنا
أبوي هيّه أبوي قدامي بشحد! فلما نادت عليه، نادى عليه، وشاف بنته إستغرب، قال لها:
- هو إنت طيبه مش ميته!؟
- قالت له: لأ أنا مش ميته، سقّطتي مرتك في البير، أنا مش ميته، إنظلمت، ظلمتني وإن مشيت

ورا ظلمها، فيا حرامك يا با، فهي عادت مرته شو مسويه فيه، مِلْحَقْتُهُ البين¹⁴³، وَالْعَبْرَهُ¹⁴⁴ في الدار عنده باقي كل إشي ماله كل إشي ماله، شغله، كل إشي تحوش فيه لبنتها، إلهها ولبنتها، تسرق منه، ويظل ملحوق، تَشْحَد المَلْح، أزود أخرى اللي ظلمها! قال لها:

- طيب أنا شو ذنبي يا با؟ أنا عارف إني ظلمتك! سوي اللي بدك إياه!

- قالت له: يا با إنت أبويا، إنت نسيت إنه إنت أبويا، فكيف بدني أظلمك ولا أرميك، مثل ما ظلمتك مرتك، بعد ما دار المرظ فيك. بعدين لمته أبوها عندها، رجعت أبوها عندها، وعاشت هي وياه وولادها وجوزها في سعادة....

143. البين: الحال السيء

144. العبرة: التعيسة،



الغالية والباليه

باقي هالزلمه متجوز ثنتين، وحده مسميها الغالية ووحده مسميها الباليه. الغالية مخلفه ولددين، والباليه ولد واحد. باقي عندهم صيرة غنم، كل يوم بنسرق منها راس غنم. كان الزلمه يقول لولاده: بدنا يا اولاد واحد منكم يسهر عالغنم ميشان نشوف مين هاللي بسرقت الغنم. قال الكبير، ابن الغالية: أنا بسهر الليلة! المغرب راح يسهر عالغنم، ظل سهران للساعة عشرة ونام. أجا الغول واخذ شاه وما دريش عنها. يوم فاق الصبح عدّ الشبهات¹⁴⁵ لقاهم ناقصات وحده، قال له أبوه: هاي هن ناقصات الغنم. قال الولد الثاني، ابن الغالية: أنا بدني أسهر عالغنم. سهر مثل ما سهر أخوه أجا الغول وأخذ شاه، يوم قام الصبح قال لأبوه: ما شفتش أنا الثاني إشي دخل على الغنم. قال أبوهم بدنا نسهر ابن الباليه. قال لهم: هاتوا لي رطل بزر، ظل يسهر ته أجا الغول، شافه ابن الباليه يوم دخل عالصيره ظل متخبي في هالقرنة ته أخذ الغول الشاه وطلع. لمن طلع الغول الولد قام لحقه. ظل وراه ته وصل الغول عباب البير. البير عليه صخره، يوم بدّه يدخل الغول بقم هالصخره ويدبّ حاله في جوّ هالبير، قام الولد رجمه حجار وحط فيها وتد علامة ميشان يعرف البير. رجع الولد عالصيره ونام. يوم ما أجا عليه أبوه الصبح قال له:

- شو شفت يا بنتي،
- قال له: عرفت اللي بوخذ الغنمات، نادي اخوتي وتعال نروح أورزيكم إياه. نادى على إخوته وأخذهم معاه وظل ماشي هوته وإخوته وأبوه تنهم وصلوا باب البير، قال الولد لأبوه:
- شدّوا حالكم تنّا نقلب هالصخره،
- قال له أبوه: شو بتقول يا ولد؟ إنت مجنون؟
- قال الولد لأبوه إنت إقلب معاي هالصخره، إنت وأولادك، وشوف شو بصير. يوم قلبوها لاقوا هالبير عميق ومغتم، قاعه مش مبين. إللي بشوفه بخاف منه. قال أبوهم لاوولاد الغالية أنو بدّه يطيح منكم؟ ولا واحد رضي ينزل، قال الولد ابن الباليه: أنا بنزل ع قاع البير. نزل، إنطلع لاقى هالثلث بنات الوحده مثل القمر، وأحلى وحده الزغيره! قالن له البنات:
- إنت إنس ولا جن؟

145. الشبهات: الشياه، وهي جمع شاة.

- قال: أنا إنس.
- قلن له: وشو وصلتك هان؟ قال لمن قصته.
- قال لمن: إنتن إنس ولا جن؟
- قلن له: والله احنا إنس، وسرقنا الغول من دارنا
- قال لمن: وقتيش بييجي هاظ الغول؟
- قلن له: أخرى شوي بييجي.
- قال لمن: بدي أتخبا.
- قالت الكبيرة: فش إلك إلا هالمخبا.
- فات يتخبا في قوس الحوايج¹⁴⁶ لاقى هالسيف معلق فوق راسه قال لمن:
- بدي أقتله بهالسيف
- قالت له: إصحك تطربه إلا تشوف عينيه حمر لعنه ببقى نايم، إذا ببقى غير هيذا إوعا تطربه، لعنه¹⁴⁷ ببقى واعى وبحس في أي حركة بتصير. قالت له الأخت الكبيرة: كل يوم بنام على إجر وحده متا، واليوم بدّه بنام على إجر الزغيره، دير بالك لتطرب البننت. يوم ما اجا الغول قال لمن:
- رجة إنس،
- قالن له: الانس فيك وفي ذبالك منين الانس؟
- نام الغول على إجر البننت الزغيره، بخر عليه الولد لقي عينيه حمر عرف إنه نايم، قام سحب هالسيف وخبطه في رقبتة. قال له الغول:
- ئي
- قال: ما علمتنيش إمي
- نادى الولد أبوه من فوق البير، قال له: هيني قتلت الغول! دليّ الحبل إسحبنا، دليّ الحبل، قال لمن الولد: إطلعن إنتن أول إشي. أطلع أول إشي الكبيرة وبعدها الوسطى وقبل ما اطلع الزغيره كان معها إسوارتين مثل بعض، قامت وحدة منهن وأعطته إياها. يوم شاف الأبو الزغيره إنبخع في البننت من جماها. دليّ الحبل تنه يطلع ابنة يوم وصل باب البير قطع أبوه الحبل فيه. بخر الولد لاقى هالمغاره طشّ جوا المغاره تنه إنتهى منها، يوم إنتهى منها لاقى هالباب إها وطلع منه، إلا هو على وجه الارط. يوم طلع على وجه الارط مشى ت وصل على المدينة. في المدينة سمع أخبار عن أبوه إنه باقي بدّه يتجوز البننت الزغيره، والبننت معيّه¹⁴⁸ تتجوز إلا غير تنه يساويلها إسواره تبقى مثل السواره إللي معاها تماما، والأبو قاعد يفتّر، ولا صايغ عارف يسوي هالسواره! تلاقى الولد هوتّه وأبوه. والأبو قاعد يحكي مع الصايغ، قال له


146. قوس الحوايج: في البيوت القديمة كانوا يستعملون تجويفاً قوسياً مع قاعدة عمقها بين ثلاثة أرباع المتر والمتر، توضع فيه الفرشات والأحف فوق بعضها البعض بعد طيها بصورة مناسبة.

147. لعنه: لأنه، وهي كما سبق في قلب الهمزة الى عين.

148. مغيّه تتجوز: ترفض أن تتزوج، معيّه: رافضة.

الولد: أنا بصنعلك اسواره مثلها، قال له: هاتلي رطل بزر أطقش ميشان أسهر يومين تصنعلك أياها،
وتعال علي بعد يومين ميشان توخذها. قال له: طيب. رجع عليه بعد يومين قال له: هيني خلصتها،
وأعطاه السواره اللي أعطته البننت في البير. أخذها منه وراح عالبننت. قالت له البننت: بدّي توريني إياه
هاللي صنعلك إياها. أخذ البننت لما ارته عرفته. قال لها: جييلي سيف من دارنا، جابته سيف وقتل
أبوه واجمّوز البننت، وطار الطير وتمسوا بالخير....





نص نصيص

كان يا مكان في قديم الزمان، كان في هالزبله متجوز نسوان ثنتين، وحده منهم بنت عمه والثانيه غريبه، والثنتين يجبلنش. قال بدي أروح على هالشيخ بلكي على الله إنه يعطيني دوا لهالنسوان. راح الزبله غ الشيخ وقال له:

- بدي منك دوا يخلي نسواني يجبلن.
- قال له الشيخ: بتروح على الجبل الفلاني بتلاقي هناك غول، بتقول له: بدي حبتين رمان أطعمهن لنسواني عشان يجبلن، وشوف شو يقول لك.
- راح الزبله، أجا على هالغول دغري هدّ عليه، وقال له:
 - السلام عليكم،
 - قال له الغول: وعليكم السلام، لولا سلامك سبق كلامك كان خليت أخوي إللي بالجبل الثاني يسمع قرط عظامك. حلق له لحيته، وقصقصله حواجه، قال له:
 - شو بدك؟ حكى له.
 - قال له الغول: روح على الجبل الثاني بتلاقي أخوي الكبير بتسألّه، بدلك.
 - راح غ الجبل الثاني لاقى هالغول وعمل مثل ما عمل لأخوه وقال له:
 - السلام عليكم،
 - قال له الغول: وعليكم السلام، لولا سلامك سبق كلامك كان خليت أختي إللي في هذاك الجبل تسمع قرط عظامك. شو بدك؟ حكى له.
 - قال له: روح عند أختي على هذاك الجبل بتدلك.
- راح لقاها رادّه بزازها على ظهرها، وقاعدة بتطحن. قدّم مصّ من بزها اليمين واليسار، وهّم حفنة¹⁴⁹ من طحيناتها. قالت له:

149. لهم حفنة: الحفنة ما يملا الديدن مجتمعتين ومضمومتين، وتستعمل في بعض المناطق لما تسعه اليد الواحدة مضمومة الأصابع. ولهم: اختزال للكلمة التهم. وفي بعض المناطق الحفنة تعني ماء اليد الواحدة، والكيشة هي المصطلح البديل للحفنة.

- مصيبت من بزّي اليمين، صرت أعز من أخوي إسماعيل، ومصّيت من بزّي اليسار، صرت أعز من أخوي نصار، ولّمت من طحيتاني صرت أعز من وليداتي! هالقيت شو بدك؟
- قال لها: بدّي حبتين رمان أطعمهن لهانسوان على شان يجبلن.
- قالت له: بتنزّل على هذاك البستان بتلاقي غول نام، ذان¹⁵⁰ فرشه وذان غطاء، بتقطع حبتين رمان وتبشرد. سوّا الزله زي ما قالت له الغولة، وروّح، وهوته في الطريق جاع قال: بدّي أوكل من حبة بنت عمي لأنّما بتزعش علي، بتقبل مني نص حبه، فلق حبه وأكل نصها. لما روح غ الدار أعطى المره الغريبة حبة رمان وأعطى بنت عمه نصّ حبه. جبلن الثنتين مع بعض. المره الغريبة جابت توم أولاد سمى واحد حسن وواحد حسين، وبنت عمه جابت نص بني آدم سماه نص نصيص، وكبروا الاولاد، يوم قالوا لأبوهوم: بدنا نسرح عالصيد والقنص، حسن وحسين قالوا بدهم كل واحد فرس وبارودة، وافق أبوهوم وأعطاهم، نص نصيص قال: بدّي سخله جربه ومقحار طابون¹⁵¹، جابوا له زي ما طلب، وسرحوا. صاروا حسن وحسين يطخوا في البارودة وما يصيدوش ولا إشي، نص نصيص ينام عالارظ ويخلي الغزال وهو ماشي ويظربه على إجره يكسرله إياهم. إخوته قالوا له: أعطينا الغزلان اللي صدّتم تروّحهم ونقول إحنا صدناهم. قال لهم: على شرط بسخّن الختم تبعي، وبختم على قفاكل واحد علامة، قالوا له: طيّب. روّحوا عالدار وأعطوا الغزلان لإمهم، إمهم طبخت ورمّت عظامهن باب دار نص نصيص، صارت ام نص نصيص تعيط! شافها نص نصيص قال لها: ليش بتعيطي؟ قالت له: بحر إخوتك حسن وحسين يصيدوا لغزلان وانت لأ! قال لها: وهمّ إلي بيصيدوا!! روحي شو في خمتي على قفاكل واحد. فراحت أمّه وشافت الختم. ثاني يوم، سرحوا عالصيد غابت عنهم الشمس، وهمّ بعاد عن البلد، أجوا على هالبلد، ما لقوش فيها إلا هالغولة بتطارد ورا ديك، لمن شافتهم صارت تقول: أهلا وسهلا يا أولاد أخوي. ربطت خيلهم وهالسخلة في باب هالدار وفوتتهم وعملت لهم عشا وعشّتهم. قالت لهم: شو بوكلن خيولكم؟ قالوا لها: شعر محسّك وحليب صافي. حطّلتهم. قالت لنص نصيص: شو بتوكل سخلتك؟ قال لها: نخالة وميّة عجّين، حطّلتها.

فرشلتهم مشان يناموا حسن وحسين ناموا عالمصطبة، نص نصيص قال لها: أنا بقدرش أنام عالمصطبة. فيه قرطّله¹⁵² معلقه في سقف البيت، قال لها: وأنا بدّي أنام في القرطّله، بس أعطيني كبشة فول وقرية

150. ذان: أذن، قلبت الهمزة واستبدلت من فاء الفعل إلى عينه.

151. مقحار الطابون: الطابون هو المخبز التقليدي الذي يُحمى بالحطب والروث وامثالها من مواد الوقود من البيئة، وبقياء الوقود تتحول إلى السكن أو الرماد، والمقحار هو القطعة الخشبية التي تستعمل ليحرك به الرماد المشتعل كما يحرك به الرّظف وهو الحمص الموجود داخل بيت النار (الطابون) الذي توضع فيه أرغفة العجين. والطابون مصطلح للبناء وما في داخله. وكذلك لبيت النار الذي يتم فيه عملية الخبز.

152. قرطّله: وعاء دائري مجوّف مصنوع من سعف الزيتون أي الأغصان الطرية النابتة على عروق الشجر، وله علاقة قوسية من النسيج نفسه.

مي، خزق هالقربه خزق زغبر وعلقها فوق راسه، صارت تنقّط على راسه، وقعد بمالقرطله وصار يقرش
بمالقول، الغوله فكّرتم نائمين صارت تقول:

يا اسنيناتي إمظين إمظين على حسن وأخوه حسين
عاد نص نصيص فايق سامعها صار يقول:

- كيف أنام وكيف أنام وبطني خالي من الطعام!

- قالت له الغوله: شو بدك توكل؟ قال لها: بدني ديك محشي، أوكله وأنا. سؤتله هالديك أكله.

وراح ينام. رجعت الغوله تقول:

- يا سنيناتي امظين امظين على حسن وأخوه حسين

قام نص نصيص قال:

- كيف أنام وكيف أنام وبطني خالي من الطعام!

- قالت له: شو بدك توكل؟ قال لها: بدني خروف محشي محمّر أوكله وأنا.

ما سؤت الخروف وخلصت، إلا هي الشمس طالعة! قالوا لها: بدنا ميّ مشان نغسل. راحت تجيبهم
ميّه، وهو قال لهم: ولكم قوموا، هذي غوله، قاموا ركبوا وشردوا. لما رجعت لقتهم شاردين، لحقتهم. يوم
شافتهم صارت تقول:

ياحليب روب روب واربط إجرين خيلهم في الدروب

ويقفن خيلهم، عيين¹⁵³ بمشين. دشروهن، وركبوا ورا أخوهم نص نصيص على السخلة العرجه، وصار

نص نصيص يظرب هالسخلة بالمقحار ويقول:

ياصوّان إقدح إقدح ويا نخاله طيري

طارت سخلته، ووصلتهم لدارهم، والغوله لحقت الخيول وأكلتهم. إنبسط أبوهم من نص نصيص إلي

أنقذ اخوته! قال لهم نص نصيص:

- واللي يجيبلكم فرشة الغوله لعندكم؟

- قالوا له: إذا بتقدر بنقرّ وبنعترف إنك أشطر من إخوتك الاثنين.

راح نص نصيص، أخذ هالابره وهالمسامير، وخرّى الغوله تنها سرحت، وعزّوز الفرشة بالإبر والمسامير،

يوم رحت وبدها تنام، ما عرفتش تنام لأنه الابره والمسامير يغزيناها، وكل ما قلبت حالها يغزيناها. تناولت

لمافرشه ورمتها على طول ايدها. هذاك نص نصيص أخذ هالفرشه وروّح. إخوته انقهروا منه بس ابوه

انبسط بزياده. قال لهم واللي يجيب لكم جاجات الغوله؟ قالو له بكّيك. راح شاف الديك، رمى له

هالخبز، وخلاه ملتهي بنقرّ فيها، قدّم عليه، ومسكه في خناقّه، وخنقه، ولمّ هالجاجات وحطهن في

القفص وروّح! شو صارت هالسّمعه لنص نصيص، الكل يحكي عن شجاعته! بعدين قال بدني أجب

الغوله بحالها! اشترى هالحمار وحمل عليه هالصندوق وملاه حلاوه مطاطه. يوم ما وصل دار الغوله صار

ينادي هاي الحلاوه هاي الحلاوه، طلعت الغوله قالت له: بقديش؟ قال لها مثل ما تقول: الوقيه بقرش،

153. عيين: رفضن، عيا: رفض


أكلت وقية، إوقيتين، ثلاثة. ما شبعتمش قال لها: شو رأيك تطيحي في الصندوق وتوكلي قد ما بدك
وبعدين بنتحاسب؟ وافقت وعبرت في الصندوق، وهو قام سكر باب الصندوق بالخبيل ومكنه، وصار
يمشي تنه وصل بلده، والغولة ملتهيه في الأكل. يوم أوجه¹⁵⁴ على بلده صار ينادي:
اوقدوا النار وعلّوا شعالها جبت لكم الغولة بحالها!
واللي يحب النبي يجيب حزمة حطب وبصة نار! قالت له الغولة:

- شو بتقول؟

- قال لها، بقول: إفردوا حرير وطلبوا حرير جبتلكم الأميره بنت الأمير!

يوم ما صارت النار كبيره دبّوها هي والصندوق في النار وتخلصوا من شرها. وطار الطير وتمسوا
بالخير....

154. أوجه: اقترب، صار مُواجهاً



الساق والمعلق

الرواية: كان يا مكان يا مستمعين الكلام حتى توخذوا الله
الحضور: لا إله إلا الله

كان في هالوحدة عندها بنت ظرّه، ما هي المره بتبغظ بنت ظرّحما.هاذي تظلّ تقول لها: روحي وتعال، وتظلّ مشغلتها! هي الها بنت تقريبا نفس السن مثل بنت ظرّحما. يوم من الايام قالت لها بنتها: يما أنا بدي أسرح مع أختي ع الحطب، قالت لها: إسرحي، بعد ما سرحوا وإلا هالبياع بينادي: بيظ فقاقيس بجبل البنت بلا عريس. هي عاد بدها توذّر بنت ظرّحما، قالت له: تعال إشرتت منه هالبيظتين وفقستهن بمالقلى الحاهن، ولبنتها عملت بيظتين بمقلى الحاهل. لمن روّحت البنت من الحطب أطعمتها إياهن. روح يا يوم تع يا يوم، هالبننت بالهشمسه، وقالت لها: يا بنت تعالي فلّيني قعدت هذيك البنت تتخصوع¹⁵⁵ من الشوب. مرّه تقول لها يا مرت أبوي بدي أنتقل عالقي ومره تقول لها: بدي أنتقل عالشمس. راحت لجوزها قالت له: بحرّ بنتك يازله جبلى. قال لها: قولي وغتري! قالت له: لا والله جبلى وإن كنتها مش جبلى، يمّ عندي والله. روح يا يوم تع يا يوم البنت بيّن جبلها. قالت له: يازله ودرها. حطتلها لطح بقر¹⁵⁶ قال هاذ مخمر¹⁵⁷، وروث الحمير قال هاذ ملفوف. عرادة الجحش قال هاذا سمنه. حطتلها إياهن في هالجونه وأفتت¹⁵⁸، وصلها على ارط ما فيها شايع ولا رايح¹⁵⁹، وقال لها: يايا إستنني هون، أنا بدي أروح أتمشى، أشخّ، هيني جاي. غابت الشمس واطلمت، هالوعور¹⁶⁰ ولا شايع ولا رايح شو

155. تتخصوع: تتمايل وتتلوى.

156. لطح بقر: روث البقر

157. مخمر: خبز من العجين المخلوط بالزيت، وميزته البقاء طويلا محتفظاً بطراوته.

158. جونه: وعاء واسع منسوج من القش، وقد تغلّف بجلد حيوان من الغنم أو الماعز أو البقر لحفظها من التلف لفترة طويلة، يحفظ فيها الخبز، وأغراض تتعلق بالطعام على الأغلب..

أفتت: دارت قفاها ومشتت ذاهبة الى مقصدها.

159. أرط ما فيها لا شايع ولا رايح: أرض منقطعة خالية من أي إنسان.

160. الوّعور: الأرض الصخرية الوعرة

بدها تساوي؟ قعدت تقول:

يا بوي ما اطول حراك نَبَبِ الزَّعْتَرِ وراك

شوي ولا هالزله راكب هالفرس البيضا وجاي قال:

- يا بنت شو بتساوي هان؟

- قالت له: نصبي إجيت،

- قال لها: وشو اللي معاك؟

- قالت له: هاذا مخمر

- قال لها: ما شالله، هاذا ورق ملفوف، إن شالله، هاذا سمته، قال لها: بحري، شايه هذيك المغاره؟

- قالت له: آه

- قال لها: بذك تروحي تنامي فيها، يبجوا عليك ثلاث أربع غيلان يبجي واحد منهم أعرج، إنت

دغري بتتاولي بتقليله الشوكه، وبتعصيله إياها.

سحبت حالها ومسدت، وإلا هو جاي بقلز. عملت مثل ما قال لها، إجت هدّت عليه، وقلعتله هالشوكه

وعصبتله إياها. قال لهم: لا حدا يوكلها وقعدوا ينقلوا لها في هالصيد ويجيبوا لها توكل. والله، روح يا يوم،

تع يا يوم ولدت. والله غابت يبجي عشره إتعشر شهر وأزود. قال أبوها لمرته، والله بدني أروح لهالبنيت

مطرح ما حطيتها أشوف شو صار معها. سحب حاله وراح مطرح ما حطها، بحر، وإلا هالمغاره فيه

دخان طالع منها، طلع على المغارة. صار يدبك على ظهرها. قالت: إن كنتك إمي طيحي، وإن كنتك

بنت عمي طيحي، إن كنتك أختي طيحي، إن كنتك من قرابي طيحي. وإن كنتك أبوي لا تطيح. من

كتر ما استرحم فتحنتله، عَبر، استحت من أبوها، فاتت، خبّت الولد اللي جابته عن أبوها. قال لها:

- يا با خلص عاد بذك تروحي!

- قالت له: لا يا با لا بدّي أروح ولا عباي. أنا عايشه، وفي أمان الله، ومترجّة!

- قال لها: بصرش تظلي بمالوعر لحالك، بذك تروحي معاي.

جَبَرَّ عليها، سحبت حالها وطلعت، يوم طلعت عباب المغاره قالت له: يا با نسيت مروادي. رجعت.

تردّ تبعد مثل هون وهناك، تقول له: نسيت مكحلتني! مش لاقيلها قلب تعاود وتدشر إبنها. تردّ تبعد

هي وأبوها، تعاود تقول له: نسيت الشغلة الفلاتيه، قال لها: إيشلك بالطويلة يا با إللي معاك جيبيه،

إن كان معاك ولد هاتيه. تناولت هالولد ولفته وأخذته. وهالغيلان كاينين يجيبوا لها كل شي من مال

ذهب، جواهر، لبس، ينقلوا لها ويجيبوا لها. أخذت معها من كل شي شوي، وعقدت وحملت هالجحش،

وحطت هالولد قدام سيده، وسجوا حاهن ومشوا. لمن مرته شافت هيك، قالت له: إنت مش رحنت


حطيتها في الوعور؟! إنت حطيتها في السعادة! بذك مطرح ما حطيت بنتك تحط بنتي. راحت سوتلها

هذيك مخمر من حق، وسوتلها ورق دوالي من حق، وأخذها أبوها، وحطها مطرح ما حط بنته الأولى،

«يا با بدني أروح أشخ». شوي أجا عليها نفس الحختيار. قال لها: شو هاذ؟ محمرقه عاد هي، لإن أبوها

تركها! قالت له: بعيد عن السامعين، خرا، وهاذ، خرا، وهاذ، خرا، هو يقول لها: إن شالله، إن شالله،

إن شالله، وكلهن صرن مثل ما قالت، قال لها: شايفه هذيك المغاره بتطلمي عليها، بيجوا هالثلاث أربع غيلان، بكون فيهم واحد كبير بقلز، بإجره شوكة، بتمسكي بتقولي بإجره هيذ بتزيديها، هذيك سَدت، أجوا عليها عملت مثل ما قال لها، قال لهم الغول الكبير، قطعوها وكلوها، أكلوها كلها، خلّوا الساق والمعلق بس، وعلقوهن باب العراق. سحب حاله وراح وهي للممت بنات الجيران والقرايب، وقالت لمن: غنّين، هالوقت بتيجي، وبعطيكن ذهب وبعطيكن فلأيد. غنّين. راح على هالمغاره، ولّا هالساق وهالمعلق معلق باب المغاره! وهالبنات يغنين وهي إمها ترقص فيهن. حطّه على راس هالعصاه، وروّح، كان هو يقول: يا لعينة الوالدين ما لقيت إلا المعلق معلق باب العراق، ولك هيه يا لعينة الوالدين، ما لقيت إلا المعلق معلق باب العراق! وهي تقول غنّين غنّين! إسمعوه، بنادي: غنّين غنّين. يوم وصلها اجا طرفها فيهن وقال: خذي، الله يحرق امك على ابوك، ما لقيتس منها غير الساق والمعلق. فقُتعت ولّا هي ميّته.
وطار الطير وتمستوا بالخير.



السبع بنات

كان ياما كان، يا مستمعين الكلام، ما بطيب الحديث إلا على ذكر النبي عليه الصلاة والسلام. كان بقديم الزمان وسالف العصر والأوان هالزله، إله سبع بنات ماتت مرته، تُحَوِّز وحده جديده. بعثت الخاله البنات ع الحطب والبقله، لاقت البنات عجوز، أقلت فيهن، وأخذتُن على بيتها من شان تغديهن. فانت العجوز لجوا، شافتها البنت الزغيره وهي عم تسن اسناحنا. رجعت البنت وقالت لخواتها. وانهموا، طلعت العجوز ما لاقت حدا. صارت تتطلع شافت البنات صاروا ابعاد عنها.

قالت:

- ياربي يا حبيبي تلاقين وادي امشاط يلتها فيها والحقهن آكلهن.
لاقاهن وادي امشاط!

- قالت الزغيره: يالله كل وحده كمشه وتمشي، أخذت كل وحده كمشه وركظت.

- قالت العجوز: يا ربي يا حبيبي تلاقين وادي خرز يلتها فيها وأحقهن آكلهن.

- لاقاهن وادي خرز.

- قالت البنت الزغيره: يالله كل وحده كمشه وتمشي.

ظلت العجوز تقول يا ربي عقود، حلق، شكلات، حومره، بودره... والبنات الزغيره تنبه. تعبت البنت الكبيره الناصحه، ونجبت جنب صخره، وصلت العجوز ع الصخره ووقفقت وصارت تتطلع، ظرطت البنت وسمعتها العجوز. تعجبت مين ظرط؟ وصارت تسأل كل شي بيدنا إن كان هو ظرط.

- قالت البنت الكبيره: أنا يا خالتي اللي ظرطت.

- قالت العجوز: يلعن عظام خالتك!

هجمت عليها وصارت تاكل فيها.

وهاي حكايتي حكيتها وعندكن حطيتها. ولو بيتنا قريب جبت علبة زيب، إلی مدّ ولنزّهه مدّ وللي حطّ الحكاية مدّ¹⁶¹، وكلوا لتشبعوا، ولو بيتنا بالقبّه، جبت ثلاثيت كُبّه، إلی ميّه، ولنزّهه ميّه، وللي حكي الحكاية ميّه وكلوا لتشبعوا.

161. إلی مدّ ولنزّهه مدّ وللي حكي الحكاية مدّ: المِدّ أحد المكايل المستعملة في معرفة حجم ووزن الحبوب، وهو يساوي صاعين أو ستة كغم.



Handwritten title or header text in the center of the page.

First paragraph of handwritten text, starting with a faint initial letter.

Second paragraph of handwritten text.

Third paragraph of handwritten text.

Fourth paragraph of handwritten text.

Fifth paragraph of handwritten text.


Sixth paragraph of handwritten text.

Seventh paragraph of handwritten text.

Eighth paragraph of handwritten text.

Ninth paragraph of handwritten text.

Tenth paragraph of handwritten text.



عين فتحية

كان هون فيه هالبننت يتيمة الإمام صغيره، ماتت إمامها وهيّه عمرها أربعطاشر سنة. مرضت يا حرام، أجا أبوها دؤور ع بنت الحلال ويؤوز، وهاي البننت اسمها فتحية، مش مخلصه جمال، شو حلوه! صارت مرت أبوها تغار منها. كل يوم مرت أبوها تودّيها تروح تملي من عين التبع، والتبعه بعيده بأخر البلد. وكل يوم تحمل الجرّه، وتملي من عين المي. وغير هاي البننت تشتغل في الدار تكسس، وتشطف، وتضريها، حتى الأكل تحرمها إياه. كانت فتحية تنام مهدوده من التعب، وكل يوم على هالحال. البننت كل يوم تحس بالتعب، كل يوم صارت قبل ما تنام تستدعي إنه ربنا يفرجها عليها، مش قادره تحكي لأبوها، ولا في حدا يساعدها، في يوم نامت البننت بعد تعب قوي، أجا عليها هالشيخ، ولي، لابس أبيض، وجهه بشع نور، وقف فوق راسها وصار ينادي عليها، فتحت البننت عينها، وشافت الشيخ باللبسه البيضاء، البننت خافت وارتعبت شوي، قال لها: سمي بالرحمن وما تخافي يا بنتي وقال لها: ما تخافي أنا جاي عشان أساعدك، إطلعني علي واسمعي شو بدّي أقولك: مطرح ما يحط هون بطلع نبعه، من الصبح مرت أبوكي بتقول لك روجي عيني مي، ما تردي عليها، الصبح جيني فاس، أحفري بتطلع المي وإسمها نبعة فتحية. الصبح أجت مرت أبوها وقالت:

- يا الله روجي على العين،

- قالت لها فتحية: بديش أروح أعبي مي.

وبعدين مرت أبوها صارت تطرب فيها. أجا أبوها وقال لمرته:

- ليش بتضربي بالبننت؟

- قالت لمرته: لإنها بدهاش تروح تعبي مي.

- قالت فتحية لأبوها إنه الليله شافت ولي، وخبط هون، وقال لي أحفر بتطلع عين مي.

أجا الأب شفق ع بنته وصار يحكي أبوها لمرته إذا بتضربي البننت بظربك، بتموي. وصار يحفر مطرح ما قالت بنته فتحية. وهاي مرته بنت هالحرام صارت تقول: مجنون، وتصرخ، بنته مجنونه وهو ملاحق بنته ع جنونها. وقال أبو البننت لمرته: يا بنت الحرام إذا بتطلع هون مي، إلا أطلقك على قد ما عديت بنتي، وحمل أبوها هالفاس وصار يحفر، وكل ما يحفر شوي يلقي التربه رطبه، وبعدين حفر طلعت المي، أبوها طلق مرته، وكل أهل البلد صارت تشرب من عين فتحية.



1900

The first thing I noticed when I stepped out of the train was the smell of fresh earth and the sound of birds chirping in the distance. It felt like I had been transported to a different world, one where the pace of life was much slower than in the city. The sun was shining brightly, and the air was warm and inviting. I took a deep breath and felt a sense of peace wash over me. The people here were friendly and welcoming, and they made me feel like I had found a new home. I had heard so much about this place, and now I was finally here. It was everything I needed and more.

I had heard so much about this place, and now I was finally here. It was everything I needed and more. The people here were friendly and welcoming, and they made me feel like I had found a new home. I had heard so much about this place, and now I was finally here. It was everything I needed and more. The people here were friendly and welcoming, and they made me feel like I had found a new home. I had heard so much about this place, and now I was finally here. It was everything I needed and more. The people here were friendly and welcoming, and they made me feel like I had found a new home.



مرارة الجمل الأزرق

باقي هانا واحد متجوز ثلاث نسوان، ننتين حبلن ووحدته إللي بجهبا مخصوص ما حبلتش. إللي حبلن رحن عالخطب يحطبن، وقالت لهن: تعالن تغدين، قلن شو دعوتها مالهاش بالعادة تعزم وتطبخ لنا، قمن قعدن عالعشا جايات من الخلا وجيعانات، قمن بالوزة والفت والكل والكليله، عقب ما أكلن إعطشن قلنلها: إسقينا، قالت: والله ما بسقيكن إلا تقلع عينيكن وألا مئِن بالعطش، الروح عزيزه! عاودن طلبن مي، قالت: طيب بسقيكن إمبلى بقلع لكل وحدة عين، قمن آيسن وخليتها تقلع عينيهن، قامت أسقتهن، لكن ما أروحتش بالعماده. بعد وقت، عاودن عطشن، وقلنلها إسقينا، قالت: بسقيكن بقلع عينيكن الظايلات، في التالي آيسن عليهن، وقلعتلهن عينيهن، وشربن. لمن رَوَح جوزهن قال:

- شو مال هالنسوان معميات؟

- قالت: يا قبرتك وقبرتك جيزتك، هذولا رحن عالخطب، وهن يحطبن بقزن¹⁶² عينيهن وعمين!

- قال شو بدى فيهن عاد؟ قومي خذيهن من وجهي في إحدى المغاير.

قامت هذي زقطتهن في اكمامهن واخذتن وحطتهن في الماغارة وعاودت. ليلتها ولدت وحده، جابت صبي، لفته بمالشرايح وقعدن لا حدا يطعمهن ولا حدا يجيب لهن اشي، وهذولا مش عارفات وين يروحن، لمن جعن قالت وحده لأختها: هاتي هالولد تنوكله ولمن بلد بنوكل ابني، قامت هذي فسخت ابنها وأعطت شقه لضرتها وشقه أكلتها، ضرتها، خبت شقة الولد تحت ركبها، ثاني يوم قامت ولدت، قالت إلها ظرتها هاتي ابنك تنوكله، قالت ياختي خذي شقة ابنك أنا مش ذابح ابني، بدى أخليه ولكن نفعا أنا وياك، من هان هان كبير الصبي صار يقوم بلمه ومرت أبوه. يوم من الايام راح لهاخطيب يسأله عن دوا لعينيهن، الخطيب وصفه مرارة جمل أزرق في بحر أغرق، قام هذا ركب حصانه وراح مرق عن هالغول هذا باقي مهروول شعره ع وجهه وأظافره هالطول وحالته بالويل، قام هذا سلم عليه، قال الغول:


- لولا سلامك سبق كلامك لأخلي إللي في الصفحه يسمع قرش عظامك.

قام هذا قدّم قص شعره وأظافره، قام افضى وجهه، قال له:

- الله يفضي عليك أطلب وإمئني.

162. بقزن: بُعزت العين دخلها شين مؤذ لها كالقشة أو عود الحطب.

- قال: بدي مرارة الجمل الأزرق في البحر الأغرق،
- قال: أمرق بتلاقي أخوي قدامك بدبرك.
- هذا أجا إلا وهذا قد أخوه خطرتين، أوهر منه ميت مرّه! سلّم عليه، قال له:
- لولا سلامك سبق كلامك لأخلي إلي في هالواد يسمعا قرش عظامك.
- يمّ هذا عمدّه، وقصّ شعره وأظافره، قال له:
- الله يفضي عليك مثل ما أفضيتها علي، اطلب وتمنى،
- قال له عن غرضه قال له:
- روح هي أختي قدامك هي بتدبرك، لكن إن شفت عينيها صفر لا تعمدهاش، وإن كانت عينيها
- حمر إعمدها، ومصّ من بزّها.
- قام هذا أجا رايح إلا وهادي قاعده بتطحن وعينيها حمر مثل الجمر، وابتازها امدليّات ورا كتافها ع
- ظهرها. قام عمدها وقعد يمّص من بزّها قالت له:
- إليلي بمص من بزّياني أعز من وليداتي، أطلب وتمنى.
- قال لها: إمي عميا، والخطيب وصفلها مرارة الجمل الأزرق إلي في البحر الاغرق،
- قالت له: اصبر هان تأجيب لك إياها. قامت هادي عن الطاحونه، وراحت ورا سبع بحور،
- غطست في هالبحر، وطالت مرارة الجمل وعاودت إبها، أعطتها للولد، هذا أخذها لإمّه وضرحها
- العميا، دهن عينيهن... فمن طبن... وروحن ع جوزهن.... وطار طيرها وعلى المستمعين غيرها



اقريعون

فيه هالسلطان باقيه مَرْتين، نسوان ثنتين، الأولى جابت ولد، وضَرَحَها جابت ولدن. قامت ماتت المره الأولايته، ظلت الثانية. هذي قالت بدّي أقتل ابن ضرتي وريّح اولادي منه، باقي هذا متولّع بالخيل، ومررتي مُهر من الجان أسرع من البرق! يوم من الأيام رُوّح إلا وهالمهر بعيط، قال له: مالك؟

- قال مرت أبوك طبخت ثلاث وزّات ثنتين لولادها ووحده مسمومة إلك.
أجا ميعاد الغدا، قعدوا وكل واحد قدامه وزة محشيه ومحمره، هذا خلّى مرت أبوه ملتهيه وقام بدل وزّته، وقعدوا يوكلوا، هذول أكلوا من هان، قام ابو الوزّة المسمومة شقلب ما في عينه بلّه! باقيه دايتها تعلمها شو تسوي، قالت لها: سوي هفته جوا العتبه 163 بخبط فيها بموت وبتبرجي منه، طيب سوت هالهفته وغطّتها بشي خفيف، رُوّح هذا إلا ومهره بيعيط ودموعه في وجهه بالعرض، قال له: مالك؟ قال: هالملعونه مرت أبوك قحفت لك هفته من العتبه وجوّا تَنوَقَعك فيها، إصحي منها! هذا أجا رايح قام خَشْ ابنها وراه دبّ وغار في هالهفته ومات. لَمَن قبرت ولدها قالت: لولا هالمهر ما صار إلي صارا! بدّي أقتله، كيف أسوي؟

- قالت إلهي الدايه: إغلي تبن شعير وتحممي بميته.
قامت هذي تحمّمت قلبت صفرا مثل الشجّاعه، جابت قراقيش وحطتهن تحت فرشتها ونامت. رُوّح الملك قال لها:

- مالك يا ملكة الزمان؟

- قالت: مانيش قادر، ودّيلي ورا الحكيم.

باقي الحكيم والدّايه معها، في شربة سبكاره 164 أجا الحكيم، قدم تيشوفها صارت تتململ في الفرشه والقراقيش يتكسرن تحتها.

1٦٣ هَفْتَه جَوّا العتبه: حفرة داخل البيت بعد المرور عن العتبه.
164. بشربة سبجاره: كناية عن السرعة التي جاء بها الطبيب أي أقل من الزمن الذي يستغرقه المدخّن لتدخين سبجاره.

- قال الحكيم لجوزها: هذي أضلاعها مكسّره، سامع؟ وما دواها إلا لحم حصان أخضر،
إذبح إليها حصانك. نادى الملك ابنه قال:
- يابا أنا ما بعزّه على الملكة لكن خليني أتودع منه واركبه ساعة زمان،
- قال طيب. قام حطّ هالعده، وقرط هالحزام عليه، تلتزق صدره بظهره وصار يميدن¹⁶⁵
غادي جاي تا جمي ودار رسنه وقال: يا درب إخليلي، برمشة عين وصل يافا! قام الحصان
أعطاه سبع شعرات وقال له:
- أنا رايح بس تعوزني إدعق شعره بتشوفني بالعده والسته أجمعين حاضر. لمن راح
الحصان، قام الولد يدور له ع شغله، صار ناطور في هالياره، واشترى طعاشير هالشاه¹⁶⁶
ولبس كرشه ع راسه، اسم أنه إقرع، وسمى حاله اقريعون، يومن بخطر الحصان ع باله،
بدعق شعره، ما شاف إلا وهذا مثل الرصد حاضر، شادد عاده، يمّ ينطّ في ظهره ويدور
يكيفّ في هالميدان! باقي للملك قصر ع شط البحر، وبنات الملك كل يوم يتحمّمن
ويعاودن عليه. بنت الملك الزغيره شافت هالإقرع وقالت بدي أؤخذة. نادت خواتها
وقالت لهن: يالله نطلب الجيزه من أبونا، قلن: يالله أجا أبوهن تا يطلّ عليهن قالن له:
- يابا جوّزنا، الحرة طلبت جوز،
- قال طيب،

وأطلع المنادي ينادي كل شبّ يمرق من تحت شبايك القصر، قامت هالشباب مرقت صارت كل
وحده، ترمي مندليها ع اللي بتحبه، هذي رمت ع ابن باشا وهذيك ع ابن والي وهذيك ع ابن وزير،
وكل وحده أخذت إلها واحد. الزغيره رمت مندليها ع اقريعون، قاموا نصبوا هالافراح ودخلوا هالعرايس!
قام الملك روج زعلان عمدته اقريعون يصير نسيبه! ومرض، نادوا الحكما والمنجمين، قالوا: مالشّ دوا إلا
لحم غزلان، داروا نسايبه يدوروا ع غزلان وما يلاقوش، قالوا لقرريعون، قام هذا أحرق شعره من الحصان
أجا، طلب منه رعوة غزلان، أجرين وقيلين حواليه في هالحالا، إلا ونسايب الملك موجهين لمن شافوا
هالغزلان قالوا له: يا قريعون بدنا غزال قال بحقه، قالوا: قديش حقه؟ قال: بعطيكم غزال بشرط بتختم ع
قفاكم! هذولا تمخلوا¹⁶⁷ في بعضهم وقالوا: مين داري بنا، ختمهم، وأخذوا هالغزال وأجوك رايحين،
ذبحوه وطبخوه وقدموه للملك. لمن ذاقه قال هالطيبخ مرّ، ما يتاكل، قام روج اقريعون، ذبح غزاله وطبخه
وأطعم الملك، لمن ذاقه استطيعه، قام تشنّش وطاب. لمن طاب الملك أجا عليه حزب، فرعوا نسايبه معاه
عهاخليل. قام اقريعون قال: وأنا وين أروح؟ جابوا له حصان أعرج ركبته، بالشقلوب وطلع، لمن صار برّه
أحرق شعره إلا وحصانه حاضر، قام أشرط عليه إته يضرب بكل أعضائه¹⁶⁸: براسه، بجريه، بيديه،

165. يميدن: يطارد على ظهر حصانه في الميدان!


166. طعاشير الشاه: احشازها، وتسمى الشخاتير والكراعين والكرشات ايضاً

167. تمخلوا: تشاوروا سرّاً.

168. بكل اعضائه: بكل اعضائه

بذنبه، وطالع طالع! هذا غشي القوم مثل الغول إحني، أضرب، إقطع، إرمي، كسر القوم وصفق وغاب!
لمن سيع الملك في عمايله، قال ماليش غير اقريعون واستحب له وطلبه، قام اقريعون جرح حاله بيده، اسم
أنه من الحرب! وأجا لعند الملك، الملك عصّبه بيده، وعاود ونام، طلع الخبز إن اقريعون مطروح! قلن
بنات الملك: يا ريتنا نطلّ ع نسيبنا، رحن عبرن إلا وهذا بمالهييه وهالزين مثل أعتاها أمير وأكبرها وزير!
وهاالحصان الاخضر إللي تحت كرسي العرش ما مثله، عاودن عالملك قلن له: أختنا مصاحبه، والدعوة
بيلا بيلا، قام الملك ودّا وراهم تايقتلهم! لمن أجا رفع إيده المعصوبه، قام الملك عرف إنه نسيبه قام عزل
الوزير، وحط اقريعون بداله. ونادى أصهاره وحطّهم ممالك تحت إيده....وياما بصير!.





قَلَّه

أبدا من أول... وحلين الله، لا اله الا الله.

فيه هالواحد متجوز هالوحده وراها ولد وبنت، الولد اسمه محمد، والبنت اسمها قلَّه. توفت مرته، راح تجوز وحدة ثانيه على اولاده، إجت مرته قويه. قال جوزها في يوم:

- يا امّ فلان بدّي تطبخيلنا لحمه،

- قالت له: جيب وبطبخ. إجت جابت هالطبخات، إجا البسّ أكل اللحامات، إلّا هي بتقول: بعدين شو بدّي أسوي؟ إن أجا بقيم قيامتي وبذبحني وبقتلني. مسكت الثدي تبعها وقطعته

وطبخته، الله يقرفها، أجا جوزها:

- هالأكّل زاكي، أول مرّه بوكل أكل دسم. قال لها:

- فلانه

- قالت له: نعم

- قال لها: شو؟ نخال أكلنا زاكي اليوم؟

- قالت له: منيح؟

- قال لها: منيح.

- قالت له: توكل على الله، بكره بطبخلك أحسن منه.

إلا هي باقيه ترسم عالولد محمد تطبخله إياه! بعد ما سهرت هي وجوزها قالت له:

- انت عارف؟ قالت له هيك هيك، شاف سدرها!

- قال لها: طب بعدين شو بدّك تسوي؟ وشو، بدّك تقطعي الثاني؟

- قالت له: لا بدنا نطبخ محمد،

- قال لها: محمد عزيز عليّ،

- قالت له: يا ابن الحلال بخلف غيره!

- آه،

أنيه اللي باقيه تتسمّع على الباب؟ قلَّه، اخته. قلَّه، ماهي هذيك عشان امها توفت، اعتنت في أخوها

- كثير ويتحبه. صبّحت الدنيا الصبح، قالت آه، صارت توكل في حالها تطلع توكل في حالها، وتعب توكل في حالها هذي البنّت وتعيّط! قالت لها:
- بتسمحيلي أنزل عالعين تحت، أغيّر لأخوي وأحمّمه؟
- قالت لها: هالقيت بشوف الوقت متأخر، الساعة ثنتين، الساعة ثلاث بتوخّذيه.
- قالت لها: بطولش، خمس دقائق وباجي.
- قالت لها: قوام خذي هاي صابون، ألي عمرها ماعطتها صابون تحمّمه، هاي صابونه، وهاي ليفه، وهي كل اشي، نظّفيه وخليّه ابيض ابيض لحمه.
- قالت لها: توكلّي على الله يا مرت ابوي، وسحبت حالها وطاحت عهالعين اقبال الدار، دارهم جايه عاليه، والعين واطيه، يمك بسرعه، غسّلت أواعيه عنّه هيك، وشرحن اقبال الدار، وقالت لخوها:
- يا لله يا ختي!
- وين يا اختي يا قلّه؟
- يا ختي محمد مرت أبوي هيك هيك بدها تذبحك.
- قال: معقول يا اختي؟
- قالت معقول. هو زغير،
- قالت له: قدّ ما تقدر ارمح تبعد من البلد اللي همّه فيها، وئيطنّب ع ناس ألي يحمونا. قعدت ترمح... ترمح... ترمح... ترمح... ناقطعت عالبلاد كلّها وهي ترمح، إلا هوتّه لقاها الحزّات بحرت بمالستان، أخوها ميّت عطش، قالت له:
- يا عمي لو سمحت، معاك ميه نسقي أخويا عطشان؟
- قال لها: يا بني يا عمي، والله لو ما في غيرهن إلا سقّينك اياهن، خذي ياعمّي هيبه فيها شويّة ميه. الولد ما رويش ظل عطشان، قال لها:
- اسمعي يا بنت.
- قالت له: نعم،
- قال لها: وين رايحة انت بأخوك؟ انت بدك تصلي بلاد يعني؟ هالقيت اطلعي على البلاد فيها ملوك واشي قصور.
- قالت له: هيك هيك هيك هيك قصتي، يعني أبويا ومرت أبويا بدها تذبح أخويا عشان تطعمه لأبويا، وأبويا وافق وكل اشي، وأنا بدّي افقس¹⁶⁹ اخويا.
- قال لها: طيب يا بنتي، بس بتلاقيكي معصرة مّي، أو عمي انت ولا أخوكي تشربي منها!
- قالت له: ليش؟
- قال لها: هذا بس انا بقولك، لانها هاي بتحوّل لإشي ثاني، ما رطيش يخوفهن، بس انا بقول لك قد ما تقدري تخلّيش أخوكي يشرب منها.

- قالت له: طيب.
- في الطريق، سحبت حالها ومشوا وأجوا على المعصرة. قال لها:
- عطشان!
- قالت له: يا خبي ما بنقدر نشرب منها يا محمد اه بتموت، يا خبي يا محمد! هو فكرها يموت.
- قال لها: لا يا ختي.
- قالت له: طيب تعال، مسكت ايدها، بللتها وبلت وجهه وأواعيه وقالت له: يا الله يا خبي، ومشوا، ولما كانوا عند المعصرة، قعدت، عقصت شعرها جدابيل، ونست المشط!
- يا ختي قال لها بدي أرجع أجيبه. عاد هو بده يرجع مشان العطش.
- قالت له: يا خبي محمد انا يرجع أجيبه، خليك انت قاعد،
- قال لها: لأ يا ختي أنا أنشط منك، بسرعة يجيبه ويبجي، تخافيش علي، ولأ بعمد الميه، والله وقعدت فله تستتي في محمد تايجي. تطلعت، ولأ محمد راح ع البركه، من حد ما وصل البركه دق راسه وصار يغب من البركه. نفظ حاله إلا هو هالغزال، هاذا هالطول وهالقرون هيك عليه! اه يم تناول المشط بقرونه، حطه غيب قرونه، وسحب حاله وراح، إلا هي بتقول: اللهم صلي على سيدنا محمد عن هالغزال، يا بركة الله! هي بتقول، إلا هو بقول لها:
- إيش يا ختي يا فله، هاي جبتلك المشط.
- بي محمد يا خبي! دهكت وصارت تعيط. اه قالت له: وبعدين يا خبي، إذا بقبت بني ادم وبدهم يذبحوك! كيف هالقبت غزال؟! رايح تذبح يا خوي يا محمد! معناها ما لنا إلا نخج من كل هالدنيا ونقعد لخالنا.
- ظلت ترمح ترمح ترمااااااااااا، ماتوا من القله، ومن العطش. بطلوا يقدروا يقوموا. تحت قصر هالملك وقعدوا تحت هالشبايك! قالت له: اقعد هان أي واحد برمي شغله عمله هيد إحنا بنوكلها يا خبي. قعدوا، وقيل ع براها هو، وهي قعدت وصارت تعيط، تحلس عليه وتعيط وتنشده. طلّت الخدامة هيد إلا هي بتقول:
- هي يا سيدي الملك، سيدي الملك، تحت قصرك وحده ما بتلق الا الك! هاي بتجنن، هاذي فله!
- قال نادوها.
- قالتها بقولك سيدي الملك اطلعي فوق،
- قالتها: ما بطلع إلا الغزال يطلع معي.
- قالت له: سيدي!
- قال لها: نعم؟
- قالت له: بتقول ما بطلع الا ليطلع الغزال معي،
- قال: قولوا لها خلتها تطلع هي والغزال وكل اللي بدها، اللي معها تطلع بس المهم تطلع عنده نسوان أربعة الملك. سحبت حالها وطلعت. قال:
- شو قصتک يا بنت؟

- قالتله: أنا قصتي هيك هيك، مرت أبوي عاطله وظالمه، وفقست منها.
 ما قالت له أخوي شرب ولا قالت له غير هيك. قال روحوا حتموها ونظفوا لي اياها، والجمعه الجاي
 بدي أدخل عليها! صارت تعيط، قالت لها إنت بدّه يصحلك زي سيدي الملك؟! انت بتعيشي هنيّه،
 وانت مش عارف شو. راضينها الخدّامات. قالت خلص بتجوّزه. سحب حاله الملك وسافر، قال
 بسافروا من بلد لبلد بروحوا، آلا هيته شو بتقول: بدّي أنا لخزي أجهز حالي، في عندهم بير ميه باب
 الدار كبير، بابه كبير، قلن ضرايرها: وشو بدنا نسوي؟ ولكن بدنا نديرها هاذي تصير بكره أحسن منا
 عند الملك. بدنا نقتلها قبل ما يبجي الملك. الملك ظايله يومين ثلاث ويبجي. النسوان الاربعة سحين
 حاخن جبن هالحصيره حطينها باب هالبير وقلن لبعظهن كل وحده بتقعد على راس قرنه من الحصيره،
 وانت بتقولي مرت الملك بدها تقعد في النص، قالت طيب! سحبت حالها من حد ماطلت آلا هي
 بتقول: هان هان، مرت الملك، والله ما بتقعد الا هان في النص، مرت الملك في النص! قعدنما بنص
 باب البير، وهن قعدن على اطراف الحصيره، واتفقن إللي من حد ما يطلّ الملك، يقولن كذب، يعني
 إنه طلّ الملك ويقمين الحصيره، وهي تموّد في البير. قعدت هي والغزال في النص. شويّ آلا هنّ يقولن:
 هاي أجا الملك، أجا الملك، تاهوّدت الحصيره، الغزال ينطّ، لما نطّ الغزال، ما هو عادت الغزال نطّ ما
 قبلش يهوّد في البير، نطّ. اخته هوّدت بالحصيره ع البير، والحوت بلعها. لما بلعها الحوت، صار الغزال
 يروح، وهنّ يطاردن وراه، بدهن يذبجنه قبل ما يبجي الملك! الغزال ينطّ ما يقدرن ليشي، يقولن بدنا
 نذبجه قبل ما يبجي الملك، ويصل. يطاردن وراه يحظرن الميه السخنه وكل اشئ عشان يقتلنه ويطبخنه،
 ما يقدرن ليش. أجا الملك قال:

- وين فلانه؟

- قالتله: سبي، انصت، فلانه صبحت فاقسه!

- قال: معقول؟ ليش فقست؟ يعني راضيه واشي؟

- قالت له: والله فقست، صبّحنا مش لاقينها!

- قال: طيب.

أجا قعد هيكه تحت هالعنبة اقبال بير المي وقعد، ماشاف الغزال إلا هو جاي على باب البير، ووقف،
 وصار يقول:

ياختي يا قلّه سنوا لي السكاكين وغلوا لي القدر!

وهي تقول:

ياختي يا محمّد منين آجي منين أدور ابن الملك بحظني وشعري مجلّلي!

اه، الملك ظرب ذاته، سمع الصوت، لما سمع الصوت قال: آه!

صاروا هاي الغزال، هاي الغزال! يطاردوا وراه، بدهم يرقطوه! قال الملك: ولا واحد يحكي مع الغزال.
 قال له:

- احكي يا غزال! صار يحكي يحكي يحكي، لمن يقول لها:

ياختي يا فلّه ستوا لي السكاكين

وغلوا لي القدور!

- وهي تقول:

ياختي يا محمد منين آجي منين أدور

ابن الملك محظني وشعري مجلّني!

وانا في بطن الحوت

- إلّا هو بقول: سؤنيها! هذول هنّ اللي دبرن هالتدبيره! هاذا الغزال، أجرمئونها¹⁷⁰ متاجره فيه، لأنّه يحكي! قال:

- اللي بحب الله والنبي، يجيب لحمه ورزّ. صاروا يجيبوا لك هالعالم في هالرز وهاللحمه، ويهيلوا في البير، يهيلوا في البير، تمّنه الحوت زور، وقام قال: أع، استفزع، إلّا هي عباب البير هي ومين؟ هي وابنها في حظنها من الملك، يعني باقي نائم معها. إلّا هيته ولدته في بطن الحوت، آه ولدته وهي في بطن الحوت. إلّا هو قال الملك:

- تعالي، الغزال ليش يحكي؟ وانت شو هاللي سؤي فيك هيك؟

- قالت له: اللّي سؤين فيّه نسوانك!


- قال لها: طيب تعالي، طيب، بدك تقوليلي إيش قصة الغزال؟

- قالتله: هاذ مش غزال، هاظ اخوي واحنا هيك هيك، شرب من مّي ونفظ حاله، وهيه صار هيك غزال، ولا هوته اسمه محمد، شبّ وما أحلاه.

- قال لها: طيب، استقي جاي، قال تعال للغزال، مدّ قرونك، مدّ قرونه، جاب هالسيف وظرب قرونه، تاخلق لك هالسبب اللي بجن، تجنّ بجنّ! رجع شبّ بجنّ ابي ياختي يا محمد ارجعتلي ياختي يا محمد!، عبطته! قال الملك:

- اللي بحب الله والنبي، يجمع نار وحطب. صارت العالم تجمع في هالنار وهالحطب، من أول مرّة وثاني مره، وثالث مره، ورابع مره، دبّ لك اياهن في النار وحرقهن، وعاش هو وبياها بشات ونبات، وخلقوا صبيان ونبات.

170. أجرمن عنها: لهذا السبب.




صَفْصَفَانِ سَكَّر

- باقي هالواحد مُتَجَوِّز هالوحده، جايه هالثلاث بنات، وميته. جاي متَجَوِّز عليها أبوهن. قالت مرته:
- يا هنّ كوم، يا أنا كوم في هالدار،
 - قال: الله يخرب بيتك هذول الثلاث، بناتي، وين بدّي أروح فيهن؟!
 - قالت له: ما بعرف، دبرّ حالك. قام أخذهن، سحب حاله وراح على هالبيير قال لها:
 - تعالي، لأكبر وحده، طيحي، روعي دّوري لي على هالشغله سقطت مني. طيحتها، دّورت دورت
 - قالت: يايا ما لقيتشن.
 - قال لها: إنتِ مش شاطره، تعالي يا الوسطى، طاحت الوسطى الثانيه، يريطهن، بدلّين حالهن في البيير، ويحلّين حالهن في البيير، ويظلمين فيه.
 - قال: تعالي يا الثالثه. راحت الثالثه، هيذ سوّى فيها زي هذولاك. دشرهن الثلاث في البيير وسدّ باب البيير وراح! طيب قعدن يوم يومين ثلاث جعين مسكينات، قين صرن يقحفن في إذيال البيير. البنت الصغيرة بتقحف بتقحف إلا هي نافده ع هالغوله بتطحن في سَكَّر. تيجي نجي من قدام الطاحونه إللي بتطحن فيها وتروح تطعم خواتها. يخذها ولد صغير، بقول يما صفصفان سكر، يعني بطحن في سَكَّر. تقول له: هاي السكّر قدامك، كُّل. ما هيته عميا مش شايفه. الحاصله ما إقتنعتش، ما فهمتشن من ابنتها، تامته أجا قام إيدها وحطّها على إيد البنت إللي بتسرق! قالت:
 - أه يا بنت أخوي إنتِ زمان إلك هان؟
 - قالت: لأ، بس اليوم.
 - قالت: شو معاك حدا؟
 - قالت: لأ بس أختين! قال بنات أخوها!
 - قالت: طيب جيبهن. جابتهن وإجت. بخذاها رعايو هالغنم، وبخذاها الخيل! صارت كل يوم تذبح هُنّ، تُرَبِّعهن مِشان توكلهن! عاد تحسّس عليهن! في الليل قلن لبعظهن هاذي بدها توكلنا! شور الله ما نُحْطَط لنا خطه، ونُدبّجا في الطابون! وإحنا نموز على كل أكلها! قلن طيب، بس يا عمي. إحنا مش قادرين نُزِيل الطابون، يعني نعمل الطابون حامي،
 - تعالي يا عمي.

- قالت: جيئوا هالبعر. جابوا البعر، وداروا ع هالطابون!
- قالت هاي وحده بتصير تقحر¹⁷¹، ووحده بتفتح باب الطابون، ووحده بتدور وراها وتديها في جواته. لما إنها قحرت الطابون، دفنتها في جواه! صارت تيربر جوا الطابون! قالت:
- إطلعني بغنيكن!
- قالن: لا هان موتي! رجعن ع هالدار، شدّين ع هالفرس ولبسن لبس زله، ضباط، وكل مانيه ركبت فرس، وقلن يا الله! وين؟ على البلد إللي دشروها، ع بلد أبوهن! قالوا: وين المضافة؟ لفين ع المضافة هالبنات، وربطوا هالخليل. قام أجا أبوهن بدّه يسوي قهوه! قالت له:
- لأ، البنات الصغيرة، عتلك عتلك يا شيخ. أنا بساوي القهوه. قال سوت هالقهوه، وشربت وشربوا كل إللي حاضرين، وهو شرب من الجملة. لما روج قال:
- الله يجرب بيتك!
- قالت له مرته: مالك؟
- قال من يوم ماراحت هالبنات ما ذقت قهوه زي إللي شربتها المغرب!
- قام، صبح من الصبح لافي عليهن، نمن في المضافة، لما لفي عليهن، ردت قامت سوت وهو يبخر فيها، وهي تبخر فيه وقالت:
- ليش بتبخر فينا يا حبح؟
- قال لها: والله يا بنتي إنه بقت لي هالبنات، ما أشرب قهوه زي هذا إللي بتسويها إنت. وصار بشرهما، وهي بتبخر فيه وهو يبخر فيها قالت له:
- إحنا إن صدقت الوالدة، إحنا بناتك! صرن مش زلام صرن بنات! بعدين أخذ الذهبات والفرس والبنات، وراح رمى مرته في واد المسكا¹⁷²!
- توته توته خلصت الحدوته حلوه ولا ملتوته...

171. بَقْر: تستعمل المقحار لإزاحة السكن (الزّمام).

172. اسم وادي في قرية الراوية.



ابن المهجورة

كان يا ما كان، يا سادة يا كرام، ما يطيب الحديث إلا على ذكر النبي عليه الصلاة والسلام. بقي في المملك متجوّز ثنتين، وحده جابت ولدين، والثانية جابت ولد. قام الملك هجر الثانيه، وعاش مع الأولاتيه. كبروا الأولاد! ومرض الملك! وجابوا له الحكيم قام الحكيم وصفله يوكل لحم غزال. قال الملك لولاده يروحوا يصيدوا له غزال. حمل الإخوه الاثنين ولاد الأولى سيف، أما ابن المهجورة فحمل عصاه، وراحوا على الصيد. ولما وصلوا نص الطريق قال لهم: يا إخوتي في هان ثلاث طرق: طريق السعادات، وطريق الندامات، وطريق بتودي وما بتجيب. قام أولاد المعزوزه مشوا طريق السعادات والندامات، أما الثالث مشى الطريق إللي بتودي وما بتجيب، وما لحق يوصل نص الطريق إلا وشاف هالغزال وصاده، وبقوا متفقين هو واخوته إنهم يلتقوا عند البير، وراح أخوهم واستناهم عند البير. ولما رجعوا ما بقاش معهم صيدا! ولما شافوه، قالوا له: أعطينا الغزال. فحط شرط إنه يحتم على قفاهم.

لما رجعوا لأبوهم أعطوه الغزال، وأخوهم ابن المهجورة، سبّوه وشمّوه قدام أبوهم! وثاني يوم راحوا يصيدوا غزال لأبوهم زي ما راحوا إمبيرح، وما صادوا إلا ابن المهجورة! والتقوا عند البير وطلبوا منه يعطيهم الغزال! واشترط عليهم نفس الشرط. ولما رجعوا أعطوا الغزال لأبوهم وقالوا لأبوهم إنه أخوهم ما صادش إشي، وشمّوه وسبّوه أخرى مرّة. وثالث يوم طلب أبوهم غزال ثالث، وراحوا يصيدوا وهم في الطريق عطشوا وقالوا لأخوهم إنه ينزل في البير عشان يسقيهم. ولما نزل في البير لقي ثلاث بنات ربط الأولى بالحبل، وأطلعه لأخوه! والثانية لأخوه الثاني. أجا دور الثالثه، قالت له: إطلع إنت قبلي أحسن إخوتك يقطعوا الحبل فيك، قال لها: لا إطلعي إنت الأول، لما طلعت قطعوا الحبل لما وصل نص البير! بقت البنت الثالثه معطيته إسواره مالهاش مثيل إلا معها! وفي قاع البير لقي عجوز، سألها عن ممّي يشرب! قالت له: ما ينعرّش! فأعطاها مصاري عشان تسقيه وتطعمه، أخذت العجوز المصاري، وشاف في قاع البير روس بشر مقطّعه ومحطوطه فوق بعض! ولما شافهن، سألها عنهن قالت:

- هاذ المارد مستولي على العين، وكل إسبوع بفتحها مرّة مقابل بنت يوكلها من أهل البلد! واليوم

دور بنت الملك.


- قال لها: بدّي أروح أقعد على العين!

- يا بني بقتلك المارد،

- قال لها: توكلي على الله. وهو توكّل على الله وراح.

وهو قاعد على العين شاف حيّه طالعه على الشجرة، وبقوا أولاد المارد يلعبوا على الشجرة. لما شافها راح قتلها. وبعد سويّ إجا المارد، ولقى أولاده يبصيحوا، وقالوا له عن الشاب إنه أنقذ حياتهم لما قتل الحيّه. فسأله المارد عن أي طلب بدّه إيّاه عشان يلبيله إيّاه، فطلب منه أنّه يفتح العين لأهل البلد. وطلب منه أنّه يوصله لبلده! فطلب منه المارد أربعين قرية غسل وأربعين خروف يحطها على جناحيه. ولما عرف الملك إن المارد عفا عن بنته، هاذي بنته اللي روّحوها اخوته، البنت اللي اعطته السّواره، الملك مريض وكبير، فاتخذها بنته، وهاي اللي كان الدور عليها يوخدها المارد. المارد فتح العين للبلد! ناداه الملك وأكرمه وسأله إذا بده أي طلب يريد، وانه بدّه يزوجه بنته! لكن الشّبّ خلّى البنت لأبوها، وطلب منه أربعين قرية غسل وأربعين خروف وهو ما طلبه منه المارد، وأجا المارد قدام قصر الملك وحط على جناحه أربعين قرية غسل وعلى جناحه الثاني الأربعين خروف وركب على ظهره وطلب المارد منه أن يعطيه كل ما صرخ، كل ما صاح، خروف وقرية غسل، وبقي كل ما صرخ يعطيه! ولما قرب يوصل البلد، صرخ المارد، وبقي مش ظايل غسل وخرفان أعطاه شقفه من رجله، ولما حطّها في ثمة المارد عرفها وما أكلها! ولما وصلوا البلد أعطاه إيّاه، وأعطاه كوم شعر عشان كل ما وقع في ضيق أو شدّة، فيبجي المارد لعنده وينقذه من الضيق، وودعه المارد وراح. ولما وصل الشّبّ البلد اشتري من ملحمه كرشه ومصارين، ولقّها على راسه، فسموه في البلد إقريعون. وصار يدور على شغل بس ما حدا رضي يشغله. وراح على هالصايغ وسأله عن شغل فشغله يهزّ سرير بنته ويدير باله عليها. نرجع مرجوعنا لإخوته في البلد أولاد المعزوزه، إبحوزوا من البنتين اللي أطلعهن إقريعون من البير، وعملوا هالعرس إللي تعال شوف واتفرج! أما البنت الثالثه، عتبت تتحوز، وحطت شرط إنها مابتتجوز الآ الللي يجيب لها إسواره مثل السّواره إللي في إيدها. وراحوا فنشوا في كل المحلات ما لقبوا مثلها بالمزّه، وما عرفوا يصنعوا زّيها. إقريعون قال له أنا بعمل زيه، فخاف معلمه الصايغ إنه ما يعرف، ويقطع الملك راسه! بسّ إقريعون قال وأكد لمعلمه إنه بعرف يعمل مثلها. بس حط شرط إنه يجيب له شوال فستق وجوز. عشان السّواره اللي معاه هي نفسها إللي اعطته إيّاه في البير زيّ إللي في إيدها، عشان يعرفوا بعض لما إفترقوا. ولما طلع الصبح أعطى السّواره لمعلمه، وأعطاها للبنت. ولما أخذتها عرفت إنه حبيبتها في البلد وما رضيت تتحوز. وثاني يوم صارت غزوه ضد الملك، وراحوا يتفرجوا على المعركة، وخلّوا إقريعون في الدار عند البنت. قام إقريعون أسقى البنت بنج، وحرق شعره من إللي أعطاه إيّاهن المارد وإلا هالحصان من ذهب وسيف من ذهب وكل إشي فيه ذهب بذهب، وراح المعركة وهزمهم والناس مبهورين في خفة هالفارس وشجاعته وقوّته. وعاد إقريعون على الدار بدون ما حدا يعرف مين هو. وقعد ع بين ما رجع معلمه ومرته. وصاروا يحزّفوا في إقريعون عن الفارس وقالوا له: في أخرى معركة. وكأنه إقريعون ما بعرف إشي صار يقول لهم خذوني بكره على المعركة عشان أنفرج! بسّ هم قالوا له: لا. ولما طلّعوا حرق شعره ثانيه وزّي ما عمل أول مرّه عمل ثاني مرّه، وقتل منهم خلق كثير، والللي انقتل انقتل، والللي شرد نفد. لكن الشّبّ إنجرح، قام الملك نزل ولفّ

له الجرح ببشكير، ولما خلصت المعركة رجع إقريعون ع الدار بدون حدا ما يعرف عنه إشي، والجميع يتعجب فيه، في هالفارس اللي سوا العجايب! طلب الملك من بنته إنحما تشجوز، ولكنها رفضت وقالت: ما بوخذ الا إللي بصنع مثل إسوارتي وقال لها: كيف توخذي إقريعون؟! فقالت: بس جربوا جيوه. فطلبوا إقريعون، أجا إقريعون للملك وقعد في القرنه وأجت البنت وطلبت من الملك أنه يكشف عن إيدته ولما كشف عنها شاف إيدته ملفوفه ببشكيره. عرفه، وقالت البنت كل إشي، إنه ابنه، وهو إللي طرد صد الغزو! وهو اللي أطلع البنات لإخوته وقطعوا الحبل فيه بعد ما طلع خطيبته، وإنما هي إعطته إسواره زي إللي معاها عشان يعرفوا بعض فيها. وقال له الملك: صحيح الكلام؟ قال له ابنه: نعم صحيح، وأنا ابن المهجورة إللي جاب لك الغزلان وأعطوها إلك إخوتي أولاد المعزوزه، وإذا بدك تعرف مزبوط الحكمي ولأ، إكشف عن قفاهم بتشوف إللي قتلتك عليه! وبعث الملك ورا أولاده وكشف عنهم وشاف إللي قال عنه أخوهم، وشاف صدق أقواله، وكذب أقوال إخوته، وطرد الملك الإخوه الاثنين، وصار ابن المهجوره ابن المعزوزه وأولاد المعزوزه هي المهجوره وأولادها...



ديدرونه

كان يا ما كان نحزف ولآ ننام؟ نحزف!

كان في هالبيت حلوه وعابشه عند أبوها وإسمها ديدرونه. هاي ديدرونه كانت بنت معدله، شاطره دايما، ومرتبّه البيت، وتردّ على أبوها بكل إشي. عاد كان أبوها صياد. كل يوم يرجع على البيت صايد غزال، ويسنّ يدقّ على الباب كان يحكيها: ديدرونه، أنا بيك وأنا خيك وأنا صياد الغزال، فيعرف عاد إنه أبوها، وتفتح الباب! وفي يوم من الأيام قرر أبوها يتجوّز ويجيها مرت أبو! بعد ما تجوز أبوها صارت مرته دايما تضربها، وتخليها تشتغل كل شغل البيت! وديدرونه دايماً ساكنه ومكسوره، ولا تردّ عليها. حاولت مرت أبوها تطقّش البنّت وما قدرت. وفي يوم من الأيام إتفقت مرت أبوها مع الغول، وطلبت منه إنه يوخّذها يربّيها! بس ما هي ما بتطلع من البيت. قالت له: أحسن شي إنك تبجي على البيت لما يطلع أبوها، وتحكيها زي ما بقول لها أبوها، عشان تفتحله الباب. ديدرونه، إفتحيلي أنا خيك أنا بيك أنا صياد الغزال! وفي يوم من الأيام، طلعت مرت أبو من الدار، وأجا الغول، ودقّ على الباب وقال لها: زي ما بقول لها أبوها لما يدق على الباب:

- ديدرونه إفتحيلي أنا بيك وأنا خيك وأنا صياد الغزال.

ولما فتحتله، همّ عليها وخطفها، وحطها عنده في مغاره وسخّه ما فيها إشي! وصار كل يوم الغول الصبح يجيها أكل عشان يطعميها، عشان تنصح وبعدين يوكلها! وديدرونه كانت ما ترضى توكل ودايماً بيعيط. قام الغول في يوم من الأيام مرض كثير، وما كان يقدر يقوم من كتر ما هو مريض. وفي يوم من الأيام فكّرت ديدرونه تشرد من عند الغول وهو مش قادر. قامت لما صار الليل، قامت ديدرونه بدها تحرب ولآ الغول بيعيط من كتر ما هو مريض وهو مش قادر. قامت لما صارت بدها تحرب شفقت عليه وراحت صارت تدبر بالها على الغول وتحضّره أكل، وصاروا اصحاب هي وياه، وصار الغول يجيها وبطل بدّه يوكلها.

وفي يوم من الأيام طلبت منه إنّا ترجع لأبوها، وافق الغول وقال لها: لإنك كنتي منيحه معي بدّي أرجعك لأبوكي وأعاقب مرت أبوكي، لإنها السبب وما بتحكيكش. قام راح هو وياه لعند دار أبوها، ودقّ على الباب، ولما فتحت مرت أبوها الباب، همّ عليها الغول وأكلها، لإنها كانت مش منيحه مع

دیدرونه. ورجعت دیدرونه لأبوها وحكتله شو صار معها، وكيف مرت أبوها كانت تعاملها وحكت
للغول إنه يوكلها، وعاشت دیدرونه مع أبوها بسلام وأمان!
وهاي خريفتي طار طيرها وعلى المستمعين غيرها!



بنت الغول

باقيلك ما باقيلك، بحكيلك ما بيكيلك، هالغول وعنده هالبننت، وهالبننت بتملّي الجتره من العين كل يوم، وفي حمامات على العين لابن السلطان، فالحمامات كل ما بتيجي بنت الغول بحكوا لها:

(يا بنت الغول ما احلوك وما اكوسك

تفافيح الذهب تحت ميغزلك¹⁷³

الغول ريريتك ويكتره باكلك)

بتروح البننت زعلانه، بسألها الغول:

- مالك يابا زعلانه؟

- بتقول له: ولا إشي. أول يوم، ثاني يوم، ثالث يوم، تيجي زعلانه! قعدت الحمامات بحكولها هيك، قال الغول اليوم الرابع بدي أشوف مين بزعلها على العين. قام راقبها من ورا لورا، وشاف

الحمامات يقنن لها:

(يا بنت الغول ما احلوك وما اكوسك

تفافيح الذهب تحت ميغزلك

الغول ريريتك ويكتره باكلك)

صارت تعيط، وروحت! ولما وصلت الدار قال لها أبوها: لما يقنن لك هيك، إحكيهين:

بكره بشجوز ابن السلطان وبذبحكين ليلة عرسي

ثاني يوم راحت تملي، يوم حكاها أبوها هيك قنن لها:

(يا بنت الغول ما احلوك وما اكوسك

تفافيح الذهب تحت ميغزلك

الغول ريريتك ويكتره باكلك)

قالت لمن:

بكره بشجوز ابن السلطان وبذبحكين ليلة عرسي

173. تفافيح: جمع تفاح، المغزل: أداة الغزل اليدوية

صارن الحمامات يكتن الريش لما حكتلهن هيك، ثالث مرّه، لما راحت تملي قلن لها نفس الحكي. قامن الحمامات رّوحن ما عليهن ريش من الخوف! قال ابن السلطان: بدّي ألحق هالحمامات تشوف مين بقلع ريشهن، راح يمشي ورا الحمامات، ورا لورا، وسمع الحمامات شو قلن لها، وبنن الغول شو قالت لهن، قمن كتين الريش. وروّح ابن السلطان على بيته وقال لأمه:

- قيمي فراش الهنا وحطيلي فراش الظنا.

- فقالت له أمه: مالك؟

- قال لها: بدّي أئجوز بنت الغول!

- قالت له: إنقطعن بنات الأمراء والوزراء لتئجوز بنت الغول؟ ظلّ ابن السلطان نايم بفراشه، وتعب، وقال لهم: أبداً بدّي بنت الغول. قرروا دار السلطان يروحوا ويخطبوا بنت الغول. طرحوا عليه السلام وقالوا:

- السلام عليكم يا بونا الغول.

- قال لهم: لولا سلامكم غلب كلامكم لخليت السبع جبال يسمعن صحن عظامكم. بعدين قالوا:

- يا أبونا الغول طالبين بنتك للسلطان.

- فقال لهم: أنا لا عايز مال ولا إشي، ما حيلتي إلا هالبت! بعدين إيش؟ ئجوزها ابن السلطان. وصار الناس يقولوا ابن السلطان ئجوز بنت الغول. روح يا يوم وتعال يا يوم، حملت بنت الغول وجابت بنت، لما جابت بنت، خلفتها بالليل، أجا الصبح الغول، مسح ثمّ الأم بدم، وأخذ البنت من عندها. أجا ابن السلطان قال لها:

- وين البنت؟

- قالت له: أجا الكنتكت بتمشى أخذ البنت وراح يتعشى وأنا بالدلال بطشّ طشه.

- ردت حملت مرت ابن السلطان وجابت ولد، أخذه الغول ورد دهن ثمّ الأم بالدم، وقصد باب الله، فأجا ابن السلطان وقال لها:

- وين ودّيت الولد؟

- قالت له: أجا الكنتكت بتمشى أخذ البنت وراح يتعشى وأنا بالدلال بطشّ طشه.

- ردت حملت مرت ابن السلطان كمان مرّه، وجابت ولد، رد أجا الغول ونفس القصة. أجا ابن السلطان وقال لها:

- وين الولد؟

- قالت له: نفس الشّي،

- قال لها: ينعن أبوك على أبو الكنتكت، كل ما تخلفي ولد بتحكي لي هيك!

- قالت إمه: هاي غوله زي أبوها كل ما خلفت ولد بتوكله! فقرّر ابن السلطان يتجوز وحده غيرها. وقال شو بدّي فيها؟ هاي غوله. لما قرّر يتجوز خطب، ولما صار يوم الزفاف، وعرف الغول إن ابن السلطان بدو يتجوز على بنته، فرجع الأولاد لأمهم، وقال لها: اسم الأول ناھي، وواحد مُنتهي،

والبنت شمس الضحى! قالت لهم الأم: اليوم عرس أبوكم، روحوا أحضروا عرسه، وخذوا الذبله لابوكم، وأعطوه إياها وهو على اللوج! ضلوا الولاد قاعدين عند العروس والعريس، روحوا كل الناس إلا الاولاد، وقالت لهم العروس:

- ما أقل أدبكم! كل الناس رّوحوا إلا إنتوا!


- قالت لهم البنت:

الدار دار أبونا واجوا العُزْب يطحونا

وإن كان ما بتعرفونا هاذي علامة إمنا وأبونا

وامي جابت ناهي ومنتهي وشمس الضحى. بعدين إيش كمان؟ شايف الذبله، عرف إنّا ذبله مرته العتيقه بنت الغول! راح لمرته العتيقه. لما رجع على مرته العتيقه، قال لها: وين بقيتي حاطّتيهم؟ قالت له: بقى أبوي يربلي فيهم! وبعدين، دشّر العروس إللي بقى بده يشجّوزها، ورجع لمرته واولاده، وعاشوا بسبات ونبات!





الطير حِضْر

فيه باقي هالزله إله ولد و بنت . ماتت امهم . وباقي لهم هالجاره الأرملة، وكل يوم بقت تحجز هالاولاد،
وتظل تووّر في روسهم:

- قولوا لي بدش أبوكو يتحوز؟ ويجاوبوا الاولاد:
إساع مش وقته.

- وتقول لهم: طيب ليش ما تقولوا له: يا بابا إنحوز جارتنا! ويروحوا الاولاد لأبوهم ويقولوا له إللي
قالت لهم إياه:

- يا بابا إنحوز جارتنا،

- ويرد عليهم أبوهم ويقول لهم: إنتو إساع صغار، ولما بدتي أنحوز رايح خالتكو تضربكوا، ولما تكبروا
أنا رايح أنحوز مرّة ثانية. ويقول لبنته: أنا رايح أستقي حتى تصيري كبيره، وتصيري تملّي الجره ميه.
راحت البننت لجارتهم وقالت لها:

- أبوي يقول هيذ هيذ. وجارتهم لما سمعت هذا الحكي راحت وملّت الجرّة ميه من العين وقالت
للبننت قولي لأبوك:

- يا بابا أنا هالقيت كبيره وهاني مليت الجرّة ميه، أنحوز جارتنا.

- وأبوها يقول لها: أنا رايح أنحوز لما تصيري كبيره وتقدري تعجني العجين، لما تصيري كبيرة، وتصيري
تخبزي وتطبخي“. وجارتهم تبجي لدارهم وتشتغل كل الشغل إللي أبوهم بقول عنه، والبننت تبجي
لأبوها وتقول: يا بابا هاي أنا سويت الشغله الفلانيه والشغله الفلانيه، يا بابا إنحوز جارتنا. وفي
الأخر الأب أنحوز جارتهم. وبعد ما أنحوزها إنقلبت على الاولاد وصارت تضربهم. وفي يوم قال لها
جوزها:

- يا مره والله إشتهينا طبخة الكرشات

- قالت له: جيب الكرشات وأنا بطبخها.

راح الزله وجاب الكرشات وقامت المره وفركتها ونظفتها وحطتها على النار، وباقي جوزها يحرق في
الأرض، وبعدها حطت الكرشات على النار، وبدت تنصّف في أرضية الغرفة، وبعد ما سحبت شوط

أو شوطين أجاج بالها تشوف الطبخ إذا إستوى، تناولت رجل وأكلتها، وراحت تمسح، وبعد ما سحبت بالمكنسه شوط أو شوطين مرّه ثانيه قالت: خليني أحرّك الطبخ وأشوف إذا إستوى. وتناولت شوي من الكرشات وأكلته، وبعدها عرفت شو سوت، إنها أكلت كل الكرشات، وما خلّت وراها ولا إشي، وبدت تصيح بي، وتقول: يا شيطان خذني، شو بدني أسوي هالقيت قرّب يرجع من الحراث، وشو بدّه يوكل؟ والله غير يقتلني، غير يسخّم وجهي.

- روجي يابنت نادي لي أخوك. صاحبت البننت لأنها عارفه مرت أبوها شو ناويه تسوي فيه، شو بدك في أخوي يا خالتي؟
- قالت لها: أنا بقول لك روجي ناديه، والله إذا ما ناديتيه رايح أقتلك من حق هالقيت. راحت البننت برّه وصارت تصيح:

هي يا خوي... تعال وما تجيش!

هي يا خوي... تعال وما تجيش!

سنوا لك السكاكين... في ابواب الدكاكين!

رجعت لخالتها وقالت:

- أنا ما قدرتش الاقيه. مرت أبوها رجعت لورا وقالت:
- أنا بقول لك روجي ناديه، قوام زي الطير وإلا رايح أذبحك! طلعت البننت برّه وصارت تنادي:
هي يا خوي... تعال وما تجيش!
هي يا خوي... تعال وما تجيش!

سنوا لك السكاكين... في ابواب الدكاكين!

- قالت المرّه: هاذي آخر مرّه! أنا رايح أقتلك إذا ما جيتش، وفي الأخير البننت نادت أخوها، وأجا للدار. مرت أبوه أخذته لجوّه، وسكّرت الباب، وذبحته، وقطعته شقف، وطبخته مثل ما تطبخ الكرشات في القدرة! وأخته بقت قاعده تصيح وتعيط، وقالت لها مرت أبوها: إعتري نفسك ميته إذا إنت بتقولي لأبوك أو أي شخص ثاني. رجع الزله من الحراث، وبقي جعان، وقال لمرته:
طبختي الكرشات؟
- قالت له: أيوه طبختهن.

جابت المره القدرة، وقتّت شوية خبز في صحن، وصبّت عليها المرقه، وحطّت اللحما على فوق القفّ، وقعدوا حوالين الصحن. قال الأبو للبننت:

تعال لي كلي،

- قالت: لا يا بابا أنا شبعان قبل شوويه أخذت أكل وأكلت.
- قالت مرت أبوها لجوزها: دشّرها لحالها، شو بدك فيها، طولة اليوم وهي ثرّم¹⁷⁴ وتوكل.
- قال الأبو: صحيح بس وين أخوك بدشي يوكل؟

174. ثرّم: يتاكل بقايا الطعام وما سقط منه.

- قالت المرة: قبل اشويّ أكل وطلع بره يلعب، بس يرجع ولو نصّ الليل، أنا بحضّر له أكل. من هذاك اليوم صار الزلّة يسرح بدري على الأرض مع جماعته، وبقي يرجع تعبان آخر النهار بعد ما تغيب الشمس! وكل ما بقي يسأل عن الولد تقول له: أكل وطلع قبل شوي يلعب. وبعد ما أكل الأبوا لحماّت أخوها قامت البنّت، وجمعت العظام ودفنتهن في جوره في طرف البستان. وكل يوم الصبح بقت تقعد جنب الخلل إللي دفنت فيه العظام تبدي تعيط وتصيح حتى تنقطع دموعها، وبعدين ترجع ع الدار. وفي يوم من الأيام بقي عرس عند جيرانهم وأبوها ومرت أبوها وكل بنات الجيران لبسوا أحسن وأوعيهم وراحوا للعرس، ولما البنّت شافت ما فيش حدا قالت لحالها بدي أبجش على العظام، وأشوفهن مره ثانية. وبعد ما حفرت لقت جرة رخام، وحفرت أعمق شويه وما دفنتهاش، وطار منها طير أخضر! بقت الجزّه ملانه أساور وخواتم وحلق ذهب، وبقي فيها ثياب حلوة! لبستها البنّت ولبست كل الذهب وراحت للعرس، وكل من شافها تعجب من حلالة هالثياب والذهب! بس ما حدا عرفها ولما بقي الناس ماشيين في الزّقه، حام حوالين راس العريس طير أخضر وغنى:

أنا الطير الأخضر إللي مزّسن المحضر
مرت أبوي ذبختي وأبوي أكل من لحمي

وأختي هالخنونه حسنّ الله عليها

جمعت عظيماي وحطّتهن في زجيماتي¹⁷⁵


الجميع صاروا يطلعوا وصاحوا هذا طير وبحكي! ونسوا العرس والزّفة. وانتبهوا للطير وصاروا يقولوا:

- قول يا طير قول ما أحلى قولتاك
- قال الطير: أنا مش رايح أقول تا تفتح المرة اللّي هناك ثمّها، مرت أبوه فتحت ثمّها، وسقطّ الطير في ثمّها كبشة مسامير وإبر، وهي بلعتها وقدام الناس ماتت!
وعاود الناس وقالوا:

- قول يا طير قول ما أحلى قولتاك
- قال الطير الأخضر: أنا مش راح أقول حتى الزلّه اللّي هناك يفتح ثمّ، قام أبوه فتح ثمّ، والطير سقطّ في ثمّ كبشة مسامير وإبر! وهو لحري مات. وعادوا الناس قالوا له:
- قول يا طير قول ما أحلى قولتاك
- جاوبهم الطير الأخضر: أنا مش رايح أقول إشي حتى البنّت هذيك تفتح حجرها، وفتحت أخته حجرها. هدى الطير الأخضر عليه، وقدام الناس قلب لوكّد مره ثانية زي ما بقى في الأول! وراحوا الاخوه الاثنين للبيت، وعاشوا مع بعض، وهذي حدوتي قلت الكو إياها وفي إيدكو إندشرها....!







البنيت اللي ودّرت اخوتها السبعة

كان يا مكان، في قديم الزمان هالزله ومرته مخلفين سبع ولاد و بنت. الأولاد صاروا شباب، و البنيت صبيه، أربع خمس سنين توفت إهمم. عندهم هالجاره أرملة لها بنت. صارت كل يوم تروح تعجن وتخبز وتغسل وتطبخ على ميعاد ترويحهم. تروح كل يوم على هالمنوال صارت تقول للبنيت: قولي لأبوكي بابا نُجُوزُ جارتنا. صارت البنيت كل يوم تقول له، يوم من الأيام وافق و نُجُوزُ. نُجُوزُ من هون و حطت حطاط الشباب من هون زهقوا دشروا البلاد وطلعوا منها. أجوا تقولي ع هالاحراش لقيو هالمغاره نظفوها ورتطوها و قعدوا فيها و ظلت هالبنيت لخالها بدون إخوتها. تروح تلعب مع البنات، ما يرضينش بلعين معها وصرن يقلن إلها يا قشيلك ظيعتي السبع إخوه. هالبنيت تروح ع الدار و تصير تعيط، يوم عندهم جاره ختياره راحت سألتها:

- طب يا ستي البنات بقولن إلي ظيعت السبع إخوة كيف أنا ظيعتهم أنا مالي؟
- قالت لها: لإنك يا بنيتي إنت السبب في جيزة أبوك من جارتكم لإنها قويه وقطّاعه¹⁷⁶.
راحت الأيام أجت الأيام توفي أبوها ظلّت قاعدة مع مرت أبوها و بنتها، صارت هاي مرت أبوها طول النهار ملبّسات و طالعات وهي بتشتغل في الدار، يوم من الأيام طفرت المره مظلّش حيلتهم حيله، و قالت وهي هاي بدها تظلّ برقمي بدّي أودّرها. ليله من هالليالي الدنيا قمر، نصّ هالليل صحّتها من النوم و قالت لها: قومي بدنا نجيب حطب، حملن هالمدوار و الفانوس و مشين، إمشي إمشي، ياخالتي نميل هون؟ كون قالت لها: لع، لُقْدَام لُقْدَام تا وصلت آخر البراري و القفار. ما وصلن إلّا هي مطروحة من التعب. حطت هالمدورة تحت راسها و إنجمت غفّيت. هذيك، مرّة أبوها سلّت حالها و روّحت. وجه الصبح صحيت هالبنيت إلّا هي بمالبراري و القفار و من الواويات من كل الجهات صوتن قائم. خافت. قالت بما يا حبيبي وين بدّي أروح؟ طلعت ع الشجرة عين يفطى النهار. لما أفضى النهار نزلت تطلّعت هيك لُقْبِيله¹⁷⁷، قالت: والله مالي إلّا أدور تلى هذيك القَبِيله. صارت تمشي توصلت هالجبل. تطلّعت هيك، و لا هالمغارة. فاتت لقيت حصيرة وفيها فراش و لحفه، فاتت عليها. قامت هالفراش و كتته و طلّعت

176. قطّاعه: لا تحب قريبات الزوج و تظهر البغضاء لهن.

177. لقْبِيله: في فلسطين اتجاه الجنوب، باتجاه قبلة المسلمين.

- برة، وقامت بالحصيرة ولحّت غرام الجلي. ولقيت عندهم أرناب برّيه، جابتهن وحطّتهن بمالطنجرة وطبختهن. والله هي قاعدة تطبخ وآ واحد من هالشباب جاي. إنفاجاً! قال لها: إنت إنس ولا جن؟
- قالت له: أنا إنسيه.
- قال لها: عليك الله وأمان الله، إنت إختي بعهد الله والختاين يخونه الله. إقعدني خرفني قصتك. خرفته قصتها. قال لها: إذن إنت أختي فريط رمان الذهب.
- أقعدني.
- قالت له: وإنت خرفني شو صار معكم؟ خرفها قصتهم وقال لها: إحنا متفقين كل يوم واحد يروح ويطبخ ويحبيب مي. والله عمودت ترويعه إخوته قال لها: قومي تخبي. ولما وصلوا إخوته، قال لهم: إرموا الأمان، رموا الأمان قال لها:
- إطلي عليك الله وأمان الله وهذول إخوتك بعهد الله والختاين يخونه الله. طلعت قالوا له: شو هذا؟ قال لهم:
- هاي أختنا فريط رمان الذهب، معقول!! خرفتهم القصة قالوا لها:
- خليك قاعدة عنا لا بدنا نشوفها ولا تشوفنا. صاروا يسرحوا ويروحوا ويبجوا مثل عادتهم وهي تظل بالمغارة وكل يوم واحد يروح قبل ما يروحوا إخوته، مشان يعييلها مي. والله وهي قاعدة تحت هالشجرة وإلا هالشخاد جاي عليها إرزقيني الله يرزقك، إجت أعطته هالزكاكه¹⁷⁸ وهالشنارة وقعد صار يوكل ويستدعي. قال لها:
- إم إيش بقولوا لك؟
- أنا فريط رمان الذهب،
- إنت ومين عايشة بمالبراري وهالقفار؟
- قالت له: أنا وإخوتي، صار يستدعيهم. رّوح وكمل مشواره أجا ع بلد دار أبوها لقي مرت أبوها بتفلي بنتها من الطفر مقملات¹⁷⁹. قال لها:
- إرزقيني؟
- قالت له: طيب غور، إحنا مش لاقين اللقمة.
- قال لها: روحي خليك لعطيّة فريط رمان الذهب. ومشى، صارت تنادي عليه - قالت له: تعال بعطيك إللي بدك إياه بس دلّي على فريط رمان الذهب.
- قال لها: شو بدك فيها؟
- قالت له: هاي بنتي، وزمان وأنا أدور عليها.
- قال لها: قاعدين في جبل في مغارة.
- قالت له: بدك تيجي تدلّي عليها وأنا بعطيك إللي بدك إياه.

178. الزكاكه: فأصلها الرقاقة، وحولت للقاف الى كاف، وهي قطعة من رغيف الخبز. رقيقة كالشراج..

179. مقملات: القمل يسعى في شعر رؤوسهن، وعلى بعض أجزاء اجسادهن،

- قال لها: طيب.

هذيك باللبل عملت هالكعك، وحتّطت هالسموم، وعبّت هالسّله، ومشت هي واياه فقالت له:
- ما تخليهاش تشوفك. من بعيد أشرّ لها وقال لها:

- شايه شجرة البلوط هاي في باب المغار. مشت، وصلتها لقيتها قاعده بتغسل. تفاجأت البنّت
دشعت عليها، قال صارت تبّوس فيها وتقول لها: أنا بتندّم ورجعت أدور عليك وما لقيتكش.
إجت قعدت هي واياها، وحيّتها. والله شوي إلا واحد من إخوتها جاي. قالت له: هاي
مرت ابوي. فات لقي سلة هالكعك محطوطه، شكّ في الأمر. أجا بحش هالجوره، ودار هالسّله
وطمرهن، وفصّى السّله، وحتّط لها إياها برفيتها وقال لها: الطريق إلی جيتيها إرجعيها. سحبت
حالها، ياكّبها ويا تعشها¹⁸⁰! بس اشو عندها غضب. قالت شو بدّي أعمل فيهم هذول؟ والله
يوم وهي بتتلّبح¹⁸¹ بدها تشوف الشحاد، إلا هو نافد. شو؟ لقيتي فريط رمان الذهب وانبسّطي
فيها؟ قالت له: ولا! بس بدّي أودّيلها هالهديه. إجت لهاخاتم ودهنته بسمّ ولقّته وقالت له: بدك
تعطيها إياه وما ترضى تحطّه إلا بشمها. راح لقيها بتعجن. قال لها:

- بتسلم عليك مرت أبوكي ودّلتك هالهديه، إلا بدّي احطّه بئمك.

- قالت له: حطه هون هون، بالأخير زهقت فتحت ثمها وحتّطه. هذاك ظلّ مروّح، وهذيك بلعت
ريقها تسممت، ظلّت على قعدتها إيديها بالعجين. أخوها لقيها ع هالخال ياختي ياختي ما ردّتش!
حطها قدامه ع هالحصان، ونزل ع هالبلد، وهو ماشي قال لهم:
- وين أوخذها قالوا له:

- خذها عند الدايه أختها. صارت تقلّب وتشقّلّب فيها، لا وقعت ولا إشي كل إشي ساغ فيها.
تطلّعت بثّمها، شافت إشي مدت إيدها، إلا هالخاتم فحصته لقيته مسموم. عالجتها، وبأمر الله
طابت. قال لها أخوها:

- أنوه إلی حط الخاتم بئمك؟

- قالت لهم: إنه هذا الخاتم من مرت أبوي. لامها أخوها وقال لها:


- بعدك بتأمّيلها؟ رّحووا. راحت الأيام، إجت الأيام، قالت: إشو بدّي أعمل؟ راحت إتفتت هي
وواحد يصنع جزمات وكنادر صنع الها سبع جواز جزمات ودّخن مع الشحاد. وصار يبيع، ولما
وصلها قال لها: معي جزم قال لها: لازم توخذهم كلهم وشرط بلبسوهن مع بعض. رّحووا. قالت
لهم: أنا إشتريتلكم جزمات. قالوا لها: جزاك الله خير. قالت لهم: بس لازم تلبسوهن مع بعض.
بقدره قادر قلبوا بقر. قعدت هاي البنّت وصارت تعيط. سحبت خيلهم، وأخذهم ونزلت على
البلد. إمشي إمشي، إجت ع دار المختار. ظيّفوها. قالت لهم:

- بقراتي معاي

180. ياكّبها ويا تعسها: يا حزنها وتعاستها.

181. بتتلّبح: تتلبد لتستكشف،

- قالوا لها: وين؟
- قالت لهم: محل ما بقعد بقعدن.
- قال لها: شو يا عمي؟
- قالت له: هاذ إلي أجاك قال لها:
- شو مرفهتنيهن هذول البقرات؟ قالت له القصة كلها. شفق عليها وعلى إخوتها. وعلى وصفتها لهذا الشحاد قال لهم: جيبوا لي إياه. فتنشوا عليه وجابوه. قال لهم:
- أنا يا عمي أنا ماليش مصلحه.
- قال له: هاذا من مرت أبوها. جابوا واحد قال لهم: هاي حلها بسيط، إغلوا مي وحطوا إجرهم وإيديهم مع بعضهن، وبأمر الله رجعوا العاده وزياده. ورجعوا زي ما بقوا. والمختار إنجوز البنات، والإخوه إنجوزوا وعاشوا في ثبات ونبات وخلفوا صبيان وبنات ودرتهم هناك وجيت. وطار الطير الله بمسيكم بالخير..



كُثِم بُلْثِم

فيه هالمره وهالزله، خلّفت المره هالبننت وتوفت لإمأيه. في إلم هالجاره هي تَحْمَم هالبننت، وتغسل أواعياها، وتطعمها، وتسقيها، عشنها إزغيره. كبرت إلا هي بتقولها:

- قولي لأبوكي خليه يَنْجُوز
- قالت لها: قلت له بابا إنْجُوز إلا هو بقول لها: شو أُنْجُوز؟! أنا بَنْجُوزش يحكمنك النسوان.
- إلا بتقول له: لأ، إنْجُوز جارتننا ما أحلاها ما أحسنها معاي، بتحممني، وتغسل لي وتطعمني وتسقينني!
- إلا هو بقول لها: بَنْجُوزش إلا تعرفني تقلي البيظه.
- طيب راحت قالت لها بَنْجُوزش أبوي إلا تني أعرف أقلي البيظه إلا هي بتقول لها: هي صنعة أجراء قلي البيظه؟ جبي هالباثور¹⁸²، بقى من زمان فشي غازات إلا هالباوير. دقي هالبايور، حطي في القلاية زيت وطقي البيظه. علمتها كيف تقلي البيظه. راحت قالت لبوها هيني بعرف أقلي البيظه بابا! إلا هو بقول لها: طيب بَنْجُوزش إلا تعرفني تطولي الخبز من البنايه، بقى زمان مافش نلاجات، بقوا يعلقوا الخبز في شقة الدار¹⁸³، قالت لها: بَنْجُوزش أبوي إلا تني أعرف أطول الخبز وهو مُعلَق في سقف الدار، قالت لها: وهي صنعة أجراء حطي كراسي وإطلي عالكرسي وطوليهن. طالتهن. باقين في سلّات يحطو الخبز. قالت له:
- هيني بعرف بابا أقلي البيظه، وبعرف أطول الخبز.
- قال لها: يعني بدك أُنْجُوز؟
- قالت له: آه إنْجُوز جارتننا.
- قالت لها: قلت له طيب إنْجُوز جارتننا.
- طيب، خطب عليها ونجّوزها. إلا روح يا يوم روح يا شهر إلا هي بتقول لها:

182. الببور: هو أداة الطبخ الذي يعمل باستخدام الكاز، وقد شاع استعماله قبل ظهور وسائل الطبخ الأخرى سواء التي تعمل بواسطة الغاز أو الكهرباء.

183. شقة الدار: مكان مرتفع تعلق عليه المواد الغذائية كالخبز وسواه.

- في سبع دور، سبع غرف قالت لها: خذي هذوله سبع مفاتيح افتحي جميع الغرف ما عدا هذي الغرفة إوعك تفتحها السابعة. وأنا بدى أروح عخالاتي وعماتي أزورهن.
- قالت لها: طيب.
- مرت أبوها راحت من هان وهي فاتت من هان على أول غرفه، لقت فيها هالقمح والطحين والسكر والرز والعدس. هاظا طيب، ولّا كل هالخيرات فيها، ردت سكرتها. فتحت الثانية، فيها ألعاب. انبسطت، قالت يايايه طيب أمنتني ع كلّ هاظا! طيب ليش هذي الغرفة السابعة ما خلتنيش أفتحها؟ بدى أفتحها! تيجي تحط المفتاح تنها تفتحها تردّ تقيمه، خايفه! بعدين قالت والله غير أفتحها! فتحتها، ولّا هالعبد الاسود في شعره مربوط في السقف! بس شافها قال لها:
- بدى اشرب إسقيني.
- قالت له: مرت ابوي بتقتلني.
- قال لها: لأ، بقولهاش، بتعرفش، إسقيني ميت من العطش هيني سبع ايام ما ذقتش الميه! وين هي راحت مرت أبوك؟
- قالت له: راحت عند عمّاتها وخالاتها.
- قال لها: طيب إسقيني. هاي الابريق، قومي إسقيني فيه. طالت الابريق، وأسقته. قام طبعلها جوهره في صباحها.
- قال لها: روحي.
- هاذي شافت هالجوهره وانجنت! ربطت راسها في هالمنديل ونامت. أجت مرت أبوها. شافتها معصّيه، إلا هي بتقول لها:
- مالك يا كلثوم خالك نايمه خالك مُعصّيه؟
- إلا هي بتقول لها: راسي بوجعني يا مرت أبوي!
- قالت لها طيب.
- راحت ترمح وين؟ عالعيد، فتحت عليه إلا هي بتقول له:
- مين أحسن مني، أزكى مني، مين أشلب مني؟
- قال لها: الشمس منيحه والقمر منيح، بس كلثوم أحسن منك.
- إلا هي بتقول له: شو وراك كلثوم؟
- إلا هو بقول لها: ولّا ما هي فتحت عليي وأسقتني وطبعت لها جوهره في صباحها.
- راحت ترمح عليها قالت لها:
- إنت مريضه؟ تعالي جاي! قامت العصبه عن راسها، إلا هي هالجوهره في راسها في صباحها!
- قامت جابت سبع هالإبر وغزّهن في راسها، صارت حمامه! وين راحت ع هالباستان، ولّا هي بتقول:
- يا بستان شوفك شوفك
- واللي تحتك يقلب فوقك

قام قلب فيه ناطور البستان، قلب! غمي! هي طاحت الحمامه صارت من كلشي تخشم حبه، وتنقر حبه¹⁸⁴ وتوكلها. قال باقي البستان لابن الملك. راح قال له: يا سيدي هيذ هيذ بتيجي الحمامه وتبول هيذ وتقول هيذ وأنا بصحاش ع حالي بعدين بس أفيق بتقول:

يا بستان شوفك شوفك

اللي تحتك يقلب فوقك

بقلب، وأنا بصير أتفقد في البستان بلاقي من كل شجره مقطوم حبه، ومنقور حبه، قال له:

- خذ هاي ميت دينار وازقظلي إياها.

- قال له: طيب.

إنبسط وهو راح يرمح قال له: هيها يا سيدي، زقطتها الحمامه. حطها في حظنه، وصار يحسس عراسها ويساوي فيه هيك، الإبر حَمَشَن¹⁸⁵ في إيديه صار بلقت، ولا هته إبر! صار يكسّر فيهن. إتفرج ولأ هي هالصبية سبحان الخلاق واللي خلقها أحسن منها! طيب، هذيك راحت عالعيد، طيب، إلا بتقول له:

- مين أحسن مني؟! مين أركى مني؟! مين أشلب مني!؟

- قال لها: الشمس منيحه والقمر منيح، بس كلثوم أحسن منك!

- إلا هي بتقول له: قشل عليك! ما هذيك فرت حمامه.

- إلا بقول لها: قشل عليك! ماهو زقطها ابن الملك وهيه تجوزها، وهيه جيلي.

- إلا هي بتقول له: طيب بوزيك!

باقيه في المنطقه جميعها فش إلا دايه وحده تولد النسوان. راحت لها، قالت لها: - خذي هاي ميت دينار وبس يسجلك ابن الملك تروحي تولدي مرته، بتقولي لي. إللي بتجيبه وتخطي البس تحتها وبتوخذي إللي جابته.

- قالت لها: طيب!

والله وقت شهرها كلثم بلثم. وراحوا جابوا الدايه. أخذت هالبس معها حطته في عيها، وراحت قالت لهم: ما فش ولا واحد يحظر ميلادها إلا أنا، بدي أولدها مني لحالي. طيب جابت ولد، لمئها جابت ولد، جابت حطت هالبس تحتها، وخبت الولد وطلعت. إلا هو حاتمها وجوزها قالوا لها:

- ولدت كلثم بلثم؟

- قالت لهم: ولدت، شو جاب الله؟

- قالت لهم: يا الله الحمد لله عسلامتها، جابت بس!

- إلا بقولوا لها: بممش! فلتوا هالبس، فلتوه في هالخلا، وقالوا: بممش، المهم سلامتها أحسن من كل إشي. طيب، ما هي الخزيهه بساع¹⁸⁶، جبلت، عالأربعين، جبلت. ردت هذيك الولد أخذته وين

184. تُخشم حبه وتنقر حبه: تقضم قضمه من حبه، وتنقر الاخرى لتخريها

185. حَمَشِين: جرحنه أو كادت الإبر أن تجرحه

186. بساع: تمضي حوادنها بسرعة :

- خبّته عند وحده تربيته. راحت للعبد، هاذي مرت أبوها إلا بتقول له:
- مين أحسن مني؟ مين أزكى مني؟ مين أشلب مني؟
 - قال لها: الشمس منيحه، والقمر منيح، بس كلثم بلثم أحسن منك!
 - قالت له: قشل عليك ماهي جابت بس. وهاي هالقيت بطلقها جوزها، ويتروح في الشوارع.
 - قال لها: قشل عليك، زادت المحبه، وهَيِّها حامل! راحت ردّت للدّايه إلا بتقول لها: خذي هي ميتين دينار ويتساوي مثل أول مرّه حطّي بسّ تحتها! راحت، ودّوا لها مشان تروح تولدها. راحت جابت ولد ردّت حطّت بسّ تحتها، قالت لهم:
 - جابت بسّ.
 - قالوا: ياالله المهم الحمدلله ع سلامتها، سلامتها أحسن من كل الأولاد، رنا بعووظ.
 - فلتّوا هالبس وهي راحت. طيّب، ع بداية السنّه ردّت خلّفت! راحت ع العبد قالت له:
 - مين أحسن مني؟ مين أزكى مني؟
 - قال لها: الشمس منيحه والقمر منيح، بس كلثم بلثم أحسن منك!
 - قالت له: قشل عليك! ما هي ردّت جابت بسّ، هالقيت بطلقها.
 - قال لها: قشل عليك، زادت المحبه، وهالقيت هَيِّها حامل.
 - قال لها: البساس مش نافع!
 - قالت ما ليش إلا أروح أنا بحالي عليها، راحت للدّايه قالت لها: إسمعي لما يجوكي ينادوكي قولي لهم هذي خالتها بدها تحظر ميلادها بدي أروح معاكي، وثلاثية دينار. والله أجوا لها راحت قالت لهم:
 - هاذي خالتها جايه من أميركا بدها تحظر ميلادها. عبرت معاها جابت بنت. ميخذه سبع إبر.
 - غرّت في راسها سبع إبر، وفزّت حمامه من الشباك! وهي نامت محلها! إلا بتقول لهم:
 - الحمدلله ع سلامتها جابت بنت.
 - قالوا المهم سلامتها أحسن من كل إشي، الحمدلله.
 - لما عبّر جوزها بقول لإمّه:
 - يّمّا هاذي مش مرّي!
 - قالت له: لأ، يّمّا يعدمك إمك، عشان جابت بنت صارت مش مرتك؟! أما إللي بتجيب بسّاس بقت مرتك!؟
 - قال لها: لأ هاذي مش مرّي أنا غشيم عن مرّي؟
 - إلا بتقول له: لأ يّمّا هذي من الحبل والولاده ع شانها كل سنه بتجيب، من الحبل والولاده متغير عليها.
 - بقول لها: لأ مش مرّي،
 - دهلزت عليه أمه، عبّر عندها

- الحمد لله ع السلامه.

- الله يسلمك.

صار يجيبلها في أكل، هالقفته، الحمامه وين راحت ع البستان:

- يا بستان زين شووك شووك ابني نايم ولا قاعد؟

- قال لها: نايم.

- قالت له: نوم الهنا نوم السرير، ريت إللي نايم في فراشه إللي توكله دم وحيايا وعرييد!

صاروا مش ملحقين تقتيل عرييد وحيايا! شو المصبيه إللي طبّت عليهم! طيب راح البستنجي قال

لإبن الملك قال له: ياسيدي الحمامه إللي أجت أول مره، أخرى ردّت إجت وبتقول هيذ هيذ قال له:

خذ هاي ميتين دينار، وازقطني إياها. طيب، والله هي الحمامه قاعده بتعدد في حالها بدها تحكي، راح

يركض عليها، قال له:

- ياسيدي هي زقطتها.

- قال له: طيب هات حطها في حظنه، وصار يحسّس ع راسها، يحسّس على جسمها، ولا هنّ

صارن يخمشن الإبر، صار يطول فيهن، طال آخر إبره، السابعه، إلا هي مرته! إلا بقول لها:

- شو إللي صار؟

- قالت له: هيذ هيذ..

- قال لها: طيب راح سكر عليها الباب. وراح نادى الدايه قال لها:

- إسمعي بذك تحكي الصراحه، ولا هالقيت بقطع راسك.

- مرني باقيه تجيب بساس؟

- لأ، قالت له!

- قال لها: وين الولاد إللي جابتهم؟ شو جابت مرني أول بطن؟

- قالت له: جابت ولد، وثاني مرّه ولد.

- قال لها: طيب وين همّه؟ جيبيهم ولا بقطع راسك!

- قالت له: إولادك في حظن أختي.

أولاً هو ولد ابن سنتين وولد ابن سنه بمشوا. راحت جابتهم.

- قالت له: أنا حطيتهن في الحظانه في إيد وحده تربيهم.

- قال لها: طيب ليش سوّيتي هيذ؟ ليش ما قلتي لي من الأول؟!

- قالت له: ما انا طمعت في المصاري.


- قال لها: ما انا أعطيتك مصاري وتساوي في مرني هيذ!

- قالت له: خلص ما هو صار إللي صار!

- قال لها: طيب خذي هاي مصاري.

وراح ربطوها، ربطوا مرت أبوها، ونادى بصلاة محمد يا من يحب الله والنبي، يجيب حطب ونار! صاروا

يجيبوا في هالخطب وفي هالنار كۆموا هالكوم هالقده وولعوا هالنار وربطوها، ربطتها. قلعت عين من
عينها وقطعت رجل من رجليها وإيد من إيديها وخطوها في النار، مرت أبوها. وأخذت البنت كلثم
بلثم، وعاشوا عيشه هنيه ولقمه طريه! وتوته توته خلصت الحدوته...



المعزوزة والمهجورة

كان يا ما كان في سالف العصر والأوان ملك متجوز ثنتين وحده معزوزه والثانية مهجوره، وباقي للمهجوره ولد وللمعزوزه ولدين، ويوم من الأيام باقين الثلث اولاد يلعبوا في الطابه فسقطت تحت العراق، طاح ابن المهجوره يجيبها إلا في ريشة ملونه بألوان عجيبة، أخذها وراح على أبوه هو وأخوته قال الملك: إلي يجيب الطير صاحب هذي الريشه بقعد مطرحي ع العرش. إتجهزوا للسفر وأخذوا زاده وزواده، ظلوا يمشوا حتى وصلوا مفترق طرق على العين. قعد ابن المهجورة يوكل لحاله وقعدوا أولاد المعزوزه لحالم، إجت كلبه على العين. وراحت على أولاد المعزوزه طردوها، وبعدين راحت على ابن المهجوره أطعمها من إللي معاه، وبعدين مشوا توصلوا على مفترق فيه ثلاث طرق، طريق غريق وطريق حريق وطريق إتودي وما تجيب. راحوا كل واحد في طريق وراح ابن المهجوره في الطريق إللي بتودي ما تجيب. وباقي اسمه محمد، اللهم صلي على سيدنا محمد. وبقت الكلبه إللي أطعمها معاه تسير قدامه، ما شاف إلا الكلبه صارت بنت حلوه. دلته على الطريق وقالت له: بذك تلاقي في الطريق غول سلم عليه وقص الغول روح أخوي في الطريق بذلك، ولاقي الغول الثاني، فعمل له مثل الغول الأول. قال له: بدّي الطير إللي منّه هذي الريشه. قال له الغول: أختي في الطريق وإنت ماشي بتذلك، إذا لاقيت عينها حمر ما تقرحاش، وإذا لاقيت عينها صافيه وتجرش إرعم من طحينها ومصّ من حليبها.

راح لاقى عينها صافيه سوا مثل ما قال له الغول.

- قالت: يا شاطر محمد، رعمت من إطحيناتي ومصيت من حليباتي وصرت ولد من أولاداتي. شو بتريد؟

- قال: بدّي الطير إللي منّه هذي الريشه.

- قالت: هذا الطير موجود في غابة كبيره، ومسؤول عنها مارد كبير، وعنده عدد من الغيلان، وما بتقدر تقتله إلا بسيفه. روح وإياك تقطع من التفاح أو من أي ثمر قبل ما تعدّ سبع شجرات، وبعدها إقطع، وإذا قطعت بزغرت الغصن وتجتمع عليك الغيلان وبتموت.

راح على الغابه. شاف المارد نام، وبنت قاعده في جنبه، والسيف تحت راسه، والطير في قصص معلق على شجرة، وما حداش يقدر يطوله إلا إذا قتل المارد. راح على البنت وطلب منها إنحأ تسحب السياف،

وبالفعل سحبتة وأعطته إياه، وظرب المارد وقتله، وأخذ الطير والبنت والسياف والثمار والذهب إلهي بقى عند المارد، وحملها على أربعين جبل، ومشى ودَع الغيلان ورجع على المملكه. وهو في الطريق إلتقى بأولاد المعزوه وبقت عليهم أواعي وسخه وممّزعه شرا إلهم أواعي من السوق وأخذهم معاه، لما صاروا على العين بدهم يقدروا أخوهم قالوا إنه مين بده يطيح بملّي؟ قال الشاطر محمد أنا، قبل ما يطيح البنت أعطته سوارتحا طاح العين وملأ المي، وسقوا الطرش إلهي معاهم، وقطعوا الجبل وتركوه في العين! وأخذوا الطير والمال والبنت ورّوحوا. قامت الافراح والليالي الملاح وظلّت المهجوره في بيتها وغلقت الأبواب! أجا جماعه على العين يسقوا فمسك في الجبل، قالوا له: إنس ولا جان؟ قال: إنس. إرفعوني. رفعوه. أجا للراعي واشترى منه أواعيه وسخل وأعطى أواعيه للراعي. ذبح الشاطر محمد السخل وأكله، وعمل طاقبه من كرش السخل وحطها على راسه. أجا الملك يجوز البنت لإبنه الكبير، قالت أنا ما بتجوزش غير تتجيبوا أخت السواره هذي! راح أولاد الملك يدوزوا على الصياع إلهي بقدر يسوي زيها، ما حدش عرف، وإلهي ما يعرفش يقطعوا راسه. أجا عليهم الشاطر محمد وقال:

- أنا بصنع سواره زي إلهي معكم،

- قالوا إذا بتعرفش قطعنا راسك


- قال: موافق، قال ما عليكم إلا تجيبوا لي كيلو بندق، جابوا له وعبر في غرفه وسكر الباب، وأخذ يطقش ويوكل. الصبح أعطاهم الاسواره إلهي معاه وأعطاهم إياها لاقوها أختها. راحوا على البنت قالت:

- أنا بتجوزش غير تجيبوا لي إلهي صاغ السواره!

- قالوا لها: هذا وسخ وإقرع.

- قالت: جيويه.

لما جابوه كشف عن راسه. عرفته. قالت هذا هو إلهي جابني، وقطعوا الجبل فيه في العين، وهم ما جابوش إشي. قام الملك وقعد على الكرسي ونادى على الناس إلهي بحب السلطان وابن السلطان يجيب شقفة نار وحظن حطب ويحطه باب دار الملك! وأشعل النار وجاب المعزوه والولدين إلهي إلهي ورماهم في النار. قامت الافراح للمهجوره وتجوّز الشاطر محمد البنت، وصار ملك مطرح أبوه!
وطار الطير الله بمسيكم بالخير..



طَلَب ياعرب طلب

باقي هالزيلة إله سبع أولاد وهالبننت. ماتت مرته وبعد سنتين هو مات. صارت البننت ترتي فيهم تصاروا زلام وكبروا. لما كبروا صارت تقول لهم: يا إخوتي بدى أفرح فيكم كل واحد يشوفله بنت حلال يعيش هو وياها. وبعدين كل واحد شافله وحده. باقين جايبينهم أمهم ورا بعض، وقالوا يوم الجمعة المجايه العرس. والله إجت الجمعة، ودخلوا هالولاد، وقطعت البننت حالها من كثر ما رقصت! والله وقعدوها في غرفه لحالها وصاروا كلهم يروحوا عليها ويلاقوا أكل وفواكه، لكن أنو إلهي إنغاظ من هالاشي نسوانهم، قلن: هذي بدها تظل ملاهيه جيزاناً عنّا، تعالن تندبرها. والله في الليل تجتمعن وسوين حالهن زعلانات. رُوحوا جيزانهم شو مالكن؟ وبدين يعيطن، صاروا يقولوا شو صاير؟ قالت وحده فيهن: بدناش أخرى نعيطن والشباب طيحه طلعه على أختكم؟ وقالوا: هذا مش معقول! والله أول يوم قعد الكبير ينظر الدار، ما جاش ولا واحد، ثاني يوم قعد الزغير ما شافش حدا، وظلّوا كل يوم يقعد واحد في الأخير ما شافوش حدا. فقالوا: هذي لعبه من النسوان، لكن بدهن يدبرن خطه غير هادي. إتفقن مع بعضهن. ولما أجوا المغرب قلن:

- طلاقنا كوم وأختكم تظل في هالدنيا كوم.

- فقالوا: شو بدنا نسوي؟

- قلن: والله إنتو حرين.

والله قالوا يالله روحوا تنروح نشم الهوا، وأخذوا البننت معهم. والله وركبها على الناقه تنهم أبعدوا، والبننت سهت عينها ونامت، وهم يخلّوها نايه، ويسحبوا حالهم ويروحوا، وأخذوا دم الحزروف قالوا للنسوان: قتلناها، وانسطن النسوان. بنرجع للبننت، والله ظلّت نايه لوجه الصبح، فقيره من التعب قامت لاقت إيدها والحصيره¹⁸⁷، قالت لا حول ولا قوة إلا بالله العلي العظيم، والله من بعيد إلا هالدار، مشت شوي، وقعدت قريه من الدار، شفنها نسوان صاحب الدار إلا هي مثل القمر من كثر ما هي نشطه¹⁸⁸. راحت قالت إله وحده فيهن:

187. ايدها والحصيره: .

188. نشطه: الأصل نشيطة، لكنها هنا تعني غاية في الجمال.

- روجي إنصربي فكّي عنا بقول لك الشيخ.
- قالت مش رايح.
- رجعت المرة وقالت لجوزها: مش راضية تروح. ودَى العبد قال الخدّام: بقول لك سيدي تفضلي عندنا، والله راحت مع الخدّام وقعدت هناك ثلاثة أيام وثلاث،¹⁸⁹ وبعدين سألوها:
- من وين إنّي؟
- قالت أنا مقطوعه، وخزفتهم القصه.
- قال الأمير: بدك تتجوزي يا بنت على سة الله ورسوله.
- قالت: بتجوز.
- والله كسالمها وصيغها وحنّاه، وثاني يوم إنجوزها على سنة الله ورسوله. خلّفت ولد مثل القمر وإتفقوا يسمّوه طلب. كبر طلب وصار عمره أربع عشر سنه. غارن مته نسوان أبوه واتفقن يطّيعنه. قلن لأولادهن بدكم تظّيعوه وتقتلوه. الولد بتصعب عليه يخالف أمه، راحوا على أبوهم قالوا:
- يابا خلّي طلب يروح معنا على الصيد
- قال لهم: طلب صغير بقدرش يروح.
- آخر إشي من كثر ما لحوا عليه، قال لهم أبوهم إذا إمّه بتوافق خليه يروح. والله راحوا على إمّه وقالوا لها:
- خلّي طلب يروح معنا على الصيد،
- قالت: طلب صغير وأنا ما ليش غيره. ظلّوا يقنعوا فيها. في الأخير قالت: روح بس ديروا بالكم عليه. والله راح الولد معهم لما صاروا هناك نام الولد نوم عميق. قال واحد من الاولاد:
- بدنا نقتله.
- قال الصغير: والله إذا قتلته لأقول لأبوي!
- والله خافوا وروحوا. ولما صبحي وجه الصبح، قام الولد من النوم وظلّ يمشي تته لاقى هالمغاره مطوية. بخرّ فيها إلا فيها بنت بتمشّط في شعرها. قال لها:
- شو بتسوي هان؟
- قالت: يا خايب هالقيت بيجي الغول ويوكلك.
- والله باقي الغول ميكل البلد ومش ظايل غير هالبت، وبده يتجوزها، وهي تقول له اليوم وبكره وبتركن فيه، مشان إبتدّر حالها وتفقس! والله وبعدين باقي الغول معلّمها السحر، سحرت الولد إبره في صدرها. ولما أجا الغول من الرعيّة، قعد وقال:
- باقي ريحة إنس.
- قالت البنت: الإنس منك وفي ذالك.
- وقال لها: بدنا نتجوز،
- قالت بدنا حليب من الناقه، وأشرت له عليها وبقايه هذي الناقه مجنونه. وظلّ الغول يطارد وراها

189. قعدت ثلث أيام وثلث: في العرف البيدي أنه لا يجوز للمضيف أن يسأل ضيفه أي سؤال قبل مضي هذه المدة.

تَنَّهُ رَقَطَهَا، لَكِنْ مَاتَ مِنَ التَّعَبِ. وَبَاقِي هَذَا الْغَوْلِ مَا يُقْتَلُشْ غَيْرَ سَيْفِهِ. وَرَاحَ الْغَوْلُ تَنَّهُ يَحْلِبُ وَأَعْطَتِ السَّيْفَ لَطَلْبِ، وَقَالَتْ: رُوحَ أَقْتَلُهُ، وَإِنْ قَالَ لَكَ نَتِّي، قَوْلَ لَه: مَا عَلِمْتِنِيشْ إِمِّي! وَاللَّهِ وَهَنَاكَ مَطْمَلْ رَاسِهِ رَاحَ طَلْبِ ظَرِبَهُ بِالسَّيْفِ إِلَّا هُوَ قَاتَلَهُ، وَأَخَذُوا هَالْحَوْشِ¹⁹⁰ مِنَ الْغَنَمِ وَالْبِقَرِ، وَبَعْدِينَ رَاحُوا ظَلُّوا يَمْشُوا تَغَابَتِ الشَّمْسُ عَلَيْهِمْ. قَالُوا بَدْنَا نَتَامُ وَاللَّهِ طَلْبِ نَامِ، وَهِيَ ظَلَّتْ قَاعِدَهُ. سَمِعْتُ هَالْحَيْلِ جَايَهُ مِنْ بَعِيدٍ. وَقَفُوا وَصَارُوا يَتُوشُوشُوا وَيَقُولُوا خَلَيْهِمْ لِلصَّبْحِ. وَاللَّهِ نَامُوا الْهَرَامِيَّةَ. وَهِيَ نَصَّ اللَّيْلِ تَبَهَتْ طَلْبِ، وَسَاقُوا هَالْحَوْشِ وَظَلُّوا رَايَجِينَ وَالصَّبْحِ قَامُوا الْهَرَامِيَّةَ لَاقُوا إِيْدِيهِمْ وَالْحَصِيرَةَ. وَلَحَقُوا طَلْبِ وَالْبِنْتَ إِلَيَّ مَعَاهُ وَلَمَّا شَافَهُمْ بَلَاحِقُوا فِيهِ بَدَا يَجَارِبُ فِيهِمْ. وَبَاقِي مَعَاهُ سَيْفِ الْغَوْلِ، وَهَذَا مَاظِي كَثِيرٌ، وَاللَّهِ قَتَلَهُمْ كُلَّهُمْ تَظَلَّ مِنْهُمْ وَاحِدًا قَالَ: دَخَيْكَ خَلِيْنِي مَعَاكَ أَنَا خَدَامِكَ. وَاللَّهِ شَفَقَ عَلَيْهِ، وَدَشَّرَهُ. لَكِنَّ الْبِنْتَ بَاقِيَهُ فَصَحَّهُ، قَالَتْ: أَقْتَلُهُ وَلَا بَغْدْرِكَ! وَاللَّهِ مَارَدَشْ عَلَيْهَا. وَظَلُّوا مَاشِيَيْنَ تَصَارُوا بَعِيدِينَ عَنِ الْبَيْرِ مَيْتِينَ مِترَ وَنَصَبُوا بَيْتَ هَالشَّعْرِ. رَاحَ طَلْبِ وَالْخَدَامُ تَنَّهُمْ يَسْقُوا الْحَوْشِ. قَالَ طَلْبِ لِلْهَرَامِيِّ:

- طِيحَ إِنْتَ فِي الْبَيْرِ.

- قَالَ لَه: أَنَا ثَقِيلٌ وَبِتَقْدَرَشْ تَرْفَعْنِي.

وَاللَّهِ طَلْبِ رَاحَ وَظَلَّ يَمْلِكِي تَنَّهُ سَقَى كُلَّ الْحَوْشِ، وَهَلَقِيَتْ بِيَدِهِ يَطْلَعُ ظِلَّ يَرْفَعُ فِيهِ تَنَّهُ صَارَ نَصَّ الْبَيْرِ وَقَطَعَ الْحَيْلَ فِيهِ، وَقَالَ لَه: مِثْلَ مَا أَرَيْتَ خَرْفَ. وَذَبِحَ هَالسَّخْلَ وَرَمَى الْجِلْدَ عَلَى بَابِ هَالْبَيْرِ وَرَاحَ قَالَ لَهَا: إِطْبِخِيهِ. سَأَلْتَهُ عَنْ طَلْبِ قَالَ لَهَا: بَدْرِيْشِ وَبَيْنَ رَاحِ. وَاللَّهِ طَبَخَتْ هَالسَّخْلَ، تَاتَعَشُوا وَنَامَ الزُّبْلَةُ. أَمَّا هِيَ مَا نَامَتْشْ ظَلَّتْ تَمَشِيْ تَنْهَا وَصَلَّتِ الْبَيْرَ نَادَتْ عَلَيْهِ طَلْبِ قَالَ: نَعَمْ. أَخَذَتْ نَصَّ الْحَيْلِ وَصَارَتْ تَقْطَعُ مِنَ الْجِلْدِ، وَتَرْبِطُ، وَظَلَّتْ تَرْفَعُ تَنَّهُ رَفَعْتَهُ، وَطَلَعَ رَاحُوا عَلَى الْخَيْمَةِ، وَاللَّهِ إِلَّا هُوَ نَائِمٌ. خَشَّتْ طَالَتْ السَّيْفَ وَقَالَتْ: إِقْتَلُهُ وَاللَّهِ أَخَذَ السَّيْفَ وَعَبَّرَ دَقَّهُ بِالسَّيْفِ، قَالَ دَخَيْكَ قَالَ لَه: أَمْنَتُكَ أَوَّلَ مَرَّةٍ، وَظَرِبَهُ بِالسَّيْفِ وَقَتَلَهُ. وَرَحَلُوا، ظَلُّوا يَمْشُوا تَنْهَمُ قَرَبُوا عَلَى بِلْدِهِمْ، وَنَصَبُوا خَيْمَهُ هَنَاكَ، وَصَارَ يَرْعَى الْغَنَمَ وَيَرْجِعُوا عَلَى بَيْتِ الشَّعْرِ. وَاللَّهِ يَوْمَ مِنَ الْأَيَّامِ قَالَ لِلْبِنْتَ رُوحِي وَدِّيْ لِلْمَرَّةِ هَذِيكَ طَبِيخَ الْحَمِّ. وَتَقَعَدَ الْبِنْتَ عِنْدَ الْمَرَّةِ وَانْبَسَطَتْ لِلْبِنْتَ، وَصَارَتْ تَحْبُ تَسْمَعُهَا تَحْكِي. وَبَعْدِينَ ذَبِحَ هَالذَّبِيْحَتَيْنِ وَعَزَمَ كُلَّ الْحَمُولَةِ وَاخْوَتَهُ وَشِيْخَ الْبِلْدِ وَاتَّعَشُوا. وَبَعْدَ مَا اتَّعَشُوا النَّاسُ وَرَوَّحُوا، بَدَّ أَبُوهُ وَاخْوَتَهُ يَرَوَّحُوا، قَالَ: خَلِيْكُمْ إِنْتَوُ بَعْدِينَ بَتَرَوَّحُوا مِثْلَانِ نَسَهَرُ مَعَ بَعْظُنَا. وَاللَّهِ وَقَعَدُوا وَقَالُوا:

- أَنُوهُ إِلَيَّ بِيَدِهِ يَخَرْفُ؟ إِيْمَجَلِّيْ وَلَا الظَّفِيْفَ


- قَالُوا: الْخَرْفَ عَلَى الْمُحَلِّي.

وَاللَّهِ وَخَرْفَ طَلْبِ الْقَصَّةِ، مِنْ يَوْمِ جَابَتْهُ إِمَّةٌ لِهَذَا الْيَوْمِ. عَرَفَهُ أَبُوهُ وَصَارَ يَبُوسُ فِيهِ وَيَصْبِيحُ طَلْبِ يَا عَرَبِ طَلْبِ! وَاللَّهِ إِخْوَتَهُ صَارُوا يَعْطُوا وَقَالُوا: شُو مَا بَدَكَ يَا أَخُونَا سَوِيْ فِينَا. وَاللَّهِ قَالَ وَبَيْنَ إِمِّي؟ جَابُوا إِمَّةً وَهِيَ عَجْزَانَةٌ. وَاللَّهِ مَسَحَ عَلَى عَيْنَيْهَا، وَقَامَتْ فَتَحَتْ! وَسَوَّا حَفْلَهُ لِيْشْ يَرْجِعُ طَلْبِ. وَطَلَّقَ شَيْخَ الْعَرَبِ نَسْوَانَهُ، وَظَلَّ طَلْبِ وَإِمَّةٌ هَالْقَيْتَ بَدَّهُ يَنْجُوْزُ طَلْبِ عَلَى الْبِنْتَ. وَاللَّهِ كَسُوْلَهَا، وَصَيَّغُوْلَهَا، وَبَعْدَ جَمْعِهِ

190. الْحَوْشُ: مَا تَجَمَّعَ أَوْ تَحَوَّشَ عِنْدَهُمْ مِنَ الْمَاشِيَةِ.

كَمَلُوا العرس، والله يُجَوِّز طلب، وقامت هالأفراح والليالي الملاح، وأكلنا من اقراهم¹⁹¹.
وأجينا ودشرناهم.

191. اقراهم: طببخ العرس. القرى هو اطعام الضيف، وتستعمل في اللهجة الدارجة بمعنى طببخ المناسبات السعيدة يقدم للضيوف المعزومين.



محمد والحصان

بقي هالزله إله هالولد، ذكي الولد، مليح يعني فصيح. الولد ميته إمه وأبوه متجوز إله مرت أبو. يوم من الأيام قال لأبوه الولد: يا با بدّي تشتري لي حصان، راح أبوه شراله هالحصان صار يرّي فيه ويهتم فيه. مرت أبوه قالت شو هالولد أبوه صار يهتم فيه. بقرا¹⁹² الولد في المدرسه. راحت مرت أبو قالت لعجوز السوّ¹⁹³، قالت لها:

- يا اختياره، أنا عندي ابن جوزي هاذا فصيح كثير، وأبوه بتمت فيه، وأنا بديش إياه.
- قالت لها: حطّيله سمّ في قرص في شغله.
- والله سوت هالقرص مع بيض وحطّته سمّ فيه. أجا قال لها:
- يامرت أبوي بدّي أوكل، أجا من المدرسه. - قالت له: يا ابني هانا هو، ها يا حبيبي بما أنا سويتلك هالقرص، روح كُله. - قال: عجيبه. قال لها: هني بدّي أروح عند الحصان وأرجع.
- أول ما راح ع الحصان ملّس عليه بوسه، لقيه بعيط. قال له:
- مالك بتعيط؟ صار يعيط! قال له: مالك بتعيط؟
- قال له: بعيط عليك،
- قال له: ليش؟
- قال له: مرت أبوك حطّلتك سمّ في القرص. مش توكله!
- قال له: لأ. راح.
- قال: مرت أبوي وبين القرص إللي سويتيلي آياه؟
- قالت له: هاذا هو، أقعد كُله بما.
- قال لها: لأ بدّي أوكل برّه،
- كُله هان.

192. بقرا الولد: بقرا، قلبت الهمزة الى ألف لينه، وتعني انه يذهب للمدرسة كي يتعلم.

193. عجوز السوّ: عجوز السوء، وهنا أيضاً ظاهرة تخفيف همزة القطع بحذف الهمزة والاستعاضة عنها بقلب الهمزة إلى واو فتصير الواو الأصلية مشددة. كما أن عجوز السوء قريبة من الساحرة في صفاتها الشريرة..

- قال لها: لأ.
- أخذه وراح رماه ظلّ بالجوع. ماجاش، هي تقول هالقيت بيحي! ما جاش، أجا المغرب، ما فشّ إشي.
- راحت للعجوز وقالت لها:
- وُلّ¹⁹⁴ وين راح السّم،
- قالت: ساويله في زغلول، إحشيله زغلول، وحطّيله فيه.
- حشّته هالزغلول وحطّته. وأجا ثاني يوم، أول ما شاف الحصان ببّوسه وملمّس عليه، لقيه بعيط،
- قال له:
- مالك؟
- قال له: أخرى بعيط عليك.
- قال له: مالك؟
- قال له: مرت أبوك حطّتك سمّ في الزغلول. مش توكله! بلاش هالأكل!
- قال له: باكّلش. راح.
- قال لها: يا مرت أبوي وين غداي؟
- قالت له: هان هو يمّه، خذلك إياه هان هو الزغلول، أقعد كُله.
- قال لها: لأ أنا بوكل بزّه. أخذه وراح رماه.
- قالت لها: هذا دواكي مانفّش.
- قالت: طيب، شو عنده هو؟
- قالت: عنده حصان.
- قالت هذا الحصان هو إللي بقول له، إنّي إطلبي ذبح الحصان.
- قالت لها: كيف بدهم يذبحوا الحصان؟
- قالت لها: نامي وأمرطي وقولي أجا عليّ واحد طويل وقال لي بطيبش غير تّوكلني قلب الحصان إللي عندكم.
- قالت: ها، مليح.
- قامت جابت يّم حطّت هالفراش ونامت وصارت تصيح: يا ظهري، يا بطني، يا قلبي، يا راسي!
- أجا جوزها:
- مالك يامره؟
- قالت له: بدي أموت، شو فيكي؟
- قالت له: هيني، وأجا عليّ هالطيب، وقال لي ما بتطبي غير تّوكلني قلب الحصان.
- قال: وُلّ! هذا طلب صعب

194. وُلّ: الويل، وتستعمل كأداة تعجب عند الدهشة.

- قالت له: صعب ولا أكيد يعني بذك أموت؟! بلاه¹⁹⁵،
 - قال لأ، تايجي محمد ونشوفه.
 يوم إنه أجا الولد شاف الحصان صار يبوس فيه. لقيه بعيط. قال له:
 - مالك؟
 - قال له: بقيت أعيط عليك، هيني صرت أعيط ع حالي.
 - قال له: ليش؟
 - قال له: مرت أبوك سوت حالها مريضه، وبدها منشان تذبجي، وأبطل أقول لك إشي! بس إنت
 قول لها بممش، فنبذجه. بس يايا تجيبلي بدله، وأنا من يوم جبت هالحصان ما ركيتش عليه، ولا
 طاردت عليه، ولا إشي. بدّي تجيب لي عدّه وأطارد عليه شوّي، بعدين بعطيك إياه،
 وبتذجه. وانت يوم أنك تسلّمني لأبوك إنت قول لي خاطرک، بديش أقعد عندك، وأنا بلحقك،
 ما تخافش! وخذلك هّاي هالثلاث شعرات هذوله، ويتنا ما بدك إياي بتولع شعره باجيك وين
 ما كان.
 - قال له: طيب!
 رُوح على مرت أبوه لقي أبوه قاعد و صافن مش داري شو يسوّي!
 - قال له: مالك يايا زعلان؟
 - قال له: شوف يايا، مرت أبوك مريضه وشوف هالمصيبه، أنا مش قادر أقول لك إشي، هذا بدّه
 قلب الحصان إللي عندك.
 - قال له: ولّ يايا! أنا بعزّ الحصان على مرت أبوي؟!
 - قال له: ندبجه؟
 - قال له: إذبجه. بس! أنا عندي طلب منك، آخر طلب هستا
 - قال له: شو؟ قال بدّي تجيبلي بدله وتجيبي عدّه للحصان، وأركبه، وأطارد عليه شوّي، بعدين
 إذبجه.
 - قال: بسيطه.
 طاح ع هالسوق جابله هالبدله، وجاب عدّه لهالحصان، وحطّها ع الحصان وطاح في السهل. تقول
 طارده شوّي، وطلع ع هالدار.
 - وقال له: تفضّل يايا هي رسن الحصان. مسّكه إياه. وأنا يايا خاطرک!
 - يايا وين بذك تروح وتدشّرتي؟!
 - قال له: خلص.
 هو مشى هالولد، وهداك ماسك في هالحصان، بخر وراه المقيش حدا! إلا هو ملك باقي الحصان.
 تريحت من لئنين. هو مشى في طريقه وهو يمشي إلا هالراعي، قال بدّي أنتجّي. قعد عنده، تحزّف هو

195. بلاه: لا اريد، اتنازل عنه.

- وياه، أجا هالراعي ذبح هالسخل، وقعد يشوي هو وياه. قال له:
- شو رأيك تعطيني حوايجك، غياراتك إللي عليك، وتوخذ غياراتي؟
 - قال له: إنت بدلتك نظيفه جديده، كيف بدك تعطيني اياها وتوخذ بدلتي مقطمه؟!
 - قال له: أنا هيك بحب
 - قال له: خذها، شلح أواعيه هالراعي وأعطاه إياها، ولبس بدلته وأجا جاب هالكرشه، كرشه السخل، وحتطها غ راسه ومشى، إستهبل، صار هبيل! وهو بمشي قعد تحت هالقصر، تحت قصر هالسلطان، قال له:
 - شو قاعد هانا يا ولدي
 - قال له: شو بتقدر تشتغل
 - قال له: يشتغل بئسنجي في البستان
 - قال له: تعال اشتغل.
- شغله في البستان. البستان فيه خيار، وفيه بندوره، وفيه فقوس، فيه جميع الخضرة! وهو يظل يشرف غ هالخضرة. والله يوم تايها الخضرة صارت بدها تنقطع، قام في هالليل ولع هالشعره، والا هالفرس جاي، لم لبس هالبدله، من هالخرج طالها، وركب غ الحصان ودار في هالخضرة يطارد تامنه ضل لوجه الصبح، وأجا شلح هالبدله وحتطها في هالخرج، وأفلت هالحصان، ولبس بدلته العتيقه، وحتط هالحجر ع بطنه، وصار يصيح! شو مالك فزعوا عليه هالحراس، قال لهم:
- أجا علمي ناس وختشوا¹⁹⁶ هالخضرة، وحتطوا علمي هالبلاطه وراحوا.
 - قال السلطان: بالله بسيطه. هاذا الزبله زرع أخرى مره. قالوا شو: هاذا الصبح بدنا نطيح إنقطع. الصبح رد ولع هالشعره ولا هالحصان جاي ركب في هالليل، ركب، وختش نفس الإشي. بعدين حط هالحوايج في هالخرج، وأفقد الحصان ما لقيه. وحتط هالبلاطه غ بطنه، وصار يصيح! هذول الصبح أجوا، شو؟ شو فيه؟ شو هالخضرة؟ أنو إللي داير يتسليط¹⁹⁷ علينا؟! انو إللي داير ييجي غ هالخضرة؟ قال: أبعرفهمش! هاذي بنت الملك، بنت السلطان، بنت صاحب البستان، ماهي في القصر فوق. قالت: والله غير أشوف هذا هاللي بعمل هالعمل. ردت صارت هالخضرة، قعدت في هالشباك تمته ولع هالشعره إلا هالفرس جاي يسهل! ركبه وراح يهطش¹⁹⁸ عها هالخضرة، وهي شافته. وبعدين عقب ما¹⁹⁹ هطشها طاح شلح هالبدله، حطها في هالخرج، ولبس بدلته وحتط هالحجر على بطنه وصار يصيح. شافته. أجوا الصبح هالحراس قالوا بدناش عاد هالبستنجي هاذا خلوه في

196. خفشوا: خربوا

197. يشتلظ: يتسلط

198. يهطش: يهشم

199. عقب ما: بعدما

- هالخش! هي شافته البنت ردّوا زرعوا هالخضرة تصارت²⁰⁰. السلطان عنده ثلاث بنات، خوات، هي الثالثة، راحت قالت لهالبيستنجي، مشان أبوهن يجوزهن، قالت للبيستنجي: روح جيب الخيار، جيب من راس النوّاره²⁰¹، وجيب وحده معسيّه²⁰²، ووحده وسط. راح، حطّلها في هالسله وحده معسيّه، ووحده وسط، ووحده راس النوّاره! أخذتحن لأبوها، وراحت ع القصر. قالت:
- يا با.
 - قال لها: نعم
 - قالت له: خذ جبتلك هديه،
 - قال لها: شو هديتك؟
 - قالت له: هاي هي. مسك هالخيار، أول وحده المعسيّه، عضّها ورمها، ثاني وحده، عضّها وقال هاذي مش نافع. الأخرى، مسك إللي في راس النوّاره، قال لها:
 - شو يعني؟ بدك تتجوزي؟
 - قالتله: عمّتك يا با هاذي الخيار، ما ذقتهاش، وهاذي الثانيه رميتها، ما ذقتهاش! الثالثه إللي في راس النوّاره،
 - قال لها: شو معنى هالحكي؟
 - قالت: خواتي فانت عليهن! بدهمش يتجوزوا. ما ظلّش إلا أنا بدّي أّجوز!
 - قال لها: طيب يا با،
 - قال: إللي بحب السلطان يمرق من تحت قصره خلي بنات الملك ينقّين، بدهن يتجوزن. خواتما كل وحده نقّت واحد من هاللي مرقوا، هي ما نقّتش.
 - نقّيلك واحد إّجوزيه.
 - قالت له: لأ، هي غاد حطّت عينها ع هذاك قالت له:
 - بدّي تدور في البلد، ضلّ فيه ناس!
 - قال لها: ما ضلّش.
 - قالت له: ضلّ
 - ما ظلّش
 - قال لها: ما ظلّش غير البيستنجي إللي في البستان!
 - خليه يمرق.
 - مرق. رمّت هالبحرمه عليه. قالت:
 - هذا إللي بدّي إياه! يعني بدهاش تقول عن سرّه

200. تصارت: حتى نضجت.

201. راس النوّاره: صغيرة الحجم، لبّنة، طيبة المذاق.

202. معسيّه: فات موعد قطافها، قاسية

- قال لها: كيف بدك إياه هذا؟!
 - قال لها: إن أخذتني هاذا ما إنتي شايفتيه مقلعط وموسخ وكله وسخ، وما حده بيعرف منين.
 - قالت: اه بدني إياه!
 - قال لها: من أخذتبه لا إلك في المملكة ولا إنت بنتي ولا بعرفك!
 - قالت له: بلاش، أنا بدني أؤخذه.
 خواتها تجوزن إثنين وحطهم عنده إللي وزير وإللي حطه مسؤول. وهي أخذته، وراحوا قعدوا في هالشيقة²⁰³ غاد بعيدة عنه قعدت هي وآه. والله روح يا يوم تع يا يوم قعدت هي وآه لا تحكي معاه ولا يحكي معاه، يروح يفرش هالجنيبة²⁰⁴ وينام، وهي عارفه أنه منيح وإنه هو فارس منيح بس قالت خليه. والله يوم أبوها مرض. يوم مرض أبوها قالوا: هذا الزله ما بطيب إلا بده لحم غزلان. راحوا نساويه جيزان بنته الكبيره والوسطى يصيدوا غزلان. عرفت هيّه. فيه وحده بتجيلها أخبار.
 قالت له:
 - محمد!
 - قال لها: نعم؟
 - قالت له: أبوي مريظ ويقولوا له بدشّ إلا لحم غزلان وحليب غزلان.
 - قال: شو بدني أسويله؟
 - قالت له: إنت بتقدر تجيب.
 - قال لها: بقدرش.
 - قالت له: إنت حُرّ، مثل ما بدك. بدك تجيب وإلا بديش إياك.
 - قال طيب.
 سحب حاله وطلع، أبعده عن البنت، وولّع هالشعره وآلا هالحصان جاي. ركب وطشّ والله طشّ ع هالغزالان. قتل هالغزال، قتل هالغزاله، وحلبها، وحطها في سطل هالمية، ملاه حليب، وعلق هالغزال في هالشجرة، وقعد تحتها، إلا هذولاك جاين ع هالخيل.
 - السلام عليكم،
 - قال لهم: وعليكم السلام.
 - قالوا له: تبيع لحم غزلان؟ مش عارفين يصيدوا ولا غزال!
 - قال لهم بيع!
 - قالوا له: وحليب؟
 - قال لهم: وحليب بيع.
 معاه وسم أبوها في جيبه ميخذه منها. قال بيع، بطبع كل واحد في هالختم، بطبع كل واحد عليه ختم.

203. شقيقه: تأنيت وتصغير شقاف وهو الفراخ تحت كتلة صخرية كبيرة...

204. الجنيبة: فرشة صغيرة متواضعة، تستعمل عادة للجلوس وليس للنوم.

هذا بيم جاب هالوسم والحتم وختمهن كل واحد عليه ختم. قالوا له: يا الله أعطاهم اللحمت والحلييات وروحوا. قالت له:

- شو سويت؟

- قال شو بدي أسوي؟

- قالت: ما جبتش لأبوي إشي؟

- قال لها: لأ راحوا هنذولك أخذوا الحليب، وأخذوا اللحمه، وروحوا، قالوا له: يا عمي جينالك حليب

ولحمه، أكل، وشكرهم، بالله يرضى عليكم يا بناتي، مثل هذاكا إللي أخذته، المقلع!

والله يوم صار حرب، أبوها اجوا عليه يحاربوه! شو أبوها؟ بدّه ينهزم جيشه! قالت له:

- محمد أبوي متدايق في الحرب.

- قال لها: شو بدك؟

- قالت له: بدي تحارب معاه!

- قال لها: أنا إللي مش راضي في، وهاذا هو طردك من تحت راسي؟

- قالت له: ولؤ... بدك تحارب معاه!

- قال لها: أنا بعرفش أحارب.

- قالت له: إنت حرّ،

قدّ ما لرتّه²⁰⁵ قام طلع من البلد وردّ حرق هالشعرات أجاه الحصان، وعليه العدّه والسيف. نظّ ع

ظهر الحصان، وصار وين ما اجا يقتل، حتى شردوا اللي نجوا، وهالناس صافنين في هالفارس اللي عمل

هالعمائل! قام جرح حاله، وقرب ع السلطان، والسلطان تناول وربط له ع الجرح، وروحوا الناس يتخرفوا

عن هالفارس وشجاعته. قام السلطان قال اللي بعرف هالفارس اله هديه كبيره عند السلطان. قامت

راحت عليه بنته، ومعها الشاطر محمد، وقالت له: انا بعرف اللي سوا هالعمائل، وخرفت أبوها عن

الغزلان والحتم اللي على جيزان خواتها، وانه جوزها الشاطر محمد اللي صاد الغزلان وجاب الحليب، وهو

الفارس اللي بحكوا عنه كل الناس. قام السلطان، طرد نسايبه اللي كذبوا عليه، وصار الشاطر محمد هو


وبنته اللي يشوروا ويقولوا عند السلطان... وتركتهم في هنا وسرور...

وطار طيرها... وتمسوا الجميع بخير!

205. لرتّه: ضغطت عليه

Faint, illegible text covering the majority of the page, likely bleed-through from the reverse side.





بلاد الطرنج والليمون

باقي يعني في قديم الزمان ملك من ملوك الزمان، من ملوك الدنيا، ملوك الاغنياء، يملك كل الدنيا وكل البلاد. مرض وصار فيه مرض كبير، وفش عنده إلا ثلاث أمرا، ثلاث اولاد. لَمَن مرض مَرَض كبير، جابوا كل الدكاتره والاطباء ويداووه، وما فش فايده. قاموا لقوا شيخ، كاهن، مُتَجَم، قال انا بداوي الملك. أجا هذا الشيخ، هذا الكاهن عند الملك، وطبعا هو صار تعبان كثير. إلا هو يقول له الكاهن:

- دواك مش هان.
- قال له: وين؟
- قال له في بلاد بعبيده.
- قال له: وين؟
- قال له: في بلاد اسمها بلاد الطرنج والليمون، دواك بتلاقيه عند غوليه في هذيك البلاد.
- قال له: طيب مين بده يروح يجيبه؟
- قال له: بدك حدا من هالفرسان. وصار يقول له بعيدة وبتخوف والطريق صعبة كثير، فيها أهوال ومهالك.
- قال له: طيب، قل لي كيف؟
- قال له: الها ثلاث طرق تروح عليها طريق اسمها قظامه يعني طريق سهله، وطريق اسمها زيب، درب قظامه، ودرب زيب، ودرب تودي وما تجيب.
- قال له: خلص.

قام نادى على اولاده الثلاثه، اثنين أمرا من ام وحده، وواحد مقطوع من أم ثانيه، يعني ميته، فهو مبعوض، يعني بيغظوه. إلا هو الملك جمع اولاده الثلاثه وقال قصته: وانتو اولادي الثلاثه اللي بيروح يجيب هذا الدوا طبعا، إله كل املاكي وبتنازل إله عن الملك. طبعا بعد ما يشفى، بدّه يتنازل عن الملك وعن كل اشى للى بيغيبه الدوا. قال لهم: انتو اولادي الثلاثه وفش حدا أبدى منكم، ما بيرضى حدا يجيب وانتو موجودين. اولادته قالوا احنا بنروح وبنجيب. ركبوا الخيول، طبعا عند مفرق الطرق، الاولاد الاثنتين هذولاك أقوى منه وهو ضعيف، أجبروه يروح على الطريق اللي بتودي وما تجيب. وهذا الولد هو شجاع

ونشيط ومليح. وهذولاك واحد راح على درب القظامه، وواحد على درب الزبيب. يعني صقّى هم طبعاً راحوا وما رجعوش، وعلشان هيك نشوف شو القصه. قصة الولد اليتيم اللي أمه ميتة. راح على الطريق اللي أجبروه عليها. نفذ فيها، قطع في هالصحرا والغابات والحيوانات المفترسة، باقي هو على قدّ حاله يفتش ويخلص حاله من كل اشى، ظل منقطع يومين، ثلاثة، حتى وصل هيك لهالغابه. لقي كوخ صغير مهجور. بدّه ينام، اشتد عليه المطر والصقعه، اشتد عليه الجوع والصقعه. قعد لحاله في هالكوخ. ما حدّ عبر عليه. ما فيه ولا حد، وما لقي فيه لا أكل ولا شرب. ما همّشي، نام. وقال الصبح بدوّز على ورق شجر وبوكل، بس الليلة أنام بمالكوخ. الكوخ إله شباك كبير. طبعاً، هو حزين لما اجا ينام، إلا هو سمع اشىء اجا صفق، ورفرف بجناحيه، طير كبير كبير، وقف على الشباك، لمن وقف على الشباك، الطير بدّه يعبر جوّاً، لما شاف الامير استغرب، أول ايش الامير خاف! شاف واقف الطير، ما أذاهوش، هو كان خايف يأذيه. قام اجا الطير وفات، على الارض وقعد. قعد، طير أبيض كبير. هو تقولي حزين علشان لحاله، بدّه يألف عليه. ومعاه على الأفلّ الطير. صار يتملّس عليه، طير كبير كبير. هو مسحور مش يعني طير، بني آدم بس مسحور. ولّا هو ايش، قعد عنده على الارض، صار يتملّس على راسه، يتملّس على راس الطير، علشان يألف عليه، ويألفوا على بعض، ولّا هو دبّوس براسه! استغرب أبصر شو ماله هالدبّوس؟! والله لأسحبه، يسحب، يسحب، ما سحبه ولّا هو «بسم الله الرحمن الرحيم»، ولا هو باقي مش طير، بني ادم أمير مسحور، بس ساحرته كنها باقيه مرت أبوه، مسحور ينقلب على شكل طير. لما بيرجع الدبوس عليه بيصير طير، ولمن²⁰⁶ بيقيمه بيصير أمير. كمن قام الدبوس صار أمير. قال له:

- شيبك لبيك كل اللي بدك اياه بين ايديك!
- قال له: شو قصتك؟
- قال له: أنا هيك هيك هيك: أنا مرت أبوي سحرتني علشان أخوتي ياخذوا الملك كله، وصرت طير أظير في بلاد الدنيا، وما حدا بيعرف إلي يطول الدبوس من راسي، وانت طلعتة.
- خرفني قصتك، وانشاء الله اني بساعدك.
- قال له الامير إنه أبوه مريض، وودّوني عل الطريق اللي بتخوّف وعلشان كلها مشاق، وفيها ضباع وفيها اغول وغوالي، ومشكلتها خطره.
- قال له: لا تخاف وتوكّل على الله، وانشاء الله أنا بساعدك وبوصلك.
- قال له: طيب كيف بدك توصلني؟
- قال له: من الصبح بنسافر على بلاد الطرنج والليمون.
- قال له: كيف؟
- قال له: الصبح بتحط الدبّوس في راسي وبصير طير أبيض كبير.
- يمكن تجعّ كبيره، هيك اشى، بجعة زي الوزه.
- قال له: طيب

٢٠٦. لمتن: لمتا، حينما،

بس علباني مسحور لما تجوع واجوع. بتدبّ على جنحي اليمين بطلعلك أكل، وتندبّ على جنحي اليسار، بطلعلك منّي مية. لانهم بجوعوا والمسافة بعيدة، وبدهم يمشوا مسافة. قال له: ماشي انشاء الله. الصبح حطّ الدبوس في راسه، وطلع هو وياه، قبل ما يطلع قال له الطريق صعبه، لمن تروح، ولما بدك تنفذ من ضبع كبير، لما تشوفه تطرح عليه السلام. هذا بقول الطير للأمير اللي بده يروح يجيب الدوا لابوه، والطير بده يستناه في مطرح على جبل. وقال له امشي هاي المسافة. بس قال له الطير شو بده يلاقي، لأن الطير بيطيّر ويبشوف البلاد ويعرف وين هذا الدوا، قال له: دوا ابوك بتلاقيه عند غوليه في اجنانه، وورق شجر مش بالزبط عند الغوليّة، بس بدك تمرق عند ضبع بيهتمّ عليك، وبعد الضبع بس تسلّم عليه بنقدك للغولية، والغوليه برضه بتخوفك. وبعدها بتوخذ الدوا والليمون، وهاط اجا وحط الدبوس، وطار وهو وياه بيجوز شهر زمان. وهمّ طاييرين وراه منطقة الجبل اللي بده يحطه عنده، قال له:

- هون، مطرح ما حطيتك تلاقيني وانت مروح.

- قال له: طيب،

- قال له الطير بيجوز المسافة بعيدة بقدرش امشي واطير، انت لحالك لازم تعبر جؤوا.

- قال له: طيب

- قال له شو بدك تسوي، هسنا أول ما بتمشي بتقطع جبال ووديان، وهذا أول ما تمرق بتلاقي ضبع

من حد ما تشوفه بتقول له، "السلام عليك"، هو أول بيهمر، ويقول مين اجا على دباري، انت بتقول له السلام عليك، هو بيهمر عليك ويقول لك "لولا سلامك غلب كلامك، حلّي اللي

في روس الجبال تسمع قرط اعظامك"، يعني تقولي صوته متههّج علبانته كبير. يقول مين اللي مارق من ديرتي، مين اللي مارقم من ديرتي، بتقول له: غريب، بقول لك الضبع بصوت متههّج وقوي:

غريب ما يعرف، لولا سلامك غلب كلامك، هو سلم له، يقول لك: امرق، امرق، عليك الامان، الضبع بيعطيه الامان. بروح وتمرق عن الضبع، بعد ما تمرق عن الضبع بروح على الغوليّة.

هي بتكون قابره اولادها، الضبع بيقول له روح عند الغوليّة: إن لقبيتها بتعيط قابره اولادها، وتطحن بملح، وفالّه شعرها، حتى صدرها رادته لورا، وعينيتها حمر، ما هي الغولية حيوانه، عينيتها حمر،

وشعرها منفوش وتطحن بملح بمهاي الطاحونه القديمه، فإذا لقبيتها هيك، تقرّب عليها، ما تقدّمش عليها، أما اذا لقبيتها مش بتعيط، قدّم عليها واطلب الامان، بترضع من بزها واطلب الامان.

من حد ما عبر اجا عليها، الآ هو لقاهها بتطحن بملح، هو بعيد مش كثير عنها، لانها بتشم ريحة الانس، وهو ما قدّمش عليها، هي بتعيط، وتصيح وتطحن بملح. قعد هاذيك الليله، بيتها في جنبه في مطرح

بعيد. يعني رد رجع عليها ثاني مرّه. ثاني يوم، لقاهها بتطحن بسكر، وبتغني ورايقه، يعني من حد ما عبر عليها على العرقة، الكوخ بمالجبل، من حد ما عبر شمّت ريحته، وصارت تقول: ام ام ام ها "وتقول ريحة

انس... ريحة انس... ريحة انس، صارت تدور الغولية يتشمشم، من حد ما قرب، قرب على صدرها، ورضع منها، رضع من بزها على طول. قال لها:

- اعطيني الامان.


- قالت له: عليك أمان الله، شو قصتك،
- قال لها: أبوي هيك هيك مريض وجاي آخذ الدواء من هون من عندكم، دلوني انه عندك الدواء، وانا قطعت مسافه، وخزفها قصته أنه مظلوم، هو مظلوم عند أهله شويته.
- قالت له: خلص عليك الامان، ودوا ابوك عندي، دوا أبوك من الشجرة الفلانيه، بتطوله وبتطحنه وبتساويهن لأبوك وبيطيب وما يبظل فيه إشي. والغوليّة قالتله: بتعرف كيف الارض والطريق؟
- قال لها: انا اجبت مع واحد مسحور. ولأ هي بتقوله خذ هاي ثلاث حبات ليمون، معك ثلاث حبات ليمون، وما قائلوش افتحهن عند الميه.
- زمّ الثلاث حبات، وما دريش، اه لازم يفتحهن عند الميه بالزبط. ورجع وخلص، خلص اعطته الدواء، واعطته الثلاث حبات. سحب حاله ورجع عند رفيقه عند الطير. الطير قال له:
- جبت الدواء؟
- قال له: آه، جيته. المهم قال له:
- اركب على ظهري تانظير انا وياك.
- وهمّ مروّحين جاعوا وهو على ظهره. دقّ على طير الحمامة، البجعة، اطعله أكل، قعدوا ياكلوا وهم طاييرين. قال افلق حبة الليمون على الاكل وحننا طاييرين، فلق حبة الليمون، فكّر ليمون بمصّه، ما فلق حبة الليمون إلا طلعت منه اميره، ليشها لباس اميره، ولأ هي بتقول له: ما ما يا ابن الملك ماء، الفلقة سقطت من ايديه حبة الليمون، ماتت على طول. بدها ميه. ولا هو صار يقول خلص، بدنا نفلق الحبات لنصل عند الميه. المهم لما نزلوا يتريجو عند البحيرة عند النهر، ذبح ثاني حبه، فلقها بس الميه مش كاينته معه، على طول ما لحق يطولها يعني في لحظه لازم تشرب الميه. (ما ما يا ابن الملك ماء)، مالحقتش يجييلها ميه الأ هي ميته، على طول ماتت الثانية. ظلت وحده، ماهي بدها تظلّ وحده اله، هيك الخرافية، بدها تبقى هيك.
- راح حضّر كاسة الميه في وعاء ليشرب، هو حضّر وفلق حبة الليمون، (قالت ماما يا ابن الملك ماء)، اسقاها. لمن اسقاها عاشت. قالت له:
- شو بدك شيبك لبيك انا بين ايديك اللي بدك اياه انا عبدتك ومطيعه إلك فيه. - قال لها : خلاص اركبي على هالطير انا وياك، زمّتها ورجع على الكوخ طبعاً.
- هناك وصلوا على الكوخ، طال الدبّوس من راس الحمامه الطير، ورجع امير يعني. هستا قال للطير:
- بدّك تيجي معي ولا بدّك تروح؟
- قال له: انا مشواري بعيد وانت ارجع وداوي أبوك.
- وهاي السفرة تأخرت مش تقول اسبوع لاسبوعين، صار لها سنه. هاي انا بدني اروح احصل حقي من مرت ابوي واخواني اللي ظلموني وسحروني. وانت هاي الجواد بتركب عليه انت والاميره، هذا في الكوخ وعنده الجواد، الجواد لك والاميرة اللي معك، وبتروح وتعطي الدواء لابوك.
- راح رجع عند ابوه ووصل الامير وسأل وسأل عن اخوته، ولأ يقولوا له اخوتك ما الهمش ولا اثر يقولوا

عنهم ماتوا. راحوا بطريق هويته بس طلعت أصعب وإنه الاصعب كانت أهون وأسهل. الاخوة هذولاك ماتوا، ورجع عند ابوه، ولقي ابوه بده يموت. جابله الدوا، وحط له اياه، حط الشفا فيه، وطاب الاب. لمن طاب الأب نادى في المملكة: كل الناس ييجوا وبلغ العاميه انه كل الناس يحضروا، فيه عندنا حق. اجوا الناس كلهم، هو بحب الولد، تقول علشان هذولاك اولاده من نفس الام، وهو من الام الثانيه ومش موجودة، هم مسيطرين يسيطروا عليه، يعني مظلوم. لمن اجوا الناس واجتمعوا، إلا هو يقول: ياناس يا جماعتي، بقينا ظالمين ولدنا هاظا، وهذا الولد الوفي اللي هو طبعا اخوته اجبروه يروح على هذا الطريق، وهم راحوا على الطريق الهويته، وهو الصعبه، ابني طلع هو اللي يجيني أكثر واحد، وهو اللي بيستاهل يوخذ الملك وكل اشى، وانا طيب بتنازل له عن العرش والملك وتاجه، هو صار الملك وأبوه معاه يعني عنده. وهو الللي يحكم. وتحوّز الأميرة اللي اخذها معاه برضه، وطبعا عملوا حفله قد الدنيا، وعاشوا في سبات ونبات، وخلفوا صبيان ونبات.

القسم الثاني
الحماة والكنة

Handwritten text, possibly bleed-through from the reverse side of the page.





الحطاب والغولة

اسمعوا وصلوا على النبي، اللهم صلي على روح النبي. ما باقي لك الا الحطاب إله سبع بنات وهو ثمانية وهي تسعة، ما اهتم معين غير الله. عنده هالجحش، وهالمتوش، وهالحبال، بحطهن في هالخرج وبروح من تالي الليل بيجيب حزمة هالحطب، بقلعها، وبظل مارق فيها على هالقرن بيعها، بوخذ له شوية هالخيز وحبّة هالكسيبه²⁰⁷، وبوخذهن هالبنات، كل مانبه، شقفتها، ونتفة هالكسيبه قدّ الجُلّ. وهاذي عيشتهم، لا في حدا بشبع ولا حدا بلطم! يوم من الأيام، مرض هذاك الختيار من القلّه²⁰⁸، وتعب. صرن البنات يعيطن، قالن أبونا اليوم مش رايح يسرح، بدنا نظلّ في قلّتنا وجوعنا.

قالت له مرته:

- يا الله يرقتل مرتك، اليوم ما طلعتش؟

- قال لها خافي من الله! أنا قادر أقوم، مهودود حيلي، مريض وميت من القله والله ماني قادر أصيل! صرن يعيطن البنات. سحب الختيار حاله وطلع، وشرد، طلع من الدار، قال أظل عندهن وهته يعيطن؟ بحسّرن قلبي، قعد هيك! فهجّ. شاف هالمنعاه²⁰⁹ خضرا في هالسهل قال والله بدني اروح أشوف هذولاك بجوز خبيزه، ألقط لي خبيزات، يسلقن هن اشويه يتلهلهن²¹⁰ يا قشيلهن²¹¹. طاح ولأ هو فول! لقي فول اخضر، هالطول القرن! معه خلق هالعباة²¹²، قهدا، وصار بلقّط في خلق شكبانه²¹³ ويدير. بني ادم خلق من طمع، ما هو ظلّ تا ملاءها. يوم ملاءها، ما هو ميت، ما قدرش يقوم فيها،

207. الكسيبه: مخلفات السمسم بعد طحنه وعصره، يصنع منها نوع من الحلوى.

208. القلّه: الفقر.

209. المغناة: مساحة جزء من قطعة أرض سهلة.

210. يتلّهون: يسدين الرّمق

211. يا اقشيلهن: يا فشلهن وخسارتهن.

212. خلق هالعباة: عباة مهترنة

213. خلق شكبانه: طرف القنباز أو الاديماية أو الثوب حينما ينثني من الجهة الخلفية للرجل أو المرأة، فيكون قبلا

لحفظ بعض الأشياء لفترة قصيرة.

وهو يعاقب، كل ما اجا يرفعها ويقوم، كين دبّ هو وياهن، ولّا هي جايه هالغولة، نفرت فيه، تقّر. قالت له:

- شو اللي بتساوي فيه هاظ؟
- قال لها: هذول حبة فول، بدّي اروجهن لهالبنات، ميتات من القلّه.
- اجت للعباه، وشدّتها هيك في إيدها ونعفتها على كل الرّبع²¹⁴ إللي هناك. ما استجراش يحكي.
- قالت له: كم وحده بناتك؟
- قال لها: عندي سبع بنات، وأمهن ثمانية وأنا تسعه.
- قالت لحالها: والله صيده منيحه هاي!
- قالت له: بالله يجعلك ما تصرّفه.
- قال لها والله عاد لهن ثلاث اربع تيام ما ذقن اشي، أنا مريض مش قادر، بقيت اروح أجيب حزمة هالخطب، وإلي يومين مريض، ما قدرتش اروح، بدّي اوخذ لهن حبة فول يتلهلهن فيها.
- قالت له: بالله يجعلك تقبر أختك، أنا أختك وخير الله دائر عليّا، من جميع اشي عندي، وانّت حاطّ بناتك هان في قلّتهن في حسرتن، بتجيّهنّ عندي؟! بدال ما تطعمهن لقمه ناشفه، جييهن وتعال عندي، الصبح خروف والظهر خروف والمغرب خروف!
- هاذ شو النجّن، أجنّه قوّه غير قوّه.
- قالت له:
- امشي أنا أختك.
- قال لها: بالله يرملها ما قالتليش انه إلك خوات!
- قالت له: هاي وحده قطعاه مرتك، بدهاش تقول لك إلك أخت عشان ما تيجي عليّا. بالله امشي جييهن وتعال هيني بستناك مشان أسوي لكم غدا.
- هذاك سحب حاله وروّح قويان على هالبنات صرن يعيطن.
- يا بايّ يابا! تخالك مش جايب اشي معك؟
- قال لهن: امشين يابا، بدّي اوخذكن معاي اطعمكن لحم.
- اللحم بسمعن فيه عند الناس إللي حواليهن، بشوفنه وما بدقنهوش.
- منين لك يابا؟ تعرّيشنه²¹⁵
- قالت له مرتبه: منين بكّك تطعمهن لحم؟ ما احنا لقمه مش حاقلين عليها، بتعشّم في هالبنات، مش حرام عليك؟!
- قال لهن: امبلي يابا، اجت عممكن عليّ في السهل، وكبّت الفولات إللي لّقطنهن، وقالت لي جييب بناتك ومرتك تا اطعمهن كل يوم ثلاث خرفان.

214.الرّبع: قطعة متوسطة المساحة من الارض

215.تعرّيشنه: لاحقه بصورة وتعلّق به بصورة مزعجة.

- قالت له: يا لله يرمل مرتك، منين لك اياه الأخت؟ هاي غولة! بدك توخذنا تطعمنا للغولة؟

- قال لها: غولة؟ يا لله يحرق امك على ابوك، غولة تيجي توكلك!

هذولاك البنات من القلّة إلى بذقنها واللي عايشات في الجوع الحقن أبوهن، وقلن له: يا لله بدنا نروح معاك. رحن، ولا وحده ظلت عند أمها. بعدين، ما لحقن قلطن، هذيك المرّه صفتن في حالها، وقالت يا لله يرملني، أظل قاعد هان وثمانية اللي بدها توكلهم وأنا مش خايف إلا على حالي! بخرت شو بدها من هالدار لقيت خلق هالجزة، امخضرتّه، تامدورت خلق هالشريطه وزمتها، ولحقتهن. هذولاك يكرين²¹⁶ وهي تطل وراهن، ولا هذيك مسوية لمن هالغدا وتستنى. طرح السلام عليها، قالت له: امشي، ورتّه الدار في راس البلد، حطته قالت له: هاي الدار إلي بدك تقعد فيها. اعبرته عليها، وقالت له: أنا هستا يجيب لكم الغدا.

- وين مرتك؟ نفرت فيه!

- قال لها: والله هذول البنات ظلين يركضن، هذيك ياختي ما قدرتش تمشي، هالسبع بيتيجي.

وين ولا هذيك جايه بتنود. يوم شافتها الغولة زامه خلق هالجزة المخرضته، يتقلعط، انجنت عليها. تمّ طرقت الجزة هالكفّ ولا هي جابيتها هالقدي كل شقفه. هاذيك ماتت من الخوف. قالت لها: أنا مش لاقني اشئ اسقيك فيه جاييتي لي خلق هالجزة؟ اعبري عند بناتك وجوزك. عبرت وصارت تدعي على جوزها في قلبها: يا لله يقصر عمرك، جبتنا تا توكلنا. يا لله، حسابه على ربه. ولا هي جايه هالكيش بتذبحه لأعرس! ها، كل قطعه من كبرها. طابخته وتستنى فيهم، وجابت لهم اياه. هي حطت لمن اياه من هان ودبكن مثل البساس، يا قشيلهن لا عظمه، غير العظم اليابس إلي يرمينه، الشحمة الصغيره يقرقطنها، قطمه ما خلّيتها. المغرب جابت اهم خروف، كل يوم صارت تطعمهن ثلاث مرات، فطور وغدا وعشا خرفان. قعدن ييجي شهرين عندها. إلا هي الوحده منهن بثنخزيها ولا هي مطّبخه دم، ما هن ربّعن بعد القلّة والجوع! كل أكلهن لحم. يوم من الأيام إلا هي بتقول لها أمها لينت منهن عندها، هيك بنت شاطره قوية قلب:

- اليوم يمّا إنتي طيحي عند عمّك، وقولي لها يا عمّي زهقنا اللحم، أعطينا برغلات. طيب، راحت البنّت. قالت لها:

- بتسلم عليك أُمّي، وبتقول لك، بدنا برغل وبصل بدنا نسايي اليوم، زهقنا من اللحم.

- قالت لها: طيب يا عمّي.

عبّت لها جونة هالبرغل، وحطت لها هالبصل، زمتها وقالت لها:

- سوين واطبخن وكّلن، مش تجيبوا لي! أنا بسايي وبوكل لحالي.

راحت هذيك البنّت. بّلين هالسميده، وساوين هالكبب، وقمرن بصل في هالطّاسه تا صارت ملانه. أجا هذالك المهبول قبل المغرب.

- قال لمن: ما وديتنش لعمّك؟



- قالت له أمهن: هاذيك قايله للبننت هيك ساوين وكنن يا عمتي، ما تجيبوليش أنا بساوي في داري، وبوكل.

- قال لها: انتن كذابات!

- قالت لها: يا لله يتمك، روحي ودّي لها، هاض بفضحنا، ما هو وخلقّه.

رحن عبّين لها هالصحن، بقين صحون نحاس. عبّت لها هالصحن، الدنيا بعد المغرب، وراحت توديهن هذيك عندها قاع الدار بيحي دلمين أرض، هاي كلها مليانه غنم، بقين البواب قبل خشب، ييقين مطلات بتشوفي منهن إللي جوه. ولا هي باقيه مارقه هالفارده، في النهار، هالعروس على هالفرس. نفرت فيهم، هذولاك شردوا وزقطت العروس، زقطتها وسكّرت عليها، بدھا تعشاها. وهي قالت لها ماجيبوليش أحسن ما تشوفها وهي بتوكل فيها. هذيك البننت مرّقت، طلّت من خزق الباب هيك، ولّا هي هالعروس مثل الورده يا قشيلها بتوكلها، وهي تندخل عليها: دخلك لا توكليني من جنا إيديه! بقرطت ادبها، دخلك لا توكلي كحلة عينيه! دخلك! وهي تفرط فيها. هذيك البننت رجعت هيك تقول، تنتفض، الصحن في ايدها، وقع من ايدها وهي تترجّح، انتعفن اللي في الصحن. هذيك طلعت تطل تشوف حدا حسّتها ولّا لع.

قالت:

- أنيه هاي؟ أنيه هاي؟

صارت البننت هذيك تنتفض، بتعيّط!

- قالت: هاض أنا يا عمتي.

- قالت لها: رايحه ولّا جايه؟

- قالت لها: لع يا عمتي، بقبت جاي عليك، ونطحي تيس الغنم، وكبّ الكبّات مني. بتلقط فيهن البننت من الخوف!

- أنا مش قلت لك ما تجيبوليش.

- قالت لها: هاض أبوي بھدلنا، وما رضيش إلا ترحن تودّين لعمتك. هالسبع قرطت ايدها ولّا هي قارطه صبع إيدها الصغير. وقالت لها يا لله امشي روحي، تاروق، يا لله. هي الغولة شكّت إنھا يجوز دريت فيها إنھا بتوكل في البننت، قالت لحالها بروح أنتصت ورا الباب، إذا درين عني بعبر بوكلهم في هالليل، وإذا ما درتش البننت عني بزبرهم أخرى أسبوع زمان أو عشر تيام. قالت لها يا لله تاروح ألقطك. هذيك البننت شاطرة، عبرت، قالت لها يا لله سكّري يا عمتي. سكّرت. وهذيك الغولة استلمت الباب، ولّا همّه قاعدين، باقي يصلي ابوها، قال سلام عليكم، سلام عليكم، خلّص الصلاة. سأل البننت:

- شو قالت لك بابا عمتك؟

- قالت له: لقيتها بتصلي لحُرّيه، واخذت الطيبيخات مني وتعتشتن.

هذيك واقفه بيّنتصت، ماحكشش البننت. نصنت، قالت لو بدھا تقول عنيّ كان قالت أرّتي. راحت

إثم²¹⁷ تالي فريستها. هاض أبوهن ما هو عزاره، ما استجرتش تقول قدامه إشي. نامت عند أمها.
قالت لها:

- يّمّا!

- قالت لها: يّمّا، شو فيه؟ بالله يرمّلك، هاي عمتي باقيه غوله، ولقيتها هيك بتوكل في هاللغروس،
وبتقول لها هيك، وبتقول لها هيك، وقمت رجعت أنتفض، وقع الصحن من أيدي، واجت
وقلتطني، ومارضيتش أحكي لأخا بقت تنصت ورا الباب.

- قالت: بالله قصر عمره، والله من ما جينا وقلبي يقولي. هسّا إن قلنا له بفرّع الدنيا علينا.
قالت له: هي يا فلان.

- قال لها: مالك ميله تميل حالك.

- قالت له: هاي باقيه غولة أختك، هيك بتوكل عروس. صار يصيح!

- قالت له: بالله رمل مرتك، خلص لا قلنا لك، ولا إنت سمعت.

- قالت له البنّت: ما تردّش، هاي أمي يتمزح معاك مزح.

الصبيحات - تصبحي بخير - قالت لها هي للبنّت روحي على عمّتك، وقولي لها أمي بتسلّم عليك،
وبتقول لك اعطينا مواعين، صار لنا شهرين لا تحمّنا ولا غيّرنا، وبدنا صابونه، ودلينا على بير نروح
نتحمّم ونغسل عليه. راحت البنّت:

- صبّحك بالخير يا عمّتي.

- قالت لها: صباح الخير. حبّتها ليش ما قالتش.

- قالت لها: شو بذكّ يا عمّتي؟

- قالت لها: أّمي بتقول لك يا عمّتي، بدنا مواعين، إنا شهرين لا تحمّنا ولا غيّرنا، وصابونه،
ووصّفينّا بير نروح نتحمّم ونغسل عليه.

- قالت لها: طيب

عبّرت البنّت نفّت لأمها ولخواتها مواعين، وصرّخت في هالمنديل، ولأبوها ولأمها، وحطت لها هالصابونه،
وقالت لها شايفه هالخزويه الكبيره، في عندها مغاره، وبتغسلن وبتيجين.

هذيك سحبت حالها على أمها وقالت لها. هذيك بتقول لجوزها هيك هيك. وما رضيش يروح معهن.
يعبرن عليه، يترجين فيه البنات، كل مانيه دور، وأمهن دور، تتروح يتحمّم ويغّيّر، ما رضيش. قلن له
عمرك ما رحّت! يم زيمين المواعين لأصغر بنت عندهن، وهذولاك شكّين احروجهن، وقالت لمن أي
عزوس أو أطعه أو لقطها، ما وصلن هناك ولا هنّه مكوماته هناك هالطول! يم عبرن على
هالمغارة، وغيّرن، ولبسن المواعين الجداد، وهذولاك شو تحطهن على هالحبال قدامها، ودرن هالنار في
هاللي لقطهن، وقالت لمن: يا يتيّمات، نروح نعدّ في دارنا، ولا توكلنا؟! ها ها وبسرعه، ومن هناك

217. إثم: تتّم، تُكمل

218. لطعة: قطعة من براز البقر. لطعه: أي شيء قابل لتأكله النار، وهي كلمة تدل على ضيق صدر الأم.

وغاد ع دارهن. شحدن سطل هالمية من عند جيرانهم، وغسلن هالمسطبه، وقعدن. هذيك، أظهرت الدنيا، أعصرت الدنيا، كل ما استفقدن تطيح عليه، وتقول له: - شردنن يا منحوز²¹⁹؟
 - يقول لها: والله يا ختي هستا ما لحقت نخلصهن، سبع روس نأخمنهن وتمسطنهن وتغسل عليهن، هاي الغسيل قبلنا. هاضا هو أظهرت الدنيا، أعصرت الدنيا، أكلها قلبها! يم بعد العصر حطت إجر في الدار وإجر على البير، ما لقينش حدا غير هالدخنه وهالشروش²²⁰! صارت تلطم في هالمسكن وتقول:

يا حين ربي وزيتي رحن رباب بيتي
 يا حين ربي وزيتي رحن رباب بيتي

روحت، بدها تنفش فيه، قرطته.

قالت:

- يا بيبي يا خنزير! شردنن، يا بيبي شردنن، وانت ظلمت تلاهي فيا!
- يقول لها: والله يا ختي!
- تقول له: منين أوكلك؟
- قال لها: من دياتي إللي ما ردينش على ابنتاي!
- قالت له: منين أوكلك؟
- قال لها: من الحيتي إللي ما ردت على امرتي

يم قرطته، وليليتها من المقت زرتت توم غواله²²¹، جابت توم هالغواله، وقالت لو بتصور هن في المية، الا أجيبن! شلية غنم إللي أطعمتهن اياهن، يرحن مني؟! يم حطت الللي جابتهم في هالحرج، وخيطت عليهم وتهرت على هالحماره، وقالت: إلا أروح أدور عليهن. اجت على بلدهن، عرفنها البنات، يوم طلّت بحفيها حالها، تقول بالله الرّب²²² يا بنات إللي بدها تشتري! صرن هذولاك البنات يدرن على هالجارات وعلى هالبنات، ويقولن هن: هاي الغولة إللي أجلت²²³ البلد الفلانيه، هاي الغولة إللي شردن منها! دريوا كل البلد. صرن يحمين هالسلوك²²⁴ ويعزين في الحرج، استمحننها، هاي تغر دور، وهاي دور، كل ما يعزينهم، كين يقولوا: أوو! الله يكوي باللي كوتني! قلن لها: بالله رملك، ريتك بحكي؟! قالت: هاض من حالاته! كل ما ينخرنهم في النار، كن قالوا: أووو، الله يكوي باللي كوتني! قالت هن: هاض الرّب المتيح إللي بحكي! أنا الليلة بدني أنام عند بنت هالحلال. ما هنة عارفاتها، قالت عند بنت

219. منحوز: كلمة مسية، وهي اسم المفعول للفعل: نَحَزَ (بالذبوس أو الإبرة وأمثالهما).

220. الشروش: جمع شرش وهو اسم للثوب في بعض المناطق.

221. زرتت توم: ولدت تواما

222. الرّب: عصير بعض الثمار كالخروب إذ يغلى ويترك ليبرد فيصير بين العصير وبين المرعي.

223. أجلت: شردت

224. السلوك: الأسلاك المعدنية.

هالخالل أختي. ومن المغريبات وطالع بفتحوش الا في الليل من بعد المغرب وطالع، بتصلين وتيجين
تشرين. قلن لها: طيب. رحن اعلمن المختار واعلمن البلديه، وقلن لهم: هيك هيك! قال خليك
لاهيئا²²⁵ ممتنا نلم حطب، ونادوا على هالجامع، كل من يبحب السلطان ابن السلطان يجيب جديع
حطب وشقفة نار. وفيه هاليركه عندهم كبيره، قد تبعة الحاووز! وداروا يجيبوا نفة كاز وجدوع حطب، ما
قلتي ربي ارحمني²²⁶ إلا همه مبعيينها. وداروا هالنار، وهذولاك يلاهين فيها وينخوشن²²⁷، إلا همه بندوها
صوت في العماده²²⁸، خليههم يجيبوا الناس يتفرجوا، كل هالناس دشعت.
قالت لها:

- ان شا الله بدك تروحي وتدشري ضيفتك؟
 - قالت لها: ولآ؟ كلهن رحن، بناتي وجاراتي، شو أظل قاعد أساوي؟!
 - قالت لها: ول²²⁹، ماني عندك، ضيفتك؟ بتدشريني وتروحي؟
 - قالوا لمره الخطاب: جيبها معك.
 - قالت لها: يالله معي اتفرجي معاي، والزبات لا حدا بسرقةن منك. نخرت هالحماره قدامها.
ومن هان يا مرة الخطاب، من هان مرة الخطاب، تعالي امرقي من هان، ماني بدني نضيتك انت
وضيفتك. يم مرقت هي وياها، قالوا فيها شباب هالبلد هيك. هي وحمارتها والحمل إلي عليها
اولادتها، ودبوهم في هالنار! يا بيسي، يالله يتقلدك يا مرة الخطاب، اللي تحت الحايه الك! اللي في
المطرح الفلاني إلك! قالت لها: روعي يالله يحرق روحك، قالوا: منروح منجيبه! يم رحن الصبحيات
رحن يدورن على أبوهن، لقينها مقرقته. يالله يحرق طيزك! ما روضيتش إلا تاجيت نصيبها! فخب
من هالقمح وهالعنسد، من هالخير اللي عندها، زيت وسمنه وروحوا وعاشوا
- وطار الطير الله بمسيكم بالخير


225. لاهينها: أشغلنها

226. ما قلت ربي ارحمني: تعبير عن السرعة

227. ينخوشن: يقمن بما يزعجها

228. في العماده: عنداً

229. ول: الويل



الحوريه وحماها

هاذي وحده باقيه منذره نذر إنما تخطب لابنها من بنات الحور، باقيه تجيب هالولاد ويموتوا، وآخر واحد جابته قالت: ياربي نذر علي، والنذر أمانه، إن الله خلألي هالولد عمري ما يجوزه إلا من بنات الحور. قالت لها سلفتها:

- الله يسحكك إنتي بتقدري عليهن؟

- قالت لها: ربنا بعين، مثل ما بدها بمشي، ولو بنتخبط فوقي بحكيش معها.

- قالت لها: طيب الله يقدرك. والله كبر هالولد، ما هو ابن الحزيفه بكر بسرعه، أخذته وراحت لها الشيخ، قالت له:

- يا حظرة سيدي الشيخ، أنا جبت أربع ولاد، أنداري خمس ولاد، ويموتوا، ونذرت نذر وقلت، وجهك يا ربي إن أعطاني هالولد وعاش... هالقيت الولد أجا وكبر، هيّه جبنه معي، وكيف بدي أوي نذري؟ قال لها:

- يا بنتي بنات الحور تعبات بس إن الله سهلها معك وصرتي يعني قد حالك بتصونيتها.

- قالت له: تفضل شو بدي أسوي؟

- قال لها: يا بنتي بتروحي عالبركه الفلانيه، سمى اسمها، يمكن ع بركة سرور²³⁰، وبتقعدي، يبجين بنات الحور عشر وحدات، خسطعش، عشرين، بدران يرفرن ع اذبال هالبركه، وبعدين يبشلمن ثياب الريش إللي بقين يطيرن مجن، وبنزلن في البركه بشباحات وكلاسين. يعني لما نحن يشلمن ثياب الريش إللي بتحطي عينك عليها وتحببها، أنظري عليها وين بتحط ثوبها، واعمديه وطوليه وخيبه. قالت له:

- يا سيدي الشيخ بتمشي؟

- قال لها: إنشالله رب العالمين وإلك فيها قسمه، وصنتيها بتمشي بإذن الله، أنا بقول لك إللي علي، والباقي على الله.

راحت هي وإبناها وقعدوا تحت هالشجره عشان يشوفوهن، جين في عز الظهر لا وحده ولا ميه، يشلمن

230. بركة سرور: اسم بركة في بلدة الراوي/الراوية، وتستعمل أسماء المواقع لتقريب القصة الى ذهن المستمع.

ويطحن،

- قال لها: يمه أنا بدّي هاي،
- قالت له: طيب بنّا نواجي²³¹ عليها وين بتحطّ الثوب، أخذته مشان يونسها، والطريق مسافه، واجت عليها وين حطت ثوبها. هن طمسن في قاع البركه ما هن يمّ يطمسن في قاع البركه، ما بينش في السباحه وهي يمّ عمدت هالثوب طالته وعاودوا قعدوا مطرحهم. طلغن من الحمام واعمدن هالثياب وهاذ تلبس وهاذ تلبس وآخر ما ظل هي، قالت لهن:
- ثوبي ماهوش!
- هذا يجوز الإنس قشعك²³² وطاله²³³.
- شو الإنس؟
- قالوا لها: إنس بني آدم، تخافيش هاذ بني آدم ما هوش إشي.
- قالت طيب والزاي؟
- قامت المزه معاها هالشقفه الله بعلم شو هي، إجت وقالت لها: إنت بنتي في عهد الله. غطّتها فيها من خوف تظّلّ مشلّحه قدام ابنها. يعني قالت لها:
- سترّ الله عليك يا إمي،
- قالت لها: يا لله تفضّلّي بدك تروحي معي.
- أنا وين بدّي أروح معك؟
- قالت لها: أبداً أنا عليّ نذر وجيت مشانك خصّ، وربنا العليم عليّ وأنا ما بدّي إلا ستيرتك، تخافيش.
- قالت لها: هاذ ابني إللي بدّو يكون على حسابك، وإنتي أختنا بعهد الله والخاين قبيلته الله، إن خنّاك بخوناً الله، وبدنا نروح على سنّة الله ورسوله نملك²³⁴ عليك، ونغني ونذبح ونسلخ ونقيم ونسقط تصيري مرته.
- قالت: طيب. رّوحوا، وهمّ مروّحين ميلوا عّ الشيخ قال لها:
- كيف تسهّلت الأمور؟
- قالت له: الحمد لله رب العالمين.
- قال لها: يا بنتي مثل ما إنتي ظلّي يا بنتي، كل المسلمين إخوه، بتبقي عند هذول الإخوه ولا تظلي متّوهه بين الشجر والهيش.
- هذا وقعتي عند مسلم، يجوز توقعي عند مسيحي ما يعرفش بدينك. أم الولد قالت له: حيّاك الله. بنت

231. بنّا نواجي: نواجه، نراقب.

232. قشعك: رأيك.

233. طاله: تناوله وأخذه.

234. نملك: نعقد القران

وبتجنّ. قالت له: بتعمل معروف كان عندك ثوب نوم لمركك لأخنك لبتنك، المهم أعطيتي إياه بحقه، لإني سترتها بشبّاحه وكلسون لما سلحت ثوب الريش. الله يعلم شو إللي أعطاهها إياه، وقال لها:

- استرّيتها وهاي مندبل وقبعيتها، وأعطاها المندبل وقبعيتها وأخذتها ورّوحت، قال لها: بس مش من حدّ ما تروحي تّدوري إتهاي وتزغرفي، قعدتها في الدار ثلث تيام أربعه. ما تجيبش سيرتها، إن عرفن بناتك وجين عليك خواتك، المهم هاللي بقرب لك قولي لن حيط إنحدّ عّ فايه²³⁵. بدها تظّل الشغلّه مسرّه ممّا تملك عليها عّ سنة الله ورسوله، بنروح نكسي ونجيب لها ذهب ونجيب ونجيب تمّه الله ييسّر أمورنا بعدين بنشيع الخير،

- قالت طيب.

رّوحت، جين بناها قالت لن: بما حيط إنحدّ عفاية الطريق، الحمد لله سرّيت بنت الحلال. هي أجت ومنهان تتدبّر أمورنا بنهاهي، هالقيت إتهاي وإحنا مش مسوين إشي والناس تنجمع علينا، لأ. إحنا هاظا الخير إللي أخذناه، قالت لها: طيب ظلين تمنهم دبّروا حالهم ولملوهم هالقرشين إللي باقيات لهم برّه، وراحو جابوا الشيخ وأملكوها عليها. حين أملكوها عليها، ثاني يوم حتتها، حطتها في دار اختها، بدهاش تخلّوها في دار ابنها يعني. وحتّوها ورقصوا لها وغنّوا لها وأعبّرتها عليه، حطتها في قصر. قال الشيخ للمرّه:

- إنت عّ شرط ما تعدّيش عندها القعدة عند الثين مع بعض أول ما تبقى جديده بفسد خلّقتها، بين ما تتحمّش إشي إن صبتني شغله، إن احكيتي كلمه تتقلّ منك! بتظّل هي وجوزها حمامه، وجوزها هاذا حمامه، بس ثوب الريش إن عقلتيتها فيه²³⁶، عمرك ما بتعقلي عليها. ثوب الريش إغديه حطّيه في مطرح إللي ما تهدي عليه²³⁷.

- قالت ليش يعني؟

- قال لها: ليش بقول لك أقعدي لحالك، لأنه إن قلتي وقّ²³⁸ وما أعجبتهاش الكلمه، بتروح عّ ثوب الريش بتلبسه وبتصقف من عندكم، مطرح ما بقت بتعاود.

- قالت له: طيب دلّك الله عّ الخير. وقامت، وظلت تقول لها يا حبيبي يا عويناتي. من أولها حبلت، جابت أول ولد حطته في هالقصرية²³⁹ وطبّيت فوقه، كسرت الجزّه وحطته فيها وطبّيت فوقه. دارت تتمقّت الحختياره بدها تحكي، قولي الله عوّظ عليها. ما طوّلتش وردّت حبلت جابت الثاني.

235. حيط انهذّ عّ فايه: تعبير للاحتفاظ بالسر.

236. إن عقلتيتها فيه: إن علمتيتها أو عرفتيتها عنه.

237. ما تهدي عليه: ما تعرف عنه.

238. إن قلت وقّ: إن قلت أي كلام حتى لو كان دون معنى.


239. القصرية: وعاء فخّاري كان الناس يستعملونه لطبخ المقتول لأن له قاعدة فيها نقوب كثيرة يوضع المقتول في القصرية، وتوضع القصرية فوق القدرة الفخارية، ويطين بينهما بالعجين حتى لا يتسرّب بخار الماء المغلي إلا من خلال نقوب القصرية، فيمرّ البخار بين حبات المقتول وينضجها.

- حطّته رَدّت في زير وطّنت فوقه. وجابت الثالث وعملت نفس الإشي. إتنهدت الختياره، رَدّت قالت لأ، أنا بخسر إن أخطيت معها بتطير، بتعقل في ثوبها وتطير. أخذت المرّه الثوب وخبّته عند بنتها، أنداري وين وخبّته. صار هالعرس في البلد، عزموها راحت دارت ترقص، دشّر العرس وصفن فيها ع الرقصه إللي عليها. حين دارت ترقص صرن يقولن: يبيبي بنت الحور ما احلى رقصتها، بنت الحور يا ما احلاها، بنت الحور يا تبال إللي أخذها. قالت هن بنت الحور:
- هاذ مش رقصه! رقصتي لو أعقل في ثوب الريش وألبسه وإلكن دور أرقص فيه، كان بتطرن من عقولكن! قالت المره في سرّها، وأنا بعدها تضحك عليّ تنها تلبسه وتصفق، بطحاني ابني، خبّته، قالت لها:
- يا عمتي ما هو وقع مني مشان المسافه بعيده، واحنا نمشي ما دريتش وين مزط ووقع مني.
- قالت لها: يعني بتعلميش؟
- قالت لها: هي الدار فتشي فيها،
- فتّشت الدار ما لقتوش، راحت حظرت العرس بلاه، وروّحت، قعدت، دارت تغربل الختياره في هالقمحات، إجت كنتها، هالجاهه فش إلم غيرها بتبيظ هالبيظ، أخذت حبه من الغريال حيّه لربها، زقطتها كنتها وذبحتها، وصفنت الختياره. قالت لها: واجي تقول لك²⁴⁰:
- إنت كل إشي إن سوّيتيه بتوخديه عوّج، وأنا بدّي أدلكّ ع الصحيح قبل ما تورطي معي. يعني أنا بحبش أزعلك ولا إنت تزعليني، إحنا جينا من دنيا لدنيا تتعلّقنا في بعض، واللّي بصبر كثير بصبر قليل، إنت صبرتي عليّ ع كل اللّي سوّيته، بدّي أفهمك شو الطرق إللي سوّيتها.
- فتحت لها أول جرّه إللي طيّنت فيها عالولد قالت لها: تعالي، لأقت الجرّه دافقه مّي وفشّ فيها حدا، فقالت لها:
- تفرّجي هاظ بقى بدّه تنّه يصير إبن خمسطعشر سنه ويموت غريق. مين أحسن أشرب حسرته ولا اليوم الأقيه تنفقه مّي وأكبّهن؟!
- قالت: لا يا بنتي اليوم أحسن،
- قالت لها: طيب زعلني ع الثاني؟ قامت الجرّه لاقته سكن.
- قالت لها: تعالي أحسن يموت حريق ويتعجّب عليه، ولا الأقيه سكن هالقيت وأزّم الجرّه وأكبّها؟! وحيط إنهد عفيّه، مهو مات زمان وتنسيه، ولا أدور أتحمّر عليه أنا وإنّ؟
- قالت لها: لأ والله سكن ينكب ولا تنحسر عليه.
- قالت لها: تعالي بدّي أوريك الثالث، فتحت الجرّه لاقته شعلوبه نار. قالت لها:
- شو هاذي؟
- قالت لها: هاظ الله كاتب عليه يطلع عن حيظ ويندب وييجي في النار، وتظل مولّعه فيه تمّنه بخلص، مين أحسن أتحمّر عليه وهو مشوّه والا أكبّه اليوم وهو سكن؟

240. واجي: واجهيني، انظري الي

- قالت لها: حياك الله يا بنتي، مثل ما بدك.
- قالت لها كنتها: وزعلتي ع الجاجه إللي ذبحتها تعالي، إلا هي باقيه ذابحتها وطايه حبه القمح امشقرتها حبه بركه هالقد.
- قالت لها: وهذي حبه القمح إللي ذبحت الجاجه عشانها هي حبه بركه، إن حلها طلعت²⁴¹ من الدار، عمرك ما بتعقلي ع إشي توكليه، كل البركه بتطير من الدار، بتدوري تحطي الإشي ما تلاقيشي، وهالقيت شو إللي يعني بدك إياه؟
- قالت لها: مثل ما بدك يا بنتي إن قلتي لي نامي تني أذبحك بنام، ولا بطلع عن خاطرک في هالقد، وإشو إللي بدك إياه يا بنتي مني؟
- قالت لها: بس أعطيني ثوب الريش أروح أطلّ ع أهلي،
- قالت لها: بقدرش، أنا ثوب الريش ما دريتش وين راح، أنا يا بنتي هاظا الإشي يرجع لجوزك،
- قالت لجوزها،
- قال لها: لأ بتعيبني، شفنا الأمرين تنّا جيناك، وهالقيت بدّي أردّ أطاحن أنا وإمي، بقدرش
- قالت له: أعطوني إياه بحقه،
- قال لها: أي إنت بثوب هالريش متحالیه فيه، هاتيه بمّه، طالته وأجا حطّه ودار فوقه كاز وأحرقه. لا تحرقه، من حرارة الروح قالت له، لكن والله لغنيك لأبد الأبد بس أعطيني إياه. طالت ثوب الريش وطرقته في الحيط، قلب قرقوشة ذهب! قالت له: إستغني من وراه توّريك، بس أنا بدّي تطلق سراحي وتودّيني على أهلي، قال لها: بقدرش، وطال هالذهبات. ودّعتهم، مادروش وين دارت.

241. إن حلها طلعت: إذا خرجت



بنت الحمامات

من هان لهان يا سامعين الكلام صلوا على بدر التمام، ما بطيب الحديث إلا بذكر النبي عليه الصلاة والسلام. في هالزلة مرته ما بتحبش، اجا هالواحد بيع في بيض وينادي: هذا البيض اللي بحل. اجت اشترت منه وسوتخن مقالي، وغطت عليهن، ولأ هو جاي جوزها وماكلهن! قالت له: ياالله يضيعك هذول شريتهن عشان أحبل! حبل الفقير، روح يا شهر وتعال يا شهر ويكبر بطنه وصار بده يولد، ما هو الزلة بحبلش. الناس بقت تقول له هذا نصاحه. دار يقاسي، اجا حبل حاله وراح ع بير الخور²⁴²، وربي سبحانه وتعالى نزلها من بطه رجله هالبت اللي بتجن، دشرها وروح.

اجين هالحمامات، قالن: هالبت ما احلاها! حملنها واخذتها وحطينها في هالقصر ولبسنها وصرن بمصصين فيها ع هالقزازه لحد ما كبرت، وصارت صبيه من هذيك الظهر، اللي يشوفها بنجن من حلاوتها. قاعده مره بتمشط ع شباكها وشباكها بطل عالنهر، اجا ابن السلطان وبده يسقي فرسه من النهر اجا شاف صورتها في الميه وهي تمشط، التمس! روح وصار يسأل انوه بقدر يجيب لي اياها؟ انوه بقدر يجيب لي اياها؟ وصار كل يوم يروح يشوف صورتها في النهر. ظل يسأل انوه يجيب له اياها، ولأ واحد قال له: ما إلك الا عجوز السو، هذيك بتقدر تجيب لك اياها. راح عالعجوز وقال لها:

- بتقدري تجيبي لي البنت اللي في القصر وإلك شو ما بذك؟

- قالت له: آه بقدر.

راحت العجوز عالنهر، واخذت هالشاه معها، ودارت تذبج فيها من ورا، قالت لها:

- يا ستي الشاه ما بتذبش من ورا!

- اجت قالت العجوز: ولأ من وين يا ستي؟

- قالت البنت: من قدام، اجت دارت تذبج فيها من بطنها، قالت البنت:

- ولأ يا ستي من رقبته بتذبج مش من بطنها!

- قالت العجوز: انا داري وين يا ستي انزلي فرجيني من وين اذبحها.

عاد هذاك الامير بستى. يوم نزلت من القصر، قدمت عالشاه، وقالت لها: من هان يا ستي، يم هذاك

242. بير الخور: اسم منطقة في بلدة الراوي/ الراوية.

الامير زَقَفها²⁴³ واخذها وراح. كتب عليها ع سنة الله ورسوله وتَجَوَّزها.
يوم انه تَجَوَّزها صارت أمه تغار منها، بعد أكنم شهر طردتها أمه، وقالت لها: روجي مطرح ما اجيتي.
اجت رجعت عند الحمامات ع قصرها. وهذيك أمه تحومرت وتبودرت وختلت حالها انما مرته. يوم
شافها قال لها:

- وين اُمِّي؟

- قالت له: امك طشّنت.

- قال لها: كيف طشّنت؟

- قالت: انا داري راحت تدوّر لها ع جوز.

دار بنام مع أمه ولأ هي حبلانه. يوم صارت تتوحم ودّت الخدام وقالت له قول:

يا ستنا يا ستنا

ياللي حمامك بيدرج

من قصرك لقصرنا

اعطينا من التفاح اللقّاح

للوخامة اللي عندنا.

راح الخدام وصل بنت الحمامات، اجا قال:

يا ستنا يا ستنا

ياللي حمامك بيدرج

من قصرك لقصرنا

اعطينا من التفاح اللقّاح

للوخامة اللي عندنا.

اجت قالت له:

وحياة ابويا

والحمام اللي ربّاني

واللي صارت أمه مرته

وانا كيف ينساني؟!

انزل يا مقص وقص لسانه

نزل المقصّ وقص لسانه. رجع عالقصر يُلاخيم²⁴⁴ ويقول للمرة: بوبوبوبورربيبب.

ثاني يوم قالت لخدام ثاني: روح جيب لي من التفاح اللقّاح. قال الخدام للبننت:

يا ستنا يا ستنا

243. زَقَفها: اختطفها

244. يُلاخيم: يقول أصواتاً غير مفهومة.

ياللي حمامك بيدرج
من قصرك لقصرنا
اعطيننا من التفاح اللفاح
للوخامة اللي عندنا.

اجت قالت له:

وحياة ابويا
والحمام رباتي
واللي صارت ائمه مرته
وانا كيف ينساني!
انزل يا مقص وقص لسانه

رجع عالقصر يلاخه ويقول للمرة: بوبوبوبرربيبب. ثالث يوم قالت للخدام الثالث: روح جيب لي من هالتفاح اللفاح. جوزها لحقه بالخفيه وتخبا، قال الخدام:

يا ستنا يا ستنا
ياللي حمامك بيدرج
من قصرك لقصرنا
اعطيننا من التفاح اللفاح
للوخامة اللي عندنا

اجت قالت له:

وحياة ابويا
والحمام رباتي
واللي صارت ائمه مرته
وانا كيف ينساني!
انزل يا مقص وقص لسانه

نط الامير ومدّ ايده للمقص وقال: في وجهي. اجا رجع المقص. قال لها:

- ليش رجعتي ع قصرك؟

- قالت: امك طردتني، وصارت تنام عندك، وهيها بتتوخم، وبتودّي في الخدم ليؤخذوا لها تفاح.


اجت بعدين نزلت وأخذها معاه وقال لها: انت مرقي، وانت حبيبي، وانت المليه، وانا ما عرفت انما امي.

يوم رجع عالقصر صار ينادي اللي بحب السلطان يجيب حصن حطب وشقفة نار، داروا الناس يلماوا في هالحطب ويكؤموا وداروا النار، ودبوا فيها عن ظهر الحيط وانحرقت وماتت. وهو انبسط هو ومرته وحبلت وجابت اولاد وبنات...

وطار الطير وتممسوا بالخير.

[The text on this page is extremely faint and illegible. It appears to be a list or a series of entries, possibly names or titles, arranged in columns. The text is too light to transcribe accurately.]





اولاد السلطان

هذول ثلاث اولاد للسلطان قاعدين في قصر لحاهم وابوهم بصرف عليهم. قال الصغير فيهم: ليش ما نطلب من ابونا ندخل؟ قالوا اخوته: احنا بنستحي. قال: أنا بستحيش بدّي اطلب منه. راحوا عند ابوهم، قال ابوهم:

- أهلا وسهلا شو بدكم بابا؟

- قال الصغير: بدنا نتجوز.

- قال السلطان: بدى اكتب هالاوراق وانفخ عليهن، وكل واحد وين ما توقع ورقته، يبطلب وحده من الحاره اللي بتوقع فيها.

كتب ع هالاوراق ونفخهن، واحد هدّت مثل ما تقول في دار الوزير، ووحدة في دار تاجر كبير، وهكذا الصغير ظلت ورقته طايره وهو لاحقها، لحدّ ما وصلت هالمغاره شرقي البلد في السهل. يوم انما وصلت ولا هو في هالمغارة أربع شباب نائمين، اجا حطّ راسه ونام عندهم. يوم قاموا الصبح توضعوا وصلوا شافوه، قالوا: هذا في واحد جاي نائم عنا، اذا قام وقال لا اله الا الله ومحمد رسول الله وتوضّا وصلّى وقال صباح الخير يا اخوتي المسلمين، اللي بدّه اياه رح نعطيه اياه، وإذا ما قام يتوضا ويصلّي وطرح السلام بندبّره. هو عاد قاعد بسمع فيهم ومخّلّي حاله نائم. صبر شوي، وقام. قال لا اله الا الله محمد رسول الله راحت علي الصلاة. توضعّا، وصلّى، وقال صباح الخير يا اخوتي المسلمين. بعد ما قعد معهم قالوا له:

- شو بدّك؟

- قال: انا طلبت من ابوي الجيزه، وكتب لنا اوراق ونفخ عليهن، وقال مطرح ما بتهدّي الواحد ورقته بحطّب من الحاره اللي بتهدّي فيها، وانا ورقتي ظلت طايره لحدّ ما وصلت مغارتكم وعبرت فيها.

- قالوا له: أهلا وسهلا بنجوزك.

- قالوا له: بدنا ننصب لك دار،

وبعد اسبوع زمن ولا هالقصر منصوب. يوم ادخلوه ولا هي هالعروس الجحّة المليحة، بس يوم انما اجت تنام عنده ولا هي لبست هالجلد اللي ريجته بتقتل، وما قدرش يقعد في الغرفه اللي هي فيها! نام هو في غرفه وهي في غرفه. هذولاك اخوته تجوزوا، واحد اخذ بنت الوزير، والثاني أخذ بنت التاجر الغني، وهو

حزين كل ليلة مرته تلبس له هالجلد وما يقدرش يطيق ريحتها ويروح ينام في غرفه ثانيه. بعدين مرض ابوه، قال: بدني كنانيني يسوين لي شوربه اذوق طبيخهن، ماهي كل وحده في دار. راحت مرت الكبير وودت خدامتها وقالت لها:

- جيبني حبة بعر،

- قالت لها: ليش؟

- قالت: بدنا نخطهن في شوربات سيدك دوا.

وهذيك الثانيه قالت لخدامتها:

- جيبني لي موص حير،

- قالت لها: ليش؟

- قالت: بدنا نخطهن في شوربات سيدك دوا.

وهذيك مرت الصغير طبخت هالشوربات الملاح اللي ريحتها بتجتن. هذالك الكبير اخذ الشوربه لأبوه ويوم انه شمتهن ابوه قال كبوهن، ريحتها بتقلب المعدة. وهذالك أخوه الثاني يوم طلّ في الشوربه اللي فيها موص الحير قال له ابوه: كبهن، ريحتها بتقتل من بعيد. هذالك الصغير يوم طلّ في الشوربات الملاح

اللي ريحتها بتفحفح، قال يا حبيبي هات اذوق شوربات مرتك، ويوم شرب منهن طاب.

بعد ما طاب السلطان قال لاولاده: كل واحد فيكم بدني مرته تخطّط لي بدله. راحت مرت الكبير قالت لخدامتها:

- اعطيني مسلة وخيط قنب،

- قالت: ليش؟

- قالت: بدني اخيط بدله لسيدك.

وهذيك مرت الثاني قالت لخدامتها:

- اعطيني مسلة وخيط صوف اخيط بدلة سيدك.

ودرن يشلين عاد في هالبدلات في خيط قنب وخيط صوف، والغرزة هالطول طولها، وخيطهن وودين له اياهن بسرعه. يوم شافهن حمان: قال رُجن رُجن، بطلت ألبس. هاذيك مرت الصغير قالت لجوزها: بتوخذ ابوك عالحمّام، وبتوخذ حبة هاللوز هاذي، وبتدقها، بطلع لك جوز كلاسين، وهاذي اللوزة بتدقها بطلعك جوز شلحات، وبتدق هاذي اللوزة، بطلعك جوز قمصان، وبتدق هاذي اللوزة بطلعك جوز بلايز، وطقّ هاذي اللوزة بطلع لك جوز بنطلونات، وهاذي اللوزة بتدقها بطلع لك جوز جاكيتات، وهاذي اللوزة بتدقها بطلع لك جوز كرافات. راح عند ابوه وقال له:

- ياالله يابا بدني اوخذك عالحمّام،

- قال له: ما انت مش جايب غيارات؟!

- قال له: انت بس تعال معي وبهونها الله.

وهناك دار يطقّ في هاللوزات وطلع له جوز كلاسين وجوز شلحات وجوز بلايز وجوز قمصان وجوز

بنطلونات وجوز جاكيتات وجوز كرافات، ولبسوا وتلبسوا وانبسط ابوه. قال السلطان: يا ابا يا حبيبي
 بدي اعزمها مرتك. وراح عزم كنانينه الثلاث. يوم العزومه قالت لجوزها: انت اقعدهان، وهاذي الغرفه
 بتفتحها، وهاذي افتحها، وهاذي افتحها، بس هاذي لا تفتحهاش، وراحت ع العزومه. وهو قاعد ع
 هالبر باب القصر، صافن، قال: بدي افتح هالغرف اشوف شو فيهن. فتح الاولى لقيها ملانه جواهر،
 وهاذي لقيها ملانه ألماز، وهاذيك ذهب، وهاذي وهاذي لحد ما وصل الغرفه اللي قالت له تفتحهاش،
 فتحها. ولأ هو فيها الجلد اللي طالعه ريحته! اجا دار النار فيه وحرقه خليه يخلص منه. يوم ولعت النار
 فيه شمت ريحته وهي عند ابوه، بقوا حاطين الغدا، اجت قالت:

- ابصر ابنك شو سوا انا بدي اروح،

- قالوا لها: اقعدي تغدي!! اجت حفنت حفنة رز ولحم وحطتهن في عتها، سقطتهن، ولأ حبات الرز
 قلبن صيصان واللحمه قلبت اقرقة، والقرفة صارت تُقرق والصيصان ينقرن ع هالمصطبة. راحت
 لقيته صار حارقه، قالت له:

- ليش هيك سويت؟

- قال: ما انت اطلعتي روحي في هالجلد بتلبيسي لي اياه من المغرب وطالع، وما بقدرش اقرب عليك!!

- قالت له: ول ما صيرتش علمي لتشوف الجلد هذا شو بساوي؟!

- قال لها: لأ.

- بعدين قالت له: اعزم ابوك، راح عزمه وقال له: بكرا يا ابا غداك عنا. سوت له هالغدا وحطت ع
 كل درجه بنت من هان وبنت من هان وهي في الطابق الثالث. كل ما شاف وحده يقول لها:

- حبيبي انت كنتي؟

- تقول: لأ،

في الطابق الاعلى. يروح ع اللي بعدها:


- حبيبي انت كنتي؟

- تقول: في الطابق الاعلى.

لحد ما وصلها ولأ هي أحلى منهن كلهن، ماهي بقت متمكيجه ومزبطه حالها احسن من يوم عزومته.
 سلم عليها ولأ هي ماديئة له هالشرفة من كل الاشكال. وتعدا وانبسط. وهكذا ابنه تجوزها، وصار ينام
 عندها وخلفوا صبيان وبنات.
 وطار الطير وتمسوا بالخير.

Faint, illegible text, likely bleed-through from the reverse side of the page.





مقطعة الديات

في هالوحدة وجوزها، قدّرت عليهم التقادير وماتوا. وباقي وراهم بنت بكر وولد. الناس نحبوا اولادهم بعد ما ماتوا ولا خلّوا لا حيلتهم ولا سيلتهم. ظلت عندهم هالجاجة كل يوم تبيض بيضه، تستأها البنت تبيض كل يوم، وتروح تشويها، وتقشرها وتطعم البيضة لاخوها الصغير، وهي توكل القشرة. وتقعّد بعدين هي واخوها باب الطابون، اذا وحده من النسوان اللي يخزن شفقت عليهم و اعطتهم فنة خبز ولا قرص.. يوكلوا، ما حدا اعطاهم يظلوا ع هالبيضة طول اليوم.

مزين السنين وكبروا الاولاد شوي، وباقي عندهم طاحونه منصوبه في الدار، مش رحاليه²⁴⁵. يعبرن الجارات يجرشن عليها. يوم عبرت وحدة من هالجارات تجرش عليها، هالجاجة شردت، وما ظلّش عند البنت واخوها اشي. صاروا يقعدوا باب هالطابون واللي يشفق عليهم يعطيهم فنة خبز يوكلوا. ويوم من الايام طلعت هالجاجة تقاقي، صارت الجارة تنادي ع البنت تقولها هي يا فلانه حاجتك سمعتها بتقاقي من هذيك الطاقة. يوم راحت البنت تدور عالجاجة ووصلت الطاقة ولا هو سيفل²⁴⁶ وياجاجة صافّة البيض صفّ في السفّل. دارت البنت تلقط في البيض ولا هو تحته ذهب. حفنت وطالت منه، وحطته في عبّها²⁴⁷. وطالت هالبيضات وروّحت. راحت اشترت فرشات ولفّة الها ولاخوها. وقالت لاخوها:

- ياخوي لو اعطيتك من ذخيرة²⁴⁸ امي وابوي شو بتشتري؟

245. طاحونه منصوبه مش رحاليه: طاحونه يدوية ثابتة على أرض البيت، بينما الطاحونة الرخائية قبله للنقل من مكان لآخر.

246. سيفل: جرة فخارية، فتحة بابها واسعة، ويمكن دفن السفّل في الأرض حتى لا تظهر منه سوى فتحة الباب، كما في هذه الحكاية.

247. العبّ: جيب الثوب على الصدر.

248. ذخيرة: مخّرات

- قال لها بشترى مقلعيه²⁴⁹ ومزّي²⁵⁰، وبشترى لك ياختي طابون ومكنسه وحصيره،
- قالت اخته: آه لعاد ياخوي انت كماك صغير. قامت اعطته شوي من الذهبات وقالت له روح اشترى اللي بدك اياه ياخوي. راح اشترها اغراض الدار واللي بدّه اياه. بعد سنتين قالت لاخوها:
 - ياخوي لو اعطيتك من ذخيرة امي وابوي شو بشترى؟
 - قال لها بشترى فخاخ صيد ومعيطه وخرطوش عسافير²⁵¹.
 - قالت اخته، آه لعاد أخوي كماه صغير، قامت اعطته شوي من الذهبات وقالت له: روح اشترى اللي بدك اياه ياخوي.

- بعد سنتين ثلاث ردّت رجعت عالسفل طالت منه شوية ذهب وقالت لاخوها:
- يخوي لو اعطيتك من ذخيرة امي وابوي شو بتجيب لي؟
 - قال لها: بجيب لك بقره وبجيب فرس وغنم وبروح ادور ع رزق ابوي وامي وتولّاه.
 - قالت: آه، هالقيت انت صرت زلمة وكبرت. اعطته الذهبات اللي طالتهن وراح اشترى بقره وغنم وفرس. وصاروا يبحرثوا ع البقرة، ويسترزقوا من الغنمات، والفرس هذيك اركوبه²⁵² اله.
 - صار اخوها يدور بين هالفلاحين ويقول انا ابوي بقى المختار مين اخذ ارضه؟ هظاك يقوله هاي القسم لأبوك، وهذا يقوله هذول الزيتونات بقين لأبوك، وهو يقول للي ماخدين أراضي ابوه بتعطوني اياهن ولأا علق دعوة، يروحوا يعطوه اياهن، ومع الوقت رجّع كل رزق أهله.
 - يوم من الايام اخته قالت له: روح ياخوي شقّ عالحرثين في ارضنا وشوف شو عاوزين. راح على ارضه يشقّ الحرائين، وهو راجع لحقته هالغوله، بس بقت مسّويه حالها صبيته.
 - قالت له: صحّ بدنك،
 - قال لها: وبدنك.
 - قالت له: ليش ظليت ماشي وما وقفت لي؟ انا الليلة ضيفتك، ركّبي وراك عالفرس.
 - ركبت وراه ورّوحوا عالدار، يوم وصل قال لاخته:
 - هاي الصبيه الليله ضيفتنا،
 - قالت اخته: اهلا و سهلا. بعدين، قالت له الغوله: انا بدّي الجوزك. تجوزته، وكل يوم صارت تطيح عند الغنم وتوكل راس وتمسح ثمها وترجع تنام عند جوزها. صاروا ينتبهوا انه كل يوم الغنمات بنقصن راس، لحّد ما خلصن الغنمات كلهن. وظلت شاه وحده، قامت الغوله اكلتها، ومسّحت الدم على ايدين وتمّ اخته وهي نايمة. ثاني يوم قالت لجوزها:

249. مقلعيه: أداة يستعملها الأولاد لصيد العصافير.

250. المزّي عصا مدببة الرأس تشبه الرمح يستعملها فريقان من الأولاد في لعبة تسمى المراتي تلعب في فصل الشتاء على المزابل.

251. مغيطة وافخاخ عسافير وخرطوش عسافير: أدوات صيد تتناسب مع عمر المراهقة

252. اركوبه: يستعملها للركوب عليها.

- قوم شوف مين اللي باقي يوكل الغنم.
- قال لها: اختي غوله؟! اختي اللي كبرت على قشر البيض توكل غنم؟
- قالت له مرته: شكلها باقية شاربه بول غوله وصارت غوله. روح اقتلها قبل ما توكلك.
- لعبت في عقله وراح اخذ اخته وقال لها تعالي نروح نشق ع ارض ابوي. يوم وصلوا الارض قال لها ما تقطعي لنا ياختي هالرقانات اللي فوق، هناك، شو في ما احلاهن، اقطعيهن في ايديكي الثنتين. يوم مدت ايديها تنقطعهن قطع اخوها ايديها الثنتين في السيف اللي معاه.
- قالت له اخته:
- آه بخوي.. مرتك فسدتك اني غوله. قالت له: دشرني هان وروح الها، بس حط لي ايدي في عتي، ويا ريتك ياخوي تطبعك شوكة وما يقلعها الا الايدين اللي قطنين. يوم وصل اخوها الدار، ولا الغوله صارت ماكله فرسه وبتمسح الدم عن ثمها. قال لها: هيد لعاد، فسدتني على اختي، وطلعتي انتي الغولة. قام طال الباروده، وطحها ورجع يدور على اخته.
- ظلت اخته هذيك ماشيه لحد ما وصلت هالقصر، شافتها العبداه وقالت لسيدها:
- يا هبائي يا هبائي اللي قاعده تحت القصر ما بتليق الا إلك، بس مقطعة الديات.
- قال الملك: خليها تعبر. اجت مقطعة الديات قالت:
- لا ستي عبده تمشي مع العبدات، ولا امي عبده تمشي مع العبدات، سيري يا عبده سيري. رجعت العبداه قالت لسيدها الملك هالحكي. طلع للملك عليها وقال لها اعبري ياختي اعبري. وبقي الملك متجوور ثنتين. حبها الملك وقال لها:
- انا بدي اتجوورك.
- قالت له: شو بذك قينا وانا بدون ايدين؟ رايح تتغلب قينا تطعمني وتمشط لي. قال لها: انا بسوي لك كل اشي بس اقبلي تجووريني.
- تجوورها وصار كل يوم الصبح يغسلها ويحممها و يمشط لها.
- وفي يوم من الايام، قال الملك بدي اروح العالج. وبقت مقطعة الديات جبلي في توم. قام قال لنسوانه الثنتين والعبداه وصاتكن مقطعة الديات ديرن بالكن عليها. ويوم ولدت مقطعة الديات جابت توم اولاد. قالن ضاريراها لبعض ماهو بقى يجيبها اكثر منا وهي مش مخلقة، كيف وهي وراها توم اولاد؟! فمن تيطردنا. قالت العبداه سيدي بزعل عليك وبهاوشكن. قلن لها لعاد بنقتلك انت واياها. قالت مقطعة الديات لعاد سوين لي مخلاتين تاحط في كل مخلاه ولد عشان اعرف ارضعهم، وحطين ايدي في كل مخلاه وحده. وطلعت وصارت تمشي لوصلت هالشجره عند النهر. قعدت تحتها وهي ميته من العطش، وخافت تدومح تشرب يقعوا الاولاد. قامت صارت تعيط. شافتها هالحمامه وامها، شفقت الحمامه عليها وقالت لامها:
- مسكينه هالمرة بما مش عارفة تسقي اولادها وتشرب.
- قالت امها: ما تشفقي عليها، هاذي بتعيط تشفقي عليها وتقدمي عندها وتوكلك.

- قالت الحمامة: مش شايفه يمّا ايديها مقطعات في المخلاة، ودواها هيّو فوق راسها. صارت تقطع في هالورق عن الشجرة وترمي في حجرها، خليها تدهنه على ايديها وقمن ايديها بقدره قادر ولزقن مطرحهن. صارت تحمد ربها وتوضت وصلت وحممت اولادها من النهر.

قالت الحمامة لامّها:

- انا بدّي اتخي لها قصر معلق بين السما والارض وسلم تسلق من ما بدها عندها. وربنا حقق دعوة الحمامة، وصارت كل يوم الصبح يصبح محطوط لها فطور وعالغدا وزه وصحن رز وشربة مي. ويوم اولادها كبروا داروا يحطوا لها عالغدا ثلاث صحون رز وثلاث شربات ميه.

يوم روح الملك من الحج قال:

- وين مقطعة الديّات؟

- قلن نسوانه ماتت وهي تولد في التوم، ولاخا بتعزّ عليك دفنّاها باب القصر. باقيات دافنات حمار ومترين صغار. قال الملك:

- انا بدّي افتح اشوفها.

- قالن له: حرام نفتح ع القبور. ما ردّش عليهن، وفتح القبور وشاف اللي شافه. قال لمن انا بدّي اروح ادور عليها وبس ارجع بتشوفن شو بصير.

اخوها هظاك بدور الثاني عليها التقوا سوا. سأله الملك:

- ع مين بتدور؟

- قال: انا بدور على اختي مقطعة الديّات.

- قال الملك: وانا بدور ع مرّتي مقطعة الديّات.

- قالوا لعاد بندور مع بعض ولما نلاقيها هي بتروح مع اللي بدها اياه.

يوم وصلوا القصر المعلق بين السما والارض. شافتهم من الشباك وقالت لاولادها: هظاك ابوكم وهظاك خالكم. بدّي امدّ لهم سلم التسليق وكل واحد فيكم بقعد ع حضن واحد، وانت قول بحياة ابوي تقولي لي عن اللي جرى في زمانك. وانت قول بحياة خالي قولي لي عن اللي جرى في زمانك. قامت حطّت لهم السلم وطلعوا عندها. عدّتهم وكل واحد من اولادها قعد في حضن واحد وقالوا لها شو وصّتهم. قالت لاخوها:

- وليش انت بتعرج؟

- قال: انا طبعني شوكة وانا ادور على اختي وما حدا عرف يسحب لي اياها.

- قالت له: هات تشوف؟ ويوم قدّمت على رجله سحبتها ولا هي قالعتها.


وقالت لهم قصتها.. قاموا صاروا يعبطوا فيها ويوسوا فيها الثنين. وسألوها مع مين بدك تروحي؟ قالت: اخوي قطع لي ديّاتي بس ما بجنش عليّ لاني ذقت حسرته وهو صغير، وجوزي دلّني ودار باله عليّ. انا بدّي اروح مع جوزي واخوي يبجي معي. يوم طاحوا من القصر قالت لهم انا بدّي اروح اجيب ذخيرة امي وابوي، وراحت عاليسفل، وطالت الذهبات وراحت مع اخوها وجوزها ع قصر الملك.

الملك يوم وصل قال: اللّٰي بحب الله ورسوله يجيب حطب وشقفة نار، بدي احرق نسواني الثنتين والعبده.

مرته قالت: العبده لأ، لانه ما طلّعش في ايدها تسوي اشّي يوم طردني. وحرقوا النسوان العاطلات الثنتين. وهذيك جوّزت اخوها وبنت له جنب القصر. وطار الطير وتمسوا بالخير.

Faint, illegible text covering the majority of the page, likely bleed-through from the reverse side.





بنات الحور

باقية هالوحده لا تحبل ولا تلد قابله: ياربي وانت ربي تعطيني ولد وما يجوزه إلا من بنات الحور، ربنا أعطاها هالولد ظلت تربي فيه تمنه كبير. طيب أنا تمنيت إنّي أجوزه من بنات الحور كيف بدّي أجيب له من بنات الحور؟ راحت لهالشيخ
قالت له:

- يا سيدي الشيخ أنا تمنيت هالمنوه ومانيش عارف كيف بدّي أحصلها.
- قال لها: شو يا بنتي؟
- قالت له: أنا قلت يا ربي تعطيني ولد وأجوزه من بنات الحور وأنا لا بعرف بنات الحور، ولا منين أجيبها والولد صار شب هبوتيه.
- قال لها: الشيخ آه روجي يا بنتي سوّي منسف وزميه على راسك مع وذان المغرب وإنزلي على المقبره، حطيه على أي قبر إعمدتيه، حطيه، واسحبي حالك وظلي مرّوحه، ما تطلّعيش وراكي بترّوجي إنت، واللي بتجيب السدر إنّي بتمسكيها وبتقولي لها: بدّي أؤخذك لابنتي، وشوفي شو بتقول لك هذيك الساعة.
- قالت له: طيب
- راحت جابت كيلو هاللحمه الله بعلم قديش جابت وطبخت وسوت هالمنسف، ومع وذان المغرب حملته عراسها ونزلت ع المقبره حطته ع هالقبر. وطبعاً هو قال لها: تطلّعيش وراك لما تحطيه، حطيه وظلي مقفيه، ظلت مرّوحه وآلا وين بعد العشاء، إغشايين²⁵³، إلا هو ما شافت إلا هالوحده بتدقّ عالباب:
- أهلا وسهلا يا بنتي فوتي،
- قالت لها البننت: خذي السدر. حبّتها المرّه،
- قالت لها: يا حبيبي بدّي أؤخذك لابني،
- قالت لها البننت: بتقدريش عليّ،
- قالت لها: لا بقدر إللي بدّك إياه من عيني.

253. بعد العشاء، اغشايين: ضعف الزمن ما بين المغرب والعشاء. وهي عبارة لوصف الوقت المتأخر من الليل.

- قالت لها: طيّب، قعدت عندها،

شو هالعرس وانبسطوا وجوزت ابنها وما شالله عليها. والله قولي مظى أسبوع وهالبننت ما احلاها معاهم، يوم إلا هم بقولوا مات فلان شب ما أحلاه، هذول الناس إللي بتحضر إللي يعيط، إللي ينوح، وإلي تقعد في حالها، وهي راحت لبست واتمكيجت وحلت هالمنديل وهم طايحين بها الجنازة هي ترقص وتزغرت، بالله يقطعها هاي هبله هاذي، بالله يقطعها وليش هاي هيك، ترقص وتزغرت، ترقص وتزغرت، تأمينهم دفنوه وسندوا. هي سحبت حالها ورؤحت. قعدت، يوم حملت جابت ولد من أول ما جابته حطته في جرة هالفخار وطينت عليه، بالله يقطعها هذي هبله. جايينها يقولوا أول وحده تولد ولد تحطه في جره وتطين عليه تسكر باهما عليه؟ ردت جابت الثاني ردت نفس الطريقة حطته في أخرى جره وطينت عليه. ردت عاد جابت الثالث برطو حطته في أخرى جره وطينت عليه. قعدت. دارت حماما تغربل في هالفمحات، أجت الجاجه طالت حبة قمح، قامت بنت الحور دارت تدور على هالجاجة وطاردت وراها تمسكها، وذبحتها، وشقت جوزتها، وطالت حبة القمح إللي أخذتها، رمتها في القمحات. هذيك حماما شو بدني أقول شو بدني أقول؟ ماهي قالت لي بتقدريش علي، تحكيش تحكيش، شو بدني أقول؟ أول مرة ثاني مرة ثالث مرة راح مات هالختيار، لما زموه ونزلوه عالقبر وهي بنت الحور زاته هالعصاه ورا هالجنازة، إخص إخص إخص، بعيد من السامعين، إخص إخص إخص، وراهم تادفنوه وسندوا، إلا حماما بتقول لها:

- والله يا عمتي ماني داري شو بدني أقولك! مانيش داري شو بدني أقولك شو إلي بتسوي فيه إنتي؟

هاظا هو عن هبل ولا عن جهل ولا عن جن ولا شو؟؟ قالت لها:

- احكييني؟ طيب تعالي احكييني، أنا قلت لك تحكيش، تعالي،

فتحت أول جرة لقيت بدال ماهو ولد لقيته دم إللي فيها،

- قالت لها: شايفه هاظا بدّه يموت قتيل وأرّيته نايبير شب وأتسّر عليه، كليلش؟ لأ خليني أترّيح منه.

فتحت الجرة الثانية لقيتها مي قالت لها:

- شفني هاي هاظا بدّه يموت غريق، طيب وأظّلّ تمته يبصر زله وأتمرمر عليه ويا حسرتي غرق في

البحر، ولا غرق في بير، ولا غرق في شي، لأ خليني أترّيح من همّه.

فتحت الثالثة لقيتها سكن،

- قالت لها: هاظا بدّه يموت حريق شايفه؟

- قالت لها الحماه: آه

- قالت لها: طيب هذول الثلاث عزفتك إشو الثلاث،

- قالت لها الحماه: ما إنتي حزيتني ما إنتي حزيتني، الشب الناس بتصيح وبتمزّع في حالها عليه وإنتي


بترقصي وبتزغرتي، أنهو قالها في الدنيا؟!

- قالت لها: الشب إللي يمزّعوا في حالهم عليه وينوحوا عليه هاظ رايح عريس لأختي، وأنا مبسوط،

أختي من بنات الحور ماهي، وأنا مبسوط وبزغرت لعرسها.

- قالت لها الحمאה: طيب والختيار الناس بمللوا وزايمينه ورايحين، وانتي بتقولي إخص إخص إخص هو في وراه كلاب؟
- قالت لها: زاقينه وكلاب جهنم بعيد عن السامعين موشتحات فيه، وبعدها قالت لها: خاطرک، أنا قلت لك تحکيش. غمضت الحماه، ما درتش وين راحت بنت الحور..





الحماية والكنة

كان في هالوحده هالأم ما إلهاش إلا الولد هذا، وحداني جوزته وجابته عندها حطّته، ألحين إيش ما جاب لحماتها لا لينا ولا قبلينا²⁵⁴، صارت تقول له: ألحين يا أنا يا إمك في هالدار:

- يا بنت يهديكي، يا بنتي يرضيكي، يقولوا الناس، هذي إمي إلهي ربّي،
- قالت له: حرّ يا أنا يا هيّا،
- قال ياربي هاذي أمي إيش بدّي أسويّ فيها؟ يا ربّي إيش أسويّ فيها؟ حسبي الله ونعم الوكيل عليها مرّي.

- قام قال لها: إيش قومي أخبزي يا بنت وسويّ وإعملي الزايدة والزوايدة، وأكمنّ رغيف هيك حالتهم على الله، حطّتها لها حاجه تسدّ النفس. وأخذ أمه ومشى ومشى مشى، وبنصّ هالصحرا حطّ أمه قال لها: ألحين بدّي أتركك بمّا، صارت يا ويلي، ثنائي وثنوّح وتعيّط وثنوّح²⁵⁵. وراح، صارت تقول بمّا وينك بمّا، بمّا يمكن تاه عني بمّا، عاد شوّفي كيف هي تجوح وتنوح ع ابنها، وكيف هي هانت عليه. مرقوا إثنين بتقاتلوا ع الصيف والشتا واحد بقول الصيف أحسن والثاني يقول الشتا أحسن، أجوا قالوا احنا بدنا نيجي عند العجوز هاذي ونقول لها. أجوا إلا هي بتقول: الله يحنّ عليك بمّا الله يطقّي نارك بمّا! عاد ألحين قاعدة هي بتدعي لابنها ولسانها ينقطّ عسل، وهما الثنين بتقاتلوا. قالوا لها:

- يا حجّة بدنا نخلّ قضيتنا عندك، وتقولي لنا مين أحسن الصيف ولا الشتا؟ هذا بقول الصيف، وأنا بقول الشتا.
- قالت يا بنني والله الصيف حلو والشتا حلو، الصيف يجيب جميع الفواكه، جميع الحاجات، الصبر والبطيخ والشمام والتفاح. والشتا صقعه صحيح، بس القمح والشعير والعدس والبازيلا والأبصر إيش والأبصر إيش، والله ما أحلاه الثاني. الصيف حلو يا بنّي والشتا حلو. راضت الاثنين،
- قال لها: روعي يا شيخه الله يجعل كل كلمه تتكلمها تنقطّ من ثمك ذهب. وهذول الثنين ما لحقوا

254. لا لينا ولا قبلينا: لا تريد الشيء ولو أحبته، على ان تُحرم حمايتها منه.

255. ثنائي وثنوّح وتعيّط وتجوّح: تنن وتوتوح وتبكي وتصوت.

يوصلوا ووقفتهم مع بعضهم، ولأَنَّهُ كَلَّ مَا تَتَكَلَّمُ، يَطِيحُ مِنْ فَمِهَا شَقْفَةُ ذَهَبٍ، وَمَعَاهَا هَالْمَنْدِيلُ وَلَا الصَّرَّةَ وَتَعَبِّي فِيهِ، حَتَّى الْأَكْلَ اللَّهُ سَبْحَانَهُ وَتَعَالَى خَلَّاهَا إِيَّاهُ مَا أَرْكَاهُ. لَوْ أَنَّهُ الزَّيْتُونَ كَانَتْ حَاطَّةً بِدَالِهِ بَعْرٌ يُنْقَلَبُ زَيْتُونَ. فَتَحَتْ هَالْمَنْدِيلَ وَصَارَتْ تَحْطُّ بِمَالِ الذَّهَبِ وَتَحْوِشُهُ لِابْنِهَا. هَالْحَيْنُ هُوَ إِمَّةٌ مَا هَانَتْ عَلَيْهِ قَالَ بَدِي أَرْوَحُ أَشُوفُ إِمِّي مَاتَتْ عَاشَتْ، أَلْمَلْمُ عَضْمُهَا، قَالَ هِيَ قَلْبُهَا عَلَى ابْنِهَا وَهُوَ هَالْحَيْنُ بَعْدَ شَهْرٍ تَذَكَّرَهَا، حَاطَطَ مَرْتَهُ عَلَى حَضْنِهِ وَمَشَّ سَائِلًا، رَاحَ يَشُوفُ إِمَّةً رَاحَ لَقِيَ أُمَّهُ إِيْشُ قَاعِدَهُ، زَيْيٌ كَمَا فِي نَعِيمٍ، هَالذَّهَبُ حَوَالِهَا، هَالْمِرَّةُ الطَّيْبَةُ، هَالعَزَّ، هَالْأَكْلُ، مِنْ عِنْدِ اللَّهِ أَجَاهَا، يَمَّا يَاحِبِّي يَمَّا وَيْنِكُ يَمَّا؟ صَارَتْ تَبُوسٌ فِيهِ وَتَحْبِجُ فِيهِ يَطَّلَعُ فِي هَالْمَنْدِيلِ لَقِيَ الذَّهَبَ قَالَ:

- إيش هذا؟

- قالت يَمَّا هذا ذهب، هذا من عند الله أجاني هذا رزق إلك يَمَّا وأجر لولادك يَمَّا،

- قال لها: يا الله يَمَّا يا الله تعالى.

ويركبها ويحضنها ويحضن الذهب، وهي كل ما تتكلم يطيح بالذهب، كيف حالك يَمَّا؟ توقع ذهبه، كيف إنت يَمَّا؟ تطيح هالشفقة²⁵⁶. حاصلته هالذهب ينقُط من ثَمَّها، هالحين شالها شيل حملها على كتافه، والله يشيلها وياخذها. شافتها مرتة،

- إيش هذا، ليش جايها؟

- قال لها: إسكتي، والله لغير تفرحي فرحه كبيره، إسكتي، هَسَّ هَسَّ بس تعالي قولي لها: كيف حالك. قالت لها مالك يا بنتي؟ وهي بتحككي والذهب ينقُط من ثَمَّها، صارت تقول لها: أهلا وسهلا يا عمتي، ولك قيم إملك حُطَّها هان!²⁵⁷ وصارت تُحَضِّنُ فِيهَا وَتَبُوسُ فِيهَا.

قالت له: هالحين يمين بالله، لغير توخذ إمي وتوذيها مطرح ما أخذت إملك.

هالحين طاشت،²⁵⁸ وهالعزَّ وهالغنى وتقول للخبز كُزِّ²⁵⁹ من كثر العزَّ، وهي بدهاش إلا بدها توذي إِمَّها. قالت له:

- والله إلا غير توذيها.

- قالت لإمها: تعالي يَمَّا بدي أوديكِي.

- قالت لها: وين بذك توذيني يَمَّا؟ الله ينتقم منك يَمَّا، عاد لسانها طويل هاذي إمها،

- قالت لها: إسكتي بدي أوديكِي مطرح عمتي، إسكتي، كل كلمه بتحككيها ينزل منك الذهب، تعالي شوفي الذهب إللي عنَّا، وإنتي يَمَّا بذك تسعدي بناتك وأولادك يَمَّا، وقالت لها: روحي وبدل ما تعمل لها الزَّوَّادَه زَيْيٌ هَازِيكُ مِنْ هَالْفَجَلِ وَبِالصَّلِّ وَالمَلْحِ، عملت لها هالقمح وهالمطبق وهالعزَّ

256. الشفقة: قطعة ذهب

257. قيم امك حطها هان: في مكان يليق بها.

258. طاشت: ارتفعت، كما ترتفع الأشياء من القاع إلى السطح.

259. صارت تقول للخبز كُزِّ: أي ان تغزُّ وضعها الاجتماعي أثر على سلوكها فظهرت ذلك بصورة مستهجنة!

وهالتفاح وهالبندورة، حطّتها لها كل حاجه. راح أخذها ومطرَح ما حطّ إتمه حطّها.

قالت له:

- وين حطّيتي؟ منك لله يا جوز بنتي، إنت بعقلك ولا مجنون؟ وين حطّيتي؟ هالحين يجي الذيب يا كلني، ولّا تيجي الوحوش تاكلي!

- قال لها: خليك، بسّ باجيك كمان شوي، خليك.

وهو هالحين يروح من هانا، وهي تطبّ تدعي على بنتها، منك لله وتدعي، إلا همّه أجوا هالنين بقاتلوا على الصيف والشتا، وهي قاعدة بتنقّ على بنتها. بما مُنت، بما عدّهم أكلوني الغيلان والثيران والضّبوعة. أجوا، قالوا لها:

- يا حجّة بدنا إياكي تحمّي لنا هاللغز، وشوفي لنا مين الأحسن الصّيف ولا الشّتا؟

- قالت له: الله يقطع الصّيف لما يلحق الشّتا، الشّتا صقع ولتخ²⁶⁰، والصّيف شوب وهمّ وغمّ،

- قالوا لها: روجي يا بعيده، الله يجعلك كل ما تتكلمي يطلعوا جرعان²⁶¹ من ثمك. ووالله كل ما تتكلم يطلوا هالجرعان منها والي يقرصوا فيها.

ما هي الكلمه الحلوه بتطلع الحّيّه من وكرها، والكلمه الطيبه صدقه، من كلامها وغلطها ودواعيها ربنا غضب عليها، وهالجرعان حوالياها وفوق راسها. قالت البنت: إلق شوف إمي، بدها تشوف الذهب. راح يشوف إمها، يا خزبان الدّيار إيش هذا؟ كيف بدّي أشيلها؟ الجعارين حوالياها، وقف بحكّ لها، الجعارين تنط عليه. مسكها بجعارينها، بحالها، بما لها، وع كاره²⁶² حملها وحطّها عليها. قال لها:

- خذي ياختي إمك

- قالت لها: نينكّبك بما، وينتقم منك، إنتي إللي نكبتيني! وهاي هالجعارين تطلع منها. وهي تطلع منها، وهي يا خيبتي صارت تصوّت. شوفي نية الصياد بمخلاته، شوف عملت بحماّمًا، وطلعت طيبه ومخترمه، وسلّمّت أمرها لله وتدعي لإبنها بالكلام الزين بيسدّ الدين، وهاي طويلة اللسان وين ودّاه، واقلب الجرّه ع ثمّها تطلع البنت لإمها، وحسي الله ونعم الوكيل عليها وع إمها....

260. صقع ولتخ: برد وطنين

261. جُرّعان: جمع جرع، وهو الدُّبور.

262. كاره: عربة تجرّها الحيوانات كالحمير والبغال.





اللي مقطعات ايديها

كان ياما كان في قديم الزمان كان هالبننت وأخوها، إتهم وأبوهم ماتوا ودشروهم وراهم، البننت كانت أكبر من الولد كان زغير كانوا أهلهم قبل ما ماتوا فقيرين ما عندهم لا مال ولا رزق ولا إشي اللي يعيشوا منه، وكانوا عايشين عالقله، ولما ماتوا ما دشروهمش إشي، والبننت ما الهاش حدا، لا عم ولا خال، مالهاش إلا هالأخو الصغير. يوم من هالأيام عندها هالجاجة، جاجه وحده وكانت هالجاجة تبيض بيضه وحده، البننت تسلق البيضه، تقشّر البيضه، توكل هيّه القشترات وتطعم أخوها البيضه. كبر أخوها وصار بدّه يروح عالمدرسه وهيّه ظلّت توكل القشترات، وتطعم أخوها البيضه، يوم من الأيام الجاجه ما باضتش، سألت أخوها عن البيضه، قال لها: بعرفش، قالت له: طيّب أنا بدّي أراقب الجاجه وين بتبيض. ثاني يوم راقبت الجاجه وألا الجاجه بتبيض في هالزجم، صارت الجاجه تقحف والبيضه تنزل، لمنها شو وصلت للأرض، ولا شو طنجرة هالذهب ملانه ملي! قالت طيّب، أخذت شوية ذهب من الطنجرة وراحت عالستوق في المدينه واشترت رزّ وطحين وزيت وكل حوايج الدار اللي بلزمها، وصارت تطبخ وتعجن وانبسط أخوها. وكبر أخوها، قالت لأخوها:

- دارنا ياخوي خراب بدنا بنني دار قال لها أخوها من وين بدنا بنني قالت له: - إنت ما إلك، وهي ما قالت له إنما لقيت ذهب. والله راحت صرفت شوية ذهبات وراحت علمدينه عند البنّا وقالت له: بدنا بنني دار مستقله إلي ولأخوي. أجا هالبنّا بنني هالدار وقصّرها وزطها من كل إشي، وبعد ما بنوا الدار قالت البننت لأخوها:
 - بدّي أجوزك، إنت كبرت هسا ولازم تنجوز.
 - قال لها: بلاش ياختي ما المره تقطع فيك.
 - قالت له: لأ ياخوي إنت مليح ومرتك بتيجي مليحه بتقطعش فيّ، وبدال ما إنظننا وحيدين بتيجي بتسلينا وبتخلف لك ولد ولا بنت أحسن ما نظلّ وحيدين هيك.
- راحت خطبت له بنت هالحلال، الله من فوق، حبلت هالمره جابت ولد، وظلّت البننت تحب أخوها حبّ قتال زيّ ما بقولوها، لإنها ما بتعملش معاه غير المليح. يوم قال لأخته بدّي أروح أقرط هالزيتونات، وقال لمرته:

- تعالي معاي نقرط هالزيتونات،
- قالت له: وإبني لمن بدّي أدشّره؟
- قال لها: خليه عند اختي، ما هي اختي أحسن منك عليه وأحسن منّي أنا.
- قالت له: أمرك أنا بروح وبخلي إبني معاها والله غير تقتله،
- قال لها: مالك يا مره اختي بدها تقتله؟!
- قالت له: طيب بنشوف هيني رايحه ألبس خلقان أواعي وهيني جاي.
- عبرت عالييت خنقت الولد وهو نايم بسريره، ولبست أواعيها وطلعت، قالت لها: مش يقعد ويعيط يا
- قعودة الدار. راحت جابت حزمة حطب ورجعت.
- قالت لها: آه قعد الولد؟
- قالت لها: والله يامرت أخوي ما قعد، والله يا مرت أخوي ماعبرت غرفتكم.
- قالت لها: ما عبرتيش طيب، تبي أشوف الولد يا خنفسه.
- قالت لأخوها: والله يا خوي ما عبرت.
- لما عبرت إم الولد قالت:
- وبه،
- قال لها: مالك يا مره؟
- قالت له: تعال شوف أختك شو عملت،
- قالت له: أختك قتلت الولد،
- قال لها: الله لا يرده الولد فدا صرماية اختي.
- غسلوا الولد ودفنوه. بعد شهر شهرين حبلت المره مرّه ثانيه، صار الولد عمره شهر شهرين، الزيتون
- حمل. قال لمرته:
- ياالله يامرّه نجدّ الزيتون.
- قالت له: شو ما توخذ أختك؟
- قال لها: والله اختي عمرها ما جدّت زيتون بجياتها.
- قالت له: طيب أمرك، خليهها هالقعوده بلكي قتلت الولد!
- قال لها: لأ، اختي مليحه.
- قالت له: أمرك بدّي أروح أغير أواعيّه.
- عبرت عّ الولد وخنفته زيّ ما خنقت الولد هاظاك وطلعت.
- قالت لها: ها ديرني بالك هالولد يا قعودة الدار.
- روتحت من الزيتون هي وجوزها، عبرت عّ الولد وقالت:
- وبه، أختك قتلت الولد، إنسبط يا محمد؟ هيهها خنقت الولد الثاني!
- قال لها: ولو يا اختي قتلتني الولد الأوّلاني وما حكيتش، والولد الثاني هيك خنقتيه!

- قالت له: الله يقطع إيدي إذا صبته.

- قال لها: والله لأقطع إيديكي.

أجا أخوها جاب السكنينه الماطيه وقطع إيديها وعلّقهن برقبتها. هستا أخته مالهاش حدا، حملت حالها ومشت وصارت الدنيا ليل، فيه هالقصر، وجنب هالقصر وقعدت. الدنيا ليل، وإيديها مقطّعات في رقيبتها. في وحده هالشغالة في القصر، طلّت عليها وهي قاعده في هالليل، راحت لسيدها، وقالت له:

- لو تشوف هالبننت بس يا حيف،

- قال لها سيدها: شو يا حيف؟

- قالت له: مقطّعات ايديها ومعلّقات في رقيبتها، بس شو بنت زي القمر. قال لها:

- ولك روحي جيبها، جابتها. والله هالبننت زي القمر ومعذله. أجا صاحب القصر رشّ على إيديها روح الحياه، قامن رجعت إيديها زي ما كانن أول. قعدت يوم يومين، شهر شهرين، قام قال لها:

- شو رأيك أملك عليك وأتجوّزك؟ أنا عندي ننتين وإني بتصيري الثالثه، أحسن لإنك صبيّه وحلوه.

- قالت له: إللي بتشوفه مناسب.

والله أملك عليها وتجوّزت. هستا خلّفت، قام قال لنسوانه: هاي أنتن كلكن خلفتن وعندكن أولاد، وأنا بدّي أروح أحجّ. هظولاك الننتين إتفقن ع البننت، وبعدين شو بدنا نساوي فيها؟ بدنا نوّدرها من كتر ما بجها. قالت واحده فيه إبر، إذا غزّيناها في راسها بتصير حمامه وبتطير، وبنقول له: ماتت وبنبحش لها قبر. وإتفقن الننتين مع بعض، نادن عالثائه وقالن لها:

- تعالي بدنا إنفليّك بلكي راسك قمل ولا إشي،

- قالت لها: والله ما في إشي،

- قالت لها: إمبلا تعالي، إجت صارت تفلّيتها ومعها الأبر، صارت تغزّ الأبر في راسها قامت صارت حمامه وفرت وراحت. هستا الولد ظلّ معاهن يربين فيه، إجين بحشن قبر وعملن له نصايب ولما أجا جوزهن من الحج قال لهن:

- وين المره؟

- قالن له: ماهي ماتت، وهي قبرها. وصارن يعيطن وهاي الولد ظلّ عنّا نرتي فيه، قال لهن: طيّب. الولد شاف إمه لما صارت حمامه وفرت، هستا لما يبجي رفّ الحمام، كون وقف الولد وقال لهن:

يا حمام ويا لمام إمتي ورا ولا قدام؟

كون يطردن الحمام ويقولن: الله يقطع الحمام وأهله. كون بيعد الحمام، هن ما بدهن جوزهن يسمع الحمام شو بقول. كون يعاود يحوم الحمام. كون قال الولد:

يا حمام ويا لمام إمتي ورا ولا قدام؟

كون قال لهن جوزهن: إسمعن خليّني أسمع الحمام شو بقول بدّي أسمع، أجا الحمام، قال لهن الولد:

يا حمام ويا لمام إمتي ورا ولا قدام؟

قال له الحمام:


إمك ورا وعقره²⁶³ عليك وعالسبع قعدان

قال يا ببي مرني صايره حمام، صار يعلف الحمام قمح ويحط خبز، لما إجت مسكها وشدَّ ع راسها وقام الأبر، وآلا هي رجعت زي ما كانت أول. قال: إللي بيحبني ويريدني يجيب لي حزمه حطب بدني أحرقهن الثنتين. ولع هالنار ودجن في النار الثنتين جؤا جؤا وماتن. هساع مرجوعنا لمين؟ لأخوها قال يا بيبه أنا أعمل هيك في أخي؟ أخي إللي كانت تطعمني البيضة وتوكل القشرات، أنا أساوي فيها هيك؟ أقطع إيديها مشان المره؟! يا بيبه بدني أروح أدور عليها، راح يدور عليها، مرق على هالجماعه: ما شفتوش هالبننت لمقطعات إيديها؟ مشان الله دلوني عليها. رد عليه واحد قال له: أختك بقت قاعده سنه من هالسنين جنب هالقصر ما بندري وين راحت، صاحب القصر هاظا بعرف أختك وين راحت. عبر ع هالقصر، سأل صاحب القصر:

- ما شفتش هالبننت مقطعات إيديها؟
- قال له: إمبلا، هيها وهاظا إبنها، أنا إنجوزتها على سنة الله ورسوله لإته ما إلها حدا تدور عليه.
- قال له: طنيب عليك يا عمي يا بتخليني عندك يا بتيجوا عندي عشان أظن أشوف أخي.
- قال له: إللي بتشوفه، إن ظليت عندي أهلا وسهلا وإن رحنا عندك برضه ماشي.
- قاله بدني تروحوا معاي عشان أخي تشوف دارها إللي شقيت فيها. روح أخته وجوز أخته وابن أخته، لما وصلوا الدار قال لمرته، روجي إنتي طالق، طلقها ونجوز وحده ثانيه. وعاش هو ودار أخته وعاشوا وانسطوا.
- وطار الطير وتمسموا بالخير..

٢٦٣. عفره: متعفرة بالتراب، وهي كناية عن الحزن والألم





الغولة ومقطعة الديات

كان ياما كان، هالولد وهالبننت إتهم وأبوهم ماتوا وعاشوا أيتام. بدهم يعيشوا، داروا يشحدوا. يوم وهم شاحدين مصاري وقع القرش من الولد، والولد صار يصيح لأخته بدّي القرش. تنبش هي وينزل القرش، تنبش هي والقرش ينزل أكثر لتحت. وين نزل؟ باقي نازل على باب طنجره، وبالطنجره ذهب باقي مدفون بالأرض، الله أرزقهم إياه. دارت هالطنجره بمجرها وروحت هي وأخوها، بقت هالبننت عاقله، باعت الذهب وأشرتت بالمصريات غنمات لأخوها وصارت ترعاهن، صار عندهم غنم كثير. كبر أخوها قالت له:


- بدّي أجوزك، والله زغررت من الفرح،
- قال لها: بدّي بنت فلان، إلا هي طلعت بنت الغولة، والغولة زمان باقيه تعمل حالها كمشكل البني آدم، والبننت بقت حلوه حلوه، نجوزها.
- صارت الغولة كل يوم بدها توكل، ما هي ما بتوكل زي أكلنا، صارت كل يوم توكل راس غنم تخلصوا الغنمات. بقت مخلّقه ولد والغولة جوعانه، قامت قلعت عينه ونيمته بالسرير، عمته يكفيك شرها، خلصوا الغنمات ومش قادره تقول لأخوها. بنت الحرام مرته الغولة قالت له:
- هاذي أختك قضت عالغنمات وقلعت عين ابنا،
- إلا هو قال لها: في هالعشبه في الجبل الفلاني يالله نجيبها دوا لابني، قالت له: ومأله ياخوي، طلعا من الصبح وظلّوا لغيبة الشمس وهمه يمشوا ويدوروا، تقول:
- هذه يا أخوي؟
- يقول لها: لأ،
- لحين ما غابت الشمس وبطل حدّا يقشع الثاني، قال لها:
- هاي العشبه مدّي إيديك اللتين، مدّهن بالتراب وهو قطعهن الإيدتين،
- قالت له: هذا أجار إليّ سويت لك إياه؟ روح يا أخوي إنشالله تدقك شوكة ما يخلصك منها إلا إيدي.
- هو سحب حاله وروح عند مرته وإبنة، وهي سحبت حالها وطشّت بمالبلاد. وهو مروّح دقته هالشوكة

وما إلها طَبَّ ولا دوا وما حدا قدر يَخْلُصه، هان هي راحت تحت قصر للملك، اللهم صلي على محمد، طلّت العبيده من القصر، البنّت بئسها الأكل، والعبيده باقيه ترمي وهذيك إنلقت إلّي ترميه وتوكل، عبرت العبيده على القصر وقالت للملك:

- يا سيدي يا سيدي في هالوحده إيديها مقطّعات وتوكل بئسها، حلوه حلوه، وهي فعلا باقيه حلوه حلوه،
- قال للعبيده: روجي ناديها
- راحت قالت لها: يابنت يا بنت تعالي لسيدي،
- قالت لها: ليش إيجي عنده، لا بنفع أمسح ولا أكسس ولا أعجن إيديّ مقطّعات، راحت العبيده قالت لسيدها، قال لها:
- روجي ناديها أخرى مرّه.
- قالت لها: ردّي على سيدي،
- راحت معها، أعبرتها عالحمّام حممتها ولبستها وطعمتها من الأكل إلّي بيوكلوا منه. قعدت عنده إسبوع زمان عجبته، قال لها:
- تتجوّزيني؟ قالت له:
- كيف بدّي أتجوّزك وأنا إيديّ مقطّعات لا يعرف أطبخ ولا أجلي ولا أمسح،
- قال لها: إنت ما إلك دخل، تتجوّزيني، أتجوّزته. إم الملك ما بدها إياها. المهم إتجوّز غصب عن إته، وما قدرت تعمل إشي، وجابت ثلث اولاد منه، وإته مقهوره منها وما بدها إياها. كبر الزبله، قال لها:
- يمّا بدّي أروح أحجّ.
- روج يمّا الله يسهّل عليك ويرضى عليك.
- قال لها: يمّا وصيتك المرّه والولاد.
- قالت له: بس ما هم هنول اولادي بعويني، الله يسهل عليك ويحنّ عليك، وتروح وتيجي بالسلامه.
- تقول سحب حاله وراح على الحج، هو راح من هان وهي قالت لها:
- الطريق إللي جانبك إرجعيها، أحلمي الولاد وتيسّري.
- قالت لها: حرام أنا ما إلي حدا وين بدّي أروح؟
- قالت لها: يالله روجي.
- حطّت ولد من هان، والرغير غلى كتافها، والثالث يمشي حدّها، وهي تمشي، عطشوا الأولاد وما معاش لا أكل ولا شرب. اللهم صلي على النبي، الولد بدو يقع عن راسها، ما عملت هيك بدها تتلقاه إلا سبحانه وتعالى إيديها رجعوا للحياه، معلقات بصدرها، الله خلق لهم زاد ومي بين الوعر والجبل ما تقولي غير الجنّه في اذيالهم سبحان الله.
- إته شو عملت وراها، قامت ذبحت السخول وإتهم، وخزبت الدار، ودفنت الغنمات، وصارت تقول:

هذه مرتك واولادها. بعون الله سبحانه وتعالى، راحت هالمرة وبنت هاليبت بذبال الحضار، والله سبحانه وتعالى كان ميسر كل اشي. هالوقت احوها قتل مرتة، ما هي اكلت الولد، قال والله غير اروح ادور على اختي.

اجا جوزها من الحج، ولمن اجا جوزها قالت له: بما ماتوا جميعهم ودفنتهم بالحكوره بما. قام نبش عليهم لقي غنمه، نبش وإلا بقول لها: بما هنول مش مرتي وولادي هنول السخلات! شو ساويتي بمرتي وولادي؟ هادي بما الأمانه إللي أمنتك عليها؟ قامت ما قدرت تحكي إشي، قال لها: البلاد إللي إنت فيها ما بدّي إياها وأنا رايح ادور عليها. التقى جوزها وأخوها، أخوها سأل جوزها شفت ولا سمعت عن وحده أديها مقطعات؟ قال له: هادي مرتي وأنا بدور عليها، قام مشوا يدوروا مع بعض الزله والأخو برجله الشوكه ويعرج، هي قشعتهم من بعيد قالت لولادها، لما بيجوا الضيوف قولوا لي: خرفينا خريفه، بحياة أبوي وخالي، خرفينا خريفه، قالت شو أخرفكم عن خالكم إللي ربيته وبقيت عليه وسويت له وراح تجوز الغوله، قال: هذه اختي أنا قطع لها إيديها. وأبوكم أنا كنت بمشي وقعدت تحت القصر أوكل من إللي بترميه العبدة بشمي، حبي وإيجوزني وخلفت له ثلث وأولاد، وهو راح عالجب وأمه طرتني، والله حن علي ورزقني الخير، ورجع لي دياتي، قاموا الضيوف قال الأخو: هادي والله اختي، والزله قال: هادي والله مرتي والتّم الشمل وعاشوا سعيدين، إن شالله والسامعين. وتوته توته خلصت الحدوته...



حسن وحسين والغولة

حسن وحسين راحوا يدوروا على شغل. لقيوا هالغولة في هالبلد وإلها غنم، لما وصلوا هالبلد قالت لهم:

- وين رايحين يا اولاد أخوي؟

- قالوا لها: رايحين ندور على شغل.

هاض باقي حسن إهبل وحسين فصح. هالقيت راحوا الصبيحات يرعوا الغنمات للغولة، كل يوم يرعوا الغنمات. في يوم من الأيام قال حسين لحسن بدني أروح أجيب أكل من عند الغولة، هم يعرفوش إنما غولة. راح لقي الغولة بتاكل - بعيد عن السامعين - حمار معلقته وبتوكل فيه. قام هناك لما شافها مات من الخوف وقع. قالت له:

- إسم الله عليك إسم الله عليك، شو فيه؟

- قال لها: ولا إشي ما دقمت إلا أنا واقع.

عقدت له هالأكل في الكيس، وراح على أخوه على الخلا، فطلع حسن على الخزوبة يلقط خزوب ويخزطه للغنم ويقول: كلين قرنين قرنين²⁶⁴ وخليين لأخوي حسين، كل الغنم ما إلهم قرون إلا التني²⁶⁵، فطاح عن الخزوبة لكن ولا وحده مخليه قرون إلا التني، قال له: بس إنت اللي بتحب أخوي حسين، وقام ذبح كل الغنمات وخلي التني عشان مخلي لأخوه قرنين. وصل أخوه وبخر على الغنمات قال له: شو سويت يا سويد الوجه؟ قال له: ذبحتهم لإنهم ما مجبوك فشردوا. وقال له: هاي صاحبة الغنمات غولة، هالقيت بتوكلنا، وشردوا ضلوا يجرؤا كل ما بتبخر الغولة على الغنم تلاقهم نائمات، ظلت للعشا وهم مش مروحين، لما وصلت هالغنمات لاقتهم مذبوحات، قالت: أه عملها في ملعون الوالدين. ظلت تجري وراهم لصار البحر قدامهم، والغولة وراهم، قالوا: شو بدنا نسوي إن شردنا من الغولة بنغرق في البحر. قامت لحيقتهم. دقت الغولة بالفصح حسين، وحسين يقول له: ذبحتني الغولة، وهو واياها متقاتلين

264. قرنين قرنين: قرني خزوب.

265. التني أو التني: ذكر الغنم الذي بلغ عامين من عمره، وعادة ما يكون ذكراً واحداً لكل قطع. وهو الوحيد الذي له قرنان!

بدها توكله وهو بدافع عن حاله، وبنخى²⁶⁶ في اخوه عشان يساعده، والأهبل حسن نجبل في خراه، يقول له: غادي غادي، لتكسرو القعادي²⁶⁷. حسين يقول له: طب معاي يا خوي، وهداك حسن ما يردش عليه، قال: هذه الغولة بدها توكلني وأخوي مش رادد علي. قامت الغولة وقعت على القعادي، وفقصنهن، والقعادي بتفغفنن، زعل على الغولة، وما دفعها إلا وهي في البحر.

- قالت له: إطلعني يا خوي يا حسن بعطيك إللي تحت الخاييه.

- قال لها: موتي.

- قالت له: إطلعني يا خوي يا حسن وبعطيك إللي تحت الطاحونه.

- قال لها: موتي.

- قالت له: إطلعني يا خوي وبعطيك إللي في الصندوق.

- قال لها: موتي.

لما وقعت الغولة في البحر، رجعوا على البلد عشان يجيبوا مصاري الغولة الللي تحت الخاييه، والللي في الصندوق، والللي تحت الطاحونه. راح الفصح حسين لم كلّ المصاري، عبّاهن بكيس وأخذهن هناك. الأهبل حسن شو أخذ؟ الطّاحونه وباب سقيفة الغولة. قال له أخوه:

- شو بدك بالطّاحونه؟

- قال له: بنوخذا وبنطحن عليها القمح لما نجوع بالطريق.

والله حلوهم وصاروا يمشوا مشوار طويل، وقعدوا تحت هالشجرة، ولّا جاي ناس معهم جمال. قال لأخوه: هاي ناس، بلاش يبقوا حراميه، قام نطّ على الشجرة، قال حسن الأهبل:

- بدني أطلع الباب والطّاحونه معي على الشجرة،

- قال له: يازله كيف بدك تطلعهم؟

طلع الباب حطّه فوق الشجرة وحطّ الطّاحونه فوق الباب، وقعد فوق الباب. صارت الدنيا ليل، ناموا هنولاك تحت الشجرة، وحسن وحسين فوق الشجرة. في نصّ الليل قال حسن لأخوه:

- بدني أعزّد،

- قال له: يا زله بدك تفضحننا!

- قال له: إللي بدك تسويه سويه.

قام هناك عزّد، وأجت عرادته على وجه الناس. قام الزلام قالوا: يا سلام نددت الدنيا قبل ما يآذن الصبح. قال حسن بدّي أطحن قمع وأوكل، قال له: بدك تطحن إطحن! بلش يطحن فوق الشجرة، قاموا الناس الللي تحت الشجرة شردوا، فكروا الشجرة هالت فوقهم. وبعد ما شردوا، طاح حسن وحسين وأخذوا المصاري وراحوا على بلدهم. بعدين شو سوى حسن؟ صار يوزّع في هالمصاري على الناس.

266. بنخى: يطلب العون.

267. القعادي: جمع قعديه، وهي عجين يشكل مجورا وفيه بيضة ويشوى في الطابون، كانت تصنع للأطفال عندما تخبز الامهات.



الكُنه

والله بقى في هالمرة في عندها هالولد وحيد. والله كبر الولد وصار بدّه جيّزه، شافت له إمه هالعروس وقامت جوّزته من هالبننت، شو بتجنّن قدّ ما هي حلوه. والله هالولد الصبح يطلع على الشغل وما يرجع إلا بعد المغرب، وتظللّ إمه ومرته في الدار. والله ميعاد الغدا تبيجي إمه تسوّي الأكل وتصير هي تعمل في الأكل توكل شوي من هون وشوي من هون على بين ما تشبع، ولما يجيز الأكل تقول لكنتها: - تعالي إتغدي.

- هذيك تقول لها: تبيجي جوزي.

بس حماتها تجرّها تقعدّها غصب عنها، وما تلحق المسكينه تمدّ إيدها توكل لها لقمه إلا وهي حماها قايله إيش: شبعنا وشبعت كتننا، وظلّ الطيبخ في كرميتنا²⁶⁸. وكلّ يوم ع حاله تمنها ماتت المزة، وجوزها مش عارف ليش. والله بعد مدّه أجا وقال لأمه بدّي أئجوز، شافت له إمه هالعروس وجوزته إياها، ويوم على يوم تصار فيها مثل الأولى، المسكينه ما تمدّ إيدها ولا هي قايله: شبعنا وشبعت كتننا، وظلّ الطيبخ في كرميتنا. ظلّت على حاله تمنها برمت وماتت. روح يا يوم تع يا يوم شاف الولد هالعروس وتجوّزها، والله مرق أول يوم، ثاني يوم، ثالث يوم بلّشت المزة تضعف شوي شوي، الزله خاف على مرته يصير فيها مثل نسوانه الثنايات. زَمّ حاله وراح على جارهم زله كبير في العمر وبفهم، قال له:

- يا جارنا أنا قصّتي هيك هيك،


- قال له جارهم: روح على اللحام واشتري لك ثلث ترطال لحم وأعطينه لإتمك ومرتك، وقول لهن: إطبخن اللحامات وما توكلنشن تمّي إيجي من الشغل.

والله ثاني يوم قامت المراه طبخت اللحامات جهّزهن تبيجي جوزها. والله إجت حماها بتقول لها: هاتي حطّي الأكل تنوكل. هذيك قالت لها: بوكلش غير تبيجي جوزي، وإذا بوكل بلحمني وبطلّقتني. كلمه من هون وكلمه من هون، المهم المراه ما أكلنشن واستنّت جوزها ما هي ميّته من الجوع، ومش مصدّقه ما ييجي جوزها مشان تنوكل. تقول جوزها رّوح المغرب من الشغل وقال لهن: جين الأكل تنوكل. والله ما حطّوا هالأكلات ولا مرته بلّشت في هالأككل مثل الهجينه. ما هي من يوم ما إجت على هالدار ما

268. كرميتنا: تصغير كرميه، وهي وعاء خشبي مجوّف يستعمل لطعام الثريد.

أكلت مثل الناس. إته قعدت تقول له:

- عندك إياها خليها تقوم، بكفيها، الليله بتعملها في أواعيها قد ما أكلت.
- وهظاك يقول لها: بممّش خليها تشبع. المره قد ما أكلت هذيك الليله ما حطت راسها على الوساده ولا هي نايمه. راحت الختباره شربت شربه الإسهال تمنها إنسهلت. قامت شحت في هالسطل وراحت كبتهن على فراش مرت إبنها. قام الزله الصبح ولا هي مرته عامله العمائل. أول يوم، ثاني يوم، ثالث يوم، زم الزله حاله ورجع على جارهم.
- قال يا جارنا صار هيك هيك. قال جارهم، نفس ما قال له المره السابقه، بس هالمره إذا صار مثل ما بتحكي جيب لك ذهبه من ذهبات مرتك وحطها على الخزه-بعيد عنك-ثاني يوم أخذ الزله اللحمت وأعطاهن لإته وقال لها اطبخيهن وما توكلوش نمّي أرجع. قاموا طبخوا الطبخات وجهزوهن. وقعدت إته توكل. المهم مرته ما رظتتش، وقالت لها: تبيجي جوزي وبنوكل. المغرب روج الزله، وما حطوا الأكل ولا هي مرته هاجمه مثل المفجوعه. ظلت توكل تمنها بطلت تقدر تتحرك، وما حطت راسها على الفراش الا هي نايمه. قامت إته شربت الشرته ومثل المرات إللي قبلها راحت حطت الخزه على فراشها. قام الولد الصبح وجاب شوية هالذهب، ومعمسهن في الخزه، وأخذهن لإمه وقال لها: شوفي بما مرتي بتشخ ذهب، قالت له: شو؟ مرتك بتشخ ذهب، هو إنت بما مش عارف إي أنا إللي كل يوم بشخ، وبكبتهن على فراش مرتك على شان ما تخليهاش توكل، وهيك عرف الولد شو صار مع نسوانه الثنتين إللي متن. وإمه من القهر طقت وماتت.



ابن السلطان وبنت الوزير

- فيه ابن هالسلطان خطب غ بنت وزير من وزرا أبوه. والعروس مصموده، إلا هالعجوز عابره وقالت:
- يا عمتي ميروك عرسك،
 - قالت لها: الله يبارك فيك،
 - قالت لها: أنا ياعمتي معيش نقوط، خذيلك هالغُوش²⁶⁹،
- وهالختياره رُوحت، تادُرُوت إنه الدنيا صارت نص ليل إجت عليها ثاني مرّه. دَقَّت على الباب وقالت: يا غويش إفتح، قام الغويش سقط من إيد البنت وهي نايمة وفتح الباب. عبرت الختياره وصَحَّت البنت وقالت لها: إصحي ليديري جوزك، أبوك مات! قامت هالعروس ومشت معها، بدل ما هم أهلها قبْلَه²⁷⁰، دارت فيها شرقا، توصلت هالموكره²⁷¹، لَمَن عبرت في الموكره لقبت أغوله زغار وغول كبير. شَلَّحوها ذهبها وأواعيها وأكلوها. رجع المرجوع لابن السلطان، قام الصبح ما لقاش مرته، تقاتل السلطان وابنه مع الوزير، أبو البنت، قالوا له:
- إنت إللي أخذت البنت.
 - قال الوزير الثاني: أشهد بالله يا سلطان لتزعش أجتك بنتي. أملكوا على البنت، بدل ما هي لابسه ايظ العجوز لبست أخظر، وجابت خرز. الخرزه لوئها أخظر. وأجت قالت للعروس: يا عمتي أنا معيش مصاري، خذي لك هالخرزه إحفظيها من صيبة العين. حطَّتها في عَيْها، ولمن فظَّوا²⁷² الناس حطَّتها عند أساورها على الطاولة لأنما معتقده فيها إنما لصيبة العين. لمن صارت الدنيا وجه الصبح، أجت الغوله غ دار العروس وهي نايمة. دَقَّت الباب وقالت: يا عمتي إصحي، وما يدري جوزك، هاي إملك في درجة التزاع. قامت معها قالت: يا عمتي إلبسي كل ذهبك هالقيت الناس مستنظرينك عمّتك عروس. قامت وظَلَّت رايحه معها. قام ابن السلطان، مالقاش عروسه تقاتل

269. الغُوش: أساور من زجاج.

270. قَبْلَه: الجهة القبليه أي الجنوبية.

271. موكره: مغارة صغيرة، وكر الحيوانات.

272. فظَّوا: انفضَّوا

هو وأبوها. قام الوزير الثالث أعطاه بنته. قالوا: يا جماعة إنتو اربطوا الطرق كل شارع يقعد فيه واحد. طبعاً الغولة ظلّت في البلد، إجت الغولة لابسه ثوب أزرق، ومعها زرّ طرنج²⁷³، وقالت لها: يا عمتي أنا معيش مصاري خذي لك زرّ هالطرنج. البننت واعبه أوعى من هذولاك. هذولاك ما قلنش لجيزانحن، أما هذه قالت لجوزها:

- خذ هالطرنجه،


- قال لها: منين؟

- قالت له: أعطتني إياه إم الثوب الأزرق،

- قال: آه هاذي غولة،

حطّ الطرنجه، ودقّ السكين في نصّها. بعد نصّ الليل أجت الغولة لابسه ثوب أزرق. دقّت ع الباب وقالت: طرنج إفتح، طرنج إفتح، قال لها: كيف أفتح، وكيف أفتح والسكين في قلبي؟ والعرسال قاعدين لأنهم دربوا بالقصه، طال العريس السكين من قلب الطرنجه، فتحت الباب. عبرت الغولة، وهم عملوا حالهم نايمين. أجت الغولة قالت للعروس: يا عمتي وحيدك مات، دقّت العروس جوزها، وقامت مشت مع الغولة. جوزها قام دقّ الصغار للحرّاس إلی علی الطرق. قاموا الحرّاس لحقوها. الغولة تركض والعروس وراها وهم وراهن. قبل ما تصل موكرتها، هناك لمن تلاحقوا الحرّاس فيها، بالشبريه كزوا الثوب إلی علی الغولة، إلا هم لقيوها إلهما ذنبه مثل ذنبه الجدي، ونازل زي شكل الحمار، وإلهما شعر مثل شعر الحمار، ومن الذنب وفوق مثل النبي آدم العاده. ولمن عبرت في الموكره صارت عينها بالطول، وزغرن، وصارن يقدحن مثل مشاهيب النار. الغولين الصغار والكبير صاروا يصهنوا، وكل الحرّاس، وجوزها، وأبوها، والوزرا إلی أكلت بناتهم، عبروا ورا الغولة على المغاره. قتلوهم وفجّروهم تفجير بالشبريه، وزمّوا أواعي بناتهم، والذهب إلی في المغاره، ورّوحوا. وطار الطير وتمسّوا بالخير..

273. طرنج: من الحمضيات، يشبه البوملي.



الحماه

كان ياما كان في هالمرة متجوزة وبتخون جوزها ودائما تطعم جوزها التخاله تبعه القمح وتخلي القمح لصاحبها، وتسوي فيه خبز زاكي. وكل مره يجي جوزها بيلقي الخبز كله نخاله ومش زاكي. قال لها:

- يا مره شو هالخبز إللي مش نافع!؟

- قالت له: فص أختك من العريش، طير القمحات وخلي الجريش.

- قال لها: يم من مصر، من العريش لهان!؟

وكل مره على هالمنوال. كل يوم يوكل الخبز إللي مش نافع، وتطعم صاحبها القمح وبتسوي له إياه خبز كويس، لحد جوزها ما زهق. وقرر يروح على أخته ويذبحها على شان يعرف يوكل لقمه هنيه. مرته اقترحت عليه يفلت عليها حيايا وعقارب، وما كانش خياب، وقام أخذ من مرته هالغدفة،²⁷⁴ وملاها حيايا وعقارب وراح على مصر. أخته مسخمه صارت تحلل وترحب فيه، يا أهلين يا أخوي يا ميت أهلا وسهلا، زارنا النبي، هذا مسخّم حزن على أخته وقال لها: خذي هالمديّه بس لازم تفتحيها جوا هذيك الغرفه وتكوني لحالك. مسكت الغدفة المليانه حيايا وعقارب ودخلت على الغرفه، وسكرت على حالها الباب. وصارت تزغرت. وطلعت على أخواها مشنثله بالذهب، وهات لك يا مياوسه. هاظا عشاها طيبه ومسخّمه، الله حوّل الحيايا لسناسيل ذهب والعقارب لأساور وحلوقه. وهيك عرف أخواها إنه مرته كذابه وإنه في لغز في الموضوع، فصار ييكي! وحكى لأخته:


- ساعيني القصه هيك هيك. أخته

- قالت له: والله يا أخوي معناته مرتك مصاحبه عليك، وحطت اللوم عليّ عشان إنها مصاحبه

من وراك، ودابره على حلّ شعرها. روج على مرته وشدها من شعرها، وهاتك يا ضرب ذبحها من القتل لحد ما قالت إنها مصاحبه واعترف بالحقيقه. وقام نحرها بالسكين. راح على صاحبها وذبحه ونجوز وحده ثانيه.

274. الغدفة: من أشكال لباس رأس المرأه.





الأمّ والكناين

كان ياما كان في قديم الزمان، هالمره ترملت وهي حبلى في ابنها، خلّفت اولاد اثنين وترملت وهي حبلى، جابت صبي، ظلّت تفرق عليهم وهي صبيّه في عزّ صباها تارتلهم رزقه. أجا يا سيدنا العزيز، جوّزت الكبير طبعاً. لما جوّزت الكبير بالليل قامت العروس في قاع الدار، بدها تسوي لها إشي، تسخّن ميه، قالت له:

- يا زله فيه بالدار حسنّ ناس؟
- قال لها: هاي إمي،
- قالت له: الله إنت إلك إم؟
- قال لها: آه، ولاّ الخليقت من الشجر؟
- قالت له: ما دام إلك إم أنا بدّيش أظّل عندك.
- قالت له: هاي إمك بتجنّتي، أنا بقدرش أظّل عندك،
- قال لها: إنت خليك حتى يتبين من إمي أقلّ إشي، بمسكها بحطّ إيد في ثمّها وإجر في ثمّها وبشلخها، بشلخ ثمّها مثل ما أشلخ الطّاف²⁷⁵، إنت خليك إنت ساكته، حتى يبين أقلّ إشي من إمي.

الختياره سمعت وسرطتها، سوّت لهم فطور وسخّنت لهم ميه ودّما لهم وقدمت الواجب. قالت: إن طلع واحد عاطل يبجي الثاني أحسن، كيفما كان، بدوش يطلع واحد منهم متبح؟ بطلع إن شالله. طبعاً ما حكّت الختياره، مهما صار ما تنتطق بكلمه. طبعاً جوّزت الثاني، قامت بالليل حسب عادتها العروس، قالت له:

- يا زله فيه حسنّ في قاع الدار، فيه حسنّ،
- قال لها: آه ولاّ أنا خليقت من الشجره؟! أنا إلي إم.
- قالت له: أنا، إمك ما بقدر أشوفها في الدار.
- قال لها: خلييني أنا معك، إذا بين من إمي أقلّها شغله بظّل أدق فيها وبشكّل ثوبها على راسها،

275. بشلخ الطّاف: المقصود كما يسلم أو يشق فرع الشجرة.

وبطردها. برطو سرطتها، قدّمت هالواجبات، قالت: بلكي الزغير بطلع أحسن. ظلّت ترّي فيهم تامنه كبر الزغير. طبعاً جوزته، قامت حسب عادتها بعدها تختبر الموضوع، لما قامت تختبر الموضوع ذبحت لها صيصانات، سوّت شغله عمله. قالت العروس:

- يا زله في ناس في قاع الدار،

- قال لها: إمي،

- قالت له: أبيتي ²⁷⁶ إلك إم؟ قالت له: من هسته روح وديني على اهلي. قالت له أنا إللي إله إم

بديش إياها.

- قال لها: إنت إللي بدك إياه بسوي لك ياه. والله بخليها تبات ما تصبح، إلا بالليل يحطّ لها سمّ

بليلتها بتصبح امثلسه ²⁷⁷، فش واحد طلع أحسن من الثاني. بالله، معها مصريات ملّمتهن، وقالت

يا قديم السعاده، ما خلتهم يشعروا، لا العريس ولا الأولاد المتجوزين. مشت. قعدوا الصبح، إيه

كل واحد سوّت له مرته فطور، ظلّوا لوين للظّحي ما حسّوا بيمّهم، قالوا وين إمي؟ قام كل واحد

قال: ما شفتهاش.

صاروا يتنازعوا على هالزرقه، هذاك باع له بقره، هاذا باع شغله، تمنهم قمعقروا حالهم وما خلّوا حيلتهم

حيله ²⁷⁸. طبعاً خلّفوا ولاد وكثرت الأسره.

برجع مرجوعنا للإم. الإم مشت مشت، تا وصلت هالمغار، فيها هالأواعي مكّومات، وهالولد شبّ

معلق هالباروده وقاعد بمعط في هالعصفورات، في هالزغلولات، ميّلت عليه:

- سلام عليكم.

- قال لها: أهلا وسهلا.

- قالت له: يابنتي أهلا وسهلا فيك.

- قال لها: منين جيتي يا ختياره؟

- قالت له: إللي جاني، الله والنصيب.

- قال لها: أهلا وسهلا.

- ليش إنت يا بنتي هيك؟

- والله يا والدي أبيي إبحور وإمي ماتت وأبوي حواني ²⁷⁹ وأنا فقير، وجيت قعدت في هالمغار، بطشّ

بجيب لي حمامه، بجيب لي عصفوره وبوكلها، وبطشّ.

- قالت له: إنت إبني بعهد الله، والحانين قبيلته على الله، أنا بدّي أقعد في هالمغار عندك.

- قال لها: الخير كثير وإنت إمي وأنا ابنك، إن شالله يد الله مع الجميع.

276. أبيتي: كلمة تستعمل عندما يرى الشخص أو يسمع عن ما هو مُقرّف!

277. امثلسه: ميتة ومنفخة كالحيوانات الميتة.

278. تمنهم قمعقروا حالهم وما خلّوا حيلتهم حيله: لم يبق لديهم أي شيء قابل للبيع أو الاستعمال.

279. حواني: طردني

صار يطشّ هالصبّي. يوم يجيب هاللي يقسم فيه. كل يوم إشي، وان باع له شغله يروح على المدينة يجيب له شخاطه، يجيب له نتفة زيت يجيب له شغله، وهي تغسل له وتطبخ له، أكل سلوك بسلك. يوم من الأيام طلع على المدينة، باع هالعصفورات وقال: والله لجيب لإمي سمكه، إمي فقيره لا يتروح ولا بتيجي بدي أطعمها، أنا ما إيش إم وبدي أحنّ على هالإماتيه، لعنّ الله يرحمني. شرى هالسمكه الكبيره وروّح، قال لها: خذي يمّا هالسمكه إقلي لنا إياها. طبعاً جابها المغرب. حتختّها وكبستها بالملح وختّتها للصبح. هو سرح. وهي قامت السمكه وهندزتها. قامت طلعت هالبسه من هالشقوق، وخطفت السمكه وهربت. قالت هسته إذا بيجي شو بدي أقول له، بقول هادي المزه كبيرة بطن، وأكلت السمكه، وما أطعمتنيش. ما سأل لا يمّا أكلتي ولا ما أكلتنيش، ولا وين راحت السمكه. ولا هي قالت له. سكتوا. يوم قال والله إمي أكلت السمكه وما جابت لي، والله لأجيب كمان سمكه كون إمي ما شبتش. طبعاً جاب أخرى سمكه أكبر منها. حتختتها وهندزتها وكبستها بالملح. هو سرح الصبح، إجت البسه تناولت السمكه وززقت بهالشقوق. صارت تقهر بحالها بزياده تقول، طبعاً مثل ما سوت في هذيك سوت في هنول، خلتها البسه تمنها خلصت قلي وراحت شلفتها وهربت. ثلاث مرات تحطف السمكه. قالت بهذاك اليمين لو بمدّ هالمغاره لألحق هالسمكه وأشوف هالتقيمه إللي بدعا تسود وجهي مع هالزمله. راحت مسكت بحالجرج وصارت توسع في هالشقوق، لما عملت خزق كبير ودست حالها فيه. لقيت هالسمكات الثلاث مصفوفات فوق كوم هالذهب. قالت آه، إن الله مع الصابرين. قامت هالسمكات، وشلحت هالخزقه إللي عليها، قحشت الذهبات ما خلت إشي، وأطلعت هالذهبات وأخذت هالسمكات وطلعت. قحفت الذهبات وخبّتهن، طبظتتهن. أجا قال لها:

- يمّا إنت وين باقيه تحطّي هالسمكات؟
- قالت له: يمّا، أنا لاقيتهن، راحن ولاقيتهن، طبعاً أكلوهن. راح أول يوم، ثاني يوم، قالت له:
- يمّا؟
- قال لها: يمّا.
- قالت له: أصحاب هالأراضي ما بيبيعونا نتفة أرض نبي عليها خشنه نقعد فيها؟
- قال لها: يمّا إنت بتعربشي ع الكبيره²⁸⁰ وإنت مش طابليتها، يمّا إحنا معنا مصاري؟ عشر قروش ع بعضهن، منين يمّا؟
- قالت له: يمّا الله بيسر، إنت إطلع على هالبلد واشتري لنا شقفة أرض. وقالت له: قدّ ما تقدر اشتري. راح سأل واشتري الله أعلم دلين ثلاثة أربعه، يعلم الله.
- قال لها:
- يمّا بدنا نشتري هيك؟!
- قالت له: خذ واعمل دار وحواصل.

280. بتعربشي ع الكبيره: تحاولي أن تصلي الثمرة الكبيرة وأنت لا تستطيعي، أي أنك لا تفكري بواقعية بل بما هو حلم.

هذا الولد راح، بنوا هالدار، إلی ما تصلح إلا لهالوجه اللي مقابلي.
 نرجع مرجوعنا لأولادها، هذول كحتوا. ما ظل حيلتهم إشي. والله يباتوا ويصبحوا بالجوع. يوم من الأيام
 واحد من الأولاد بتاعينها مارق من تحت البلكون، أواعيه رته وحالته زفت، حامل ظمة هالفجل. شافته
 الختباره، قامت قالت لإبنها:

- روح يا بنتي لاتي هذالك الزله، وخذ هالليره وأعطيه إياها.
 - قال لها: كل الليره!؟
 - قالت له: آه، كل الليره. إلی يعطي الله يعطيه.
 - قال له: يازله شو معك؟
 - قال له: فجل.
 - قال له: خذلك هالليره وأعطينا هالفجلات.
- شو هذا؟ لقيها دح. مبل الولد ع الذكانه واشترى طبيخات وطحينات، ونتفة زيت وملحات ونتفة
 شاي وسكر، تبجحوا يا اولاد. مين إلی إنقهر؟ أخوه!
 قالت له مرته:

- روح شوف كنه الله فتح عليه. راح،
 - قال له: ياخوي منين؟
 - قال له: هيك هيك. روح على المطرح الفلاني وإعمل هيك هيك.
- مرق الولد الثاني، شافته الختباره. قالت له:
- بما روح مهمما كان حامل هالزله جيبه منه وأعطيه ليرة ذهب.
 - قال لها: بما ليرة ذهب مشان ظمة فجل!؟
 - قالت له: ياالله بما، إلی يعطي الله يعطيه.
 - أخذها وراح روح الولد، تبجحوا العيال.
- يرجع مرجوعنا للزغير. الزغير قالت له مرته روح شوف هاي إخوتك بروحوا يبجيووا ويتبجحوا. راح
 الصغير صار معه نفس إلی صار مع إخته. بعدين قرروا الإخوه الثلاث في بعضهم إنهم يروحوا بلكي
 بقبولهم أهل هالدار إلی بتعطيهم مصاري. لما وصلوا، هذالك يقول للثاني دور قدام، هذالك يقول دور
 قدام، هي الإماميه قاعده على البلكونه. قالت لإبنها:

- بما،
- قال لها: بما،
- قالت: روح لاتي هذول الناس خلبهم يجوا يقعدوا عندنا، أنا بديش إياك تتعب وتخدم، إنت بدني
 أخليك أفندي. راح الولد ولاقاهم، قال لهم: يا شباب إبتيجوش تقعدوا عننا؟ ويد الله مع الجميع،
 بتحروثوا وكل واحد بوكل بتعبه. همه عليس دايرين، هاي الشغله إلی بدهم إياها. مبلوا، الإماميه ما
 رظت تطيح وتواجههم، ذبحوا هالخروف طبخوا وودوا لهم المنسف. ودوا هالآكل وفي أمان الله، ما

فش حدا منهم زعلان، أما الإمايه ما تواجههم. صارت وحده تقول: والله هذيك إلهي ع البلكون قاعده عمتي، قالت الثانيه: بيبي عمتك عاد إلها سنين وسنين مَيَّته، ماتت ما ماتت، طلعت وحده منهن صلحه²⁸¹، جلّت هالسدر إلهي ببعثولهم فيه الأكل. وتحدّزت، وطلعت. سلّمت على السّت، وصارت تسألها: الإّم عاد تواري حالها منها. كل ما سألتها تزوغ من الجواب. يوم من الأيام، الاختياره مرضت، وقالت:

- يمّا، لمن؟ لإبنها إلهي تبنّته في المغاره.


- قال لها: يمّا؟

- قالت له: يمّا هذول اولادي مهجة قلبي، وربيتهم يمّا وإترملت عليهم، وطلعوا مش مليحين، والله فتح عليّ، هم ثلاث وإنت الرابع، هالرزق إلك وإهم، كل واحد كوم، وأنا يمّا بدّي أروح، والله يرظي عليكم!

وطار الطير والله بمسي الحاضرين بالخير...

281. صلحه: حلّ الخلاف حول العجوز.





زرد ابن ورد

ما فيه، ولأ فيه؟ إلا هالولد اسمه زرد. مات أبوه وهو صغير وربته إمه الفقيره اللي ما إلها غيره. ولما كبر هالولد وصار شب، سمع إنّه الملك بدو يجوز بنته لشب بقدر يحل معجزاته الثلاث، وعلى شرط اللي بدّه يتقدم لبنته وما يقدر يحل المعجزات الثلاث ينقطع راسه، ويتعلق على سور القصر. وصاروا هالشباب يتقدموا لطلبة البنات ولكن ما يقدروا يحلوا المعجزات، ويقطعوا روسهم ويحطوهن على السور. وفي يوم من الأيام قرر زرد إنه يروح يطلب إيدها، بس إمه عارضت وقالت له: أنا ما عندي غيرك، والملك بحطّ معجزات صعبه، ما حدا بقدر يحلّهن. قام قال لها: توكلّي على الله، وادعي لي وإرضي عليّ، وإنشا الله ما بصير إلا كلّ خير. وطلع زرد من الدار وبأش مشواره على العاصمه على بيت الملك. ولكن الطريق بقت طويله كثير، وصار يمشي شويّ ويقعد يرتاح. وفي يوم من الأيام، وقبل غيبة الشمس، شاف هالمغاره بجانب الطريق. قال بدي أفوت أنام فيها للصبح. ولما طلع الصبح قام من النوم ما شاف قدامه إلا هالشّيخ. قال له الشّيخ:

- أنت مبينّ عليك زله شجاع بس طريقك صعب وكله مشاكل، وأنا بدي أساعدك.

- فقال له زرد: وكيف بدك تساعدني؟

- قال له: خذ هالطّاقية تبعه الإخفاء وهالسجاده وهذول الشّعرتين، ولما توصل واد اسمه واد التمل

بتعطي شيخ التمل شعره. وإذا وصلت واد الصّقور بتعطي شيخ الصّقور شعره. وهمّ بساعدوك.

وفعلا مشى زرد توصل واد التمل اللي ملان بملايين التمل. ونادى على شيخهم وأعطاه الشّعره.

قام شيخ التمل أعطاه شعره هو الثّاني، وقال له: إحرقها إذا إحتجت مساعده التمل. إستغرب زرد

وقال أنا بدي أحتاج لمساعدة التمل، معقول؟ ومشى زرد مسيرة يومين توصل واد الصّقور، وشاف

هالصّقور إمليه السّما والأرض. ونادى على شيخها وأعطاه الشّعره، وشيخ الصّقور أعطاه ريشه،

وقال له: إحرقها إذا إحتجت لمساعدة الصّقور. وبعدها مشى زرد توصل العاصمه اللي فيها قصر


الملك وراح على القصر ولاقاه رئيس الحرس، وقال له:

- وبين رايح؟

- قال: بدي أفوت أشوف الملك، علشان يعطيني أحل المعجزات، علشان يجوزني بنته. فطرده رئيس

الحرس وقال له:

الملك ما يستقبل واحد زيك أواعيه إمزعه وحالته حاله. وطلع بره وفكر شو بدو يسوي وفطن للطاقيه وطالها من جيبته ولبسها وفات. ما حد شافه. وبلش يضرب في رئيس الحرس تاستوي. وبعدها سمع رئيس الحرس صوت بقول له: علشان تحمّر تطرد زرد إذا رجع مره ثانيه. وبالفعل ثاني يوم فات زرد على هالقصر ما حد حكى معاه. بس رئيس الحرس طلب من الملك إنه يصعب عليه المعجزات حتى ما يقدر يملهن ويقتله. فطلب الملك من الحرس إنهم يحطوه في مخزن ملان قمع، وشعير وعدس وذره، وطلب من زرد إنه ينقي كل نوع لحال، ويحطهن في شوالات. إنحمر زرد شو بدو يسوي؟ بس فطن للشعره اللّي في جيبته طالها وحرقتها، إلا هالتمل فابيع على هالمخزن، وبلش ينقي في الحب ويحط كل شئ لحال. وما طلع الصبح إلا كل شئ جاهز. ولما طلع النهار راح الجنود على هالمخزن مشان يقطعوا راسه إلا هو مخّص كل شئ زوي ما بدّه الملك وأحسن. إنجّر الملك ورئيس الحرس، وقرروا إنهم يعطوا معجزه أصعب. طلب الملك من الجنود إنهم يعبّوا المخزن بلحم في مش مطبوخ، وقال لزرد: بدك توكل كل اللّحمات من هان للصبح وراحوا. وبلش يفكر زرد شو بدّه يسوي؟ تذكر الرّيشه فقام أحرق الرّيشه إلا هالطيور هاجمات وبلشن أكل في هاللحم، وإشي صرّن يرمينه بعيد حتى ما خلّين ولا شقفه. ولما طلع الصبح أجا الملك ومعاه الحراس علشان يقطعوا راسه، وفتحوا عليه الباب لقيوه نايم، ولما لقيوه ميكل كل اللحم إنجّنوا وإستغربوا. وقالوا فيه سرّ، أحسن إشي نخلّه يسوي المعجزه الثالثه قدام كل أهل البلد. ثاني يوم أخذوه على هالأرض فيها هالتخله الطويله اللّي ما حد بقدر يطلع عليها من كبرها. وقال له الملك: بدك تطلع على هالتخله وانت حامل كاسه المي على كفة إيدك وتنزل من دون ما تكب نقطة مي. ففكر زرد شو بدّه يسوي؟ وراح طابيل هالسجاده، وقف عليها وطارت فيه ونزلت وهو حامل الكاسه وما نقت نقطة مي. فرحوا الناس وصاروا يزقّقوا له. وقرر الملك إنه يجوزّه بنته، وزرد وصّى على إمّه علشان تيجي تحضر عرسه، وصار العرس، وفرح الجميع.



اللي تُجَوِّز أُمَّه

أول ما نبدأ بالصلاة على النبي، ماهان ولآ هان يا سامعين الكلام، نحكي ولا ننام؟ باقي في قديم الزمان إلا هالمرة وجوزها مخلفه ولدين، ولها حماه، حماها بتكرهها. قال لها:

- بما إذا أمتك على هالمرة وعلى هالولاد بتسدّي مطرحي أروح أحج بيت الله؟
- قالت له: يا الله قَبْرَكْ إِمك، ولّ أنا مش أمينه على مرتك وولادك؟ في عينيه بحطهم.
- قال لها: يخلف عليك بما.

هو مشى من هان وهذيك قطعت المداد عنهم من هان، ما ترضى تطعمهم لقمة خبز وحده، قطعت الأكل عنهم، تجوعهم ثلث أربع خمس ست أيام، تطعمهم لقمة فته. بعدين دارت ما تطعمهاش الفته، الوجهه إللي تطعمها إياها إلا تاتقطع لها إيد من إيديها. قطعت إيديها. جوعتها يبجي أربع خمس أيام. ردت طلبت منها لقمة أكل ردت قطعت لها إيديها الثانية. كل وجهه تقطعلها إيد ولآ رجل. قالت شو بدّي فيها أظل حاظطها؟ قطعت ولادها، وحطت إيديها ورجليها في هالكيس في رقبته وراحت كتبتها. مثل ما تقولي هذيك لا في إيديها لا حول ولا قوه.

هذاك اللي راح يحج، إجا مع اللي إجا من الحجّه. بقوا الناس يلاقوا الحجّاج في طبل وزمر ويهتوه ويهينوا أهله. هذيك قبل ما إنهم يججوا الحجّاج، ذبحت هالنعجه هي وولادها، وبخشت لهم في قاع الدار عندها، وقبرنن ثلث قبور، وتحممت وتلبست وصبغت شعرها، وزنطت حالها، وعملت حالها على ذمة الزاوي إنما مرته.

- يقول لها: إنت فلانه؟

- تقول: أه

- قال لها: طيب وين إمي ووين الأولاد؟

- قالت له: هذولاك الأولاد إتوفوا وإمك توقّت ورا بعضهم، وهينا بحشنا قبورهم هان في قاع الدار قُراب عليّا.

راحت، غابت عنه. جبلت هذيك. زجعنا لّي قطعوها. يوم من الأيام، بسم الله الرحمن الرحيم²⁸²، إلا

282. بسم الله الرحمن الرحيم: ذكر الراوي/الراوي هنا اسم الله بدلاً من ذكر الجن، لاعتقاده أن ذكر الله يطرد الجن

الحيه جايه بتركض عليها شارده من أبو فرريح²⁸³ لاحقها، دخيلك إنك إتحبيني، وبجزيكى²⁸⁴. قالت لها: وين بدّي أخبيكي؟ لا إلي إيد ولا إلي رجل، وين ما حطيتي حالك حطّي، قالت لها: بدّي أعبر في عبك. زرت في عبا الحيه وتحتب أجا أبو قريع يدور عليها. قالت له: فانت هان في الأرض. صار يغزّ راسه فيها يمتّه يلحقها، ويضرب حاله للأرض إنسطح من كثر ما هو محرق عليها. قالت لها: إطلعي، مات هيوه. طلعت، راحت الحيه طفشت غابت واجت، ولآ هي جايه لها هالخاتم وجايه. قالت لها:

- خذي لك هاض، بدّي أجزيكى إياه بدال ما أنقذتيني، روعي.
- قالت لها: وشو بدّي فيه الخاتم، لا إلي إيدين ولا إلي إجرين يزمنينه. قامت فركت لها إياه الحيه، وعاودت لها إيديها.

- قالت لها: هالفيت خذي وساوي باللي بدك إياه. فطبتت إيديها وإجرها، وعاودت اولادها بأمر الله. وراحت إشترت قصر مثل قصر السلاطين ولآ أحسن. شو بتطلب وتبتمنى، هالبستان حواليه من جميع ما تطلب الشغه واللسان موجود. صيف شتا ما ينقطعش منه الفواكه، وهالعيشه وهالعزّ إللي الله يسر لها إياه.

هذيك دارت تتوحم، قالت له: بدّي حُصرم. مثل ما تقولي شتويّه الدنيا وفش حصرم ولا في إشي. قالت له:

- أنا بتوحم وجاي على بالي، بدّي حبه حُصرم.
- قال لها: الله يحزب بيتك وبيت أوحامك، فيه اليوم حُصرم! داروا عاد الناس يحزفوا عن القصر، فيه كلّ إشي موجود، فيه هالمزه واولادها، وفيه من كل إشي، شو ما تطلب الشغه واللسان موجودات. عندها جوزها زله كبير منيح عندو خدم وحشم. دار يودّي من جماعته يقول لها:

يا ستنا يا ستنا...

باللي قصرك أعلى من قصرنا...

ما عندك قطف حصرم؟

هألؤحيمه اللي عندنا!

تقول: طيح يا مقصّ قصّ لسانه. عرفت إنه رجع وصار جوز هذيك مرته. يرجع اللي وداه يلعلع²⁸⁵ كين قال: يالله يحرق إتهم على أبوهم هنول، إللي بوديهم صاغ برجعوا من دون لسان، الثاني، الثالث، اربعة خمسة. قال: يالله يحرق إمها على أبو اوحامها، كلّ جماعتنا قصفصوا لساناتهم، والله إلا أنا أروح ع هالبلوى²⁸⁶. راح ولا هي عزفته. يوم إنه أجا قالوا لها عنّه الخدم إللي عندها. قال لها:

من البيت، إن كان قد حضر عند ذكر اسمه.

283. أبو اقرع: ذكر الأفعى

284. بجزيكى: أكافنك جزاء عملك الطيب.

285. يلعلع: لا ينطق لسانه إلا بأصوات غير مفهومة

286. البلوى: من البلاء، التي ابتلانا الله بها. وتقال عن الشخص شديد الذكاء، من باب المدح في صورة الذم.

يا سَتْنَا يا سَتْنَا...

ياللي قصرك أعلى من قصرنا...

ما عندك قطف حصرم؟


لها لُوحيمَه اللي عندنا!

قالت: طيح يا مقصّ قصّ قصّ عَبّاته. طاح، ما إعتبي²⁸⁷ هالعباه إلا على الدودح إمشرحمه ساوته طياره، هذاك يبخر على حاله.. ويساوي على المشرحمه شو صار لها؟ قالت لهم:

- فَوْتُوا لي إياه جَوًّا.
- قالوا له: تفضل عند صاحبة الشأن. خبّت ولادها في هالغرفة، وقالت لهم: لا تسمعوش حكبي، وفَوْتته عندها على هالقصر. فات، وسلّم عليها وقعد هو وبياها.
- قالت له: شو بَدَك يا حجّ؟
- قال لها: والله بدنا قطف حصرم، هالمزّه بتتوحم، ويتطلب في حصرم، وصَفولنا إياه عندكم، بنودّي في هالزّلام إيلي عنّا يجوا بلا لسان، مُقَصَصات لساناتهم. دارت إنخَرْف فيه. قالت له:
- إنت معك وقت؟ بدي أحرّفك هالخزّقه، إنت متأكد إنّا مرتك إلّي عندك؟
- قال لها: يا عمي ولأ، مش متأكد إنّا مرتي؟ مرتي عندي.
- قالت له: بدي أنخَرْف أنا وبياك وأخزّفك هالخزّقه
- قال لها: تفضلي. خزّفته خزّقيتها، يوم إجت على الوحام،
- قالت له: هاي مرتك إمتك! إنخَرْ.
- وقالت له: قول لها، قبرتيهم عندي يا أمي، والاولاد ميتين قبرتيهم عندي في قاع الدار؟ يمّ، راحت، ففتحت الباب، وقالت للأولاد فوتوا. قالت له:
- هاي اولادك وأنا مرتك. ما صدّقهاش.
- قالت له: هذول العبيد إللي المقصّ قصّ قصّ لساناتهم، أنا دريت إنّا حبلت منك، وقطّعت إيديه، وقطّعت إجرته، وما تطعمنيش إلا كل إسبوع رغيف، وتقطع لي إيد وإجر، وقطّعت اولادي، وبعدين الله يسّر لي، وصرت في هالحاله إللي أنا فيها، وهاي اولادك روح شوف شو للمقبرين.
- هذاك راح يجرّ في حاله جرّ، ويله إنه زله منيح معروف عنّه، وويله حجّ وينام عند أمه؟! رُوح يجرّ في حاله، ما هو قادر. يجرّ في حاله جرّ. قالت له:
- جبّت الحصرم؟
- قال لها: آه، جبّت. راح بحش، جاب جماعه، وقال لهم: إبحشولي هان. دارت تصبّح، شو بَدَك فيهم؟ هالقيت ريحه لما بتفتح عليهم. فتحو عليهم، طلوهوم، ولأ هي نعجه واولادها. يمّ، حطّها وظل يرقّ فيها تامنّه البين رَقّها، قال: يا خنزيره مرتي وولادتي طردتهم، ورحتي خلّتي حالك مرتي؟! يمّ، خنقها، ورجع على مرته هاذيك واولادته، وعاش في هالعز وهالخير هو وبياها. وطار الطير والله بمسيكم بالخير...







فرط الرّمان الذهب

الله يمستیکم بالخير، نخكي ولا تنام؟ كان يا ما كان، هالشّیخ معروف بین الناس بالسّمعة الطّیبه، وهذا الشّیخ كان بیدرس في کتاب البلد وبعلم الأولاد والبنات، وكان بینهم بنت فلاح فقیر، وكانت بنت حلوه واسمها فرط الرّمان الذهب، وكانت تحب شیخها وتحترمه. وفي يوم من الأيام قال الشّیخ: إلی بیجی بکره بکتر بدی أعطیه جائزه فبکرت فرط الرّمان الرّوحه علی الکتاب. بس إحزروا شو شافت؟ شافت الشّیخ بیاکل ولد من الأولاد أجا قبلها، فهرت وهي خایفه والشّیخ شافها وهي بتهرب، فلحقها وسألها:

- شو شفتي من شیخك عجب؟

- فردت علیه وهي خایفه: شفته بصلي وبصوم وبعلم أولاده الأدب.

وهي مروحه على دارها شافها ابن السلطان وقال لإمه: بدی أجموز هادي البنت. بس إمه ما وافقت لإمها كانت بنت فلاح وفقیره. بس الأمير ما ردّ على إمه وظل یلحّ علیها حتى وافقت على جوازه منها. وخطبوها من أبوها وأقاموا الأفراح سبع أيام وسبع لیالی. وبعد مدّه من الزمن حملت فرط الرّمان وخلفت ولد ما في زیه، وفرح فيه أبوه. وفي اللیله السّابعه من ولادته كانت فرط الرّمان في غرفتها لوحدها، وفجأه بینشقّ الحیط ویتطلع منه شیخ الکتاب وفي إیده قنینه دم، فخافت منه، وقال لها:

- شو شفتي من شیخك عجب؟

- وجاوبته: بیصلي وبعلم أولاده الأدب!

وأخذ منها إبنها ومسح ثمها بالدم، ورش منه على الفراش واختفى من وین ما أجا. فصارت تبکی، فاستغربت الحمایه وسكنت وما خبرت ابنها عن اللی شافته. بس قالت له: إنه إبنه مات ودفنوه فحزن کثیر علیه. وبعدها حملت مرّه ثانيه، وجابت ولد أحلی من أخوه، وفي اللیله السّابعه لولادته خافت فرط الرّمان وتذکرت شو صار مع إبنها الأول، وفجأه إنشقّ الحیط وطلع منه الشّیخ ومعاه نفس القنینه وقال لها:

- شو شفتي من شیخك عجب؟

- وجاوبته: بیصلي وبعلم أولاده الأدب!



وأخذ منها ابنها ومسح على ثمها من الدّم ورش الفراش كمان، وبعدين إختفى. وأجبت حماتها لاقنتها بتبكي، فصاحت فيها وين الولد؟ وفرط الزّمان ظلت تبكي، فقالت لها يا ويلك إنت غوله؟ وراحت حماتها خبّرت ابنها إنّه إنه مات ودفنوه، وما قالت له شو صار لإنها خايفه عليه، وبتعرف إنه بحب مرته كثير. وللمرّة الثّالثة بتحمل فرط الزّمان وهالمزّه بتجيب بنت مثل القمر. وفي اللّيلة السّابعة من ولادتها يبصير نفس إللي صار في المرّات السّابقيه، انشقّ الحيط وطلع منه الشيخ وقال لها:

- شو شفتي من شيخك عجب؟

- وجاوبته: يبصلي ويصوم وبعلم أولاده الأدب!

بسّ هالمزّه الحماه ما سكنت، وخبّرت ابنها بكل إللي صار مع الأولاد الثّلاثة، فأمر بحبس فرط الزّمان في بيت المهجران، وعيّن عليها حراس. وبعد فتره صار بده يتجوّز بنت الوزير، واستعدوا في القصر ليقيموا الحفلات، وفي ليلة العرس سمعت فرط الزّمان عن زواجه وصارت تبكي والحزن مالي قلبها، ولّا هالحيط بينشقّ ويبطلع منه الشيخ وسألها:

- شو شفتي من شيخك عجب؟


- وجاوبته: يبصلي ويصوم وبعلم أولاده الأدب!

- فقال لها الشيخ: إنت صبرتي كثير، وأنا بدي أكافيك وقام ورجع لها أولادها، وقال لها: أنا رجعتك أولادك وهم يرجعوك جوزك. وراحوا الأولاد على العرس، بس الحراس منعوهم من الدّخول. وسمع ابن السلطان الدّوشه وطلع وسألهم:

- مين إنتو؟

- فقالوا له: إحنا اولادك بس هو ما صدّقهمش،

- فقام الكبير حكا له: أنا شمس الصّباح وهذا أخوي نور الصّباح وهذه أختي بدر البدور، فتدّكر إنه هاذي أسماء أولاده، فأخذهم وراح لإمهم، وصالحها ورجعها لبيتها، وما تجوّز بنت الوزير. وعاشوا حياه سعيده وهنيه...



كيد النّسا

كان يا ما كان، في قديم الزّمان، كان فيه أخت يتامى. كانوا عايشين مع بعض يحبوا بعض كثير كثير. كانت الأخت مثل القمر من حلاوتها. قرّرت الأخت إنه تجوز أخواها من مَرّه بنت حلال. قالت له:

- ياخويّ شو رايك أشوف لك عروس تنجوزها؟
- قال لها: ماشي ياختي.

دوّرت في هالبلاد لقت هالبننت حلوه. قالت: والله لأجوزها لأخوي. هي بس البننت ما طلعتش بنت حلال، طلعت بنت حرام. كانت تغار منها كثير كثير، لإنها جميله، وتخلّي كل شغل الدّار عليها. يوم تطعميها ويومين ما تطعميهاش. قال كلّ ما يروح أخواها من الشغل بسألها كيف حالك ياختي؟ كيف مرّتي معك؟ بتقول له: الحمد لله، أنا مبسوطه ومرتك معاي منيحه كثير. مرت الأخو لما تسمع هالحكي بتجنّ بتجنّ، بتقول التار كتها ولعت بيدها، بتقول إطلع أنا كيف بعاملها وإطلع شو بتقول! من كتر حقدتها عليها، قالت: والله لازم أدور لها على مصيبيه إلّي تخلّيني أتخلص منها. في يوم من الأيام قرّرت تقتل ابنها، جابت هالولد الصّغير وخنقته، وصارت تصرّخ:

- إلحقتي يا ابن الحلال، إلحقتي يا جوزي إلحقتي!

- قال لها: مالك بتصرّخي شو فيه؟

- قالت إطلع أختك خنقت ابني!

- قال لها: شو بتقولي أختي خنقت ابنك؟ أختي بتسويهاش. قالت له: إطلع أختك شو سوّت؟ صار الزله يعييط وسأل أخته ليش ياختي سوّيتي هيك؟ الأخت ما فتحت ثمها ولا تحزّفت. دخلت على غرفتها وسكّرت على حالها الباب. قالت له:

- شاييف عمایل أختك؟ هيها اتطلع قتلت الولد، ولا هي مهتمّه ولاهي خايفه ولا إشي. هو ما سواش ولا إشي، حتى ولا خرّف أخته ولا زعلها ولا قال لها ولا كلمه. هاي إنجنت قالت: آه، آه هاي ما زبطتش، ما زبطتش حيلتي، لا هو خرّف أخته ولا حاجه. بعد سنه الله أطعمها أخرى ولد. قالت: بعدين فيها هاي بديش أتخلص منها؟ قامت حملت حالها وراحت خنقت الولد الثاني.

وبلّشت إتصرّخ: الحقني يا جوزي الحقني يا جوزي، أختك خنقت ابني الثاني، اتطلع أختك شو سوت! هظاك لما شاف ابنه ميّت إنجنّ وصار يصرّخ بصوت عالي وهو غضبان. قال لها: إنت هيك سوتيني؟، هيك إنتي؟ هيك سوتيني هيك؟، ومسك هالسيف وقطع إيدين أخته. حملها وراح فيها على الصحرا، رماها بالصّحرا، ودشّرها وروّح. هذيك المسكينه شو بدّها إتسوّي؟ قعدت على الأرض، وصارت تصلّي، وتعيّط، وتقول: ياربي تنصف المظلوم! ياربي تنصف المظلوم! وهي قاعده ما استفاقت إلا هالفارس جاي على الفرس جاي عليها، قال لها:

- مالك يا بنت الحلال؟ قال لها: مالك قاعده بالصّحرا وتعيّطي؟ شو قصّتك؟

- قالت له قصّتها، هيك هيك هيك.

- قال: آه آه طيب شو رأيك، اتطلع عليها، شافها حلوه وبتجنن، عجبته. قال لها: طيب يا بنت

الحلال شو رأيك تتجوّزيني؟

- قالت له: أنا بدّي أتجوّزك يا ابن الحلال ما انت شايف، لما بدّي أتجوّزك بقدرش أخدمك، إطلع

كيف أنا حالي وإيديّ مقطعات؟

- قال لها: إنتي شو بدّك إنت رضيت؟

- قالت: ماشي.

قام أخذها على الفرس، وتجوّزها، وعاش بين عشيرته هو وآها مع بعضهم مبسوطين. صارت أخته، أخت جوزها، تغار منها وتنقم عليها، وكل يوم تسوي لها طوشه كل يوم تسوي لها مصيبه، ونكدت عليها عيشتها. بعد سنه، الله أطمع هالبنه، ولد زيّ فلقة القمر. بدال هذيك ما تحنّ عليها، قامت نقتت عليها بزياده، أخت جوزها. قالت: والله لأنكد عليها عيشتها. هذيك المسكينه ماهي ملسوعه وعارفه شو باللي بدّه يصير فيها، قالت: آه والله مصير اولاد أخويا يصير مصير إبنّي، أمن أحسن حاجه أخذ هالولد وأشرد فيه. بالفعل قبل طلعة الشمس حطّت هالولد ع ظهرها ونفدت فيه، وضلت تمشي ثلث أيام وهي تمشي، لحد ما تعبت قعدت جنب التهر، رضعت الولد، وهي ترضع فيه عطشت صارت تدور على ميّ، شافت التهر الصّغير، قالت: والله لأروح أشرب، قامت طمّلت بدّها تشرب، قامت وقّعت الولد في التهر، وصارت تصرّخ: يا ويلي إبنّي راح! يا ربي يا ربي، إنفذ لي ابني. قامت قعدت جنب التهر وقالت: يارب إنك إترجع إيديّ بس على بين ما أطول ابني وتوخذهم مني، قام بقدره الله إلا هالابدين بيرجعن. طالت ابنها من التهر واستنّت بميمّه الله لمن يعاود ياخذ إيديها. وقعدت على جنب التهر بتشكر بالله. هالقيت فكّرت إنه إيديها يروحن، بس الله، لأنها كانت كويّسه ومظلومه، خلّي إيديها. قالت: ياربي بمحمدك وبشكر فضلك. أخذت هالولد وحملت حالها وقالت وين بدّي أروح؟ والله ما إلي إلا أرجع عند أخويا، حملت حالها ورجعت عند دار أخوها. دقّت على هالباب، قام فتح الباب أخوها. من ما شاف أخته ركع عند رجلين أخته، وصار يقول لها:

- ياختي سامعيني من شان الله، سامعيني ياخيتي سامعيني، أنا باللي سويته فيكي بس من شدّة غضبي

وحزني على اولادي، بعلم الله إني ندمت كثير، وصلّيت لألله، وطلبت ممّه الغفران إلي وإلك، ويا

- رب إنه يغفر لي. قامت هي مدّت إيديها إله
- وقالت له: اتطلع ياخوي لأني أنا مظلومه، اتطلع ياخوي، هاي الله رجّع إيديا الثنتين، ياللي إنت قطعتهن يا خوي، وهاي أنا أجيتك ومعاي ابني. يا خوي اتطلع شردت من نفس المصير، خفت إنه بنت حماي تقتل ابني زي ما مرتك قتلت اولادك ياخوي.
 - قال لها: آه، آه، ياخي. قام فتح الباب، وقال لمرته: تعالي هان، تعالي، اتطلعي، هان بدك تقولي الحقيقه وبدك تفهميني شو إنتي سويتي؟
 - قالت له: القصه أنا قتلت اولادي من غيرتي من أختك، ومن كرهني إله، وأنا مش قادر أطيقتها، عشان هيك أنا قتلت اولادي عشان أبلها.
 - قال لها: آه آه، بدل ما إنك سويتي هيك، إنتي محزّمه عليّا، إطلعي من دارني. ودّي مرسال لجوز أخته، قال له: تعال. أجا جوز أخته، شاف ابنه، وقالت له:
 - أختك سوت فيّا هيك هيك، وأنا شردت بابني خوفي عليه من أختك.
 - قال لها: آه آه يا بنت الحلال خلص أنا بدّي أعيش أنا واياكي عند أخوكي هان. بالفعل أجا الفارس أخذ أغراض مرته، وعاش عند دار أخوها. وهي شافت لأخوها بنت حلال. وعاشوا مع بعضهم مبسوطين ببتات ونبات، وخلفوا صبيان وبنات..





ثوب الريش

كان يا مكان في قديم الزمان، ما بطيب الحديث إلا بالصلاة على النبي، عليه الصلاة والسلام. كانت هالمزه لا بتحبل ولا بتلد، قالت: يا ربي تعطيني بنت ولو إنما جاجه، كئن الجاجات قدامها بالحوش. ربنا سمع منها أعطائها بنت على هيكل جاجه، يعني إلهها ثوب ريش وبتروح وبتيجي زي الجاجه. صارت البننت، يعني كبرت الجاجه ما بتطلع من الدار. سنه سنتين أربعه لصارت صبيّه عمرها بسنّ البلوغ. هالحين بتقول لإمها:

- بدّي أروح أجيب لك فواكه
- فبتقول لها: اقعددي إنتي بتعرفي تجيبي فواكه؟
- قالت لها: آه.

حملت الققه على جناحاتها، على اكتافها، وطارت على سطوح الجيران. ضلّت من سطح لسطح لسطح، وصلت وين؟ وصلت البياره، لقت باب البياره حارس، فهو بقول لها: إمشي، كيشّ، شو جابه تسوّي هون يا جاجه، فهي بتقول له:

شوبك شوبك راسك تحتك واجريك فوقك

انقلب راسه لتحت ورجليه لفوق، وخشّت وشلّحت ثوب الريش في بركة السباحه جوا البياره، تحمّمت وفؤدت شعرها ومشطته وزبّطت حالها. رجعت كمان مرّه عبّت السلّه أو الققه ياللي معها فواكه. ورجعت من سطح لسطح، وهي طالعه بتقول له: شوبك شوبك بترجعه زيّ ما كان، وبتقول له: رجلك تحتك وراسك فوقك. على طول بينقلب الشخص، تحمل حالها وبتروح على الدار. يوم يومين ثلاث، يعني صارت مدّه، يعني تقريبا شهرين بجوز، أجا الأمير صاحب المزرعه، ياللي هي البياره ياللي فيها الفواكه، يحكي للحارس:


- يا حارس،
- قال له: نعم،
- قال له: الله لا ينعم عليك، إنت وين بتروح بالفواكه؟ بتسرقهم؟
- حكى له: لأ، بتيجي جاجه هيك هيك لي وبتقلبي وبتخش بعرفش شو بتسوّي.

- فبقول له: إئت كذآب،
 - فقال له: مش مصدقني إئتآ وشوف.
 رآح إئتآ ورا شجره من الشجرات. هي كل يوم بتيجي ميعاد الظهريه، ولا وهي جآيئه، حكمت للزله:
 شوبك شوبك راسك تحتك ورجليك فوقك
 انقلب الزله راسه لتحت ورجليه فوق. هالحين دخلت. هظاك براقب فيها من ورا الشجره، متخبي يعني.
 هي مش شايفته. نفس الحاجه عملت، انقلب الزله وسوت نفس القصه. وشافها يعني الملك لمنهآ
 تحممت وشلحت ثوب الریش ومشطت شعرها. شو لقيها، بنت جميله جدا. لما لقيها بنت جميله، إلآ
 هو رآح عند إمه وقال لها: بدك تحطبي لي بنت فلان. سأل عنها وضله ماشي وراها لعرف وين فاتت.
 قال لها: بدك تحطبي لي بنت فلان، دقت على الباب، فهي بتقول لها:
 - بدي أخطب بنتك لإبني،
 - فقالت لها: أنا فش عندي إلآ هالجآه هاي.
 - فهي بتحككي لها: كيف حكوا لي إنه فيه عندك بنت.
 - قالت لها: لأ، فش عندي بنت إلآ هالجآه هاي، حملت حالها وراحت، قالت:
 - بمآ إئت موديني، مرت ملك، أخطب جآهه؟ مش عيب عليك؟
 - قال لها: أنا هاي إللي بدني إياها، إذا ما بتزوجينيش هاي الجآهه أنا ما عمري بشجوز. راحت
 بالسرقه إمه، ورجعت كمان مشوار وقالت لها:
 - إبني بدّه الجآهه،
 - فقالت: كيف بدّه يتعامل معها؟ يعني إمهآ مش عارفه كيف إنحآ بتشلح الثوب وبتصير صبيّه.
 - قالت لها: خلص، أنا بدني إياها،
 رآحوا جوزوا إياها بالسرقه. وصرآ يتحايل عليها من هان هان، بترضاش تشلح. في يوم من الأيام صآر
 عرس لدار وزير، حكى لإمه:
 - روحي بمآ خذي مرني معاك.
 - فهي بتقول له: أؤخذ هاي الجآهه أؤخذها معي، وأقول عنها كنتي؟ بوخذهاش، خليها آتصل
 بالدار.
 - قالت: طيب، سمعتهن،
 راحت إئتبت بالخزانة وشلحت ثوب الریش، وتلبست وتروقت وترتبطت، وحملت حالها وسبقتهن على
 العرس. هالحين بالعرس مسكت تفاحه وضربتها لحمآها فقالت لها:
 - من وين إئت يا خآلتي؟
 - فقالت لها: من بلد النقآح.
 بعد شووي دارت على الشقه الثانيه حملت مشط ورمته على حمآها، فقالت لها حمآها:
 - من وين إئت يا شآطره يا بنت؟

- فقالت لها: أنا من بلد لِمَشاط،
- فقالت لها: يعني إنتي بتقولي كل مره شكل يعني بتكذبي عليّ؟
- قالت لها: لأ بكذبش عليكي. فهي رَوحت على الدار. وهو فتنش وراها لقي ثوب الرّيش راح جابه وخباه الثّوب. إجت تجري لقت الثّوب محبّبا، قالت له:
- أنا بدّي الثّوب،
- قال لها: فش ثوب. فيه... فشّي، ...²⁸⁸ المهم إلّا هي جايه إمه،
- فقالت له: يمّا شفت لك هالبننت، هاي العرايس، هاي النسوان، مش زيّ مرتك، متجوز لي إياها جاجه. إلّا هي بتتطلع لقتها قاعده على النخت،
- هاي البننت إللي شفتها. شو جابها هان؟
- قال لها: هاي الجّاجه ياللي أنا تجوزتها. ومسك الثّوب وحرقه، ورجعت البننت لطبيعتها، يعني صبيّه. وتجوّزوا، وقاموا الأفراح من أول وجديد، أربعين يوم وأربعين صباح وهمّه يطبخوا ويرقصوا ويطعموا ويعشوا... وتوته توته فرغت الحدوته...

288. فيه... فش: تعبير عن وقوع جدل بينهما حول وجوده وأنكار وجوده.





الحماه والشحاد

خريفية ثأية نكته هذي، واحد إمه حاططها في هالحذل²⁸⁹، ونسوانه، إله نسوان ثنتين، وحده طول النهار تمزّ فيها، ما تفلتهاش. ووحدهه بتشتغل الشغل، أجا عليهن هالشحاد قال لها:

- إرزقيني الله يرزقك!

- قالت له، أنا بفلتس الحبل بتدور إتعيط. نتيجي ظرتي مش هان بتزقك، راحت ع العين.

- قال لها: ولّ إشو إللي بتهزي فيه إنت؟

- قالت له: حماتي.

- قال لها: خليها تطلّ عليّ من الحذل.

- رفعت راسها عليه.

قال لها:

- هذي بدها جوز.

- قالت له: بدها جوز ولا ما بدها أنا بقدرش أفلت الحبل، جوزي بظربني.

- قال لها: بدّيش هالرزقه إللي منك.

- راح. دارت ترنّ، تعيط للمغرب، وهي تعيط، رجع ابنها:

- مالك يمّا؟ ليش بتعيطي؟

- قالت له: بدّي مثل ما قال الشحاد.

- قال: شو قال الشحاد؟

- قالت له مرته: قال بدها جوز.

- بدك جوز يمّا؟

- قالت له: آه.

289. الحذل: أروحة بسيطة، إذ ينصب حبلان متوازيان قريبان من بعضهما البعض، بحيث يمكن تثبيت كيس من الخيش أو الكتان بينهما، يشكل مكاناً للاستلقاء فيه، ويربط بحبل بهزه شخص آخر. ويستعمل للأطفال لتتويمهم مع هز السرير بالطفل.

يُرق أبو لحيتته، والله غير أروح أجيبه.
 همّه بجزوا فيها مشان توريهم دُخيرتها²⁹⁰. طول النهار وحده تمزّ فيها، بمنها توريهم دُخيرتها، وما ورّتمش
 دُخيرتها.

يقولوا لها: بما وين دُخيرتك؟ بكره بتموتي وثبغّطيش عليها.
 تقول لهم: تآبجي أموت ويقول لكم، تآبجي أموت ويقول لكم. حطّوها في هالجندل وطول النهار يهزّوا
 فيها تتوريهم دُخيرتها، ما ورّتمش دُخيرتها. يوم من الأيام راح لبس هالشرايح وغير حوايجه، وغير
 شكله، وبدقّ على هالباب، قال لها: إلبسي بما وهيبي جاي، رايح أدور عليه أجيب لك إياه. قامت
 لبست واتشلمت واتخذزت، دقّ ع هالباب:

- أنوه هاظ؟
- قال: أنا الشّحاد.
- أهلا وسهلا.
- قامت فتحت له أهلا وسهلا وفوت. دارت تنكش فيه.
- قال لها: أنا بحكيش إلا تمتك تجيبي كل دُخيرتك.
- هالفيت يجيب لك إياهن، قالت له.
- قال لها: طيب.
- دارت تجيب له في هالمصاري وفي الذهب وفي الأساور.
- أخرى جبي لي، أنا بحكيش معاكي إلا تجيبي لي كل دُخيرتك.
- قالت له: والله وحيّاة عمرك ما ظلّ معاي ولا خرزه من دُخيري.
- قال لها: تروح أخيبهن، ليروح يعثر فيهن ابنك.
- روح خيبهن، قالت له.
- طاح طاح وزمّ حاله وشلح حوايجه، وراح عند مرته، عند نسوانه، وهذيك ظلّت تستتي تستتي تستتي
 تستتي، ما حدا ظلّ عليها من الصّبحيات. دقّ عليها إننها

قال لها:

- بما إنبسّطي في هالجوز.
- يبيّ الله يقبره أهله، ما هو ما جاش، زمّ حاله وراح.
- وين راح بما؟
- قالت له: بدريش.
- شو بما إليّ سواه؟
- قالت له: ما سواش إشي، بس أخذ دُخيري كلّها.
- كلّ إذخيرتك؟

290. نخيرتها: مدخراتها من مل وحليّ..

- قالت له: آه كل إذخيري، بالله لا يجبره وما سواش إشي؟
- قال لها: طيب إرگبي على ظهري تروح نُدور عليه. ركبت على ظهره.
دار يقول:


- يا من شاف جوز إمي؟

- هي بتقول: لا بوس ولا قرص ولا قام الطيم عني.

ودار في هالحارات، تمته فرّ البلد فيها. رَدَسْهَا²⁹¹ عن ظهره، ولا هي طلعت خالصه، قال: الله يحرق شيبتك أنا موقف لك وحده من نسواني، ودايره تمزّ فيك طول النهار واللي ما تفلتش حدلك، واللي ولو انها زحمانه ما تقومش، وإنْت نقول لك وين ذخيرتك؟ ما تقوليش عن ذخيرتك، وحلّق شحّاد حطيتي كل ذخيرتك إله. موتي يحرق راسك، وزقوا حالهم وراحوا قبروها، وروّحوا....

291. رسها: ألقاها على الأرض بقوّة وغضب.





الكلب الأسود

مرّه كانت وحده ما بتخلفش قالت لجارتها: تعالي نروح نبقل علك. وهي تبقل، لحقها كلب أسود صار يبرم وراها، وكيف ما برمت يبرم وراها. صارت تقول إكفل ياالله إذا أعطيتي بنت بدّي أعطيها للكلب الأسود. روّحت بعدها ظلّت جبلّي، خلّفت بنت، البنّت كبرت وصارت تروح ع المدرسه وكل يوم يلحقها هالكلب ويقول لها:

- قولي لإمك إوفي بنذرك ولأ بقصف عمرك. وهي تنسى. أول يوم ثاني يوم ثالث يوم، آخر إشي حطّلها حجاره ببنطلونها مشان تفتن. روّحت، نسيّت، شلحت أواعي المدرسه، فطنت. قالت:
- يّمّا يّمّا في كلب بلاقيني ويقول لي: قولي لإمك إوفي نذرك، يا بقصف عمرك،
- قالت لها: شو بدك فيه هذا كلب، أبصر شو ماله. روح يا يوم، تع يا يوم، ولأ زله خيال قبطاي، راكب فرسه، وصل باب هالحشّه إلّي ساكنه فيها، ربط هالفرس، وفات،
- السّلام عليكم،
- وعلّيكم السّلام يا عم،
- قال لها: أنا ما تفضّل من دون ما تقولي. أنا طالب القرب منك بدّي بنتك:
- قالت له: إلي الشرف.
- قال لها: عارفه مين أنا؟
- قالت له: لأ والله،
- قال لها: أنا الكلب الأسود إلّي كنت لاحقك،
- قالت له: دخلك بعرضك مشان الله، ماليش غيرها مُتت لما شفتها.
- قال لها: مستحيل، إلّا بدّي إياها.
- قالت له: بدّي مهر غالي.
- قال لها: قديش؟
- قالت له: شقفة حرير من باب دارنا لباب دارك. قرّدها.
- قالت له: بدّي ثقلها ذهب. أعطاها. شو بدك بالسّيره، أجوا فارهه تيوخذوها. ركبوا هالعروس ع

الفرس. مشيوا وراها، ظلّوا ماشيين لنصّ الطريق. غابت الشّمس أعتمت الدّنيا، تعبوا، قالوا: تنّا إنّا، شويّ بطلع النّهار ومنكّمل. وهتيّ نايمين، هالعروس صارت تتطلّع هيك وهيك، شافت بصّة نار بالجلبل، ونزلت لك عن الفرس وطارت لعندها. ولآ هي مغاره وفيها إشي مخزوق شويّ بيّن منه شويّة فظا. دقّت:

- إفتحوا لي، إفتحوا لي،

- قالوا: مين إنت؟

- قالت: أنا إنسي، فتحوا ولآ هتيّ سبع أخوه،

- شو قصّتك؟ حكّت لهم.

- قالوا لها: نامي، نامت.

أول يوم ثاني يوم صار هظاك يقول: أنا بدّي إياها وهذاك يقول: أنا بدّي إياها. نظّ الزّغير وقال: لآ هاي بدنا نعتبرها أخت إلنا. خاوها وصارت أختهن. فاقت الفارده، فش عروس، روّحوا عند العريس قالوا له: هيك هيك القصّه، إنخرمت العروس، قام رجع العريس كلب، يعني جنّ، اسم الله، صار يبرم ويقصّ الأثر عليها تنوّ استهدى، صار كل ليله يبجي ويقول لها: مصّصيني إصبعك يا بطقّ وموت. وافقت على جمعه، شو هالبنّت قلبت ريعه²⁹²!

- بشرفك خيتي شو مالك؟ شو قصّتك؟ فهمينا القصّه

- قالت لهم: هيك هيك القصّه.

- قالوا لها: بنشوف، ربطوله وما قال لها هيك ولا هنّه طاحينه وقالوا له:

- لنحرقك مثل ما حرقت قلوبنا عل أختنا، حرقوه باب هالدار قلب كوم سكن. صاروا يقولوا لها:

- خيتنا بدنا نطلع ع الصّيد

- قالت لهم: الله سهّل عليكم، أنا بدّي أطلع ع العين أغسل الغسيلات، قالوا لها: منخلّي لك أخونا

الصّغير، طلع معها، راح يغلي الميّ ع النّار وقعد يستنّي بأخته. وهي تظبّ الغسيل والجلي قالت:

بدي أخذ معي سكن أفرك الطّناجر. وهي تسفى سكن فانت تحت إظفرها شعره من شعرات

الكلب، قلبت وماتت، أخواها استطوها. ليش طوّلت؟ كبّ الميّ وحمل الدّست وروّح لقاها ميّته!

صار يدبّ الصّوت، أجوا إخوته بكياو تنهن إستوا. وصاروا يقولوا: ما منحطّك بقر خيتنا، والله

لنحطّك ع جمل طيار، إن شاف النّاس يطير وان ما شافش يهدي ويرعى. جابوا هالجمل وحطّوا

هالتابوت عليه وقالوا لها: بخاطرك مع السّلامه. وطار الجمل ظلّ طائر. ولآ صيادين ومعهم ابن

الملك دايرين يصيدوا قال لهم: كلّ الصّيد لكم إلّا الجمل، أبصر شو في على ظهره حوّطوه وزقطوه

وأخذوا هالتابوت فتحوه ولآ شو هالبنّت مثل البدر حملها وطار ع القصر. بالقصر سبع غرف

حطّها بغرفه وسكّر عليها، وقال لإمّه: الأمانة ما تفتحي هالغرفة. ابنها كل يوم صار يروح يفوت

ع هالغرفة، يكشف عن البنّت ويكيّ تنّه ينتهي. ضعف هالشّب وخرب. صاروا إخوته يقولوا

292. قلبت ريعه: ساءت حالتها بسرعّة

- إلامه: شو كئك إنجنيتي إفتحي الأوضه وشوفي شو فيها. ولا شو هالبننت قالت: يا حرام ميتة، هات
نغسلها وهي يغسلوها نظفوا أظافرها ولا هالشعره سحبت من تحت الأظفر ولا بتقول:
- أشهد أن لا إله إلا الله، وين إخواني؟
- قالوا لها: هالقيت بيجوا، أجوا خرفوها شو القصه وكيف وصلت. وقالوا لها: هسه بدنا نعدك
ونلبسك بدله نظيفه، وتنتظري ابن عمك العريس. حطوها بغرفة ثانيه. روح الولد دغري ع الأوضه
إللي فيها ما لقيهاش أجا،
- بما بما وين رحمت فيها؟
- قالت له: قبرناها،
- قال لها: وين؟
- قالت له: إفتح هاي الأوضه. ما فتح الأوضه ولا شو مثل القمر هالعروس إنجوزها. هسا صارت
الناس تروح ع الحج، سجّل وبدّه يروح وصّى إمه ع مرته قالت له: إتكل على الله. هو تسهل ع
الحج، وهي قالت لها:
- شو إلك عنا؟ يا لله مطرح ما كنت إرجعي. هسه البننت يا حرام وين بدها تروح؟ صارت تبكي.
أبعدت عن الدار وقعدت بخشّه زغيره، وصارت تبكي، ولا جاي هالطير هرّما من كنفها وقال لها:
- اطلبي وأتمني،
- قالت له: جوعانه بدّي أكل
- قال لها: بس؟ أطلبي إشي ثاني؟
- قالت له: بدّي قصر حدّ قصر ابن الملك وقدامه داليه حامله حصرم، وحواليه خدم وأنا ملكه.
مثل رمشة العين سؤلها قصر، ماهو جنّ، هسا، روح إبنها من الحج، غيّرت شكلها، ولبست
أواعي مرته. أجا،
- وين إمي؟
- قالت له: ماتت، الله يرحمها،
- وين قبرتها؟
- قالت له بقاع الدار، هي ذبحت خروف وقبرته قبل ماروح، المهم إنجوزت إبنها وحبلت وصارت
تتوحّم، وهي مش عارفه القصر حدّهن لمن، صارت تقول لابنها اللي هو مشجوزها، بدّي حصرم
من هذيك الداليه، بعث الخادم دقّ ع الباب فتحوا له، إتفضل فوت، فات عندها مش عارفها،
وصار يقول لها:

سنّا سنّا يللي قصرك حدّنا أعطينا حصرم للوحانه إللي عندنا.

قالت له:

إبن الملك لاقاني وعباته خبّاني وأمه العجوز الوحانه تيجي وحمته علي

يا مقص قص لسانه. رُوح بلا لسان انجَنَ ابن الملك، بعث أخرى مره واحد نفس الإشي. قال: والله
بدي أعرف مين هاي إللي بتقصص لسانات الناس. راح قال لها:


سَنَّا سَنَّا يللي قصرك حدنا أعطينا حصرم للوحمانه إللي عندنا

قالت له:

- ابن الملك لاقاني وعباته خباني وأمه العجوز الوحمانه تيجي وحمته علي
يا مقص قص له طرف عباته هسا قال لها:

- عيديها، قال لها: مين إنت؟

- قالت له: أنا مرتك، والوحمانه إمك! رُوح عند إمه، قال لها: بدي أشوف إمي، أنا شفت جارتنا
هسا، بدي أشوف إمي جاب عمال يفتحوا القبر. قالت له: دخلك، بتخنقنا الرّيح. المهم غصبن
عنها بحش ولا هو خروف صار يقول: يامين بحبّ الله ويحبب حطن حطب وشقفة نار. وبالله،
دبّ إمه في النار وحرقتها، ورجّع مرته ...



الصبيّة وزهرة التّرجس


كان يا مكان في قديم الزمان، تاجر ميسور الحال، في إله ولد وبنت. في يوم من الأيام مات التاجر. وصّى ابنه يهتم بتجارته وإنه يدير باله على أخته. وتحسنت تجارته، ودايماً أخته بتقول له: تجوّز، بس هو ما كان يقبل، لإنّه بخاف من مرته تتحكّم بأخته. ولكن في الآخر الأخ إقتنع وتجوّز، وعاشوا مع بعض حبايب ومتفاهمين. يوم من الأيام قال التاجر بدي أروح غ الحجّ. وحبس مرته مع أخته، وقال لها: ما تخليها تطلع من باب الدّار. وبعدين جاب ناقته وسافر مع قافلة الحجّاج. في هظاك الوقت القديم كان الحجّاج يغيّبوا شهور، وهم في الحج حتى يرجعوا. وفي غيبته كانت مرة التاجر تمنع البنت من الخروج. لكن في مرّه غافلتها وطلعت من الدّار. في هظاك الوقت كانت الأزهار متفتحة حوالين الدّار، وأعجبت البنت زهرة التّرجس، فمالت عليها وشتمتها، وبعدها حبّلت البنت. وصار بطنها يكبر، وبعد أربع خمس شهور، تأكّدت مرة أخوها من إللي صار. أخذتها وخبّتها في السّرداب. وكانت توّدي لها شويّة أكل كلّ يوم، حتّى خلّصت الحمل، وجابت هالطفله الحلوه. ورجع أخوها. وبعد شويّ فقد أخته وسأل عنها، وقالت له: إنّه أخته ماتت ودفنوها. وزعل عليها أخوها، وبكى عليها فتره من الزّمن، وبعدين نسيها. وعاشوا حياتهم مثل ما كانوا عليه. وكانت أخته ترضع الطّفله في السّرداب، وتوكل من هاللي يتحن عليها مرته. ويوم تنسى توّدي لها ننفة هالأكل تظلّ بالجوّع. وفيه يوم سمع أخوها عياط الطّفله، وسأل مرته عن اللي سمعه، فأنكرت أنّها سمعت أيّ صوت. راح على السّرداب، وانصدم لما شاف أخته ميتة، وطفلتها على صدرها ترضع منها. ولما سأل مرته ما جاوبت وما حكّت أي شيء. جوزها حمل الطّفله وهو يسأل:

- من وين أجبيني؟
- قالت له الطّفله: أحكي لك بشرط تحطّ لي صحن نرجس وصحن لبان. جاب لها اللي طلبت وهو يتّطلع عليها. قالت له:

أنا نرجس بنت التّراجس
خالي الكريم الجالس
إسمع يا ابن الشّطار
وحطّ كلّ كلمه بدينار

من كلامها عرف براءة إمها، فراح، وجّهّر لها جنازه، ودفنها وعاشوا في خير وسعاده وهداة بال...





شعله

من هون لهون، إلا هالمزه مات جوزها، ما خلفها إلا هالولد، ظلت تفرق عليه وحلفت ما بجوز. شو طلع هالولد مدلل مُنغغ، كل شي إله حاضر. إيش ما طلب تجيب له وهي طول الليل والنهار تقحش. ربت هالجتاح وهالتحل وهالغنم وهالستان اللّي تعالوا وتفرجوا. كبر الولد وابن الخرقية بسرعه بكبر، راحت إمه جوزته هالبت البيتمة قليلة هالحيله واللّي البسته بتوكل عشاها. صاروا لما يقعدوا يوكلوا إذا ابن العجوز قاعد العجوز ما تحكي ولا إشي، وإذا الولد برّه بعد ما توكل العجوز هي وكنتها أكم لقمه تطبّ الأكل وتقول:

شبعنا وشبعت كنتنا وظلّ الطبيخ ملا هتابتنا²⁹³.

وبعدين صار الولد يغيب عن الدار ورا شغله. وصارت الكنة تجوع. يوم رجع الزله شاف هالمزه طعيفه ووجها أصفر وحالتها بالويل، تحيرّ الزله شو مال المره. راح حكي لصاحب إله حكايته، قال له:

- إسمع هذه مرتك يا إنها عشقانه يا إنها جعانه.
- قال له: شو هالحكي، كل شي موجود من خير الله وخيرك. وبعدين البنت آدميه ومش بتاعة هالشغلات. قال له صديقه:
- إسمع، خذ معاك هالقيت وإنّ مروّح جاجه مطبوخه من عند العشي، فإذا أكلت وانبسطت بتكون جعانه، وإذا أكلت شوته بتكون عشقانه. يا الله راح الزله، ميل على هالعشي وشري هالجتاحه المطبوخه والمحمّره ولقها بمالزغيف وركض على البيت. راح لقيها قال لها:
- خذي يا مره، والله أنا بقيت معزوم عند جماعه أصحاب، وتغديت وقلت أجيّب لك وأنا جاي هالجتاحه تتغدي. قالت المره:
- كلها إلي؟
- قال لها: أيوه كُلي يا مره. المره حطت الزغيف قدامها وبدت تسلخ في هالجتاحه وتوكل زي المسعوره.
- قال الزله: آه هذه المره جعانه، بس ليش بتجوع؟ صار يسألها قالت له: ولا إنت بتطلع وتطش

293. هتابتنا: الهنابه وعاء خشبي مجوف يستعمل لوضع الطبخ فيه، وخصوصاً طبخ الفتيق أو الفقة. وتسمى أيضاً الكرمة.

وإمك بتحطّ الأكل وما يبلحق نوكل لقمه ننتين وإلا هي قائله: شعبنا وشبعت كئتنا، وظل الطيخ ملا هئابنا! ويتظّب الأكل. وإذا غابت كثير بتقول قبل ما تطلع: صحيح لا تكسري ومكسور لا توكلي وكلي يا كئني تا تشبعي. الزّله باقي نذل وما قدرش يعمل إشي، يوم فيه مَرّه قويّه جاره إسمها شعله، سمعت بالسّيره. راحت للمسكينه قالت لها: أنا بخأصك من العجوز بس إقنعي جوزك يتجوّزي. إيش لك بطول السّيره راح الزّله تجوّز شعله. صارن ننتين بالذار الزله قعدله جمعة زمان عند نسوانه، وبعدين طشّ ورا شغله. العجوز صارت تحطّ الأكل. ما يلحقن النّسوان يوكلن أكم لقمه وإلا العجوز بتقول:

شعبنا وشبعت كئتنا وظلّ الطيخ ملا هئابنا

مدّت إيدها على الهنابه ترفعها، راحت شعله حاطّه إيدها على الهنابه، وملزّقتها في الأرض. وقالت لظرتما: كلي يا ظرتي تانكمل تالي الباطيه. العجوز ما قدرتش تقول إشي لكئتها، طقت قهر. يوم والله العجوز إجت بداها تقصر المسطبه²⁹⁴، قول فُصرتما ونزلت عنها. المسطبه طريّه، فطلعت ع الحاكوره تلقط الحظريات، راحت شعله ركبت هالعجله، وطلعت على المسطبه خفّشتها، ونزلت. راحت قعدت باب الدّار تطزّر. إجت العجوز، وإطلعت على المسطبه وصارت تقول: الخبايط خبايط العجله والعماييل عماييل شعله.

راحت يوم من الأيام العجوز بداها تطلع عالسهل مشان تقطّع هالعسلات. راحت العجوز حملت الجرون، وطلعت بعد ما سكّرت الابواب، وما خلتش إلا البيت إلّي فيه الظّراير، شعله وظرتما. والله العجوز طلعت من هون، وكئتها شعله لحقتها من هون. شافتها وين هناك على راس الجبل وقعدت. راحت شافت هالعسكري قالت له: وينك يا أخوي، توخذ ليرة هالذهب وتعيرني بدلتك وحصانك بس ساعة زمن، أقعد هون بفيّة هالسّجره على بين ما أرجع. العسكري أخذ ليرة الدّهب، شافها دخ، وأعطاهما البده والحصان. وراحت شعله على مدّ بطن الحصان²⁹⁵، تاوصلت العجوز، عاد وهي ملثمّه. قالت للعجوز:

- شو بعمل هون إنت يا عجوز؟
- قالت العجوز: يا بنتي جيت أقطّع هالعسلات، هون أوسع من الدّور.
- قال لها العسكري: لا، لا، إنت عجوز سارق عسل.
- قالت له: ولو يا بنتي، والله إنخ عسلاتي، بيني وبين شغل النّاس الله يا بنتي.
- ونزلت فيها شعله بالكرباج، ووين الجنب إلّي بوجعك حتى استوت من الظّرب. وركبت شعله الحصان، ورجعت، أعطت الأواعي والحصان للعسكري، وسبقت العجوز على الدّار. راحت لظرتما وقالت لها:
- وُلّك اسمعي، هيك هيك صار معي، هسا بس تيجي العجوز، أنا بحملها ويطلع فيها الذّرج لفوق، مشان أحطها في العليه، بتخليني نمّي أصير فوق آخر درجه، وبتقولي لي: ما دريتيش يا خايه! ما هو أبوك مات.

294. تُقصر المسطبه: تغطّي أرض الغرفة وتسهّلها باستعمال الشيد أو الاسمنت. وتسمّى القدّة.

295. على مدّ بطن الحصان: بأقصى سرعة ممكنة للحصان..



- قالت لها: طيب. والله نيفه، إلا هي جايه العجوز بتجترّ في حالها جترّ، لا معها غسل ولا معها غراب البين. بتعيط، شعرها مكنفش، وحالتها بالويل. ركضت شعله وقالت لها:
- سلامتك يا عمتي. عمّتها لا بتردّ ولا بتصدّ. راحت شعله حملتها، وقالت بدّي أطلع عمتي ع العليّه. شو العجوز قدّ الكبشه. حملتها بين إيديها وطلعت الدّرجات وهي تقول لها: سلامتك يا عمتي، بعيد الشّر عنك. والله صارت شعله على آخر درجه، ولّا ظرّتها طالعه من البيت تقول لها:
- ولك يا مشخّره يا شعله أبوك مات! هذيك شعله صرخت صوت من قحف راسها:
- يا بوي يا حبيبي. ودبتّ العجوز من بين إيديها، ولّا هي بتدّخل تمّنها وصلت قاع الدّرج. هاي العجوز ساعتها قطعت النّين والنّفس. أجوا الجيران، وفوتوا العجوز، وتلملمن هالعجائز عليها، وصارن يوصفن لها وصفات. العجوز فشّ فايده، إلنوق لسانها وبطلت تحكي. بعد أكم يوم أجا ابنها، شاف إمّه حالتها بالويل، قعد جنبها وصار يقول لها: كيف حالك؟ العجوز مش قادره تردّ، صارت تأشّر على شعلّه بدها تقول، إنّه إللي ظربها شعله وتأشّر عليها بإيدها. قالت لهم شعله:
- شايفين عمتي قاعده بتوصّي إنه خواتمها إلي.
- لالا يا عمتي بعيد الشّر عنك. رجعت تأشّر العجوز على رقبتها وعلى شعله، يعني إنّه شعله بقت بدها تخنقها.
- صارت تقول شعله: وبعدين معك يا عمتي إحنا بيش وانت بيش. وصارت العجوز تأشّر على راسها واكتافها واجريها ووسطها، وتفسّها يطلع وينزل. عاد بدها تقول إنّه شعله ظرّتها هون وهون. أمّا شعله صارت تقول:
- شايفين عمتي قاعده بتوصّي لي بذهبها إللي مربوط على وسطها، واللّي برقتها، وحتى بأواعيها. هاذي العجوز بدها تطقّ من القهر، لكن شو تعمل لسانها ملووق، ومش قادره تقول إشي. صاروا الناس ييجوا يزوروا العجوز، وتصير تأشّر لهم، وشعله تقول: إشهدوا هيها بتوصّي لي، والله أكمن يوم العجوز ماتت. وصقّين الكنانين الثنتين مع هالزله الطيب.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.





حديدون والغولة

كان_ ياوليداتي_ هالزله ومرته ميته، وعنده ولدين. الدنيا شتا، قال لمن: «يا أولاد روحوا هاتوا شوية حطب من الخلا»، قالوا له: «طيب ياأبا».

راحوا عاخلا وأبعدوا وصاروا يلّموا الحطب، ولاقوا حطب كثير، وإلا جاي عليهم هالغولة. قالت لمن:

- أهلا، يا أولاد أخوي، يا حبيبي، مرحبا... وين يا وليدات أخوي؟» وين أبوكو ووين إمكو؟

- قالوا لها: «يا عمتي أبونا عمره ما قلنا إنه في إلنا عمة».

- قالت لمن: «هوما في، بس أنا عمتكو، تعالوا يا حبيبي تعالوا، والله ما انتو رايحين. تعالوا تأحملكوا قناطير حطب، والله ما انتو رايحين غير ما تتدقوا وتتعدوا».

أخذت الاولاد وزاحت عالمغار. حطت الاولاد وجابتلهم من اللحمه اللي سرقتها. - قالت لمن: «والله يا أولاد أخوي ما إنتو رايحين!»

- قالوا لها: «بس أبونا بزعل وبضربنا».

- قالت لمن: «يا عمتي أنا بروح معكو. والله يا عمتي ما إنتو مروحين، غير إنتلوا عندي جمعه، وأبوكو بدتر حاله».

الأولاد مساكين جاهلين، ضحكت على عقولهم، ظلّوا عندها وهي تجيب كل يوم من اللحوم إلیي تفترسهن، تطعمهم وترقي فيهن منشان توكلهن في الآخر.

أبوهم في البلد إستطولهن، ودار يدور عليهن ويسأل عنهن الرعيان، مش لاقيهن، قال والله غير أروح

أفتش عليهن في الخلا. صار يمشي في الخلا وينادي، ويدور، وآه هاللي موجهه عليه: أهلا يا خوي

... أهلا وسهلا يا خوي... يا مية مرحبا. يوم شافها عرفها إنما غوله، شرد، هي تجري وراه، وهو يجري

قدّامها، أتدعّرت، إلتهت في حالها. وهو يجري لاقى قدّامه مزرعة بطيخ، كل بطيخه بتسع زله. معه

شبريّه، فتح هالبطيخه، قوام وفات في وسطها. ما وسعتش مزبوط من العجلة، ظلّت امبيته منه زبرته


وذانه. بعدين سكر البطيخه عليه. قامت هذيك (الغولة) ففعلت²⁹⁶ حالها وقامت تجري.... تجري...

مرقت عن مقناة هالبطيخ وآه هالبطيخه مبيّن منها زره وذان! حملت البطيخه، والتتهت عنه، وروحت

296. ففعلت حالها: حرّكت نفسها ونهضت بصعوبة

المغاره وهي تقول: (ذان ذان... للبطيخه زبره وذان! أخذتها المغاره عشان تلهي الأولاد فيها. بعدما حطتها قدام الأولاد قالت:) وأنا ليش راحت فريستي مني؟ والله غير أرجع أدور عليه). عادت تجري عليه. وهي أبعدت تدور عليه، تجري في الخلا وتنادي وتصيح، وهوفتح البطيخه، وطلع منها.
قالوا: (يايا)!! قال لهم:

- (أبوكو، قوموا قوموا يا قبرتوا أبوكو، بتعاود عليكو بتاكلكوا... غوله!! الحقوني يايا)، مسك في الاولاد وطلعوا عالخلا يجروا يجروا، تقرب قربوا عالبلد، قامت شافتهم، وهن يجروا قدامها، وألا هالزفة في البلد، قايمين الأفراح والغنائي والدبكه، هذول يا حرام هجموا عالناس: (طنيبين عليك! وخلصونا من هالغوله) قاموا أهل البلد شردوا، إلبى جاب معاه فاس، اللي معه شبريه، إلبى جاب طوريه... اللي بإيديهن، وهجموا عالغوله، واستقوا عليها وقتلواها. واترحوا منها كل أهل البلد.
وتوتوتوتو، خلصت الحدوتو...



اللي جوّز اخته بطبريا

فيه واحد جوّز اخته في طبريا، وهو جوّز، أخذ بنت هالحلال. كانوا زمان يطحنوا عَ إيديهن مش زي اليوم. الوخدّه تطحن عايديها، وتخلّ النخالات تجيبهن وتطعمهن لجوزها، والتّاعمات إلهما ولصاحبها. قال لها:

- يا مره طيب ليش ما بتعجنيلنا غير نخاله؟

- ” قالت له: ” شو بدّي أساويلك؟! ”

«أختك متجوّزه في طبريا... وفصوصها رايحه جايّه
بتوخذ التّاعمه الناعمه... وتخلّي الخشنه ليّا“““

- قال: (والله غير أروح لعند أختي).

سحب حاله وراح عطربريا، قعد شوي، قال لها:

- يا أختي: عيلتي ²⁹⁷ بتعجنلي نخاله، وابت فصوصك ييجوا بوخذوا التّاعمات الناعمات، ويبخلوا الخشنات.

- قالت له: (إسمع أنا فصوصي لا ييجوا ولا إشي. هاي عيلتك إلهما صاحب. خذ هالديك قالت

للديك: (تعال)، أجا الديق، قالت له: (إنذبح يا ديك)، إنذبح الديق لحاله. قالت له: (إنعط

يا ديك) إنعط، قالت له: (إنقطع) إنقطع. أجت غسلته، حطّه في هالقدر وعلقته. وولعت

تحتة النار. قالت له: (إنزل) نزل، كئنه، وأكلوا لحماته، ولموا ريشاته وعظامه، ودفنتهن. قالت له:

(دقّ يا بوقفندا) وآ هالديك إنتفض. سبحان اللي خلقه. قالت لأخوها: (هذا الديق بطلع عيبة

مرتك) قال لها: (طيب).

أخذ الديق ورجع. لما وصل قال:

- (إنذبح يا ديك) انذبح، (إنعط يا ديك)، إنعط (إنقطع يا ديك) إنقطع. حطه في القدره، وولع

النار تحتة. قال: (إستوي يا ديك)، إستوي. (إنزل يا ديك) نزل، أكلوا لحماته هو ومرته. ولملّموا

297. عيلتي: يستعمل مصطلح عيلتي بالإضافة الى المعنى المعروف (عائلتي أو أسرتي)، بمعنى آخر هو (زوجتي)،
وكلن العائله أو (العيال): بمعنى الزوجة أيضاً هي قاعدة العائله الكبيره وأسلسها.

عظامه وريشاته، وحطهن في المزبله ودفنه. وقال له: (دق يا ابوقفندا) قام إنتفض الديك زي ما الله خلقه. صار شو يقول له يعمل مثل مايقول له. قال لها: (الله اليوم بدي أخطر) سحب حاله وراح. أجا صاحبها قالت للديك: (إنذبح يا ديك) إنذبح. (إنعط يا ديك) إنعط (إنقطع يا ديك) إنقطع. غسلته وحطته في القدره، وعلقته فوق النار. قالت له: (إستوي يا ديك)، إستوى. (إنزل يا ديك) ما قبلش ينزل! قالت له: هذا مش قابل ينزل. مسكت القدره منشان تنزل الديك، قامت لَزَقَت في القدره. صاحبها قال: (أنا بدي أظل قاعد قبالتها أستنى؟ والله غير أعمل شغلتي معها وأروح). قام لَزَقَ فيها ظلُوا الاتنين ملزقين. لما رَوَحَ جوزها شافهن. قال للديك: (يا أبوقفندا، فَرَّ البلد فيهن!) صار الديك يفرّ، تا فَرَّ البلد كلها، وهن مشلحين. قال له: (دشّرهن يا أبوقفندا!) دشّرهن.



ترى مؤسسة تامر في توثيق التاريخ الشفوي رحلة شاقة ومتواصلة من البحث، ولكنها مثمرة بلا شك بما فيها من جسور تفضي الى ذاكرتنا الفلسطينية. وحيث أننا ندرك مساهمة التوثيق في إعادة إحياء الرابط الطبيعي بين الأبطال والآباء والأجداد ترسيخ التواصل بينهم عبر الأزمان المختلفة، يأتي هذا الكتاب كاستكمال للمسار والتاريخ الطويل في مؤسسة تامر من الاهتمام بالجمع والنشر والتوثيق.

إن موضوع القصص الشعبي إجمالاً، ومنه الحكاية الخرافية يدور حول كل من الشخص، العائلة، المجتمع، البيئة والكون. وجميعها إسقاطات للمشاكل التي تواجهها العائلة عادة في حياتها اليومية. وبما أن هذه الحكايات تروى عادة من قبل النساء وليس الرجال، فهي إسقاطات للهموم والمشاكل والرغبات والطموحات للنساء في المجتمع الذي تحكى فيه. الحكايات الموجودة في هذه السلسلة من الكتب أتت جميعها من المجتمع الفلسطيني.

حتى نفهم هذه الحكايات علينا ان نتعرف على طبيعة العائلة التي عاشت فيها النساء اللواتي روين الحكايات، إذ أن المرأة الفلسطينية كانت تقضي حياتها كلها ضمن عائلة عربية شرق أوسطية ممتدة. لذلك فإن بنية العائلة العربية الممتدة ووضع المرأة فيها هو ما يعطي الحكاية الخرافية الفلسطينية «نكهتها العربية».

ISBN 978-9950-27-049-7



9 789950 270497



مؤسسة تامر للتعليم المجتمعي

Tamer Institute for Community Education

